



6

39-a

22

11

6

28

D

20

~~6-39.a.24~~

vare vdi. Chancat T. vii. p. 320 =

~~I I a b~~





# GREGORII

## CORTESII MUTINENSIS,

S. R. ECCLESIAE

Presb. Cardinalis.



EPISTOLARVM FAMILIARIVM LIBER.

*Eiusdem Tractatus aduersus negantem B. Petrum Apostolum  
fuisse Romæ, ad Adrianum VI. Pont. Max.*

DVPLICI ANNEXO INDICE:

Quorum alter, nomina eorum ad quos Epistolæ  
missæ sunt; reliquus verò, scitu di-  
gniora complectitur.

CVM PRIVILEGIO.



VENETIIS, Apud Franciscum Franciscium Senensem. 1573.

43-

GREGORI

CORTESI MONTINENSIS

S. R. ECCLESIAE

Presb. Cardinalis.

ARISTOTELIS POLITICA

in octavo. Editio. 1700.

Per R. H. de la Roche.

DARICI ANNO INDICIS

Quarta. Editio. 1700.

Per R. H. de la Roche.

Quarta. Editio. 1700.

Per R. H. de la Roche.




Per R. H. de la Roche.

1700



S. D. N. GREGORIO XIII.

PONT. OPT. MAX.



Herfilia Cortesia de Monte. S. P. D.




*V*M Epistolarum Volumen & Opusculum hoc de cathedra Diui Petri à bo. me. Cardinali Cortesio patruo meo, dum inhumanis esset conscripta, quæ aliquot post eius obitum annos latuerant, & paulò ante non sine labore, atq; industria mea inuenta fuerunt, nunc eruditorum, præstantiumq; virorum hortatu impulsæ, edere in lucem decreuerim, cogitans cui potissimum illa dicarem, nemi in magis id muneris conuenire visum est, quàm Vestra Beatitudo. Nam cum diuina faciente bonitate, Sanctitas V. & summa sua cum laude, & maximo Ecclesiæ, populorumq; suorum beneficio, in ipsamet cathedra hoc tempore sedeat, atque eundem Cardin. animo beneuolo, grataq; memoria prosecuta omni



a ij 63 tempore

tempore fuerit, in me autem humillimam ipsius  
famulam, ea paterna benignitatis indicia de-  
derit, qua nec parua, nec obscura fuerunt; iu-  
re optimo hic libellus Vestra Beatitudinis tute-  
la, & auctoritati est commendandus. Eum igitur,  
ut qua consuevit benignitate suscipere di-  
gnetur, humillimè rogo, Deum Toram, ut ean-  
dem S. V. nobis, Sanctaq; Ecclesia quàm diu-  
tissimè seruet incolumem.





## Gregorij Cortesij Cardin. Vita.



REGORIVS CORTESIVS MUTINENSIS,  
Monachus Casinas, ex nobilissima Cortesiorum  
familia originem duxit: quæ quidem, teste Planu-  
sio Campanò, in libro de Familiis Italicis, à tem-  
pore Caroli Magni, Mutinam nouam ab eodem  
ex ruinis antiquæ Mutinæ, à Gothis Longobardisq; destructæ,  
reædificatam, habitare cæpit. Hæc enim Cortesiorum familia,  
à quodam Imperiali Vicario nomine Ludouicus Cortes inter  
Gallos nobilissimus, ortum suum habuit, qui cum esset à Con-  
siliis Pipini Regis Italiæ, Caroli filij, ciuitatem illam inhabita-  
uit. Ex ea igitur Gregorius hic noster natus est; qui Græcis,  
Latinisq; literis mirum in modum eruditus, ab iucente ætate,  
Ciuii, Canonicoq; iuri operam dedit; & apud Ioannem Me-  
dicem Cardinalem, postea Leonem Decimum Pont. Max. au-  
diendarum causarum munus exercuit; vt ipsemet fatetur in  
quadam ad eum Epistola. Demum, cum huiusmodi laboris  
onere præmeretur; & ad diuinarum litterarum studium, quie-  
tamq; transigendam vitam, diuino quodam instinctu pertrahe-  
retur, ad Cœnobium Diui Benedicti apud Mantuam conuo-  
lauit; ac Monaci indutus habitum; in eo viuendi genere ita  
profecit; vt omnibus muneribus, quibus apud cœnobitas il-  
los potiri consuetum est, mira fuerit prudentia functus. Tan-  
dem eius virtutis, probitatis, Religionis, ac scientiæ fama indu-  
ctus Paulus Tertius Pont. Max. in Collegium Cardinalium il-  
lum asciuit, Anno sui Pont. VIII. Domini vero M. D. XLII.  
Die 11. Iunij. Factus ergo S. Rom. Eccle. Presb. Cardin. TT.  
S. Ciriaci in Thermis; nihil ob eam dignitatem candoris, nihil  
probitatis

probitatis, nihilq; antiquę comitatis amisit, sed omnibus gratus, in sacrarum literarum studiis, innocenter ac pie, noctes, diesq; transibat. Anno verò eiusdem Pauli Tertij xiiii, acri morbo correptus, xi Kalend. Octobris, Romę è viuis excessit; & in Basilica xii. SS. Apostolorum honorifice ante altare S. Eugenię, omnium, & maxime suorum luctu, sepultus est. Plurima huius clarissimi viri monumenta relicta sunt, ingenium eius ac doctrinam testantia, præter hoc Epistolarum compendiolum, & aduersus negantem B. Petrum Romę fuisse Tractatum: quę tamen à nobis hucusque desiderantur; ea autem sunt

*De Theologica institutione Liber.*

*De potestate Ecclesiastica Tractatus.*

*Hymnorum, & Carminum Liber.*

*Tractatus D. Cypriani de Virginitate è Græco in Latinum versus.*

*Epistolarum Familiarum etrusco sermone Liber.*

Quamplurima etiam opuscula ab eodem edita; cum ad Theologicam, tum Philosophicam facultatem spectantia, Græcè, Latinèq; conscripta: quę (faxit Deus) vt aliquando virorum proborum opera in lucem prodeant; ne huiuscemodi lucernę diutius sub modio lateant, neve huius illustrissimi viri glorię quis inuidere videatur.

# INDEX EORVM,

ad quos Epistolæ missæ sunt.



<i>Bbati cuidam.</i>	<i>fol. 142</i>
<i>Amico cuidam.</i>	<i>260</i>
<i>Andrea Naugerio Greg.</i>	<i>17</i>
<i>Antonio de Prato.</i>	<i>237</i>
<i>Augustinus Episc. Grass. Jacobo Sadol.</i>	<i>41</i>
<i>Augustino Grimoaldo Episc. Grass. Greg.</i>	<i>34. 37.</i>
<i>92. 98. 179. 251.</i>	

<b>B</b> <i>Aptista Flisco.</i>	<i>93</i>
<i>Benedicto Theocreno Greg.</i>	<i>21. 25. 33. 49. 57. 185</i>

<b>C</b> <i>Card. S. Marcelli.</i>	<i>286. 287</i>
<i>Card. Rodulpho.</i>	<i>278. 279</i>
<i>Cassiano Camillo Genuensi.</i>	<i>64. 76. 96. 99</i>
<i>Celio Calcagnino Greg.</i>	<i>16</i>
<i>Christophorus Long. Greg. Mon.</i>	<i>12</i>
<i>Christophoro Longolio.</i>	<i>2. 59</i>
<i>Collegio Canon. Mutin.</i>	<i>288. 289</i>

<b>D</b> <i>Ionysio Monacho.</i>	<i>55. 141. 194. 195. 197. 198. 219.</i>
<i>- 244. 258</i>	

<b>E</b> <i>Usebio Mutinensi Monaco.</i>	<i>232</i>
--	------------

<b>F</b> <i>Ederico Fregosio Episc. Salernit.</i>	<i>38. 80. 103. 106. 107. 111.</i>
<i>112. 114. 117. 119. 121. 122. 123. 124. 183. 211. 214.</i>	

<i>217. 219. 223. 226</i>	
<i>Francisco Bellincino</i>	<i>165</i>
<i>Francisco de Sancto Venerio</i>	<i>66. 200. 242</i>

<b>G</b> <i>Eorgio Monaco.</i>	<i>162</i>
<i>Guido Ascanio Card.</i>	<i>281. 282</i>
<i>Gulielmo Langieo Regis Francia à secretis.</i>	<i>147. 267</i>
	<i>Heliseo</i>



<b>H</b> Eliseo Monaco.	152. 161
Hieronymo Aduino.	44. 46. 47. 68
Hieronymo Ghimuccio	101
Hieronymo Grimaldo.	188
Hieronymo Moneliano.	86
Hieronymo Monserr. Albati.	83. 153
Hieronymo Palmario Greg.	31

<b>I</b> acobus Sadoletus Episc. Carpent. Greg.	7. 75
Iacobo Sadoletto Episcopo Carpent.	4. 73. 212
Iacobo Ferro Ninenfi.	1. 143
Ioan. Medices Card.	220. 234
Ioanni Morono.	246
Ioan. Saluiato Card.	284. 285
Iuliano Monacho.	56. 89

<b>L</b> Amberto Episcopo Venusino.	40. 176
Leoni X. Pont. Max.	247
Luciano Monaco.	53. 78

<b>M</b> ichaeli Bentino Germano.	216
Michaeli Placentino Monaco.	239. 242

<b>P</b> amphilus Saxus. Greg.	189. 191
Paulo Sadoletto.	255
Paulo 111. Pont. Max.	269. 270. 272
Petro Bembo Card.	275. 276
Perpetuo Henriotto.	225
Philippo Saulio Episc. Brugn.	63

<b>R</b> aphaeli Placentino Monaco.	174
Rascafio Iuriscònsulto.	185
Seuerus Monachus, Cisterciensis, Cortesio Monaco.	138. 139. 264

<b>S</b> tephano Saulio Greg.	14. 18. 27. 29. 35. 88. 131. 132. 138
-------------------------------	---------------------------------------

<b>T</b> heocreno Greg.	23. 109. 127. 129. 203. 205
Vincenzio de Borlasca Genuensi.	170
Vitali Monaco.	208. 209. 228. 253. 256. 262



# INDEX EORVM,

## QVÆ IN HOC OPERE,

*scitu digniora visa sunt.*



ACADEMIA M.Varronis in monte Casinate  
fuit. fol. 233

Acciaioli commentaria in librum de moribus

Arist. commendantur. 122

Aduersa fortuna, verè amicos non tollit. 116

Amicitia quomodo excolenda. 8

Amicitia veræ signum. 200

Amicus verus, thesauro præciosior. 31

Amor diuinæ sapientiæ, omnē alium amorem abiicit. 91

Andreas Naugerus, virtutum, & literarum amator. 17

Antonius de Prato exoratur, ne contra Cenobium Lerinen  
se, quid indignum meditari velit. 237

Aquariana aqua salubris. 191

Athanasius regressus ab exilio, quo honore fuerit exceptus. 345

Augustini Grimaldi in Gregorium Cortesium amor. 181

Aurium tinnitus, ex amicorum distantium sermonibus. 37

**B** Abylonia Aegyptia, à quibus fuerit condita. 355

Bellum inter Columnenses & Vrsinos, intra menia Ro-  
mæ gestum. 243

Benedictus Theocrenus, filij Regis Galliarum præceptor. 187

Bessarion Cardinalis, monachus Casinas. 138

**C** Halydij commentarij in Tymæum ubi extant. 87

Camilli Cassiani diligentia in illustranda Cosmogra-  
phia. 117

Cardinales diuersi gratulantur Cortesio, quod collegio Cardi-  
nalianum fuerit ascriptus. 275

Celij Calcagnini commendatio. 233

Cenationis, eiusque architecturae descriptio. 142

Cenobij Casinatis instauratio à quo meditata sit. 234

Christus, quando decessit ex hac vita. 310

Collegium Canonorum Mutinensium gratulatur Corte-  
sio, quod Cardinalis creatus fuerit. 288

**b** Commen-

# I N D E X

Commentariorum Chriftostomi in Genefim commenda-  
tio. 41

Cornelius Tacitus aduerfus Chriftum impius fcriptor. 336

Corpora Apoftolorum Petri & Pauli Romæ iacent. 322

**D**iftantia locorum amicitiam non foluit. 27

**E**celefia vexatur diuerfis hærefum erroribus tẽpore Pau-  
li Tertij 272

Epiftolæ amicorum in aduerfis leuationẽ adferunt. 42

Excufatio in amicitia fupervacua eft. 25

**F**rancifci Galliarum Regis apud Papiam infelix concer-  
tatio. 240

Frãcifci Regis Gallię amor, erga humaniores literas. 148

Francifcus Rex captivus ad Picighitonum ductus fuit. 242

Fulgofæ familiæ laus. 22

**G**recorum vocabulorum declaratio. 136

Gregorius Cortefius ex Monaco Cardinalis efficitur à Pau-  
lo tertio. 269

Gratias refert Pont. fummo. 270

Gregorij Papæ, commendatio & laus. 301

Gimnafia publica humaniores literas, rarò profitentur. 30

**H**emorrois, ferpens venenofiffimus. 164

Hercules Genfiagus, politioris linguæ amator. 264

Herodes duo fuerunt, Antipas & Agrippa. 312

Hiantes coruos deludere quid. 3

Hicronymus in fcribendis hiftoriis, diligens inquirer ve-  
ritatis. 319

Hispani poft victoriam partam superbi. 241

Hymnus in Deiparam Virginem. 150

**I**ndignatio honefta erga amicum. 21

In Divum Honoratum, carmen. 157

In Lerinam Infulam, Carmen. 153

Ioannes Baptifta, vbi iugulatus fuerit. 313

Ioannes Gallus Muficus excellens. 218

Iudei omnes Roma expulfi. 315

Iuliani Grimaldi innocentia. 143

Iuvenibus danda eft relaxatio animi, & quare. 92

Laus

# I N D E X

<b>L</b> aus hominis monasticam vitam suscipientis.	3
Lerina insula reliquiis sanctorum Eucherij & Honora- ti decoratur.	86
Lerinensis insulae laus.	10
Leoni Decimo Pont. Max. gratulatur quod ad Pont. assum- ptus fuerit.	250
Liber omnis, aliquam vtilitatem affert.	41
Libri; quibus chari sint.	29
Libri studioso viro, quam chari sint.	46
Liberius Pontifex Romanus, cur in exilium missus à Con- stantio.	345
Librorum prohibitorum licentia retinendi ac legendi, à su- perioribus petenda.	75
Lingua hebraea D. Hieronymum deterruit.	216
Longolij interitus ab Gregorio deploratur.	177
Longolius Caelio Calcagnino commendatur.	16
Lupum auribus tenere prouerb. quid significet.	184
<b>M</b> arsilius Patavinus, vir impius.	309
Mensura cumulator reddenda est iuxta Hesiodū.	9
Momus, cur reprehenderit facturam hominis.	47
Mores corrupti ciuitatis Genuensis.	70
Mortui viri ex Saulia familia commendatio.	136
Musica apud Pythagoreos, quanti esset.	218
<b>N</b> Arcissus quidam, tanquam vagus describitur ab Am- brofio.	340
<b>O</b> ctauiani Fregosij constantia, dum Neapolim dedu- ceretur.	123
Onus gubernandi viro literato molestum.	209
Orationis Feder. Fregosij ad Genuenses commendatio.	118
<b>P</b> Auli Sadoleti epigrammata commendatur.	256
Patres antiquiores, dum scriberent contra hereticos, nō cos maledictis incessebant.	307
Persuasor contradicit verbis Lucę Euangelistę.	342
Petrus contra Simonem Samaritam Romam venit postre- mo Neronis anno.	317
Petrus post mortem Christi, quot annos vixerit.	310
Petrum Romę fuisse, ibi crucifixum testimonia plurima.	
322. 323. 324. 325. & sequ.	

Petrus viginti quinque annis Romæ cathedram sacerdota-  
lem tenuit. 321  
Philippus Saulius, Euthymium in Psalmos interpretatus  
est. 245  
Philosophia omnis in arduo posita est. 109  
Pudor subrusticus quos terreat. 4

**Q** Verelæ ex amicitia tollendæ. 176  
**R** Egio pessima est, in qua est eum Orco luctandum. 78  
Regis filius, quomodo sit erudicendus. 187  
Reprehensio honesta negligenti amici. 24  
Rex est lex viua. 68

Romæ antiquitates admirandæ. 79

**S** Ancti, venerandi sunt. 191  
Saulia familia Genuensis, officij ac humanitatis ami-  
ca. 133

Scriptorū antiquorum noīa, quorū opera desiderantur. 84

Seneca duobus annis ante Neronē obiit. 348

Sermones quotidiani, morum indices. 68

Seuerus Monachus Cisterc. M. Tullij Cicconis orationes  
emendauit. 139

Silentium inter amicos soluendum est. 258

Socratis dictum in iuuenem petulantem. 69

Solitudo, etiam hospitalitatem admittit. 100

Stephani Saulij erga Gregorium dolus ciuilis. 206

Studia molestis obruuntur. 44

Studium literarum commendatur. 56

**T** Empus amissum, iterum acquiri minime potest. 28

Teocrenus præceptor filij Regis Franciæ. 67

Thomæ Aquinatis laus. 236

Tractatus aduersus negantem Petrum fuisse Romæ 300. cur  
hunc tractatum scripserit. 302

**V** Enctiarum commendatio. 18

Vespasianus gentem & nomē Iudeorum extinxit. 323

Volumina antiquorum patrū, ex Græcia aduecta. 63

Vita solitaria quā delectabilis sit. 223

Vita Sancti Geminiani, à quo fuit descripta. 189



GREGORII CORTESII

CARDINALIS,

*Epistolarum familiarium,*

LIBER.



Iacobo Ferro Ninenſi. Gregorius Sal.



**E**x literis tuis, & ex verbis eius, qui sub  
fidei tua testimonio literas ad nos detu-  
lit, facile cognoui, quanto amore collegium  
hoc nostrum prosequaris. Et si istud ipsum  
iamdum & pollicitationes tuae mihi testa-  
tissimum, & suscepti pro nobis labores perspectissimum  
fecerant, nuper tamen hoc officio per te sponte suscepto,  
vidi, ut ea quae oculis cerni solent, tibi, cui nota sit hu-  
ius collegij integritas, cura etiam esse, ut pro meritis be-  
ne audiat, quippe qui, ut nimium amantes solent, vul-  
gi etiam rumusculis commouere. Ego vero, mi Iacobe,  
tantum abest ut hac vulgari fama in alterutram partem  
afficiar, ut mihi magis minusue placeam, ut etiam tunc  
recte me quippiam fecisse probatis viris probaturum cre-  
dam, cum factum aliquod meum, vulgi sermonibus dam-

A

nari

nari cognouero: quippe cui nunquam non sint cordi mendacium & vanitas. Rectissimeq; inquit Tertullianus, eam fame esse conditionem, ut non nisi cum mentitur perseueret: & ita demum vera nunciare, cum desinit esse fama. Quod si antea aliquando, nunc tamen potissimum, ut opinor, verum id esse à te cognosci potuit.

Tam nempe diuersa, tam inuoluta, tam etiam inter se pugnantia de Borbtensi regulo, vulgo erat disseminata, ut quemlibet vel mediocri præditum prudentia suppudere possit, eo fremitu fuisse commotum: perinde quasi non sit ille vulgi mos, tam in laudabilibus quam etiam in malefactis transuersum ferri in erroris scopulos. quæ vero mihi nunciata sunt, eiusmodi extitere: ut nisi te teste, nunquam fuerim fidem adhibiturus, esse istuc tam leuem tãq; ociosam plebeculam. Quid est enim quod tantopere admirantur, si vir. vnus atq; adeo omnium testimonio re-  
cti exempli & probatę integritatis, cupiat sacris initiari? nouum quippiam credo aut inauditum? an non quotidie, ut quęq; ciuitas maxime Christo seruatori, operatur, ita & libentissime aliquid audit eiusmodi & maxima insuper laude profequitur? Sed, opinor, eos mirari, quod hic, inter principes ciuitatis erat, at istud ipsum admiratione debuerat imminuere: quis enim facilius caduca hæc & inconstantia, quæ falso nomine bona appellamus, contemnere potest, quam qui fuerit sepius eorum blandit iis deceptus, vexatus molestus, elusus mutabilitate? Nam quod in nos vulgo culpa reiiicitur, quos dicunt dudum,

hunc



hunc hominem sollicitare: id vero eiusmodi est, ut & ve-  
rum esse negemus, nec tamen, si sit, culpam deprecari ve-  
limus, quippe quod, nescio quid comune habeat cum actis  
Apostolorum, quos constat uniuersum pene orbem per-  
agrasse, ut eadem ratione animos sollicitarent. Quod ve-  
rò ad hominis patrimonium attinet, non satis video cur  
deteriorem eius conditionem esse velint, qui se remque  
suam, quam qui nudus, semetipsum Christo offerat: curq;  
si hoc laudaturi fuerunt, illud tantopere damnent. An  
forte iccirco stomachantur, quod, ut inquit Flaccus, de-  
luserit hiantes coruos? nam & affines & propinquos ha-  
buit, quibus præ ceteris consultum esse voluissent, quasi  
verò illis omnibus qui pretium ad pedes Apostolorum pro-  
iciebant, nulli fuerint affines aut propinqui. Quid si etiã  
cognatorum non mediocris illi cura futura est, num adeo  
indignum videri debet, si qui profanus integro usurus  
erat patrimonio, nunc sacris addictus parte frui velit,  
quasi ipse sibi non sit heres legitimus, aut Christus ipsi?  
Hactenus ad ea quæ vulgo iactantur: sibi vero persua-  
sissimum esse certo scio, nihil nos aut cupide, aut inconsulto  
facturos. Fit enim omnibus copia conueniendi hominẽ &  
quingagenarium & suæ spontis, & qui sermone patrio  
loqui nouit explicite. Nudius tertius etiã cum eodem  
congressi sunt cõplures affinium, quos puto, non mediocri  
rubore affectos abscessisse, ob ea quæ de nobis passim falsoq;  
iactauerant, cū præter opinionem repererint illum nec mu-  
tasse vestem nec dominium rerum suarum à se alienasse.

*Quid verò deinceps nouitius hic noster acturus sit, scio me tam ignorare, quàm etiam non curiose inquirere, quod ex eius hereditate nulla mihi ad commodius viuendum fieri possit accessio, nec etià si futuram sperè, maximopere id sim curaturus. Credo equidè, patres meos, nec precibus ab eo quippiam, non modo non vi, expressuros, nec tamen munus aliquod si ab eo offeratur, repudiaturos esse. Quod reliquum est, me tibi & fuisse semper amicissimum existimes velim, & futurum etiam confidas. Vale.*

*Iacobo Sadoletto, Episcopo Carpen-  
toratensi. Greg. S.*

**C***Umprimum in hanc prouinciam Veni, uehementer admiratus sum, nominis tui apud omnes eam esse claritatem, ut nihil sibi omnino scire videretur, qui memoria lucubrationes tuas non commendasset. Nec eo sane admirabar, quòd nescirem virtutes tuas facile opinionem omnium vincere, sed quod nequaquam tantum humanitatis iudicij & literarum in prouincialium ingenis residere cognoueram. Cum vero omnia illa predicatione nostra longe maiora comperissem, sapius statui de ea re, datis ad te literis, fundamentum aliquod amicitiae ponere. Veruntamen, nescio quo pacto, simul atque id cogitassem, deterrebat me pudor quidam (ut Cicero inquit) penè subrusticus, quòd verebar eum, praesertim occupatissimum interpellare, in quem nullum non modo officium*



officium nostrum extaret, sed nec paulo firmitus constituta  
intercederet amicitia. Mirifice tamen accidit ut dum  
hac cogitarem, tu Pontifex Carpentoratensis crearere.  
Id vero postquam mihi renunciatum est, statim in spem  
maximam veni, fore ut aliquando consuetudine tua frui  
possem. Cum enim ego patriam hac provincia commuta-  
rim, tibi etiam honestissima imposita sit necessitas atatem  
in ea traducendi, videbam me non diutius id frustra  
desyderaturum. Nuper autem cum Grassensis noster ex  
Syria reuertisset, cuius beneficio, & ocium & facultas  
nobis suppeditatur in studiis acquiescendi, cumq; tibi in-  
tellexissem esse amicissimum, illico has ad te literas dare  
constitui. Accedebat patria vinculum, & sanctissimum  
illud necessitudinis genus, quo haud scio, an aliud grauius  
excogitari possit, studiorum videlicet similitudo quedam,  
& si ea quidem valde dissimilis. Vix enim similitudo  
dici potest, ubi, quamuis in eadem studia incumbemus,  
incredibilis tamen est progressus distantia. Tibi vero  
tam facile docti etiam omnes concedunt, ut cum docto-  
rum princeps citra controuersiam iudicare, summopere  
omnes gaudeant te potissimum ea auctum & gratia &  
potestate, ut doctis omnibus, quantum ingenio & doctri-  
na, tantum etiam dignitate praestes & eis prodesse non  
minus possis ac velis. Ne tamen aliquid deesset ad ex-  
citandam voluntatem meam, opportune accidit accessus  
Archidiaconi Auenionensis, ad urbem, dicam an ad te?  
quando is tibi vni tantum tribuit, ut non grauate fuerit  
si istinc

si istinc abesses, Urbe cariturus: cum vero adsis, pluris  
 urbem q̄ patriam faciendam esse ducit. Cum eo mihi  
 summa est necessitudo, rursusq; eum tibi plane scio esse  
 amicissimum: quare gaudeo hunc precipue testem acci-  
 disse quàm te colam & obseruem. At qualem testem?  
 qui suauitate congressus, morum grauitate, rerum expe-  
 rientia, totius vita integritate nemini forte concedat.  
 Jam vero quàm sancte & diligenter amicitiam colat,  
 tibi etiam credo esse perspectissimum. De quo, nisi ad te  
 proficisceretur, parcius omnino verba facerem. nunc ve-  
 ro, cum non verear ne me abuti ignoratione tua credas,  
 & ne virtus eius predicationi meae non respondeat, tibi  
 polliceor te maioris cōsiliij, grauitatis, modestiæ, adde quod  
 caput est, erga te beniuolentiæ vidisse neminem. nam  
 quantos habeat in liberalibus studiis progressus, tu facile  
 presens poteris iudicare. Quāti vero eum faciat Gras-  
 sensis noster, vel inde poteris cognoscere, quod cum nihil  
 habeat quo magis amicos demereri possit, quàm ut tibi  
 illos conciliet, te tamen huius præ ceteris cupit esse aman-  
 tissimum. Superest ut quoniam tres tales viri in amici-  
 tiam conspirastis, me tam suauis & honesta coniunctio-  
 nis, quam spero apud posteros fore celebrem, non socium  
 sed spectatorem & preconem ascribere ne grauemini: no-  
 lim enim, ne si concedatur quidem, gratiarum meo inter-  
 uentu turbare congressum. Nunc quoniam aduentū tuum  
 ad hanc provinciam propediem futurum intellexi, me in-  
 terim ea spe consolabor, fruār q; assidue & Grassensi no-  
 stro

stro, & Lerinensis insula solitudine amœnissima, in qua mira literarum & religionis contentio viget, ut tamen coniunctis animis cum squallida barbarorum colluue continenter bellum gerant, ita græcis & latinis literis humane & diuina philosophiæ iuxta dies noctesq; illic incumbunt. Quod cum tibi gratissimum, tum etiam summo Pontifici, ut est virtutum omnium supra quod dici potest, amantissimus, iucundissimum fore confido. Vale.

Iacobus Sadoletus, Episcopus Carpentoratensis. Gregorio S.

ET si fidem mihi de te faciebant literæ tuæ: scriptæ enim amice ac pereleganter declarabant singulare ingenium tuum, coniunctum pari erga me beneuolentia, tamen, postquam etiam Archidiaconi Auenionensis testimonium accessit, ea de te prædicantis, quæ de optimo viro & homine doctissimo poterant commemorari, non dubitauit, quin tu esses non modo mea (id enim non tanti est) verum omnium bonorum beneuolentia dignissimus. Ita enim intellexi te, cum summa religione & integritate vitæ, coniuncta habere omnium artium studia optimarum. Nec id tantum quod ab ordine vestro præstari aut expectari solitum est, posuisse te operam in dialecticis & physicis, aut his etiam quæ pertinent ad Theologiam literis, sed hæc omnia latinitatis lumine, hoc est, eloquentiæ cultu ac diuitiis instituisse ornanda, quamquam huius quidem instituti

probitatis, nihilq; antiquę comitatis amisit, sed omnibus gratus, in sacrarum literarum studiis, innocenter ac pie, noctes, diesq; transibat. Anno verò eiusdem Pauli Tertij x i i i i, acri morbo correptus, x i Kalend. Octobris, Romę è viuis excessit; & in Basilica x i i. SS. Apostolorum honorifice ante altare S. Eugenię, omnium, & maxime suorum luctu, sepultus est. Plurima huius clarissimi viri monumenta relicta sunt, ingenium eius ac doctrinam testantia, præter hoc Epistolarum compendiolum, & aduersus negantem B. Petrum Romę fuisse Tractatum: quę tamen à nobis hucusque desiderantur; ea autem sunt

*De Theologica institutione Liber.*

*De potestate Ecclesiastica Tractatus.*

*Hymnorum, & Carminum Liber.*

*Tractatus D. Cypriani de Virginitate è Græca in Latinum Versus.*

*Epistolarum Familiarum etrusco sermone Liber.*

Quamplurima etiam opuscula ab eodem edita; cum ad Theologicam, tum Philosophicam facultatem spectantia, Græcè, Latinèq; conscripta: quę (faxit Deus) vt aliquando virorum proborum opera in lucem prodeant; ne huiusmodi lucernę diutius sub modio lateant, neve huius illustrissimi viri glorię quis inuidere videatur.

# INDEX EORVM,

ad quos Epistolæ missæ sunt.



<i>Bbati cuidam.</i>	fol. 142
<i>Amico cuidam.</i>	260
<i>Andrea Nangerio Greg.</i>	17
<i>Antonio de Prato.</i>	217
<i>Augustinus Episc. Grass. Jacobo Sadol.</i>	41
<i>Augustino Grimoaldo Episc. Grass. Greg.</i>	34. 37.
	92. 28. 179. 251.

<b>B</b> <i>Aptista Flisco.</i>	93
<i>Benedicto Theocreno Greg.</i>	21. 25. 33. 49. 57. 185

<b>C</b> <i>Card. S. Marcelli.</i>	286. 287
<i>Card. Rodulpho.</i>	278. 279
<i>Cassiano Camillo Genuens.</i>	64. 76. 96. 99
<i>Celio Calcagnino Greg.</i>	16
<i>Christophorus Long. Greg. Mon.</i>	12
<i>Christophoro Longolio.</i>	2. 59
<i>Collegio Canon. Mutin.</i>	288. 289

<b>D</b> <i>Jonysio Monacho.</i>	55. 142. 194. 195. 197. 198. 229.
	244. 258

<b>E</b> <i>Vsebio Mutinensi Monacho.</i>	232
---	-----

<b>F</b> <i>Ederico Fregosio Episc. Salernit.</i>	38. 80. 103. 106. 107. 111.
	112. 114. 117. 119. 121. 122. 123. 124. 183. 211. 214.
	217. 219. 223. 226.
<i>Francisco Bellincino</i>	265
<i>Francisco de Sancto Venerio</i>	66. 100. 242

<b>G</b> <i>Eorgio Monacho.</i>	162
<i>Guido Ascanio Card.</i>	281. 282
<i>Gulielmo Langico Regis Franciæ à secretis.</i>	147. 267
	Heliseo

<b>H</b> Eliseo Monaco.	152. 161
Hieronymo Adurno.	44. 46. 47. 68
Hieronymo Ghimuccio	101
Hieronymo Grimaldo.	188
Hieronymo Moneliano.	86
Hieronymo Monferr. Albati.	83. 153
Hieronymo Palmario Greg.	31

<b>I</b> acobus Sadoletus Episc. Carpent. Greg.	7. 75
Iacobo Sadoletto Episcopo Carpent.	4. 73. 212
Iacobo Ferro Nimensi.	1. 143
Ioan. Medices Card.	220. 234
Ioanni Morono.	246
Ioan. Salviato Card.	284. 285
Iuliano Monaco.	56. 89

<b>L</b> Amberto Episcopo Venusino.	40. 176
Leoni X. Pont. Max.	247
Luciano Monaco.	53. 78

<b>M</b> ichaeli Bensino Germano.	116
Michaeli Placentino Monaco.	139. 242

<b>P</b> amphilus Saxus. Greg.	189. 191
Paulo Sadoletto.	255
Paulo 111. Pont. Max.	269. 270. 272
Petro Bembo Card.	275. 276
Perpetuo Henriotto.	225
Philippo Saulio Episc. Brugn.	63

<b>R</b> aphaeli Placentino Monaco.	174
Rascastio Iuriscônulto.	185
Seuerus Monachus, Cisterciensis, Cortesio Monaco.	138. 139. 264

<b>S</b> tephano Saulio Greg.	14. 18. 27. 29. 35. 88. 131. 132. 138
-------------------------------	---------------------------------------

<b>T</b> heocreno Greg.	23. 109. 127. 129. 203. 205
-------------------------	-----------------------------

<b>V</b> incenzio de Borlasca Genuesi.	170
Vitali Monaco.	208. 209. 228. 253. 256. 262

# INDEX EORVM,

## QVÆ IN HOC OPERE,

*scitu digniora visa sunt.*



CADEMIA M.Varronis in monte Casinate  
fuit fol. 233

Acciaioli commentaria in librum de moribus  
Arist. commendantur. 122

Aduersa fortuna, verè amicos non tollit. 116

Amicitia quomodo excolenda. 8

Amicitia veræ signum. 200

Amicus verus, thesauro præciosior. 31

Amor diuinæ sapientiæ, omnē alium amorem abiicit. 91

Andreas Naugerius, virtutum, & literarum amator. 17

Antonius de Prato exoratur, ne contra Cenobium Lerinen  
se, quid indignum meditari velit. 237

Aquariana aqua salubris. 191

Athanasius regressus ab exilio, quo honore fuerit exceptus. 345

Augustini Grimaldi in Gregorium Cortesium amor. 181

Aurium tinnit, ex amicorum distantium sermonibus. 37

**B** Abylonia Aegyptia, à quibus fuerit condita. 355

Bellum inter Columnenses & Vrsinos, intra menia Ro-  
mæ gestum. 243

Benedictus Theocrenus, filij Regis Galliarum præceptor. 187

Bessarion Cardinalis, monachus Casinas. 138

**C** Halydij commentarij in Tymæum vbi extant. 87

Camilli Cassiani diligentia in illustranda Cosmogra-  
phia. 117

Cardinales diuersi gratulantur Cortesio, & collegio Cardi-  
nalianum fuerit ascriptus. 275

Celij Calcagnini commendatio. 233

Cenationis, eiusque architecturæ descriptio. 142

Cenobij Casinatis instauratio à quo meditata sit. 234

Christus, quando decessit ex hac vita. 310

Collegium Canonorum Mutinensium gratulatur Corte-  
sio, & Cardinalis creatus fuerit. 288

b Commen-



# I N D E X

Commentariorum Chrysostomi in Genesim commenda- tio.	41
Cornelius Tacitus aduersus Christum impius scriptor.	336
Corpora Apostolorum Petri & Pauli Romæ iacent.	322
<b>D</b> istantia locorum amicitiam non soluit.	27
<b>E</b> clesia vexatur diuersis hæresum erroribus tēpore Pau- li Tertij	272
<b>E</b> pistolæ amicorum in aduersis leuationē adferunt.	42
Excusatio in amicitia superuacua est.	25
<b>F</b> rancisci Galliarum Regis apud Papiam infelix concer- tatio.	240
Frāncisci Regis Galliæ amor, erga humaniores literas.	148
Franciscus Rex captiuus ad Picighitonum ductus fuit.	242
Fulgosæ familiæ laus.	22
<b>G</b> recorum vocabulorum declaratio.	136
Gregorius Cortesius ex Monaco Cardinalis efficitur à Pati- lo tertio.	269
Gratias refert Pont. summo.	270
Gregorij Papæ, commendatio & laus.	301
Gymnasia publica humaniores literas, rarò profitentur.	30
<b>H</b> emorrois, serpens venenosissimus.	164
<b>H</b> ercules Genfiagus, politioris linguæ amator.	264
<b>H</b> erodes duo fuerunt, Antipas & Agrippa.	312
Hiantes coruos deludere quid.	3
Hieronymus in scribendis historiis, diligens inquisitor ve- ritatis.	319
Hispani post victoriam partam superbi.	241
Hymnus in Deiparam Virginem.	150
<b>I</b> ndignatio honesta erga amicum.	21
<b>I</b> n Diuum Honoratum, carmen.	157
<b>I</b> n Lerinam Insulam, Carmen.	153
Ioannes Baptista, vbi iugulatus fuerit.	313
Ioannes Gallus Musicus excellens.	218
Iudei omnes Roma expulsi.	315
Iuliani Grimaldi innocentia.	148
Luuenibus danda est relaxatio animi, & quare.	92
Laus	



# I N D E X

<b>L</b> Aus hominis monasticam vitam suscipientis.	3
Lerina insula reliquiis sanctorum Eucherij & Honora- ti decoratur.	86
Lerinenfis insulæ laus.	10
Leoni Decimo Pont. Max. gratulatur quod ad Pont. assum- ptus fuerit.	250
Liber omnis, aliquam vtilitatem affert.	41
Libri, quibus chari sint.	29
Libri studiofo viro, quàm chari sint.	46
Liberius Pontifex Romanus, cur in exilium missus à Con- stantio.	345
Librorum prohibitorum licentia retinendi ac legendi, à su- perioribus petenda.	75
Lingua hebreæ D. Hieronymum deterruit.	216
Longolij interitus ab Gregorio deploratur.	177
Longolius Cælio Calcagnino commendatur.	16
Lupum auribus tenere prouerb. quid significet.	184
<b>M</b> Arfilius Patauinus, vir impius.	309
Mensura cumulatione reddenda est iuxta Hesiodū.	9
Momius, cur reprehenderit facturam hominis.	47
Mores corrupti ciuitatis Genuensis.	70
Mortui viri ex Saulia familia commendatio.	136
Musica apud Pythagoreos, quanti esset.	218
<b>N</b> Arcissus quidam, tanquam vagus describitur ab Am- brofio.	340
<b>O</b> Crauiani Fregosij constantia, dum Neapolim dedu- ceretur.	123
Onus gubernandi viro literato molestum.	209
Orationis Feder. Fregosij ad Genuenses commendatio.	118
<b>P</b> auli Sadoleti epigrammata commendatur.	256
Patres antiquiores, dum scriberent contra hæreticos, nō eos maledictis incessebant.	307
Persuasor contradicit verbis Lucæ Euangelistæ.	342
Petrus contra Simonem Samaritam Romam venit postre- mo Neronis anno.	317
Petrus post mortem Christi, quot annos vixerit.	310
Petrum Romæ fuisse, ibi crucifixum testimonia plurima.	
322. 323. 324. 325. & sequ.	

Petrus viginti quinque annis Romæ cathedram sacerdota-  
lem tenuit. 321  
Philippus Saulius, Euthymium in Psalmos interpretatus  
est. 245  
Philosophia omnis in arduo posita est. 109  
Pudor subrusticus quos terreat. 4

**Q** Verelæ ex amicitia tollendæ. 176

**R** Egio pessima est, in qua est eum Orco luctandum. 78

Regis filius, quomodo sit erudiendus. 187

Reprehensio honesta negligentis amici. 24

Rex est lex viua. 68

Romæ antiquitates admirandæ. 79

**S** Ancti, venerandi sunt. 191

Saulia familia Genuensis, officij ac humanitatis ami-  
ca. 133

Scriptorū antiquorum noīa, quorū opera desiderantur. 84

Seneca duobus annis ante Neronē obiit. 348

Sermones quotidiani, morum indices. 68

Seuerus Monachus Cisterc. M. Tullij Cicconis orationes  
emendauit. 139

Silentium inter amicos soluendum est. 258

Socratis dictum in iuuenem petulantem. 69

Solitudo, etiam hospitalitatem admittit. 100

Stephani Saulij erga Gregorium dolus ciuilis. 206

Studia molestiis obruuntur. 44

Studium literarum commendatur. 56

**T** Empus amissum, iterum acquiri minime potest. 28

Teocrenus præceptor filij Regis Franciæ. 67

Thomæ Aquinatis laus. 236

Tractatus aduersus negantem Petrum fuisse Romæ 300. cur  
hunc tractatum scripserit. 302

**V** Enetiarum commendatio. 18

Vespasianus gentem & nomē Iudeorum extinxit. 323

Volumina antiquorum patrū, ex Græcia aduecta. 63

Vita solitaria quàm delectabilis sit. 223

Vita Sancti Geminiani, à quo fuerit descripta. 182




GREGORII CORTESII

CARDINALIS,

*Epistolarum familiarium,*

LIBER.



Iacobo Ferro Ninensi. Gregorius Sal.



*Tex literis tuis, & ex verbis eius, qui sub  
fidei tuæ testimonio literas ad nos detu-  
lit, facile cognoui, quanto amore collegium  
hoc nostrum prosequaris. Et si istud ipsum  
iamdiu & pollicitationes tuæ mihi testa-  
tissimum, & suscepti pro nobis labores perspectissimum  
fecerant, nuper tamen hoc officio per te sponte suscepto,  
vidi, ut ea quæ oculis cerni solent, tibi, cui nota sit hu-  
ius collegij integritas, cura etiam esse, ut pro meritis be-  
ne audiat, quippe qui, ut nimium amantes solent, vul-  
gi etiam rumusculis commouere. Ego vero, mi Iacobe,  
tantum abest ut hac vulgari fama in alterutram partem  
afficiar, ut mihi magis minusue placeam, ut etiam tunc  
recte me quippiam fecisse probatis viris probaturum cre-  
dam, cum factum aliquod meum, vulgi sermonibus dam-*

A

nari

nari cognouero: quippe cui nunquam non sint cordi mendacium & vanitas. Rectissimeq; inquit Tertullianus, eam fame esse conditionem, ut non nisi cum mentitur perseueret: & ita demum vera nunciare, cum desinit esse fama. Quod si antea aliquando, nunc tamen potissimum, ut opinor, verum id esse à te cognosci potuit.

Tam nempe diuersa, tam inuoluta, tam etiam inter se pugnantia de Borbtenſi regulo, vulgo erāt diſſeminata, ut quemlibet vel mediocri præditum prudentia ſuppu-  
 dere poſſit, eo fremitu fuiſſe commotum: perinde quaſi non ſit ille vulgi mos, tam in laudabilibus quàm etiam in malefactis tranſuerſum ferri in erroris ſcopulos. quæ vero mihi nunciata ſunt, cuiusmodi extitere: ut niſi te teſte, nunquam fuerim fidem adhibiturus, eſſe iſtic tam leuem tãq; ocioſam plebeculam. Quid eſt enim quod tantopere admirentur, ſi vir vnus atq; adeo omnium teſtimonio reſti exempli & probatę integritatis, cupiat ſacris initiari nouum quippiam credo aut inauditum? an non quotidie, ut quęq; ciuitas maxime Chriſto ſeruatori, operatur, ita & libentiſſime aliquid audit eiuiſmodi & maxima inſuper laude proſequitur? Sed, opinor, eos mirari, quod hic, inter principes ciuitatis erat, at iſtud ipſum admiratione debuerat imminuere: quis enim facilius caduca hæc & inconſtantia, quæ falſo nomine bona appellamus, contemnere poteſt, quam qui fuerit ſepius eorum blanditiis deceptus, vexatus moleſtiis, eluſus mutabilitate? Nam quod in nos vulgo culpa reiiçitur, quos dicunt dudum,  
 hunc

hunc hominem sollicitare: id vero eiusmodi est, ut & verum esse negemus, nec tamen, si sit, culpam deprecari velimus, quippe quod, nescio quid commune habeat cum actis Apostolorum, quos constat uniuersum pene orbem peragrassse, ut eadem ratione animos sollicitarent. Quod vero ad hominis patrimonium attinet, non satis video cur deteriore eius conditionem esse velint, qui se remque suam, quam qui nudus, semetipsum Christo offerat: curq; si hoc laudaturi fuerunt, illud tantopere damnent. An forte iccirco stomachantur; quod, ut inquit Flaccus, deluserit hiantes coruos? nam & affines & propinquos habuit, quibus præ ceteris consultum esse voluissent, quasi vero illis omnibus qui pretium ad pedes Apostolorum proiciebant, nulli fuerint affines aut propinqui. Quid si etiã cognatorum non mediocris illi cura futura est, num adeo indignum videri debet, si qui profanus integro usus erat patrimonio, nunc sacris addictus parte frui velit, quasi ipse sibi non sit heres legitimus, aut Christus ipsi? Hactenus ad ea quæ vulgo iactantur: sibi vero persuasissimum esse certo scio, nihil nos aut cupide, aut inconsulto facturos. Fit enim omnibus copia conueniendi hominẽ & quinquagenarium & sua spontis, & qui sermone patrio loqui nouit explicite. Nudius tertius etiam cùm eodem congressi sunt cõplures affinium, quos puto, non mediocri rubore affectos abcessisse, ob ea quæ de nobis passim falsoq; iactauerant, cū præter opinionem repererint illum nec mutasse vestem nec dominium rerum suarum à se alienasse.

*Quid vero deinceps nouitius hic noster acturus sit, scio me tam ignorare, quam etiam non curiose inquirere, quod ex eius hereditate nulla mihi ad commodius uiuendum fieri possit accessio, nec etiã si futuram sperẽ, maximopere id sim curaturus. Credo equidẽ patres meos, nec precibus ab eo quippiam, non modo non vi, expressuros, nec tamen munus aliquod si ab eo offeratur, repudiaturos esse. Quod reliquum est, me tibi & fuisse semper amicissimum existimes velim, & futurum etiam confidas. Vale.*

*Iacobo Sadoletto, Episcopo Carpen-*  
*toratensi. Greg. S.*

**C***umprimum in hanc prouinciam veni, uehementer admiratus sum, nominis tui apud omnes eam esse claritatem, ut nihil sibi omnino scire videretur, qui memorie lucubrationes tuas non commendasset. Nec eo sane admirabar, quod nescirem virtutes tuas facile opinionem omnium vincere, sed quod nequaquam tantum humanitatis iudicij & literarum in prouincialium ingenis residere cognoueram. Cum vero omnia illa predicatione nostra longe maiora comperissem, sapius statui de ea re, datis ad te literis, fundamentum aliquod amicitiae ponere. Veruntamen, nescio quo pacto, simul atque id cogitassem, deterrebat me pudor quidam (ut Cicero inquit) penè subrusticus, quod verebar cum, praesertim occupatissimum interpellare, in quem nullum non modo officium*



officium nostrum extaret, sed nec paulo firmitus constituta  
intercoderet, auaritia. Mirifice tamen accidit, ut dum  
hac cogitarem, tu Pontifex Carpentoratensis creare.  
Id vero postquam mihi renunciatum est, statim in spem  
maximam veni, fore, ut aliquando consuetudine tua frui  
possem. Cum enim ego patriam hac prouincia commuta-  
rim, tibi etiam honestissima imposita sit necessitas atatem  
in ea traducendi, videbam me non diutius id frustra  
desyderaturum. Nuper autem cum Grassensis noster ex  
Syria reuertisset, cuius beneficio, & ocium & facultas  
nobis suppeditatur in studiis acquiescendi, eumq; tibi in-  
tellexissem esse amicissimum, illico has ad te literas dare  
constitui. Accedebat patria vinculum, & sanctissimum  
illud necessitudinis genus, quo haud scio, an aliud grauius  
excogitari possit, studiorum videlicet similitudo quædam,  
& si ea quidem valde dissimilis. Vix enim similitudo  
dici potest, ubi, quamuis in eadem studia incumbemus,  
incredibilis tamen est progressus distantia. Tibi vero  
tam facile docti etiam omnes concedunt, ut cum docto-  
rum princeps citra controuersiam iudicare, summo pere  
omnes gaudeant te potissimum ea auctum & gratia &  
potestate, ut doctis omnibus, quantum ingenio & doctri-  
na, tantum etiam dignitate præstes & eis prodesse non  
minus possis ac velis. Ne tamen aliquid deesset ad ex-  
citandam voluntatem meam, opportune accidit accessus  
Archidiaconi Auenionensis, ad urbem, dicam an ad te?  
quando is tibi vni tantum tribuit, ut non grauare fuerit  
si istinc

stro, & Lerinensis insula solitudine amœnissima, in qua mira literarum & religionis contentio viget, ut tamen coniunctis animis cum squallida barbarorum colluie continenter bellum gerant, ita græcis & latinis literis humanæ & diuinæ philosophiæ iuxta dies noctesq; illic incumbunt. Quod cum tibi gratissimum, tum etiam summo Pontifici, ut est virtutum omnium supra quæ dici potest, amantissimus, iucundissimum fore confido. Vale.

Iacobus Sadoletus, Episcopus Carpen-  
toratensis. Gregorio S.

ET si fidem mihi de te faciebant literæ tuæ: scriptæ enim amice ac pereleganter declarabant singulare ingenium tuum, coniunctum pari erga me benevolentia, tamen, postquam etiam Archidiaconi Auenionensis testimonium accessit, ea de te prædicantis, quæ de optimo viro & homine doctissimo poterant commemorari, non dubitavi, quin tu esses non modo mea (id enim non tanti est) verum omnium bonorum benevolentia dignissimus. Ita enim intellexi te, cum summa religione & integritate vitæ, coniuncta habere omnium artium studia optimarum. Nec id tantum quod ab ordine vestro præstari aut expectari solitum est, posuisse te operam in dialecticis & physicis, aut his etiam quæ pertinent ad Theologiam literis, sed hæc omnia latinitatis lumine, hoc est, eloquentiæ cultu ac diuinitis instituisse ornanda, quamquam huius quidem in-

stituti



stituti tui atq; iudicij, egregium testimonium literæ mihi  
 tuæ attulerunt. Sed ego quo rariora hæc in te ornamenta  
 esse conspicio, hoc sum magis ad te diligendū, tum cōmuni  
 meo in tales viros studio, tum propria erga te voluntate  
 incensus. Nam & sanctissimum ut tu rectissime per-  
 scribis, accedit patriæ vinculum & studiorum similitudo,  
 in quibus ego non modo non primas appeto partes, sed &  
 commode agi mecum arbitror, si in maximis occupationi-  
 bus, quæ & animum meum & operam distrahunt, ali-  
 quod retineam vestigium pristinae voluntatis: Omnino  
 ocio nihil beatius optabiliusque, quod quidem in legendis  
 aut etiam emulandis doctissimorum virorum monumen-  
 tis traducatur. Quo posteaquam ego spoliatus sum, tu qui  
 id optimi & liberalissimi præsulis Grassensis nostri bene-  
 ficio, ut scribis, es assecutus, partem tibi beata vita ma-  
 ximam ab eo esse collatam debes existimare. In quo ego  
 & tuo & bonarum artium ac literarum nomine habeo  
 illi optime merenti gratiam, libentissimeque profiteor, me  
 quoque tali pro munere ei esse obstrictum. Ac mihi uti-  
 nam aliqua aliquando tribuatur occasio ad vos & in istā  
 provinciam proficiscendi, ut cum consuetudine vestra,  
 tum eo ipso quod cæteris rebus omnibus antepono, ocio per-  
 frui mihi liceat, in qua una nunc spe & cogitatione ac-  
 quiesco. Sed quando id nisi saluo officio faciendum non  
 est, & ut quidem nunc est, non perspicio quo pacto ho-  
 neste me explicare possim. Quod nostra interea est pote-  
 stas, institutam amicitiam nostram & fide & benivo-  
 lentia

lencia mutua excolamus. Quo ego in genere, arbitror si me de rebus tuis quid vel intersit tua, vel tu maxime optes admonendum duxeris, me tibi satis esse facturum. Vale  
 Et Grassen. nostrum saluere à me plurimum iube. Ex urbe pridie kal. Maias. M. D. XLIII.

Christophoro Longolio. Greg. S.

**Q**uod fieri posse non arbitrabar, ut ad Venuſini noſtri in me innumerabilia merita cumulus aliquis accederet, hoc proximis diebus, dum Roma eſſet, ſum conſecutus. Ut eſt enim in explendis omnibus amicitia numeris, non officioſus modo, ſed penè dixerim ambitioſus, non ſatis ei fuit (quod quidem erat maximam) te ſibi conciliaſſe, niſi me quoq; in amicitia tuam inſinuaret, & quidè tam arte, ut, ſi repentinus eius diſceſſus nō obſtituiſſet, fueris literas ad me daturus. Quæ etſi mihi pergratæ futura fuerunt, facile tamen patiør, partem aliquam inſtituenda inter nos amicitia mihi abs te fuiſſe relicta.

Quando enim tot tuis meritis reſponderem, qui nec etiam nunc, qua ratione id perficiam ſcio? Quanti enim me putas facere, quod prior ad me amandum acceſſeris, non modo nullo beneficio aſtriçtus, ſed nec de facie quidem cognitus? Si enim cumulatione meſura iubet Heſiodus reddere, autem dicitur quid faciemus beneficio prouocati? Illud vero non iam amicitie fructum, ſed felicitatis partem non modicam nobis polliceri videtur, quod te deſiderio

huius nostræ solitudinis non mediocriter affici intellexi. Nequeo enim id maximopere non probare, quo, & delector ipse vehementissimè & tranquillissimè fruor. Cautero credas, locum aliquem salubriorem amœnioremque esse insula Lerinenſi, cuius cœlum cum ad corporis firmitatem, tum etiam ad excitanda ingenia plurimum valere cognoui. Etsi enim non satis mihi probantur vis terræ occulta, aut locorum genij, quæ Platoniciſ video placuisse, referre tamen plurimum quo sub cœlo quisque degat, Thebanorum & Atheniensium argumento, grauissimos etiam philosophos opinari nouimus. Cum vero omnium ferè insularum hoc proprium sit, ut liberrimo & serenissimo cœlo gaudeant (quare comodissime in insulis visus est sibi Homerus fingere sedes beatorum) ea tamen potissimum Lerinenſis insulæ natura est, atque adeo, ut nullus unquam dies fuerit, quin aliqua eius hora solem viderimus, ne iam de vniſ Syracuſis hoc dici posse videatur. Quàm autem faueat ingenijs, coniectura facile possumus assequi, ex uberrimo doctissimorum hominum prouentu, qui inde aliquando prodierunt. Taceo liberalium artium studia, quæ hic tam nunc floride reuiuiscunt, quàm olim situ & incuria exaruerant. Nec quidem arroganter dictum velim existimes, cum per omnes disciplinas, & merito laudatam ἀκροατικὴν in arcem doctrinarum certatim conentur qui hic degunt euadere. Solitudo vero ea est, ut profanum modo vulgus oderit & arceat, qua nihil puto amicius ingenijs, qui maximum nescio  
quid

quid spectantes, totos se liberalibus studiis tradiderunt. Accedit Episcopi Grassensis mira quædam liberalitas & honestus amor in literatissimos quosq; hoc est, tui similes. Quæ omnia, cum & prædicationem nostram & opinionem tuam superare non dubitem, te summo opere hortor, ut quam tibi mentem Deus Opt. Max. dedit, eam audias, illi obsequaris, nec te aspectus ille Urbis & fallaces illecebræ, in quibus tanquam in æstu iactaris, transuersum ferant. Magnum est quidem in Urbe totius orbis facile principe, inter doctissimos viros, vel primum vel in primis numerari, magnum, quis nescit? At verò illud maximum, quod te audio animo concepisse, tranquillo solitudinis literatoq; ocio triennium ad summumve quadriennium frui, quo possis totius antiquitatis monumenta excutere & amulari, tibi immortale nomen, ætati nostræ decus, posteritati utilitatem non mediocrem pariturus. Quæ quidem in re, (si solitudinem hanc adamaris) & fidem & operam meam tibi polliceor. Nec iccirco credas velim, me, quid mea intersit, potiusquam quid tibi conducat prospicere. Longissime id quidem & ab animo & ab instituto meo est, ut meis potius commodis quam amicorum progressibus consultum velim. Expecto equidem quid de hac re statueris quamprimum fieri certior. Et si enim te magis quam tuas literas desyderamus, erit tamē quod tibi acceptum referam, si literis saltem institutam amicitiam excolere non grauaberis. Vale.

Gregorio Cortesio monaco. Christo-  
phorus Longolius. S.

**I**Ta est, ut scribis. Venusinus noster in explendis om-  
nibus amicitia numeris, non officiosus est modo, sed pe-  
nè dixerim ambitiosus. Parum ei scilicet visum fuit, me  
nihil tale neque merentem, neq; sperantem, in amicorum  
suorum album retulisse, quod certe apud me maximi est  
beneficij instar, nisi & istuc te quoque mihi conciliaret.  
& quidem tam arête, ut etiâ literas ad me confestim de-  
deris, tui in me amoris indices locupletissimas. Ne quid  
hic de eximio illarum candore, & vere prisca illa elegan-  
tia commemorem; quibus sanè dotibus à rescribendo me  
tam facile deterres dum inuitas, quàm earum humani-  
tate etiam atque etiam prouocas, ut haud satis compertū  
habeam meritū ne sit de me Venusinus antistes optimè,  
quod mihi tantum amicum comperarit; an pessimè, quod  
me ad hanc rescriptionis aleam, hoc est, infantie meæ pro-  
fessionem, incautum perduxerit. Profecto nisi me aut con-  
iectura, aut eius in me fallit amor, ea vobis de me pollici-  
tus est, quæ nec vir modestus agnoscatur, nec homo Gallus  
prestare queat. Alioqui, tibi in mentem qui venisset, ho-  
mim longe doctissimo; ut me, quem ne nomine quidem no-  
ras, ad amicitiam ultro prouocares? ad contuberniū tam  
humaniter inuitares? Verum quibus ille me laudibus one-  
rauerit, quid tu illi de me oppido quàm amanter nuganti,

temere

temere credideris, vos ipsi videritis. Egonanq; cum id etiam sim atatis, ut literas honeste amplecti possim, ea inscitia ut maxime debeam, eo animo ut summopere cupiā, fruār interea illius amore, tuo errore, amborum haud scio quam vana, mi certe frugifera persuasione, videbor mihi hactenus operam in re literaria haud omnino luisse, quod cum illi tam belle imponere, tum te virum tam anxie eruditum rebus meis adiacere potuerim. Licet ille fidem immodica mei predicatione sua apud te labefactarit, licet tu commendationē eius secutus, nunc te falsum doleas, meus tamen es, quando nullo meo dolo malo huc deductus es, uti syngrapham ad me dares, qua mihi & te amicum profiteris, & fidem operamq; tuam ingenue promittis. Hic tecum summo iure experiar vir doctissime, quatenus intelligas nihil tua referre, mea plurimum interesse, ut istuc quamprimum deuolem; illo vestro amantissimo secessu per oīum usurus, consuetudine tua fruiturus, commercio tot doctissimorum dicam an sanctissimorum hominum? beatus futurus. Nam ut partim ab iis, qui istinc quotidie veniunt audio, partim ex Sapphico illo tuo carmine, quin etiā ex literis tuis intelligo si usquā gentium terrestris illius παρὰ δίδου simulacrum conspici potest, istic potest, ut mihi haud dubie Lerina insula cum ob cæli clementiam atque soli benignitatem, tum ob circumiacentis maris cōtinentisque felicitatem, quibus veluti bonorum omnium cumulus accedit incolarum diuinitas, fortunata merito dici possit, nisi forte iustus est, eā à præclaris illis heroibus multiplex cognomen-



gnomentum trahere, ut eadem honorata, eadem amanda, eadem hylaris appelletur. Sed hæc huius non sunt temporis. Mitto ad te exemplum illarum quibus te ad amicitiam prouocaui literarum, ne in hoc tibi imprudens blandiaris, quod instituenda inter nos amicitia auctor fueris. Ego enim si nescis, ut par erat, princeps ad te græce scripsi, dedique epistolam eodem quo hinc Venusinus noster profectus est die, ut mirum mihi sit, eam tibi nondum fuisse redditam. Vale: Roma, octauo kal. Februarij.

Stephano Saulio. Gregorius S.

**P**Arum absuit, quin amicitia tua, qua haud scio an aliud gratius mihi, non modo acciderit aliquādo, sed nec in posterum possit accidere, Grassensem nostrum mihi reddiderit subiratum. Cum enim quæ inter nos constitueramus cum eo agerem, multiplici illum molestia affectum intellexi; Primum quidem, quod incommode accidisset eo te potissimum tempore ad nos accedere, quo sacrorum procurandorum gratia, illum necesse fuerit abesse; Deinde quod personam dissimulaueris, ut nec absens quidem declarare posset aduentum tuum, sibi fuisse quàm gratissimum. Postremo, quod cum satis speraret omnibus esse testatissimum, nihil sibi esse optatius, quàm sua omnia exposita esse virtutū amatoribus, tu tamen præter animi ornamenta, splendore etiam nobilissima familia, sibiq; adeo coniunctissima, instructus, Veritus aliquando fueris, quin omnia quæ  
illius



illius sunt, tibi essent communia. Nec multum defuit, quin etiam conuictus ab eo pessime acciperer. Dolere enim se mirum in modum dixit, quod cum meo quodam iure possem quicquid libuisset de eo polliceri (ut enim testificatione sui erga me amoris) non continuo te eiusdem iuris socium participemque acceperim. Quare nihil est deinceps, quod à Grassensi nostro verearis, quem semper eo animo prædixtum erga cupidos literarum noui, ut beneficium dando sibi videretur accipere. Nouit insuper (quod M. Tullius ait) valde esse decorum, patere domos illustrium hominum, illustribus hospitibus. Quæ igitur ad te scribo, non modo eius voluntate scito me scribere, sed perinde ea accipito, quasi ab eo obsignatam syngrapham acceperis. Quicquid potest opibus, autoritate, gratia, totum eius nomine tibi polliceor, nihil illi gratius facere poteris, quam si eo uteris ad omnia quæ in rem tuam fuerint. Utaris vero ea animi magnitudine, qua tibi offerri vides. Quapropter, confestim ad nos venias censeo: venies enim et illi et nobis optatissimus, eoque amplius, si Longolium, communes omnium nostrum delicias, tibi socium adiunxeris. Mitto præterea ad te caput, laborum dicam an ineptiarum mearum? quando ita tibi libuit, nec petenti fas erat quicquam denegare. Tuum erit et fidei et officij meminisse, ut cum ea, quibus visum fuerit ostenderis vel suppressas, vel certe scindas. Opus est, ut scis, cuius non modo coronidem: sed nec adhuc penè dicam fundamenta posuimus. Et si aliquibus longior in hoc præmio videbor fuisse,

fuisse, debebunt illi ex hoc membro, laxitatis totius corporis coniecturam facere. Excresecet enim, quod adhuc coniungere possumus, in sex & triginta libros. qui deinceps in sex tomos, ut fastidio lectorum prospiciamus, diuidentur. Fortasse etiam, ut sunt mutabilia hominum ingenia, ex his quæ ad te dedimus, nihil perfecto opere remanebit. Ut quod antiqui pictores ambitiosius omnino fecerunt quàm verius, potuerim fronti operis vultui inscribere. Vale.

Cælio Calcagnino. Gregorius S.

**Q**uando post diuturnum silentium literas eram ad te daturus, gaudeo eam mihi potissimum oblatam esse occasionem, qua neque gratior, neque honestior desiderari potuerit. Quid enim mihi omnino aut incundius, aut optatius accidere potest, quàm ut opera mea tibi homini longe doctissimo, virum admirabili doctrina conciliem? Verisimile est, Christophorum Longolium tibi fama esse notissimum, is Venetias profecturus, fuit apud nos dies aliquot, cum quo sipe de te sermonem habens, rogare non desisti, ut te visurus Ferrariam diuerteret. Sed plane precibus meis locum non reliquit: cum enim quæ in te essent ornamenta morum & doctrina & à Grassensi Episcopo & à me accepisset, ita tui visendi desiderio exarsit, ut si nulla alia esset causa, grauissimam hanc indicaturus fuerit, propter quam iam iterum in Italiam reuenteretur. Habes ergo virum non amicitia tua tantum, sed consuetudine, & ut ita dicam,

eam, contubernio dignissimum, Cum quo mihi intercedūt omnia iura summa necessitudinis, sed illud præcipue, quod in eo multa sunt & elegantes cum græce, tum latina literæ, & admirabilis illa ut græci dicunt ἡρως καὶ δόξα. Quare quod facilitate tuā sponte eras facturus, ut te doctissimo viro totum traderes, magnopere rogo ut commendatione mea cumulatius facias. Et si enim omnia virtuti per se debentur, æquum tamen est, ut amicorum commendatione præsertim non vulgari nec persunctorie, etiam cumulatissime voluntati aliqua fiat accessio. Vale.

Andreae Naugerio. Gregorius S.

**N**isi mihi esset perspectissimum, quod facile in amicorum numerum reciperes, non modo doctissimos quosque, sed vel mediocriter cupidos literarum, pluribus fortasse verbis essem usus, ut tibi Christophorum Longolium conciliarem. Veruntamen, cum illum tibi fama esse notissimum certissime credam, etiam nihil scribente me, iam te illi ob innumeras eius virtutes esse amicissimum certo scio. Amico tamen Venetias proficiscenti & postulanti à me sapius ad te literas, deesse non potui. Id vero eo feci libentius, quod duplici officio mihi desungi videbar. Primum quidem quod tandiu absens, tibi quem mirabiliter & diligo & obseruo literas à me sciebam deberi. Deinde quod quas dedissem Longolio velut quoddam vinculum interpositum, ita nos vicissim deuincturum considerem, ut sicuti primum me-

C dio

dio, sic istud ipsum postremo connecteretur. Quod fortissimū vinculi genus in deuincienda rerum omnium natura, commentus est Plato. Est omnino Longolius noster cum bonorum omnium, tum precipue tua amicitia dignissimus, ob animi virtutes complures, & absolutam quandam omnium disciplinarum cognitionem. Quae ut nihilominus diligentius excolat, & quod vix fieri posse intelligo perfectius assequatur, Venetias est profecturus. Ita patriam tuam ex omnibus potissimum locis sibi delegit, quod in ea bonarum artium propemodum alibi extincta studia non modo id quod apud omnes constat, reuixere: sed etiam dijs hominibusque fauentibus, felicissime adoleſcūt. Quare si quid commendatione mea ad id quod spōte facturus eras accedere potest, te summopere rogo & obtestor, ut hunc talem virum omnibus officijs demereri velis. Si. n. illi gratia opibus & studio cōmodaueris, nihil erit (crede) quod aliquādo eius amicitiae te pœniteat. Vale.

Stephano Saulio. Gregorius S.

**F**uit apud nos Longolius noster dies aliquot, benignè admodum exceptus à Grassensi nostro. In quo iuue-  
ne, quae virtus cui praestet, non facile dixerim, ita omnes principem sibi locum in eo vendicare videntur. Admiratus sum tamen in ea aetate, cum disciplinarum ferè omnium cognitionem, tum precipue quod id potissimum profiteri videretur, de quo verba facere libuisset. Nam mo-  
rum

rum facilitatem, suauitatem congressus, facile mihi persuadeo illum ex diutina tui consuetudine fuisse adeptum. Cum igitur tot in eo admirabilia inuenerim, unum tamen fuit, quod potissimum admirarer, ea tamen ratione, ut non modo non probarē, sed etiā summopere detestarer. Quod scilicet, nec precibus meis, nec obtestationib<sup>9</sup> adduci potuit, ut nobiscum esse uellet. Agebam ego cum illo ex syngrapha, quod mihi id per literas fuisset pollicitus, producebam testem Venusinum Antislitem, at que adeo rationibus ostendere nitebar ita in rem suam esse, quid quæris? Unica exceptione tam difficile iudicium euasit. Imperatū sibi esse dixit à Pont. Maximo, ut simulatque rebus domesticis consulisset, denuo reuerteretur in Italiam, ibiq; esset quo iussus esset accedere. Quoque minus illum temere immutasse voluntatem conicere possemus, maximis se affectum beneficijs ostendit, & in rebus aduersis gratia subleuatum, uti integrum sibi non esset quæ Pont. iussisset, facturum non recipere. Jam quæ huic amici morbo Grassensis adhibuerit medicamenta, superuacuum est scribere: cum nec aliquid profecerint, & vix credibile videatur, virum tantæ autoritatis, suadentem ea quæ amico tantopere conducerent, quæ peteret non impetrasse. Id vero mi Stephane, & si molestissimum tibi fore certo scio, tuæ tamen prudentiæ erit, non ex unius uoluntate pendere. Maximum & summopere laudabile est, quod animo concepisti, et si perfeceris, animi tui magnitudine dignissimum. Nec vero locum inuenies, qui

C 2 tam

tam facile huic desyderio tuo quietum ocium, & commo-  
 dum secessum præstet, sicut Lerinam nostram. At non  
 erit nobiscum Longolius, molestum id sane, doctissimi sci  
 licet amici absentia, longe tamen futurum molestius, si nõ  
 vel maioribus vel certe paribus commodis damnum hoc  
 compensari posset. Primum quidem quod erunt nobiscum  
 alij forte tam græcis quàm latinis literis (quod pace ami-  
 ci dicere liceat) Longolio non inferiores, qui à te honorifi-  
 ce habiti, libentissime te sequentur, & eo præsertim ubi  
 non minus sibi ipsis quàm tibi prodesse poterunt. Nam  
 quid in hac insula sis inuenturus, malo te tacitum & re-  
 minisci & cogitare, quàm id à me tibi scribi, quippe quod  
 de eo periculum feceris. Melius tamen omnino negotium  
 hoc tractatum esset, si coram nos mutuo alloqui potuisse-  
 mus, quod nisi & longinquitas viæ & maris inconstan-  
 tia obsisteret, adhortatus te essem ut omnino hac æstate  
 ad nos proficisceretur, de cõmunibus rebus collocuturus.  
 nam quominus ego ad te proficisci possim, scis me & ritu  
 & cerimoniaj religionis impediri. Si tamen qua mea sit  
 de hac re sententia penitus exquiris, scribam apertè sicut  
 & mea natura & nostra amicitia postulat. Si hominem  
 habes apud te, qualem habiturum sperabas, mihi plane  
 opinor tibi esse conducibilis, quàm ut quamprimum ad  
 nos aduoles, non modo de his rebus collocuturus, (id enim  
 vix tanti esset) sed domicilium habiturus in ea insula, cu-  
 ius dominium dudum adeptus es, non ex nostra tantum,  
 sed & ex Grassensis nostri liberalitate. Nec ut ita tibi  
 suade-



suaderem, amor tantum mihi suavit, longe id quidem a me  
ut in re tanti ponderis antequam ad dicendam sententiam  
accedere, non omnia collustrarim, qui plane scio, si te ali-  
quando huius professionis pœnitere cœperit, futurum esse  
ut me quoque consilij pœniteat. Jam mihi videre vi-  
deor qui congressus nostri futuri sint, quam ex longissimis  
dies in angustissimum spacium sint contrahendi, quam de-  
nique quotidie apud nos magni aliquid & literarum cupi-  
dis perquam utile sit nasciturum, quod deniq; tecum mi-  
sas gratiasq; omnes ad nos sis aduecturus: quod ut quã-  
primum facias etiam atque etiam rogo. Vale.

Benedicto Theocreno. Greg. S.

**N**isi me humanitas officiumq; coegissent, melius omni-  
no modestia rationem habere potuissem, si nullas ad  
te dedissem literas. Tua nanque & si amicissime scripta,  
ingenium facundiamque tuam summopere declarabant,  
me tamen tam multiplici laude onerabant, ut ferè etiam  
tui similes & iure laudatissimi, magis vim amoris in eo,  
qui scripserit, excusare, quam eiusmodi præconium recogno-  
scere potuerint. Quare non aliter causam hanc explicari  
posse existimaui, quam ut vel tacitus locum hunc præter-  
irem, uel quamlibet elaborata epistola, quantum de me de-  
ciperere locupletissimū afferrè testimonium. Tu igitur vi-  
deris quid de me sentias, viderit Saulius noster, quantum  
in hac sententia peccet, viderit denique Longolius & si  
est om-





est omnium παρὸς διδασκαλικῶν, quàm inconsulto in hoc iudicium venerit. Ego certe satis habebō, si vel hac ratione in amicitiam tuā irrepsero, quem οὐκ ἀνδροπία καὶ οὐτ' ἀμύση, ut inquis, ἀλλὰ καὶ πειρίσαντες ἀνδρα καὶ πολυμάθεσσι. Non ergo tantum, sed doctissimi quique et diligunt et observant. Quod nisi fidem de te mihi fecissent elegantissima illa tuę literę, verè ex diuino fonte manantes, satis declarare poterat, quali esses ingenio quantaque doctrina, quod vnus electus sis à Fulgosis principibus, qui illis assidue hæreas, quorum id est iudicium, ea prudentia, ut cū omnibus absque controuersia splendore, et animi magnitudine præsent, magis tamen in eo sunt admirabiles, quod hi prudentissimi indicantur, qui illorum prudentiam, non dico assequi, sed quanta sit intelligere possunt. Quod cum ita sit, nemo est qui ambigat, nihil illis probari posse, quod non idem in suo genere sit omnium probatissimum. Tantum igitur abest, ut vel absens vel præsens aliquid à me discere possis, ut præclare etiam tecum agi putem, quod me in amicorum tuorum numerum ascribere non grauaris: nisi forte iuxta sensum græci Prouerbij mihi volueris esse discipulus τοῦ διδασκάλου καὶ μαθητῆς τοῦ κηρύττοντος διδασκαλίας. Posthac certe ita tibi persuadeas velim, multos esse qui virtutes tuas et si cupient emulari, assequi tamen posse diffidant innumeros qui tantum admirentur. Me sane vnum esse, qui cum illarum luce perstringar, amorem erga me tuum omni humana felicitati antepōnam. Illud modo superest, ut mutuis et officijs, et literis institutam amicitiam excolamus. Si quid igitur

igitur in re tua deinceps accidet, ut quippiā à me tibi gratum proficisci possit, id de me tibi licet polliceare, quod de homine à teneris (ut graci dicunt) unguiculis, tibi coniunctissimo. Vale.

Benedictus Theocrenus. Gregorio  
Monacho S.

**R**edditas tibi fuisse literas meas, illud fidem facit certissimam, quod, quas ad te Saulius eidem homini dederat, accepisse te ad Saulium scribis. neque fieri potuit, ut alteris incolumibus, altera perirent: praesertim uno in fasce (ut ait Saulius) colligata. Nihil tamen, quod ego quidem sciam, aut certe suspicari possim, adhuc respondisti: nam, si quid scripsisses, fuisset id non minus ad nos perlatum, quam, quod ad Stephanum aliosq; item, quos eos genere officij non indignos duxisti. Unus itaque praeteritus est Theocrenus, idque à Cortesio, qui scribendi diligentia, quos non vincit, facile aequat. An ego sic tibi indisertus, & facultatis oratoriae omnino expers visus sum, ut meas nugas initio repellere malueris, quam eas bis, quod tamen non effugies, perpeti? at humanitatem tuam nemo non praedicat, est quae ea iam pridem constans de te opinio, ut literarum studiosos, quotquot naetus fueris, ultro inuites & aptis suasionibus ad propositum tuendum hortaris, tantum abest, ut ex eo numero aliquem fastidiose abijcias. An vero potius occupationes effecerunt, ut mei obliuiscer-

obliuiscereris? *minime inquires: durum est enim etiam homini pluribus negocijs districto, confiteri, memoriam sibi alterius excidisse, qui prior amicitiam secum instituire am-  
biuerit. Quid igitur causaberis Gregori? quo saltem pre-  
textu negligentiam tuam minus culpabilem ostendes? In-  
cas. n. te angustias compuli, ut vel tergiuersans elabi non  
possis, quāquam aiunt, disputatorem esse uehementissimum.  
Verum nō protinus adeo inexorabiles aduersus te fuerimus,  
ut in isto dolori plus demus, quā unis literis tuis, modo  
aliquando scribas. Quod si abste impetrare nequiuero,  
non committam posthac, ut ullius nōs impotunitatis re-  
darguas. Video hic, quod nimis acerbe feram, ingenuo  
te rubore confundi, ut stylum arripias & ex temporali apo-  
logia non solum obiecta purges, sed eo amplius me recrimi-  
neris, quod potuerim in animum inducere, negligentia te  
peccasse. Sed quid faciam, cum nihil mihi occurrat,  
quod te ea suspicione liberet? Verum de his plura fortas-  
se, quam tenera adhuc nostrę amicitie incunabula patian-  
tur. Christophorus Longolius, ut ex eius literis ad Sau-  
lium scriptis cognouimus, Lugdunū sospes peruenerat, in-  
de digressurus cum primum se equosque de via fessos cu-  
rasset. Dij boni, quā præclare uir ille de uobis sentit?  
quę de isto secessu commemorat, tum de liberalitate & ani-  
mi magnitudine Grassensis Vestri, cuius si decem prin-  
cipes similes haberemus, optimè cum literis ageretur, bre-  
uique tantus ingeniorum prouentus appareret, ut nun-  
quam antiquitas fortius prouocata sit. Eit tu me Gregori,  
si mutuo*

si mutuo amabis, totum trades; non enim puto hominis de-  
ditissimi patrociniū ab eo Antislite repudiatum iri, qui  
nihil aliud dies noctesque agitet, quā, ut literarum stu-  
diosos omnino aliquo insigni beneficio sibi demereat; quan-  
quam ego ipse intra paucos menses omnino te, illumque in-  
uisam, cum minime verear, quin in oblo aut ad summum  
decem dies, commeatum à principibus meis impetrem;  
præsertim ad tam præclarum negocium, tamque necessa-  
rium. Vale.

Gregorius. Benedicto Theocreno S.

Serius tibi redditas esse literas nostras, non admodum  
molestè tuli. Fuit enim hac tarditas causa, ut &  
amor in me tuus; & ingenij tui libertas; aliquanto quidem  
quamprinus, apud me expressiora fierent & illustriora. Et  
si enim non alium te esse quā Saulius noster mire descri-  
pserat mihi erat persuasum, fecerunt tamen posteriores tue  
literæ, ut quæ in te sunt ornamenta morum & doctrinæ;  
perinde atque ea quæ oculis cerni solent, mihi essent perspe-  
ctissima. Gratanter igitur amicissimam increpationem tuā  
accepi, amavi libertatem, amorem recognoui, admiratus  
sum eloquentiam. Eo tamen magis gaudens, quod in quō  
accusabar, culpa vacabam. Licet namque in amicitia ex-  
cusatio omnis supervacua videatur, nequaquā tamen in-  
genij animi indicium esse duco, ibi culpā recognoscere, ubi  
non est. Dedi vero ad te literas, si non eodem die quo tuas

D

accepe-

acceperam, certe altero aut tertio. Ut autem citius serius-  
 ſe redderentur, qui præſtare poteram? Tu vel tardita-  
 tem vel negligentiam meam ut libet accuſato, dum tamen  
 ab omni ingratitudinis (ut nunc loquimur) nota me libe-  
 res. A qua tam animus meus abhorret, quam etiam co-  
 gnomen gentilitium. Quod vero ſcribis vereri te ut acrius  
 me increpueris, quam tenera adhuc amicitia noſtra incuna-  
 bula patiantur; longe mi Theocrene, quantum fert opi-  
 nio mea, deciperis: ut enim incunabula hæc eſſe non nega-  
 uerim, quippe nedum annicula amicitie, ſic non contrario  
 teneram et imbecillam conſitebor, quando ut aliquid de  
 Poetis aſſeram, etiam in crepūdijs legimus eliſos angues.  
 Ego vero quo primum die tuas accepi literas, ita me to-  
 tum tibi tradidi, ut ante Saulio condonariam, vibil ſuſpi-  
 cans minus illius fieri quod tibi eſſet traditum. Quare iam  
 adeo fixas radices amicitie noſtræ non dubito, ut nec tem-  
 poris diuturnitate, nec ſilentij incuria poſſint aliquando la-  
 beſcèlari. Accet vero aliquid, quod etiam eius fibras  
 corroboret, ſi iam ex condito ad hanc amœniſſimam inſu-  
 lam, ruſticatum an ſeriatum dicam? diuenteris. Quod  
 niſi à principibus tuis, qua ſunt humanitate, facillime cõ-  
 meatum (ut ipſe ais) impetraturum eſſe conſiderem, poſt-  
 habita omnino temeritatis macula, quæ ſortasſe mihi meri-  
 to poſſet inuri, idipſum etiam ab eis per literas expetiſſem.  
 Suppeditaret mihi, crede, amor in te meus, etiam Demo-  
 ſthenis fulmina, ut quicquid liberet; vel ab inuitiſſimis  
 poſſem extorquere. Te igitur propediem expeſtamus, neq;

ego tantū, sed & Grassensis noster, unicus hac tēpestate,  
aut certe cum principibus tuis tantum, literarum patro-  
nus: Is, ex quo die tuas ad me literas legit, quæ aduentū  
tuum ultra pollicebantur, non facile absentis desyderiū  
ferre potest. Quare recte feceris, si nos hac expectatione,  
quā nihil (ut scis) molestius est amantibus, quā occissi-  
me liberaueris. Vale. (ut in). *Gregorius ad Stephano Saulio*

**Gregorius. Stephano Saulio S.**

**E**T si propter locorum distantiam nihil habēmus amorē  
nostrum imminutum esse, ex me ipse certissi me intel-  
ligo, hoc certe incommodi longinquitas hac in amicitiam in-  
uexit, quod uterque nostrum rarius ab altero literas acci-  
pit. Nam quod abs te, ex quo Genua discessisti, nulla mihi  
reddite fuerint, malo id quidem fidei tabellariorum, quā  
vel obliuioni vel negligentia tue ascribere, qui adeo dili-  
genter & sancta amicitie iura omnia custodire solitus es,  
ut nullus in te sit obliuioni in eo genere, aut tarditati lo-  
cus, præcipue cum ad te iam binas dederim. In eam igitur  
opinionem veni, ut suspicer, vel quas scripsisti ad  
nos non esse delatas, vel rursus nostras ad te minime per-  
uenisse. Quorum utrum minus vellem, non facile di-  
xerim. Quod si forte grauior quæpiam honestiorque cau-  
sa tibi rescribendi facultatem ademit, seram id quidem  
æquo animo, patiarque me interim incredibili illa volu-  
ptate, qua in legendis literis tuis affici soleo, ad tempus pri-



uari. Hæc vero nulla alia esse potest, quam studiorum assiduitas, à qua omne tibi tempus surripi, tanto opere lator, ut non magis acceptis literis tuis sim gaudens. Si vero satis & studiis tuis & desiderio meo diligentia tua fieri posset, nemo me beator. Ardeo enim cupiditate incredibile, intelligendi abs te potissimum, an istic bonarum literarum studia regerminent. Cui præcipue disciplina te totum tradideris, an quod magis opinor circa orbem illum laudatissimum Terseria assidue. Si quos tibi, & hos hæcenus conciliasti ingenio, doctrinaq; excellentes, & complura eiusmodi, quæ si simul essemus, inter nos colloqueremur. Ego vero in proximis Reipub. Casinarum Comitibus, vacationem à publicis muneribus impetraturum me esse confido, id enim petij & enixissimis precibus & compluribus ab honesto ut illic dubitis argumentis. Quod si extorqueri potuero, ita me deinceps studij bonarum literarum dedam, ut quod hæcenus temporis aliud agere elabi potuit, & si non reuocare, certe diligentia, & sedulitate compensare possim. Jamque idoneum secessum ipsa etiam Lerina æmientiore salubrioremq; maxima cura Grassensis meus mihi præparat. Cui cum ob innumera alia beneficia in me, tum præcipue hoc nomine tantum debeo, quantum vix animus meus capere potest. Veruntamen, ut deinceps res se habebunt, fies à me in dies certior. Longolium nostrum si iam tecum est, à me saluere iube, ad quem etiam literas dedissem, si mihi esset exploratum ipsum esse. Patauij illud prætor ea te nolo ignorare, quod apud nos per triduum fuit



fuit Theocrenus noster cuius, & eruditione, et comitate ita delectatus sum, ut vix nunc absentis desiderium ferre possim. Longus mihi de te cum illo sermo fuit, & de Lazaro Veracetino viro doctissimo, de quo tu iam antea ad me scripseras. Cui si me totum tradideris, tam mihi erit gratum, quam a me scis doctorum virorum non modo desyderari, sed ambiri etiam amicitiam. Vale.

Stephano Saulio. Gregorius S.

**C**um te propediem sperarem ad nos esse venturum, accepi literas tuas, datas kal. Iulij, tardius tamen redditas, quam uterque nostrum desyderasset: accepi enim ad XV. kal. Septembris. Causa fuit, quod is cui dederas, sarcinulas quasdam in quibus literae erant repositae, Genua abiens, secum deferre oblitus est. Detulit tamen gregorum librorum fascem, pro quibus ad nos transmittedis, amorem an diligentiam magis in te predicem, non satis scio, utrumque certe summo opere admiror: qua de re, si iam ad amicitiam nostram, si ad tua erga me merita cumulus aliquis addi posset, hoc officio omnia essent cumulatissima. Quid enim gratius, quid optatius ei accidere potest, qui in studiis est assiduus, quam ut librorum illi adsit copia? quod magna ex parte, amore & diligentia tua sum consecutus. Illud tamen vehementer admiratus sum, quod pretium non indicaveris, praesentem enim pecuniam tibi solui imperassem. Id vero ut quamprimum facias te etiam atque

atque etiam rogo. Ex eisdem præterea literis intellexi quæ  
suspensio animo & sollicito scire cuperes, quid de Longolio  
nostro actum esset, scripsi id ad te longiore epistola quam  
non dubito, quin acceperis. Quod vero consilium exqui-  
ris meum, & si nemo melius quam tu tibi dare consilium  
potest, dicam tamen, quod sentio. Vix adduci possum ut  
credam, te in patria id assecuturum quod in animum in-  
duxisti, ut assequerere, scriberem quare ita sentiam, nisi  
te quoque idem sentire considerem. Enimvero si consiliū  
esset, ad celebre aliquod Gymnasium te conferre, cuiusmo-  
di sunt in Italia plura, nec id plane satis probarem: qui  
enim publicas scholas habent, genus illud literarum quod  
tu tantopere cupis, nec profiteri volunt, si possint, nec for-  
tasse etiam possunt si velint. Quod si in ipsis utrunq;  
adesset, adhuc tamen hanc solitudinem, anxius illorum ma-  
gis quam utilibus, ex hedris pratulissim. Vivendū illic  
ex multorum sententia, habenda ratio & nobilitatis & di-  
gnitatis, quin temporis interdum non levis iactura facien-  
da est, ne aut morosus, aut intempestive seuerus indicare.  
Si igitur iam virum tecum habes, qualem habiturum con-  
fidebas, quid erit, cur in hac amœna solitudine cōstitutus,  
tumultuosos Gymnasiorum cētus desyderes? Totus hic  
tuus eris, nisi forte cū ipsemet sponte volueris nosler esse.  
Nihil ambitioni, nihil gratiæ dandum erit. Denique plu-  
ra in hoc scribenda occurrunt, quàm ut epistola compre-  
hendi possint, & coram magis quàm per literas declaran-  
da. Quare si sapias mi. Stephane (ut certe sapias) ad  
nos

nos te confer cum locupletissima illa tua librorum supel-  
lectili, iam enim (quod ad studia attinet) pars anni lō-  
ge commodissima instat. In qua si me audieris, non uni us-  
modo disciplina instituemus scholas, sed orbem illum lau-  
datissimum, maximo animo, aggrediemur. Postremo,  
quod me hortaris, ut boni ratiocinatoris more, summam fa-  
ciam accepti expensique, feci, & quidem diligenter, ratio-  
nibusque subductis, & si aliis omnia tibi debeo, nihil me-  
tamen eo nomine debere comperi. Dedi unas ad te, Mel-  
chiori Lanterio, Grassensi binas. Quarta istę sunt: à te  
verò ternas tantum accepi. Nam quas tu ad me dedisti  
in gratia dāntur rursusque quas ego nautis tuis dedi, om-  
nino eximi volo e numero literarum nostrarum: Videris  
igitur: & si quod ad elegantiam attinet, χαλκία χρυσίον,  
an quod ad cetera pares fecerimus rationes. Vale.

### Hieronymo Palmario. Gregorius S.

Cum una essemus ego & Grassensis Episcopus, reddi-  
te mihi sunt abs te literę, gravissimę illę quidem, &  
elegantēs, sed ea potissimum de causā supra quā dici po-  
test grata, quod inexpectatum mihi lucrum attulerunt,  
amicitię tuę conciliationem. Quam tanti facio, quanti  
sanctissimi, doctissimi quę viri necessitudo fieri debet. Si  
enim repente inuento thesauro, fama est homines tantope-  
re letari, eò absque controuersia magis inuento amico leta-  
ri debemus, quo multo rarior pretiosior quę est amicus ve-  
rus,

rus, quàm rarissima illa prætiosi thesauri inuentio. Verum-  
tamen in hac amicitia cõcilianda, nescio quid præ te tulisti  
femilis prudentia, præoccupasti enim partes quæ honestio-  
res erant, difficiliore vero nobis reliquisti. Si enim auctio-  
re cumulo acceptum beneficium reddi debet, me quàmli-  
bet deinceps enitar, longe tamen intra officij debitum reli-  
ctum iri non dubito. Hoc tamen, in his angustiis, ut so-  
latio, quod non referendo tantum, sed habendo etiam gra-  
tiam, parces rationes in amicitia, grauius morum et ætatis gra-  
uitate, ut vix futurum fuerit ut auderem, nisi prouo-  
catus, me in amicitiam tuam insinuare. Misisti præterea  
multiplex elegantissimumq; munus, quod mihi recirco gra-  
tius fuit, quod in hanc solitudinem, ut rectissime suspi-  
caris, rarissime talia perferuntur. Idemque ut deinceps  
facias sapius, etiam atque etiam rogo. Non enim ve-  
reor ut tibi molestus sim, si id à te repetam, quod sponte  
debere voluisti. Quod ad cætera attinet, auderem dicere  
te satietate quadam et langore stomachi, post Hermolaos  
Hieronymosque donatos, maximè quidem illos nominis;  
sed doctrinæ longè maioris viros, amicitiam nostram ex-  
petisse, nisi mihi persuasum esset, te id ætatis virum, non  
doctrinam quæ in me nulla est, sed religionis opinionem  
quandam secutum fuisse, quam tamen ita profiteor, ut  
magis habentis à longè prospicere, quàm consequi posse  
videri

videri possim. Quale vero id sit quod sponte appetisti, tuum erit iudicium. Ego quæ meæ partes sunt, deinceps enitar, & nisi fallor præstabo, ut quoniam in proferendis amicitia fructibus, longe te ipso inferior sum, in amore tamen nihil tibi concedam. Ac ne in fructu quidem: si quidem, quod & perurbane dicit Cicero, finis amicitie nobis proposita est ipsa amicitia. Hæc ipsa tamen, nescio an amicitia magis quam pietas, recte dici debeat: fecerunt enim, & atas & uno omnium ore laudatissima virtus tua, ut te mihi in parentis locum, cõfessum, acceptis literis tuis, aseuerim. Quare ea tibi de me pollicearis velim, quæ ab optime institutis filiis, parentes expectare debent. Sciasque nihil, etiam apud te tibi esse tam promptum, aut tam paratum, quam in omnibus quæ ad te pertinent officium voluntatemque meam: Vale & viros doctissimos. Benedictum Theocrenum, & Hieronymum Monelianum nomine meo saluere iube. Et quoniam aliena magis quam tua ad me mittere voluisti, mitto & ego ad te Phaleutium Dionisii Monachi, qui nuper mihi discipulus, nunc etiam scriptorum meorum Aristarchus effectus est.

Benedicto Theocreno. Gregorius S.

**N**on potui expressius, in his quæ professionem meam ad vos attinent, animum meum declarare, quam ut istuc unum ex collegio nostro mitterem, & eum præcipue, cuius fidem & prudentiam iam diu cognita habeo: E quique

quique omnium cōsiliorum meorum, non modo particeps, sed etiam arbiter, & moderator fuit. Ex eo mi Theocrine intelliges, quid optem & quid statuerim. Te vehemētissime pro amicitia nostra, rogo, ut totus in hoc negotium incumbas, quod si ex sententia confectum crit, omni ope conabor, ut te nunquam suscepti huius laboris pœniteat. Et si enim iure meo quodam, poteram tecum ex formula agere, quod ultro mihi tanta pollicitus fueris, quanta nec optare quidem ausus essem; tantum tamen abest, ut aliquid à te exigere velim, ut etiam commodissime mecum agi putem, si rogatus in hoc negotio, operam tuam impendere non grauaberis. Caterum diu hesitavi, an ad principes nostros literas dare, & vicit tandem pudor officium, quod veritus sum sepius molestus esse principibus in maximis rebus occupatissimis. Tu certe si quid tibi, subrustico hoc pudore peccasse videbor, culpam omnem eloquentia tua diluere poteris. Vale.

Augustino Grimaldo Episcopo Grassen.

Gregorius S.

**I**am condixeram, ut hodie præsens medicamentum sumerem, pro ea qua detineor infirmitate, cum mihi retulit Benedictus gratum me tibi facturum, si Canoas proficerer. Dolui sane curationem non posse in alium diem differri: nec minime aduersa valetudo torquebat, quam iussis tuis nō obtemperare; Visum est igitur ut has ad te darem



darè quo fierem certior, quanti in presens aduētum nostrū ad te faceres. Si. n. valde id cupis faciet pietas in te mea, ut neque aegritudo ipsa mihi molesta sit, eatenus saltem quoad tecum fuero. At vero si id minus putaueris necessarium, die Veneris tecum ero, & si te ab hospitibus liberum inuenero, vacuūque aliquantisper ab his molestiis à quibus aliquando omnino liberari desydero, eatenus manebo apud te, donec Lerinam simul proficiſcamur, ad diui Honorati natalitia celebranda. Vale.

Stephano Saulio. Gregorius S.

**S**emper quidem mihi gratissima fuerunt literę tuę, doctissimi scilicet hominis, & mei amantissimi. Verumtamen, quas postremo sub discessum tuum dederas, dicere nō possum, quā iucundę, quā etiam dulces mihi visę fuerint. Et si perſpectus mihi erat amor in me tuus, exprimebat tamen elegātissima illa Epistola affectus quosdam suauissimi amoris, ut in ea legenda, vim lachrymarum profuderim. Testis est qui simul aderat Dionysius noster, me non ὑπερβολικῶς, sed ἀνδρῶς dicere singultibus impeditus fui, quominus clara voce quę scribebas possem enunciare, Ne tu homo es penē dixerim intemperata humaitate, qui cum ego omnia tibi debeam, ita mihi gratias agis, quasi iccirco mihi debeas, quòd ego tibi tantum debeo? Quid, quòd & beneuolentię & amicitie gratissima quidem nomina, leuiora tibi videntur, quā ut amor in me tuo possint sa-



tisfacere, Sanctissimo illo pietatis Vteris, quod tamen mihi rursus non satisfacit. Et enim, ut ex me ipse facio coniecturam, eiusmodi inter nos vinculo coniectymur, ut facilius à nobis solis intelligi quàm uerbi alicuius notione exprimi possit. Quapropter minus mirandum est, si non magnopere id tentem declarare, quod uerbis declarari non posse certissime scio. Tantum habeo, ut eum tibi et ingenio et doctrina omnino concesserim, quod ad cetera attinet, Cortesium alterum esse Saulium, mihi esse persuasissimum. Quare pergamus hoc quicquid est amicitiae, magis non descriptum quàm non intellectum, inuicis et officiis et literis excolere. Quo quidem in genere, qualem me prestare oportet, magnifice ostendisti. De libris enim in literis tuis mirum silentium, quare coniecturam facio, te id quod eo nomine tibi debebã, expensum donationibus tulisse. Quoniam igitur cumulata mensura iubemur reddere, video supellectili etiam oppignerata, non accessione modo tumuli, sed net pari mensura tibi à me posse persolui. Veruntamen bene habet, quod eo pacto iubet Hesiodus, si tamen reddi possit. Quare, quoniam nullo pacto referre, certe habere gratias potero. Non enim video mihi cum Cicerone posse dicere, me cum esse, qui confidam nullam esse gratiam quam remunerando cumulandoque illustrare non possim. Erunt igitur libri illi cum ob dignitatem suam, tum ob studium meum, incredibilis tui amoris apud me testes sempiterni. Ceterum ex literis Longolij Lugduni datis ad Grassensem nostrum, coniectura assequor illum iam apud te esse. O suaves con-

gressus

gressus. O suauiora colloquia. O suauissimam necessitudinem. O qui me gelidis in vallibus illis sistat. Jam incipit mihi sordescere Lerina mea. Enimuero quoniam vix fieri posse intelligo, ut gratissima cōsuetudine vestra fruatur, illud mihi erit gratissimum, si intellexero de me inter vos quā sepius sermonem haberi, ut mihi inde nunquā aures non tinniant. Postremo quod fere oblitus eram scribere, vide mi Sauli, quā non modo te ipsum, sed & tuos omnes mihi esse deuinctos putem. Utor quotidie humanissimorum fratrum tuorum opera, in transmittendis Roma Genuam & inde Lerinam libris grecis, quos frater meus emptos. Roma ipsis fratribus tuis dat ad me. Qua in re, & si nihil adhuc offensum est, gratissimum tamen mihi feceris, si utrique fratri dederis literas, coniunctionis & amicitie nostra testes, ut quod adhuc factum est humaniter, promptius deinceps fiat & alacrius accessione commendationis tuae, creberrimas à te literas expecto. Vale.

Grassensi Episcopo. Gregorius S.

**Q**uamuis aduentus Sadoletti ad nos gratissimus mihi fuerit, longe profecto gravior futurus erat, si tu hic affuisses, quae enim ad eiusmodi hospites recipiendos spectant, omnino diligentius curata essent, data tamen est à tuis opera, ut quā fieri posset, comodiissime exciperetur. Euenit vero praeter spem, ut tumultuarie sumpto prandio, cum paulo ante meridiē applicuisset, hora tertia hinc discesserit

scēsserit, Antipolim profecturus. Ego autem cum putarem satis anguste pro ea multitudine, hospitium illic paratum esse, statui ea die profectiōe supersedere, mane deinceps hominem consecuturus. Eiusmodi autem tempestates secutæ sunt, quæ me omnem profectiōis cogitationem coegerūt abijcere. Nihil enim (ut scis) adeo imbecillitati meę contrarium est, ut vehemens auster, qui ea die qua profecturus eram, fuit vehementissimus. Enimvero cum semper hæc corporis imbecillitas mihi molesta fuerit, nunc demum visa est etiam erumnosa, quod propter ipsam factū sit, ut longe mihi gratissimo spectaculo caruerim: trium scilicet virorum congressu, optimorum simul & doctissimorum, addo etiā (quod caput est) amantissimorum mei. Summopere vero tibi gratulor, quod tales apud te hospites habiturus sis, quorum memoria æx ipsa Monoeci longe mihi impostulorum futura sit gratior. Persuasum habeo Castellanium diutius apud te fore, & si enim de remansione sua ambigue mecum loqui mihi visus est, quæ tamen est hominis humanitas, scio ipsum, cognita de se expectatione tua, nec præcibus tuis locum esse relicturum. Vale.

Federico Fregosio Episcopo Salernitano. Gregorius S.

Eadem sæpius ad te scribere non grauabor. Quando enim nullæ abs te nobis redduntur, facile mihi persuadeo, nostras quoque minime ad te perferri. Nequaquam enim

enim verisimile sit, post eas quas Parisiis scripsisti, etiam si nihil literarum à me acceperis, nihil à te datum esse. Lerinam veni pridie Id. Julij, eo potissimum consilio, ut te quamprimum conuenirem, quem Massilia esse intellexeram, fruererque saltem diebus aliquot iucundissimo illo atque suauissimo congressu tuo. Deiectus demum ea spe, quod te Lugduni etiam tum moram trahere, ciues quidam Genuenses tibi coniunctissimi, mihi renunciarunt, statui tantisper apud Grassensem commorari, quoad casu aliquo tu ad hanc Prouinciam diuerteres, quod breui fore honestis grauibisque de causis mihi persuadebam. Deditque interim diligentissime operam, ut sapius nostra ad te perferrentur. Sperans hac saltem ratione, facile quippiam literarum à te elici posse. Quod cum secus ac sperarem ceciderit, & si nihil erat in quo te accusare nec vellem si possem, nec possem si vellem, subibat tamen interdū (fateor) animum meum cogitatio, me tibi penitus excidisse; Inter has meas sollicitudines repente superuenit Iacobus Sadoletus, qui euocatus à Pont. Max. Romam pergebat. Is vero statim, ut est tui amantissimus, Nunquidnam, inquit, à Salernitano? nihil inquam, & si sapius ad ipsum literas dedi. Minime, inquit, mirum est. Equidē ex quo ad hanc prouinciam applicui, cum crebris illum epistolis excitarem, nec literam quidem ad hanc diem ab ipso exprimere potui. Tunc vero omnis ex animo meo dubitatio abscessit. Et si enim nihil te in amicitia aut officio peccare posse, mihi antea erat persuasum, tunc demū tamen statui, te nunquam

quam commissurum fuisse, ut tantus vir, cum prior ad te ipse scripsisset, frustra à te literas desideraret. Omnemque iniquitatem temporum & quorundam hominum malitia culpam reieci. Veruntamen, ne & ego diutius literis tuis carerem, quo nihil mihi molestius accidere potest, & ut Sadoletum quoque eisdem à te expectare fieres certior, statim ad te hanc scripsi epistolam: dedi que operam diligentissime, ut ad Andream Auriam regie classis præfectum illico perferretur. Persuasum habens, neminem esse qui certiores ad te nuncios dirigeret. Satis mihi erit mi Frederico, si inter maximos difficillimos que negotiorum fluctus, quibus te continenter agitari non dubito, tantillum saltem temporis amori erga te meo impartias, ut me facias certior, an spes aliqua supersit, fore, ut te citò videre possim. Nulla est, mihi crede itineris difficultas, aut laboris molestia, qua me à te conueniendo possit abstergere. Vale.

ad h. Lamberto Episcopo Venusino.

24. Gregorius. S.

**A**ntonij nostri ingenium & diligentiam nequeo summo opere non probare, qui, & si, ut audio, humanioribus literis nuntium remisit: & in interditi totus & actio nibus versatur, iucundam tamen adhuc memoriam retinet pristinorum studiorum, nec a quo animo pati potest bonarum literarum candorem, quem tanto sibi labore, & studio comparauit, barbarorum sordibus maculari. Decla-

rat nimirum istud erudite & perelegantè ad te scripta  
 litera, & inuestigandis Bibliopolarum officinis mirifica di-  
 ligentia. Caterum, quod requiris quosnā libros iudicio meo  
 magis probem, ex his quorum nomina ad te dedit, facis tu  
 quidem humaniter & amice, ut quorum (ut ego inter-  
 pretor) Usus mihi tecum communem fore desideras, in  
 his etiam coemendis, iudicium meum velis interponi. Sed  
 ut omnino temerarium opinor de his quæ nunquam vide-  
 rim imprudenter iudicare, sic Chrysostomi commentarios  
 in Genesim, modo accesserit interpretis fides & diligētia,  
 omnino tibi habendos puto. Sunt enim apud me iidem gre-  
 ce scripti, quibus nihil fieri posse opinor in eo scriptorū ge-  
 nere absolutius. Enimuero, quid opus est singula persequi  
 cum Plinij sententia omnes tibi probati esse possint? Nul-  
 lus adeo malus liber est inquit, ex quo non quippiam utili-  
 tatis erui possit. Non igitur timēda est hæc quātula pecunio-  
 la iactura, præsertim si cum eiusmodi re commutetur, quæ  
 facile omnibus pecuniis longo interuallo prætiosior iudica-  
 ri debeat. Vale.

Augustinus Episcopus Grassensis.

Iacobo Sadoletto S.

**G**rauiſſimo mihi fortuna vulnere afflicto, reddita  
 sunt litera tuæ plenissima & officij & humanitatis.  
 Cum enim me abs te summo pere amari mihi antea fuerit  
 persuasissimum, hæc tamen potissimum Epistola expressius  
 F quodam



quodammodo & illustrius incredibili tuam erga me beneuolentiam, tãquã ea quæ oculis cerni solent, mihi perspectam fecit. Quapropter, multis honestisque de causis, non modo grauisissimi casus leuationem aliquam, sed solatium etiam non mediocre nobis attulit. Cum enim hoc meo tempore te ita affectum fuisse cognoscam, ut penè ipse consolatore indigeris, eiusmodi tamen & sententijs & rationibus usus es, quæ cum per se ad leuandum dolorem grauisissima essent, fiebant tamen accessione autoritatis, atque eloquentia tua longe grauioribus. Ego uero, quemadmodum nunquam me fratrem meum, præcipua quadam conditione inter ceteros homines natos esse existimaui, ut non subitis maximisque fortune ictibus subiaceremus, sic fateor, nunquam me eam animi celsitudinem prætulisse, ut omnes humanos casus animi mei magnitudine inferiores esse crediderim. Enimvero, quis adeo præmeditatus, aut præmunitus esse potuisset, quem si non mors acerbissima unici fratris, genus saltè ipsum immanitatis & inaudita crudelitas non commoueret? Nullam opinor aut prudentiã, aut doctrinam tantum virium habere potuisse, ut acerbissimum hunc dolorem moderate fuerit toleratura. Sed ne atrocitatem sceleris commemorando acerbum illud vulnus recrudescere faciã, ad me ipsum, measq; proprias calamitates me conuertam. Erit enim per quã salubre mendedicamentum, incredibilis doloris erumnas meas atq; calamitates tecum communicare. Ego quidem cum iam inde ab adolescentia eruditi ocij & literarum fuerim cupidissimus, assidue

assidue tamen grauibus curis eisdemque necessariis simul  
 & molestissimis, velut quodam reslante vëto, à tranquil-  
 litate portus quam à longe intuebar, in maximos negocio-  
 rum fluctus memini me esse delatum. Cumque diutius  
 difficillimas, ut ita dicam, navigatione vsus, nunc demum  
 immensum illud pelagus superasse me putarem, cœperam  
 iam ad diu cupitum vitæ genus actiones meas accommo-  
 dare, potissimūq; aduentus tui ad hanc prouinciā expe-  
 ctatione recreabar, quod in eo me cernerem partem lon-  
 ge maximam felicitatis collocare posse, si tecum mihi viue-  
 re liceret. Postquam vero mihi renunciatum est, te istuc  
 aduentasse, tantam animo cœpi voluptatem, ut me putare  
 quod diu optaueram, cumulatissime consecutum. Et ut ni-  
 bil mihi deesset ad id quod institueram, diligentissime ope-  
 ram dedi, ut apud me haberent Gregorium Monachū ci-  
 uem tuum, cuius cum mores, & peno dixerim, pietas er-  
 ga me mihi cognitissima sint, animo meo longe carissimus est  
 atque gratissimus. Ex ea vitæ tranquillitate, adeo mori-  
 bus & institutis meis accommodata, repente non in luctū  
 modo laboremque detrusus sum, sed ad tam afflictam per-  
 ditamq; fortunam deuolutus, ut non amicis tantum, &  
 his omnibus quæ summo mihi studio comparaueram, sed  
 meipso etiam mihi penitus sit carendum. Quare, tantum  
 abest ut dies ipsa luctum meum leuare possit, ut sum-  
 mopere verendum sit, ne etiā longinquitate tēporis augea-  
 tur. Cum enim ceteri dolores vetustate mitigari consue-  
 uerint, hic non potest non & sensu præsentis miseriæ &

recordatione præteritæ vitæ quotidie augeri: Jam solatia illa studiorum quæ ipse mihi adhibiturus fueram, irruentibus undique molestiarum fluctibus sic obruuntur, ut nec vestigium fere superesse possit pristina consuetudinis. Unica mihi inter tot calamitates incunditas superest, Gregorij mei consuetudo, & quotidianum ut ita dicam contubernium, in quo interdum aliquantisper depositis curis & doloribus, acquiesco. Apud quem, tantum valuit sanctum & venerabile amicitia nomen, ut spreta studiorum gratissima quiete, spretis tot locorum amœnitatibus, quibus ordo ille hominum potissime abundat, non moleste tulerit mecum in has locorum angustias detrudi & ablegari. Cuius cum tantus amor erga me sit, interdum tamen vereri cogor, ne tedio atque sacietate presentis vitæ & prioris desiderio, inter tot tamque molestas sollicitudines, solum me repente destituat. Quod si forte contigerit, erit tunc mihi literarum tuarum solatium, quod nunc quidem maximum est atque optatissimum, tunc etiam unicum mihiq; præcipue necessarium. Vale.

Hieronymo Adurno. Gregorius S.

**Q**uod nunquam fore putavi, ut illis gratias deberem, qui me librorum meorum suppellectilibus spoliarant, id mihi nuper beneficio atque humanitate tua contigisse gaudeo. Ea nanque iniuria potissimum causa extitit, ut gratia atque favore tuo indigerem, quæ mihi ita humaniter, atque

atque abunde pollicitus es, ut tamen amplissimas pollicitationes, opera atque officio superaris. Jamque animo meo gratius est atque iucundius quod te rogarim, quam id quod postulaueram impetrasse. Accidit enim mihi, licet aliud agent, eius tamen rei cupidissimo, ut in amicitiam tuam clanculum insinuarer, qua nihil mihi gratius non modo aliquando contigit, sed vix etiam in futurum contingere posse non dubito. Libros præterea diligentia atque amore tuo conseruatos ad unum omnes recuperaui. Cæterum et si officio ipso admoneor, ut à te suscepti pro re mea laboris assidue memoresse debeam, præcipue tamen cum ad hos ipsos libros accessi, nihil aliud nobis persuadere velle videntur, quam ut cuius opera factum est, ut cum ipsis assiduus esse possim, eius saltem iucundam suauemque memoriam assidue teneam, quando nequeam tantis tuis in me beneficiis, aut studio aut opera respondere. Ego vero facile hoc me facturum recipio, quod ut opinor, egregie sum præstiturus. Tantum enim abest ut moleste feram in hac nostra ratione, me tibi plurimum debere, ut etiam si quid ad cumulum accedere potest, magis magisque in posterum tibi debendissim cupidissimus. Quod vero ad cætera attinet, nequaquam expectandum est, ut tibi quippiam de me pollicear, cui deinceps liberum fore confiteor cuicumque volueris de me polliceri. Vale.

## Hieronymo Adurno. Gregorius S.

**N**ihil mihi molestius accidere poterat, quàm ut nostræ ad te literæ non perferrentur. Quod siue iniquitate temporum euenerit, siue negligentia eorum quibus commendatæ fuerant, non satis scio. Certe cum id ipsum mihi Saulius noster renunciasset, qui postquam eas fidelissimè accepit, quas ad se eodem die dederam, compluribus diebus se tecum fuisse dicit, nihil mihi visum est eidem officio præuertendum. Quæres forte, quidnam grauioris rei literæ illæ habuerint, ut ipsas periisse tantopere doleam. Illud utique, quod in maximorum virorum vitam morestque intuens, maximam semper vim in optima quaque natura habuisse cognosco. Vereor enim ne parum memor acceptorum beneficiorum iudicari possim: cum hoc ipso nihil facilius efficere possit, ut male collocata esse videantur. Ea uero quæ in me contulisti, talia tãtiq; pòderis extitere, ut me ipsum mihi hoc officio abs te restitutum esse & confitear & præmeferam, cum illud mihi restitueris, sine quo vita omnino mihi acerba futura videbatur. Quid n. libris gratius esse potest, his qui in libris assidue versari cōsueuere? Quare, cum nequaquam par gratia à me possit tanto beneficio referri, certe operam dabo, ne eius memoriam ulla unquā deleat obliuio. Et si qui deinceps fructus futuri sunt studiorum meorum, quod à te omnes proficiſcentur, merito etiam tibi dicatos consecratosque suspendemus. Vale.

Hiero-

## Hieronimo Adurno. Gregorius S.

**I**llud demum summa innocentia testimonium mihi esse videtur, cum diligenti hominum peruestigatione cuiuspiam moribus uniuersoque vite cursu seuere exanimato, nihil inuentum fuerit, non modo quod puniri debeat, sed nec quod iure reprehendi posse videatur. Et si quispiam eiusmodi inuentus fuerit, hunc non verebor illis praeferre, qui tranquillam & opinione omnium innocentem vitam ducentes, nunquam hominum iudiciis aut quaestionibus excussi decesserunt. Quare si mihi Scipionis illius qui à Se. Rom. vir optimus iudicatus est, Censorijque Catonis qui quater & quadragies causam dixit, toties absolutus, facienda sit contentio, non verebor longo interuallo Catonem praeponere. Quod & de quibusdam Aristophonte & Cephalo scripsit Æschines, quorum prior γράφας ἰσθδομὴν ἔχοντα καὶ τίτλην τί-  
 & & alter autem οὐ δειψίαν τὸ πᾶσι γράφειν πικρῶς. Infinita sunt nempe non in pectoribus modo, sed in hominum etiam actionibus latebrae. Innumerabiles finis, dissimulando multa, plura etiam simulando, complures innocentia bonitatisque nomen nancisci posse videntur. Ut non alia de causa fabricatorem hominis Momus reprehendisse videatur, quod quod non pectora hominum fenestrata fecisset, ut non actiones modo, sed cogitatus etiam liceret intueri. Cuius vero vita pulsatur quaestionibus, iudiciis agitur, vexatur testimonis, in eo nihil latebrosum, nihil occultum residere patitur,



tur, inimicorum diligentia, importunitas accusatorum, in lucem prodeant vniuersa necesse est. Adde etiam, quòd cum calumniarum obrectationumque plena sit vita, ille ipse innocens, si in suspicionem venerit, non verius absolui potest, quàm si cum inimici quid in eo reprehendant non potuerint ostendere, nec iuratus etiam iudex inueniat quid condemnet. Recte igitur maiores nostrum, facile patiebantur plurimos accusatores esse, quod innocens si postulatus sit, ex ea ipsa accusatione gloriam, honoremq; consequi potest, reus nisi accusatus, non potest condemnari. Vtilius vero esse iudicarunt innocentes absolui, quàm nocètes causam non dicere. Id ipsum usu accidisse opinor Iuliano Grimaldo qui duabus rebus, quæ plurimum in Rep. valere cõsueverunt, gratia scilicet, & clarorum virorum ingeniis oppugnatus, vim omnem accusatorum, iudiciorumque tela, à seipso sociisque innocentia tantum & integritate tectus, magnifice repulit atque deiecit. Quare, nec locupletius quidem testimonium integritatis potuerat optare, quàm illum ipsum exitum iudicij, tam præclarum atque magnificentum. Ut iam non mirum esse videatur, quod absolutus fuerit, sed quid in mentem venerit inimicis, tanta innocentia virum accusare. Admiranda tamen omnino mihi videtur huius viri mens atque consilium: cui cum olim non suffecerit optimorum virorum sententia illa, quæ, conscientiam mille testium instar habere dicit, nunc etiam publico iudicio absolutus non acquiescat, ut facile coniectura assequi possimus, nõ potuisse eius hominis mentem iniquum aliquid concipe-

concupere, qui se in suspitione venisse perpetrati delicti, etiam absolutus, tam inique patiatur. Cum igitur acta omnia eius iudicij examinarim, non secus de ipso iudicare potui, quā quod inimici eius, quod iuratus iudex, quod vir ille deo dicatus humani diuiniq. iuris cōsultissimus, indicarit, Julianum scilicet tam longe abesse à culpa; quā illi ipsi accusatores à modestia absuerunt. Hortarer que te ut eadē de ipso sentires, quę tot testes iurati senserunt, nisi mihi esset persuasum te non id à me quasisse, quod secus sentires, sed quod tecum quāmplurimos illius innocentia testis habere velis. Vale.

Benedicto Theocreno. Gregorius S.

**N**ihil mihi sanè magis, prater spem accidere potuit quā vehemens isthac tua exposulatio. Quæ quidem, ut est magna vis eloquentiæ, me etiā ipsum primo aliquantisper commouit. Veruntamen, cum me collegissem, comparareq; factū meum cū exposulatione tua, nihilominus fuit, quod partem aliquam officij, illo tuo tempore, à me derelictam fuisse, mihi persuadere possem. Nec quidem tantum mihi arrogo, ut affirmare ausim, quicquid amicitie nostræ debebatur, à me præstitum esse. Illud enim infinitum quoddam est, & quod à nemine, ut opinor, præstari posse videatur. Quicquid tamen à mediocri viro expectari potest, abunde tunc à me præstitum tibi fuisse, vehementer contenderim. Nec sanè equum esse arbitror,

te, ex magnitudine animi tui, aliorum coniecturam facere, quem natura excelsum quendam & superiorem omnibus humanis casibus effinxit. Me vero vel frigidum, vel etiam si magis ita libeat, in communibus officijs ineptum appelles licet, dum planè nihil prudentem volentemq; in amicitia peccasse cōfiteare. Sed quoniam ad disceptatorem Federicū me vocas, à quo nec mihi, nec tibi est prouocatio, nihil est quod mihi difficile fore suspicer in hac causa, quādo & arbiter, non solū propitiū, mihi contigit, sed qui patroni etiam personam suscipere non sit veritus. Post cuius quidem patrociniū, nefas omnino mihi esse putarem, verbum aliquod pro mea causa facere, nisi ad id aduersarius me coegisset. Et nonnihil etiam vererer, ne tua hac expostulatione, in quotidianis congressibus, quæ tibi vis persuadendi est, etiam ita erga me animato iudici, quippiam persuaderes. Cum sit illud eloquentiæ totius ætatis oratoris & illius. Ego mi Theocrene, quantū memoria repetere possum iniquissimi illius temporis discrimina & calamitates, neminem fuisse opinor tā sui compotem, qui, ultra id quod ob oculos esset, potuerit prospicere: quod si aliunde non satis nosti, ex te ipse coniecturam facias licet. Ego certe cum ad primam statim hostium irruptionem cōplures deinceps impetum, in me fecissent, qui se pro comperto habere dicebant, auream argenteamq; suppellectilem, maximum preterea pretiosæ vestis & gemmarum numerum à Federico ad nos fuisse translata, amicorū consiliis acquiescens statui, mihi tantisper tempori cedendum esse, donec atrox illa tempestas

tempeſtas acquieuiſſet. Nec toto illo triduo quiſque om-  
nino mortaliu fuit, non dicam qui à te mihi tulerit nunciu,  
ſed nec qui ubi gentium eſſem, poſſet cognoscere. Cum ve-  
ro ex illis, ut ita dicā, latebris prodiiſſem, iamque pro ad-  
uerſa valetudinis curatione dilutum neſcio quid biſſem,  
certior factus te Genua eſſe, quem cum Federico noſtro  
profectum credideram, aduentumque meum ad te deſyde-  
rare, oblitus omnino & valetudinis & pharmaci, confe-  
ſſim ad te aduolaui. Hic vero libenter taceo, in quibus vi-  
ris quantaque opulentia, non illorum quidem, ſed tempo-  
ris iniquitate, nihil non dicam auxilij, ſed nec conſilij qui-  
dem, te inueniſſe mihi narraueris: ne cum demum de me  
ipſe loquar, prudentiam tuam videar deſydere, qui id  
ab hoſpite, & ut ſeres tunc omnium habebant, indigo re-  
rum omniu, ſperare potueris, quod tot ciues tui, qui in ſuis  
ſummis verſabantur, præſtare non potuiſſent. Amicorum  
inquiès opera utendum fuit. Id quidem certe dicere poſ-  
ſem, quod meminiffe te arbitror: cum plures me tunc appel-  
laſſe, ſed illud planè tibi perſuaſum eſſe certo ſcio, me in  
tantillo temporis quo Genua, hoſpes fueram, neque certio-  
res, neque fideliores amicos parare potuiſſe, quàm tu in pa-  
tria tot annorum ſpacio parauiſſes. Quod vero ad Sfor-  
tiam Barbarosque attinet, ſcis me difficillima diei hora il-  
lò tunc profectum, quo non ordinis, nò valetudinis quidè,  
ſed amoris tantum noſtri ratio poſtulabat. Inter gentem  
efferatiſſimam, cuius ſe non regem, ſed ſubiectum eſſe ipſe-  
met Sfortia, non eſt veritus conſiteri. Addidit que inſu-

per, nihil te sperare de conditionibus quas firmari posse immutari. Acerbeque me audiente Gilinū increpuit, quòd vas pro te factus, ad illos proficisci nō extimuisset, à quibus suspicari posset magnum aliquod malū sibi imminere. Summa postremo sermonum hæc fuit: Cupere se quidem tibi Gilinoque strenuam operam nauare, sed nihil earum rerum fore in potestate sua. Hic vero dicerem optandā mihi fuisse vim tuam persuadendi, nisi viderem, te postea diebus compluribus, additis ad eloquentiam sordibus & squallore, vultuque illo tuo, qui tacens etiam, maximi oratoris instar habere consuevit, nihil de summa, quam pactus fueras, detrachere potuisse. Nihil illos flexisse ad misericordiam, quos, qui ego non flexerim, tam acerbe mihi iratus fuisti, ut etiam summo iure mecum experiri non dubitaris. Illud postremo quod minimum quidem est, in tam constituta amicitia, quoniam me ad calculos reuocas, præterire non possum. Ut ex Feritore, ubi diutius sub ardentissimo sole multa à me difficultates deuorata sunt, tandem correptus vehementissimis doloribus, vix domum me recipere potuerim, & ut sequenti nocte inter manus ministrorum assiduaque fomenta, iacuerim semiuivus. Id vero ea de causa accidit, quòd sumpto medicamento, cōsuetam diligentiam non adhibuissem. Quare mihi necesse fuit, postridie eius diei quo hac contigerant, violentius pharmacum sumere, cuius vi affecto corpore cōplures dies memini me iacere: misiq; illico qui nomine meo de his orationibus te faceret certiolem. Hæc sunt mi Theocrene &

ἐν ἑτέροις ἀπολογισμοῖς quibus si acquiueris, pergratum mihi erit, si minus rursus ad Federicum. Philippo Saulio non modo nomine tuo salutem dixi, sed ad ipsum quoque detuli querelas tuas, qui, cum festinatissimo suffragio secundū me iudicasset, magis mihi visus est operam dare, ut te nihil in amicitia peccasse, mihi persuaderet, quā ut me quippiam peccasse suspicaretur. Caterum ita tibi persuadeas velim, siue irato animo ad me scripseris, siue ut ipse praeferens, literarum mearum eliciendarum gratia, me cū à Federico discesserim, neminem habere, quem aequè ac te diligam & obseruem, mihi iam diu persuasum esse te mirifice nobis in amore respondere. Quoniam vero ea tempora inciderunt, ut mutuo amore nostro, coram frui non possimus, danda est saltem opera ut & literis & officiis nos inuicem creberrimis excitemus. Pergratū mihi erit si Budaū nomine meo salutaueris, nosque feceris certiores, quot qualesque doctos viros tibi conciliaris, quid literarum, quid iudicij istic inueneris. Vale.

Luciano Monacho. Gregorius S.

VT verissime scribas, magnopere à me peccatū esse, qui non latine ad te scripserim, illud certe dicere nō audebis mihi abs te facillimam tuam ostensam non esse πρὸς τὴν ἀττικὰν γοῖαν qui id imitari volueris, quod in me tātopere tibi displicuisset. Nam quod me, & maiore ocio abundare scribis, & plus facultatis habere, ut cōmodius officio



officio potuerim satisfacere, mirum quod non videris futurum, ut neutrum à me tibi concederetur, nam & facultatis tantum in te esse certo scio, quantum vir ingeniosissimus, assidua lectione autorum eloquentissimorum, adde etià longo usu scribendique exercitatione, consequi potuerit. Ocijs vero tam mihi, quàm tibi nihil suppetet, si hoc scribendi munus à qualicunq; negotio valuerit impediri. Ego vero quod ad me attinet, non cōmittam posthac ut in hoc genere me accusare possis. Tu vide, ne ullam spem excusandę negligentie in negociorum multitudine colloces. Quod si à te fieri intellexero, ego quoque undique collectis excusationibus te obruam. Ceterum multis grauib; quę de causis, pergratę mihi fuerunt literę tuę, sed ea potissimū quod de Cænobio illo nostro, immo etiam communi patria, optatum mihi nunciū attulerunt: vix enim dici potest, quàm mihi complures iam annos molesta fuerint, quę de illius calamitate, ociosis hominibus obloquendi occasionem praestitere. Nunc vero vehementer gaudeo, omnibusque qui istuc degunt summopere gratulor, quòd rebus in pristinā, vel certe longe meliorem fortunam restitutis, nihil erit quòd ad cumulum summę felicitatis desiderari possit. Cum. n. diuina istuc inter tot clades magis augmentum quàm imminutionem acceperint, valde consentaneum est, humana quoque priorem statum abunde superatura esse. Quod vero de profectiōe meā istuc scribis, scito rationē rerū mearū sic cōstitutā esse, ut sine maximo valetudinis & studio-rū incōmodo, addam praterea nisi ratione officij derelicta, pedem

pedem hinc mouere non possim. Quare, quicquid tibi impedimento fuit quominus ad nos proficiscerere, illud ipsum longe abominor & detestor: caue enim credas aliud mihi gratius magisque optatum accidere potuisse, quod prope diem quoque fieri posset ut denuo accidat non omnino mihi desperandum est, nisi tibi mihiq; deesse volueris. Dionysius nonster mecum est, eritque, ut opinor, dies quamplurimos, ut omnino cumulatissimo gaudio nihil deesse potuerit, si tu quoque istinc ad nos profectus esses. Vale, meque sapius literis tuis inuisce.

Dionysio Monacho. Gregorius S.

**R**ESTE suspicaris mi Dionysi, literas tuas nobis redditas non fuisse, quem quidem casum & tuli & fero molestissime. Carui enim oblectatione maxima, qua in legis literis tuis affectus essem, & quod praterea amici diem perdidi. Si n. Monachus ille qui huc appellere debuit quippiam opis vel gratiae nostrae indignisset, & si eius generis omnia in me sunt, ut Lucretij verbo utar, paruissima, cognouisset tamen quanti Dionysium meum faciam. Eiusmodi enim est amor in te meus, ut dum tibi morem geram, nihil mihi arduum aut difficile videri possit. Alterum vero, quod scribis te ingenti mei desiderio affici, si omnino lex ea amoris est, ut amantes redamare cogamur, & in eo potissimum pares facere utriusque pagina rationes, ex animo meo facio animi tui coniecturam. Ceterum de valetudine

audine non adeo incommode mecum agitur, siue id clementia cœli, siue medicorum solerti cura, siue, quod caput est, quod omnibus aliis curis vacuus, huic præcipue incumbō, ut accepta valetudinis incommoda aliquando resarciam. Postridie eius diei quo hæc ad te scripsi, arrepturus iter erā Romā versus. Vale & fratres omnes à me saluere iube.

Juliano Monacho. Gregorius S.

**O** Stendit mihi nuper tuas ad se literas Dionysius noster, quarum elegantia & candore mirumimmodū delectatus mihi ipsi imperare nequiuī, quin statim tibi plurimum eo nomine gratularer. Nec pro eo tantum quod hætenus te consecutum video (& si id est maximum) quantum quod in posterum certissimā mihi spem attulerunt mirifici progressus tui, ut verissime mihi persuadeam, te hoc itinere pergentem, facile in arcem disciplinarum breuiter euasurum esse. Perge igitur Juliane, perge. Eandem nempe viam sibi munientes maiores illi nostri, ad eum & doctrina & sanctitatis gradum peruenerunt, ut non tantū sibi ipsis, sed posteris etiam præclaro illo & admirabili labore profuerint. Quæ enim omnino vita esset eorum, qui se religioni totos dediderunt, nisi ducibus viæ maiorum lubricationibus manutentim, ut ita dicā, per hos anfractus tenebrosæque loca incolumes deducerentur? Studia nempe literarū cōiuncta pari pietate, Hieronymos, Gregorios, Basilios, & eiusmodi cum plures nunquam satis laudatos pro meritis

meritis nobis peperere. Per quorum Vestigia quisnam est qui tute possit incedere, nisi itineris oēs difficultates & discrimina, ab eisdem & exploratas & literis traditas cognoscere valeat? Quod profecto facere nequeunt, qui spretis honestissimis studiis nihil fere supra communem hominum consuetudinem rationem verae vitae & religionis leges valent peruestigare. Nobis admodum placet diuina illa Augustini sententia Deum alloquentis. Beatus, inquit, qui te nouit etiam si ista nesciat, longe tamen futurus beator si & te & ista cognouerit. Verum cum initio propositum mihi fuisset, non exhortatione uti, sed gratulatione potius, nescio quo pacto ad te exhortandum imprudens delapsus sum. Quare, hac potissimum sententia concludam epistolam. Libenter tibi eos audiendos esse, qui te ad honestarum disciplinarum studia accedentes, equo sponte currenti calcaria adhibent. Si qui vero secus facere tentauerint, quod vix contingere posse mihi persuasum est, eos putare debes ministros eius esse, cui nihil rectum, nihil sanctum, nihil laudabile placere potest. Vale.

Benedicto Theocreno. Gregorius S.

**Q**uod me nescio quo pacto suppuderet inconstantia literarum mearum, in his quae reuersionem meam ad vos spectant, longissimumque esset rationem reddere totiens immutati consilij, eo mihi Theocrene fui tardior ad scribendum. Cum enim circiter kal. Maij. eo consilio ab Urbe

H discessi-

discessissem ut littorali via nihil interrupto itinere Genuam proficiscerer : nondum recuperata pristina valetudine, medicorum, qui Florentiae sunt hortatu, mutata itineris ratione, ad Aquarianas balneas profectus sum. Quae me occupatum sexaginta & eo amplius dies habuerunt. Successit deinceps mula nostra aegritudo, & illa quidem adeo grauis, ut nec ad hanc diem ita conualuerit, ut ea commode uti possim. Et si hoc ipsum moram fortasse reuersioni meae allaturum non fuisset. Licet enim eius potissime incessus imbecillitati meae adeo accommodatus sit, ut fere non alio vectore, a quo animo uti possim, facile tamen fuisset conducto nauigio Mutina Papiam subuehi, nisi eisdem ferè diebus literas accepissem à Pontifice, ut Ferrariam quamprimum proficiscerer. Ibi vero compositis quibusdam cum Principe negociis, Ad XIII. kal. Augusti Patauium veni, ubi diebus aliquot doctorum virorum utar consuetudine, deinceps Mutinam reuersurus & illinc continuo ad vos aduolabo. Habuerunt me in his quae ad reuersionem meam spectant magnopere anxii, tumultus bellici & suspecta undique itinera, quoque magis etiam mouebar audita istinc, dicam audacter, patriae meae discrimina. Cur enim eam patriam non appellem, quam gratissima complurium consuetudo, ipsa etiam Mutina mihi gratiorem carioremque reddidit, ut eam mihi potissimum in patriam cooptarim? Omnino quandiu à vobis absuturus sim, nec coniectura assequi possum, nec si possim, satis ausim scribere, magnopere timens ne denuo immutati consilij

filij, à vobis expostulari possim. Illud certe audeo affirmare, cum primū per bellicos tumultus mihi licitum fuerit, me continenti itinere Genuam profecturum. Id vero si serius acciderit quàm vellet uterque nostrum, animo quidem certe desiderio, voluntate, ne momento quidem temporis me à te seiungi posse certissime te opinari volo. Et si principes nostros negotiorum magnitudo non ita distinuerit, ut id ipsum quoque impedimentum aliquod illis allaturum videatur, gratissimum mihi erit. si ipsis rationem hanc diutina absentia nostra, longius explicaueris. Vale.

Christophoro Longolio. Gregorius S.

**A** Ccepi à te epistolam, plenam consilij, summaeq; tū benevolentia, tū etiam prudētia. Quae iccirco mihi gratior fuit, quod nihil à sentētia mea, cōsiliū tuum visum est discrepare. Nunquam. n. ita docti mane nomen appetij, ut non longe magis desyderauerim non haberi modo, sed etiā bonum virū esse. Ut etiam si alterutrius facienda esset iactura, nè ego haud paulo malim id propter quod potissimum cupimus docti esse, quàm non vanam modo & inutilem, sed etiam eo pacto perniciosam doctrinam. Veruntamen, quod ad negotium id attinet, de quo ad me tam multa scripsisti, non memini me aliquando id tibi oneris imponere, ut Roma quippiam de me cōficeres, & si tecum saepe quaestus sum, muneribus publicis omne mihi ocium

H 2      surripi,



*surripi, nõ ea tamen mente id agebam, ut ne si possem quidem, vi aliquid extorquere à Senatu nostro velle. Egit sapius proea fortasse familiaritate qua ei tecum est Grassensis Pontifex, ut negotium illud conficeres, iccirco credo quod tute sponte tuà id ipsum receperas curaturum, cum tamen ego cum primum id intellexi, auribus magis quam animo pollicitationes tuas acciperem. Eius rei testis est ipse Grassensis, cui post discessum tuum quasi iam confecto negotio mirum in modum mihi gratulanti, respondi; vix mihi persuaderi posse absentem te id confecturum esse, quod etiam si Roma esses, haud scio an ob rei magnitudinẽ fueris impetraturus. Tum vero is qui antea rei desyderio nihil non sperauerat, admonitus, statim e sententia discessit. Quod vel ea coniectura intelligere poteras, quod deinceps ab illo nihil literarum de ea re accepisti. Et si in tuis Lugduni datis, ascriptum erat te iam epistolas ad Bembum, Sadoletumque super hoc negotio meditari. Ego vero si à Pont. Max. vacationem munerum cogitasset aliquando impetrare, neque id nuper tantopere à Senatu nostro enisissimis precibus efflagitasset. Neque non Sadoleti opera absque inter nuncio liberrime potuisset uti, cum quo mihi prater sanctissima illa patrie & propinquitatis, omnia iura summa necessitudinis intercedunt. Pontificem vero Max. mihi tantum tribuere scis, ut si me id intellexerit desyderare, nec preces quidem nostras sit expectaturus. Eo tamen nomine me tibi debere fateor, quod qui de dando beneficio, ut quidem tibi videbatur, sponte cogitaras, quoniam honestate*

neſtate ipſa, ut ais, ductus, aliter atque antea cœpiſti cogitare, non ante conqueſti, quàm mihi oſtenderis te honeſtiſſimis de cauſis à priſtina cogitatione diſceſſiſſe. Illud poſtremo quod mihi tantopere gratularis, non ſatis quid ſibi velit intelligo. Nec enim quid de ea re Senatus noſter cenſuerit hætenus intellexi. Tu ſi aliquid habes, gratiſſimum mihi erit, ſi me de omnibus feceris certiore. Vale.

Philippo Saulio Epiſcopo Brugnateſi.

Gregorius S.

**C**Um à te amoris & humanitatis pleniffimam epiſtolā acceperim, eo fui tardior ad reſcribendum, quod mihi nequaquam perſuaderi poterat, nauigationē meam ad vos in hanc diem reiiciendam eſſe. Contigit autem præter ſpē expectationemque meam, ut negotium illud, quod me ſimulatque applicuiſſem, conſecturum putaram, difficiliore omnino exitū opinione noſtra hebere experiremur. Et ſi. n. non admodum moleſte fero, me potiffimum eo tempore hic aſſuiſſe, quo abſentiam meam Graſſenſis Pont. moleſtiſſime fuerat toleraturus, abſentis tamen tui deſyderium, cū plurimique qui mihi penè meiſpō cariores ſunt, mirum in modum me anxium habet atque ſollicitum. Veruntamē quoniam niſi ſaluo officio hinc diſcedendum non eſt, non vi deo qua ratione, ut nunc ſe res habent, ad vos redire poſſim. Vrges me tu quidem & velut obſignatis tabellis mecum agis. Εὐὸ πᾶντος ἔγραψα ἡ ἰμὴ χερσὶ. Qua namigitur ratione

*tionem ex his laqueis potissimum me expediam? Utar eodem Paulo auxiliatore, & patrono* εἰς τὸς ἡδυνητοὺς ἐνοδωθήσομαι ἐν τοῖς δεσμίαισι τοῦ θεοῦ ἵλασθαι ἀπὸς ὑμᾶς. *Rursusque.* Ἐβουλόμην ἴλασθαι ἀπὸς ὑμᾶς ἀπὸ τῶν τοῦτο ὅσω βουλόμηνος μή τι ἄρα τῇ ἡμετέρᾳ ἐχρησάμην. *Necesse est enim ad varia temporū momenta actiones etiā nostras accommodare. Non verebor igitur, eius criminis accusationem subire, in quo prius peccasse Paulum, si verè crimen est, nobis necesse est confiteri. At si maxime peccatum esset, eiusmodi est Grassensis mei in me amor atque benivolentia, ut eius gratia vereri non debeam opinionē meam de amicitia ad Theophrasti opinionem accommodare. Quare pendi putat & compensari, leue damnum de libere honestatis, maiore alia grauioreq; in adiuuando amico honestate. Utinam vero fieri posset, ut tu quoque relaxandi animi gratia, huc aliquando proficiscerere, ea est huius cæli clementia & salubritas, ea amœnitas locorum, & quod moribus meis maxime consentaneum est, grata quæpiam & amabilis solitudo, ut fieri posse non dubitem, te quoq; ab eisdem vinculū captiuumq; retinendum esse. Si. n. tantum virium habuit nescio quis ille Lotophagorum cibus, ut quod Homerus ait* ὅς τις λωτοῖο φάγοι μολὴν δὲ καρπὸν ἐνὶ ἄσπερ γαίλαι πάλιν ἴθελαι οὐδ' ἔνιεν. *Quidnam futurum esset, si præter amœnissimam locorum faciem, præter fructus terræ suauissimos, fortissima illa vincula tibi iniiceretur, quibus etiā Sirenas ipsas apud inferos detineri Plato consinxit? Verū quoniam id ne sperandum quidem nobis esse videtur, danda est saltem opera, ut literis inter nos quam sapissime colloquamur.*

loquamur. Quod si tibi gratum fore cegnouero, me in eo genere mirificè tibi responsurum esse polliceor. Caterum quod scribis te cum Paulino nostro assidue in gracijs & eisdem sacris literis oblectari. Idem ego & Dionysius in hac amœnissima solitudine facere cogitamus. Ad hanc nanque diem Monæci apud Grassensem commorati, nondum animum adicere potuimus, ne oculos dicam, ad eiusmodi quippiam pertractandum. Gratissimum nobis erit, si nos quâ sapissime feceritis de vestris studiis certiores. Erunt nanq; literæ vestræ honestū quoppiā incitamentū nobis, ad id sollicitius peragendum, quod sponte quoquo modo eramus facturi. Theophylacti commentarios tibi tantopere probari mirum in modum gaudeo, cēseoq; nobis omnino utendum esse beneuolentia & liberalitate patrum illorum, ut tantisper apud nos sint, donec integri describatur: si enim te id paulo vehementius desyderare cognouerint, nō committent, ut importuna exactione, tali officio, partum humanitatis nomen amittant. Quod si forte importuniores futuri essent, non vereretur sententiam Euripidis in re longe honestiore quàm Etheocles usurpare. Si violandum est iusiurandum, librorum gratia violandum est. Chrysostomi opus cum primū acceperis, si ad nos trāsmittere non grauaberis, dabo operam diligentissime, ut ad vos duplex reuertatur, libet̃er tentaturus, quidnam in eo genere possim, quod felicius casurum opinor quàm in Nazianzeno ceciderit. Addent stimulos expectata ex Chio & Constantinopoli volumina, desyderio enim noua lectio

nis, iam pręvideo animo, me interpretandi laborem illum, confestim deuoraturum esse. Nuper Lugduno accepimus Chrysostomi commentarios in Genesim, in lucem prodisse, eos, & si nondum uidi, omnino tamen tibi habendos esse censeo, nā si græcis latina respondēt, necesse est, opus eiusmodi esse, ut in eo cum doctrina grauitas, cum utraque pugnet eloquentia. Postremo, quæ de Stephano & Naugero scribis, tantum in me desyderium concitarunt, quantum uirorum doctissimorum & amantissimorum mei expectatus aduentus excitare debuit, & quoniam Naugerus, ut scribis, legatus ad Casarem in Hispaniam profecturus est, omnino non desperamus fieri posse, ut uel casu uel consilio ad nos diuertat. Vale.

Cassiano Camillo Genuensi. Greg. S.

EGO uero mi Camille, absens multiplici fructu careo amicitie nostræ. Cum quod uberiores omnino futuri erant ex quotidiana consuetudine, tum etiam, quod non ex epistolis tantum (id enim raro & ad breue tempus contingit) sed ex suauissimis illis sermonibus & familiari uultu tuo, assidue nobis quippiam lucri afferebant domestici congressus. Nihil uero causa erat, cur nobis ita irascere, ut Theocrenum debueris imitari, etiam si nihil temporis nobis à lucubrationibus surriperetur. Binas enim tantum abs te accepi, cum iam ternas ad te dederim. Quare, si quod uos facere consueistis diligenter rationem subduxeris, nihil erit

erit quod me tibi eo nomine debere putes. Quod vero adeo diligēter de reditu meo requiris, omnino tibi persuadeas velim, nihil animo meo gratius accidere posse quā vobiscum in ista patria vivere, & cum tuo tum etiam civium tuorum amore & benevolentia perfrui. Verum ut nunc est, non video qua ratione a quo animo ad vos reverti possim. Non quo diluvij fabulam hanc pertimescam, imminent enim maiora & graviora non in palustribus tantum locis, sed in ipso etiam Alpium iugo pertimescenda. Et quæ non ex astrorum consyderatione, sed ex ipsis iam rerū intuitus, nemo est qui cōiectura assequi nequeat. Quare ubicunque fuerimus omnes nos in eadem naui futuros esse suspicor. Quæ vero me retrahunt ea sunt eiusmodi, ut etiā in maxima rerum omnium pace, quemlibet possint retrahere. Quæ omnia facile à Pont. Brunensi intelliges, ad quem de his rebus scripsi diligentissime. De opere tuo Geographico, cuius maxima apud omnes expectatio concitata est, longum esset si literis quid sentiam explicare vellem. Faciat Deus Opt. Max. ut aliquando absque incommodo valetudinis apud vos commorari possim. Et si enim video quam sint omnia in me eius generis, quæ ad tantum opus necessaria sunt tenuia, faciet tamen amor in te meus cum enitendo tum etiam laborando, ut tibi aliquo adiumento esse possim. Accepi à Graß. Pont. librū tuum, quē tantopere cupiebam, eo mihi nondum uti licuit ad opus ad quod, & si à me iandiu institutum est, nondum tamen est manus apposita. Omnino mihi opus esset non libro tantum,

J

sed



*sed etiam opera tua, tenuissima enim, ut scis valetudine impediatur, ut quæ diutius à me excogitata sunt, scriptis nequeam commendare. Caterum quod de Areopagita volumine scribis, Dionisius illud se tibi restituisse constanter affirmat. Quare tibi diligentius vestigandum est, ne forte te inscio, in illa librorum tuorum strue delitescat. Tuncydidem & Homerum simulatque certum hominē nactus fuero mittam ad te. Vale.*

Francisco de Sancto Venerio. Greg. S.

**F**essus iam in scribendo ad te, statueram nihil amplius molestiæ tibi à me inferri debere. cum, ut video, tibi funditus exciderim. Vide tamen quantum possit amor, affectus etiam tam insigni contumelia, à me ipso impetrare nequui, ut tibi irascerer. Quare certissime tibi persuadeas velim, me tandiu tibi molestum fore, donec aut aperte inimicitias nobis denunciaueris, aut totiens rescripseris, quotiens à me literas acceperis. Illud enim dicere non audebis, nostras tibi redditas non fuisse. Nam cum tuas in eosdem fasciculos coniecerim in quibus ad complures alios dedi, qui mihi amicissime rescripserunt, nequaquã sit verisimile, incolumibus ceteris, tuas tantum perusse. An forte illud dices te mihi iratum esse, quod iam scriptum me sem absim? Enimuero cum primum istinc abij, nemo fuit, qui certius quàm tu intelligere posset, me non facile eò reuersurum, ubi sapius tecum conquestus sum omnia, præter

ter cœli clementiam, mihi esse ad conservandam valetudinem longe difficillima. Quod quidem neque religiosissimis viris assignare possum, à quibus, tantum abest ut quippiam conomine peccatum sit, ut etiam experientia ipsa didicerim, illos assidue supra facultates solitos esse conari, ut omnia mihi humanissime suppeditarentur.

Sed nostri loci illius tenuitatem, ne dicam inopiam. Illud ipsum quod mihi ad eò humaniter exhiberi videbã, me admonebat, ut tam pleclare meritis de me, diutius oneri esse non deberem. Quare iudicari posset, ut opinor, hominis parum sibi met consulentis atque adeo inconsiderati, si eò reuerterer unde antea hac rerum difficultate compulsus sum abire: cum præsertim nulla mihi spes ostendatur ex pristinis illis conditionibus quippiam immutari posse. Caue enim credas me æquè libenter alibi futurum æquis etiam conditionibus. Nunc vero Grassensis Pont. beneficio, ab eò mihi omnia suppetunt, quæ istic deerant, perinde enim rebus illius utor, ac meis. Reliquum est, ut quoniam locorum intervallo disiuncti sumus, creberrimis saltem literis amicitiam nostram excolamus. Nisi forte magis opera danda est, ut vel tu huc ad nos proficiscare, vel ego ad vos reuerti possim, quorum utrum magis cupiam, vix satis declarare possem. Ceterum ex literis Theocreni Parisiis datis accepimus, illum apud principem Galliae maxima cum autoritate tum etiam gratia florētē, curam regis primogeniti breui accepturum esse. Quod si forte contigerit, censebo tibi illò aduolandum esse, ut hominis

*amicissimi non iam beneuolentia tantum, sed etiam liberalitate perfruarē. Vale.*

Hieronymo Adurno. Gregorius S.

**C**um omnium legislatorum ea potissimum mens, id consilium esse debeat, ut ciuitate stabilita, optimis, et legibus et institutis, sic ad ea ciues assuescant, ut quo ad fieri potest, legibus ipsis mores sint consentanei. Maxime plane ad id assequendum prodest, si de his, quae facere oportet, quaeque euitare, ciues ipsi inter se, quam sapissime fuerint collocuti. Maximum nanque momentum habet ad stabiliendos, euertereque mores, quales quotidie sermones habeantur. Index certe morum est oratio, quae tum demum in nobis honeste sciusque affecta esse consuevit, cum iam in alterutram partem morem habitumque, crebro, usu actioneque nacti fuerimus. At vero regem in ciuitate legem uiuam esse credidit Aristoteles, qui tanto melior, tanto solertior, esse debet, in regendis moribus instituendaque ciuitate, quanto in animis animata praestare certissimum est, et ea potissimum anima parte uiuentia, quae non in sensibus tantum, sed etiam in ratione ipsa dominatur. Enimvero, cum in magna ciuitate multa Principes latere necesse sit, quod soli diuersa et penè infinita negocia sustineant, non arrogans uideri debet, si honesti iusque gratia, adde etiam amore in ipsum principem, quispiam inuentus fuerit, qui si quid in tanta mole, ueluti in uas-

slo cor-

flo corpore, luxatum fuerit, ad eius notitiam deducat, ut  
 illius opera reponatur. Morbum siquidem omnem, qui in  
 quavis corporis parte oriatur, in caput demum redundare,  
 neminem opinor esse qui negare audeat. Est sane Princeps  
 in ciuitate idem qui in domo paterfamilias, is vero, modo  
 liberaliter institutus sit, non obscœne tantum facta, sed  
 dicta etiam turpiter, aut coërcere, aut certe pœna prose-  
 qui uolet. Qua in re, tanta extitit, in re et institutis ci-  
 uitatibus, grauissimorum hominum cura, ut etiam cū ne-  
 cesse esset quippiam nominare, quod obscœnum aliquid in  
 cogitationem reuocare posset, alieno nomine uterentur :  
 hinc nimirum metaphora, hinc similitudines & eius gene-  
 ris complura : & si paulum hac in re controuersia exstiterit  
 inter antiquos Philosophos. Si quidem Stoici acuta qua-  
 dam partitione, nihil esse obscœnum ostendere nitebantur.  
 Quos tamen omnes & præterea Cynicos, ratio ipsa, com-  
 munis uitæ usus & Academicorum insuper autoritas re-  
 fellebat, verum esse negantium quod à petulantibus illis  
 Philosophis diceretur, qui quemadmodum flagitiosa di-  
 cendo obtegere non curarunt, sic in obscœnis patrandis, lu-  
 cem ipsam & turbas non verebantur. At quanto secus  
 parens ille philosophiæ Socrates, qui cum speciosum iuue-  
 nem paulo petulantius loqui audisset, plumbeum dixit gla-  
 diū ab eo extrahi ex vagina eburnea. Enimuero licuerint  
 omnia præcis illis Philosophis veritatis expertibus : nunc  
 vero christiana lex, quemadmodum in cæteris omnibus,  
 quæ laudabilia sunt, culmen ipsum arcemque obtinuit, sic  
 in hac

in hac etiam parte, æqua fermè animarum uersione dicta ipsa ac facta compeſcuit. Fornicatio inquit Paulus, nec nominentur inter vos. Rurſus: Stultiloquium & ſcurrilitas, quæ ad rem non pertinet. Te uero dudum expectare ſcio, quoniam hac noſtra ſpectet oratio: quicquid ſibi uelit tã alte & ex philoſophia repetitum principium. Quod ſi non penitus auribus careres, aut certe ſi ita affecta tibi eſſent, ut Principis decet eſſe, ſtatim audita de honeſtate ſermonis, de quæ uerecundia diſputatione, quo nam peruenturus eſſem intellexiſſes. Quis enim non audiat, qui nã ſint perditorum adoleſcentium in honeſtiſſima hac ciuitate, per totas noctes, cantus, quæ ſermonis licentia, quæ procacitas obloquendi? Circuſtrepunt uoces obſcænæ grauiffimorum ciuium aures, feriunt uulnerant quæ laſciui cantus tenerarum uirginum mentes & corda. Matronæ porrò caſtiſſimæ, licet ad id horæ in tenebris & nocte uerſentur, cuperent, ſi fieri poſſit, pudore & uerecundia, in occultiora etiam loca ſe illatebrare. Id rogo ad aures tuas nondum peruenit, quod non opifces modo, ſed uiliſſima quæq; mancipia, & audiunt & erubeſcunt. Parietes mediusfidius ipſi: hanc tantam licentiam ſi fieri poſſet, incurſu ſuo reſtarent, audis. Aut ſi forte & tanquam in Mileſiorum, aut Alexandrinorum & Sybaritarum moribus ſis educatus, nihil tibi momenti habere uidentur, ad euertendam non diſciplinam tantum, ſed etiam ſtatum Reip. parum mihi diligenter uideris, pace tua dixerim, in Platonis tui Rep. uerſari. Qui non tantum ſeueriores muſicam im-

mutari

mutari prohibet, sed id fieri posse negat, absque Reip. immutatione. An non audisti præclarum artificem Thimotheum, quod id ausus fuerit, Lacedemone expulsus, extorem deinceps exulemque vixisse? Hocine illud fuit quod de te sibi pollicebantur ciues tui, cum sinestram illam uniuersi patrimonij direptionem, moribus & ingenio tuo cõpensatum iri putabant, ut quantum detractum esset rei familiari, tantũdem accessurum expectarent ciuili disciplina? Quare summo pere tibi cauendum est, ne non tantum longa pace cumulatũs diuitiis, sed hone sis etiã moribus direptam spoliataque patriam, posteris tuis derelinquas. Hic veronequaquam necesse est, ut id sibi impune licere opinentur, quod poëmatum hæc consueuerit esse licentia, ut libere procaciter obloquantur. Ausus enim est mihi quidã nuper Ouidium opponere, qui cũ dixisset, nihil apud Menandrum absque amore scriptum reperiri, demum subiecerit, & solet hic pueris virginibusque legi: Dignus quidem, ut quod factũ est, pro hac mente perpetuo multaretur exilio. Longe vero diuersa mens fuit Pauli. Qui inter tot amatoria Menandri, præclarum illum senariolũ delegit. Corrumunt bonos mores colloquia mala: Dixerit licet de quodam Hadrianus & censor & Imperator, ut Apuleius ait. Lasciuus versũ, mente pudicus erat. Dixerit Catullus. Castum esse decet pium poëtam ipsum, versiculos nusquam necesse est. Dixerit postremo alius, cuius etiam nomen erubesco. Lasciuus est nobis pagina, vita proba. Si namque vera est omnium philosopho-



rum opinio, Verba esse earum rerum quæ sint in animo notiones, nemo, ut opinor, adeo demens reperietur, ut cum nulla labe maculatum animū habeat, affinis ei crimini velit esse, cuius omnino culpa carere se nouerit. Sed nimirum perinde atque intus affecti sunt, sic etiam necesse est ab illorum verbis animum mentemque declarari *καὶ γὰρ ἵππου οὐ κατὰ δῆμος κριτοῦ*. Quare nunquam assequuntur ut nō plaris sit apud nos alius ob sermonis honestatem Parthenices cognominatus, ut non magis iudicio meo probati sint, qui tam absolutam pudoris rationem habuerunt, ut neque ductari excercitum, neque arrigi aures, neque quasitum per membra soporem, voluerint dici. Quin etiam tantum ab illorum opinione distat opinio mea, ut et si nunquam æquanimitèr, minus tamen iniquo animo, toleraturus sim, id in soluta oratione, quam in poematis peccari. Cum quod diuinū quiddam esse carmen ipsum omnes ferè consentiunt, quod obscenitate illa nequaquam debeat inquinari, tum etiam quod suauitate quadam & oblectatione cantus, ad verborum obscenitatem accedente, facilius in animos illabuntur carmina; & incautas audientium mentes ipsa suauitate conuulnerant. Enimvero quid te ego conor instruire, Sus, ut aiunt, Minervam? quasi per te ipse nescias impudētium adolescentium congressus istos, verissime rationis obiectu refellere: qui consueueris etiam ex temporali eloquentia, illud quod tantopere oratores admirandos facit consequi, ut inferior causa, superior esse videatur. Quare cum hoc tantum adiecero, concludam epistolam, nequaquam  
nerens

nerens ea libertate tecum uti, quam ipsemet mihi tradideris. Graue vulnus existimationi tuae, familiaeque vestrae ignominiam sempiternam inuississe videtur, miserrima istae patriae tuae direptio. Quae tamen eo pacto eleuare solitus es, ut vel omnem culpam in eos transfundas, qui parum memores virium suarum, potentissimo exercitui nullis praesidiis, se obsistere posse sperarunt. Vel in primos exercitus duces quibus tantum aberat ut imperare posses, ut etiam tibi inuito, illis fuerit parendum. Nunc autem adepto patriae tuae imperio, si corruptelam hanc morum, non tantum a quo animo toleraueris, sed praeterea nutrieris tacendo & dissimulando, non in fortunam amplius, aut ea, quae supra diximus, sed in te, ipsam & in peruersam quandam naturam, quod a te quidem alienum est, isti obloquentium fluctus redundabunt. Ut iam optatius tibi esse debuerit, patriam carere, quae te exule florens opulentaque viscebatur, quam adepto regno tibi posterisque tuis, sempiternum dedecus acquisisse. Quando ne tu quidem negare audebis, longe maiorem fieri honoris iacturam, si ciuitatis mores te regente corrumpantur, ut eius rei in te princeps culpa esse videatur, quam si nescio quid diuitiarum amiserit, cuius iactura & breui reparari potest, & eius te autorem fuisse constanter poteris denegare. Vale.

Iac. Sadoletto Episc. Carpentoratē. Gr. S.

**Q**uod tibi proficiscenti facturum me esse receperam, ut crebras ad te literas darem, ideo facilius prestabo, quod

bo, quòd maxima cum lucri accessione, à me factum iri nò dubito. Primum, quòd pro epistolis nostris tuas sum accepturus, hoc est, pro inconditis elegantissimas. Deinde, quòd sicut nos discessu tuo afflietos tristes quæ reliquisti, sic à te renouata hac ratione tu memoria, mirum in modum nos recreabis. Et si ea quidem assidue florens vicensque perseuerat, video tamen nescio quo pacto fieri posse, ut crebra renouatione, quasi quodam cultu adhibito confirmetur. Postremo, quòd Grassensi Pont. qui te mirifice diligit & obseruat, gratissimum id futurum intelligo. Cuius tanta est apud me autoritas, ut hac potissimum de causa, etiam si hoc à te mihi praeceptum non esset, omnino tibi literis meis molestus futurus fuerim. Quare æquo animo feres, si ocio meo ad negotiorum tuorum interpellationem abusus fuero: quando id non amoris meo tantum, quod tamen à te mihi concedendum esset, sed etiam humanitati tuæ est assignandum. Quamquam cum has dabamus, nondum erat auditum te Romam peruenisse: quoniam tamen ex dierum ratione id suspicari poteramus, nolui meas literas statim subsequi, quæ pro itineris difficultate superata, tibi nostro nomine, gratularentur. Nisi fortasse magis gratulandum pro ea re videtur, quòd apud Pont. Max. gratia & autoritate florens, maximam bonis omnibus spem attulisti; fore, ut consilio admonitione quæ tua, excitatis bonarum artium studiis, tantus breui ingeniorum prouentus appareat, ut omnis antiquitas in certamen pronocari possit. Quæ in re, minus tibi laborandum esse video, quod eiusmodi prin-

di principem nactus es, qui suo pte etiam ingenio, inter maximas difficillimasque curas, qua eius animum distrahit, hanc etiam non in postremis sit habiturus. Accedit preterea, quod eorum qui plurimum apud ipsum possunt, iandiu perspectus est, cum magna eruditione, incredibilis etiam amor amplificandi honestissima studia. Damnum igitur, quod ex absentia tua maximum summus habituri, communi hoc omnium doctorum commodo compensabimus. Veruntamen, ne tibi persuadeas, amicitiam meam impedimento tantum non etiam labori tibi futuram esse, unum à te maximis precibus petere constitui, de quo dum tu hic adesses oblitus sum tecum loqui. Nosti, ut opinor, diris omnibus execrationibusque interdictum esse, uti nequis Lutharianorum libros attingat. Id vero sapienter atque salubriter statutum est. Quare gratissimum mihi erit si pro tua humanitate negotium hoc pro me susceperis & conseceris, ut absque aliqua animi mei molestia, libros eius generis apud me habere & legere possim. Quod timidius forte peterem, nisi mihi cognitum esset, istud ipsum quamplurimis antea concessum esse. Id vero si precibus tuis, si autoritate tua mihi impetratum fuerit, maximum nobis à te beneficium praestitum esse iudicabo. Vale.

Iac. Sadoletus Epif. Carpent. Gregorio S.

**O**ccupationibus meis factum est, ut serius quam ego vellem tibi responderim, addo etiam nunc brevius.

K 2 Ego

Ego tuis literis acceptis, statim cum Pontifice Max. locutus sum de te, ea quæ debui, & visa sunt dixi. Is ita mihi respondit ut non solum bene nosse te, verum etiam non mediocriter diligere sit visus, tam multa de tuis laudibus. Quod ad rem ipsam attinet quam petisti, non modo facile tibi & libenter dat, ut libros Lutherianos habere penes te & legere possis, verum gratissimam quoque habere se dixit hanc voluntatem tuam; persuasum enim habet te iccirco illa legere velle, ut melius refellere valeas. Quare potes fidenter & absque ullo legum metu & conquire re eiusmodi libros & perlegere. Grassensi nostro plurimam verbis meis salutem dicito. Tu ut valeas, meque absentem diligas magnopere abs te peto, hoc mihi gratius facere nihil potes. Vale.

Cassiano Camillo. Gregorius S.

**N**Equaquam mirum videri debet, si idem negotium tibi sapius commendauero. Et si enim eam esse intelligo amicitia & consuetudinis nostræ vim, ut si quid acciderit quo alter altero indigeat, id vel indicasse tantum nulla commendationis accessione, satis esse videatur. Tantis tamen Grassensis mei beneficiis me astrictum esse sentio, ut nullis officiis mihi videar partem aliquam eius meritorum assequi posse. Nunc vero, cum sororis ipsius spectatissima femina eiusmodi negotium agatur, ut aut florentissimi viri, aut penitus inopis uxor futura sit (si quidem

dem de pagis nonaginta iudicium futurum aiunt ) admonitus ipsa rei magnitudine, non verebor tibi sapius molestus esse. Ipse vero Grassensis tantam in literis ad te meis spem posuit, ut si forte secus atque optat negocium ceciderit, nihil aliud sibi sit persuasurus, quam non satis diligenter causam suam à me tibi commendatam esse. Cum vero tuo etiam nomine plurimum te diligit, pro his quas in te sitas esse intellexit morum & doctrinae artibus, hunc tantum virum tuo tibi beneficio censeo arctius deuinciri oportere, atque adeo tenaci vinculo, ut nulla unquam temporis iniuria possit labefactari. Cuiusmodi tamen hac causa sit & utriusque litigantium magis leges faueant, quamuis mihi planè est incognitum, facile tamen adducor, ut credam, filio unico in paternis bonis impedimentum afferrì non oportuisse, magisque spectari debere naturæ iura quam irati patris voluntatem. Attamen, quid de iure statuendum sit, tuum erit arbitrium, tantum ut causam intellectam quamocumque finem negotio imponas, etiam atque etiam rogo. Ceterum de communibus rebus nihil habeo quod potissimum nunc ad te scribam, nisi id quod, & si non scriberem, te tamen scire non dubito. Me scilicet desiderium istius ciuitatis ægerrime ferre. Et quanquā laute & abundanter omnia mihi à Grassensi suppeditentur, qui non solum salutis meæ, ut medicus, sed deliciarum etiam ut nimium mei amans rationem habet, sentio tamen nescio quo pacto fieri, ut mihi assidue in hac patria velut hospes & iamiam alio profecturus, moram trahere videar. Quod si adduci



adduci possum, ut sperarem tolerabilius mihi apud nos fore, quam hactenus expertus sim, vel reslante vento continuo istuc aduolare. Sed quomodo nunc est, Catonem mihi audiendum puto, qui pessime agi in ea regione putat, in quacum Orco assidue sit luctandum. Vale.

Luciano Monacho. Gregorius S.

**N**Unquam quidem fore putavi, ut litera tua, quae omnem animi mei egritudinem mitigare consueverunt, quippiam mihi molestiae afferre possent. Nuper autem contigit, ut quae sub aduentum tuum istic à te datae sunt, mirumimmodum in me non quidem desiderium tui, id enim antea vehementissimum erat, sed anxietatem maximam excitarint. Cum enim nihil tibi concedam in mutua consuetudine nostra desideranda, ac cedit praterea huic meo desiderio, aduersa valetudinis molestia. Qua potissimum factum est, ut tecum mihi Roma esse non liceat. Quare non ipse tantum sensus urgentis egritudinis me excruciat, quantum renouata suauissimis amicorum literis absentiam recordatione, contabesco. Quid enim ad felicitatem meam, ut communi more loquar, posset accedere, si in ea urbe te mihi frui contingeret, quae in frequentissima sui parte spectatissimorum hominum assiduam consuetudinem, ubi aut turbis vacat, admirabilem memoriam potest suppeditare? Nam ut illa omittam quae diligenter à te enarrata sunt, insanas antiquorum substructiones, quarum

rum vix inter ruinas miserabiles supersunt reliquiae, Theatra, Circos, Thermas, Porticus, Basilicas, templa, magis potentiae monumenta quam virtutum, quanta rogo te, oblectatione affici possemus ea diligenter peruestigando, quae vulgo nimis sunt cognita, ubi domus M. Tullij, admirabili illa oratione nobilitata, ubi rostra, ad quae idem, & sapius viuens & semel mortuus uniuersum populum Romanum maxima cum sui admiratione attraxit, ubi comitium, ubi campus, ubi fora & pleraque eius generis, quae cum ad cognoscendas Reip. Rom. pulcherrimas institutiones, tum etiam ad optimorum autorum locos explicandos plurimum conferre consueuerunt. Jam illud quanti esset quo me nosti tantopere delectari, maximorum artificum cōtemplari ingenia, in columnarum, adium, basilicarumq; generibus, adeo mirabiliter atque ingeniose erectis, ut peritissimi architecti, qui facta vident, negent potuisse fieri? Postremo quod maximum est & instituto nostro magis consentaneum, quanta pietate loca illa inuisuros nosuisse putas, quae procures illi Reipub. Christianae Petrus & Paulus, lares penatesque Romanorum, sanguine suo consecrarunt, qui quod duces praestantissimi adepta victoria ex utroque Urbis latere trophaeis, orbis imperium, Christi imperio subiecerunt. Quid cum subterraneos illos specus & ut ipsi aiunt noscenda lustraremus? In quibus admiratione dignissimi viri multum versati, postremo horrenda absorpti tempestate, perpetuam corporis sedem acquisse re. Tanta enim vis, ut recte quidam ait, est in locis, ut ea  
memoria

*memoria magis moueamur, quàm si eorum qui nullis versati sunt, aut facta audiamus, aut scriptum aliquid legamus. Illud postremo mihi longe iucundissimum esset, si curarum & sollicitudinum, quibus te, pro diligentia tua, assidue distineri non dubito, particeps aliquando fierem, Tantumque in eare virium amorem in te meum habiturum fuisse mihi est persuasum, ut aliqua etiam ex parte hominem tali prudentia tantoque usu rerum consilio potuerim adiuuare. Sed quoniam me ita affectum esse sentio, ut magis de ocio quàm de negocijs sit cogitandum, præsertim in isto vestro Quirinali, in quo licet ea cæli clementia commendari consueuerit, nunquam mihi tamen cum morbis, atque adeo cum ipsa morte non fuit colluctandum. Quod unum à me tibi præstari potuit, feci diligentissime, ut te ipsum & cœnobij nostri causas fratri meo arētissime cōmendarem. Quanquā nihil opus esse putabam cōmendatione nostra, ubi adesset Bessarion, qui & in fratrem, & in oēs consanguineos meos paternū ius atq; imperium, quod ex ipsis accepi, iandudum adeptus est. Si quid deinceps forte contingeret quo opera mea indigeas, ita tibi pollicearis velim, nihil facultatis meæ fore, quod frustra à te desyderet. Vale.*

Federico Fregosio Salernitano Archiepiscopo. Gregorius S.

**M**axima me expectationis molestia liberarunt postrema litera tua, quas Lugduni Id. Febr. dedisti.

Nec

Nec velim putes quippiam ex oblectatione mea imminutum esse, quod non latinè scripseris. Et si enim elegantia & eruditione epistolarum tuarum mirum immodum oblectari soleo, plus tamen voluptatis ex amore tuo, qui mihi ex sensu literarū fit perspectus, quā ex eloquentia, quæ quidē est admirabilis, percipere consueui. Accedit præterea, quod cum commodo tuo fieri nequeat, ut alia ratione ad me scribas, æque mihi profecto gratum erit, si qualescunque à te accepero, ac molestum esset si omnino literis tuis carerem. Doleo tamen vehementer tuis, non difficilibus tantum, sed molestis etiam occupationibus fieri, ut non & animo tuo & desiderio nostro in eo genere possis satisfacere. Quod vero scribis si nostræ ad te delatæ essent, facile futurū fuisse, ut tu ad nos proficiscerere, sed ut nunc est, non modo te huc non esse aduenturum, sed nec quippiam tibi succurrere, cur ad vos ego proficisci debeam. Omnino tibi persuadeas velim, si mihi aduentus tuus cum primum istuc appulisti denunciatus esset, nihil tam arduum fuisse, quod à te conueniendo me potuerit detertere. Nunc vero, quoniam suspensō animo istic es, nec quicquam de remansione profectiōeue tua potes constituere, inuitus & dolens eiusmodi necessitatem deuorabo. Quod de Pont. Carpentoratensi scribis, quādo fideiiores hinc Romam & inde ad nos tabellarij commeant, omnino curabo ut de officio & voluntate tua à me fiat quamprimum diligentissime certior. Ego quidem tantisper statui in Lerina me continere, quoad exitum huius calamitosi belli perspexero, si

modo exitus aliquis sperandus est, sui vero Monoeci apud Grassensem dies complures, unde cum aliquando me difficillime explicassem, ad studia nostra reuersus, totum me in literis abdididi, & cum his qui pari amore tenentur, ocio bonestissimo perfruo. Daboq; operam donec hic fuero, ut nostra ad te quàm sapissime perferantur, idem quoq; ut tu facere ne graueris, maximopere etiam atq; etiam rogo. Non enim difficile futurum suspicor, ut amicissimi hominis opera litera omnes utrinq; fideliter reddantur, nec est quod de longinquitate, aut impedimento itineris pertimescamus: dabitur enim (quod ad me attinet) opera, ut frequentia literarum omnes difficultates superentur. Scribis in postrema Epistola, te iniquam necem Monoeci principis tulisse iniquissimo animo; laturumq; agerime, si cuiuspiam persuasum esset animum tuum ab eiusmodi sceleribus non abhorre, quia quoniam quorsum tendant mihi perspicere videor, officij mei esse duxi de ea re aliquid ad te scribere. Ego quidem mi Federice, cum post acerbissimum illum casum confestim Monoecum me contulisset, nihil intelligere posse videbar, quo animus Grassensis nostri à te cognosci posset alienior. Cum vero quotidie plures ad illum venirent, qui ferrent molestissime mutuam inter nos beneuolentiam constantissime perdurare, suscepi mihi acerrimam propugnationem & honoris & dignitatis tuae, sed nescio quo pacto factum est, ut feliciores illi fuerint in alienanda abs te optimi viri voluntate, quàm ego in retinenda fuerim. Nam ut id faci-

facilius consequi possent, contigit præcipue, ut opinor, & temporum & euentorum conditione. Quod si casu alter vestrum ad alterum diuertisset, unico congressu, facillimi viri animus à te recuperatus esset. Non enim altas radices ea indignatio habere potest, quæ a maleuolis tantum posita, nihil habet ubi innitatur præter inanem atque adeo falsam suspicionem. Tu vero velim ad me scribas, quantopere ad utilitatem vel dignitatem tuam pertinere putes, hominis voluntatem reuocari, non enim recusabo in illas locorum angustias iterum detrudi, ut eius animus erga te sit is, qui esse debet. Cæterum nihil causa fuit, cur libri tui à me discederent, nec aliquem fore opinatus sum, cui æque ac mihi cominendati esse possint. Nam si quod opto, Genus illis tibi futurus usus est, illico erunt parati. si autem aliò transferendi essent, hac ratione nihil amplius periculi timeremus. Omnino quandocunque tibi decretum fuerit, prompti erunt. Vale.

Hieronimo Monferrates Abbati. Greg. S.

**M**aximam præclarorum autorum iacturam, quam scitis agitata tempestatibus Christiana Respublica coacta est, neminem esse opinor, qui recte possit intelligere, nisi idem & genus illud antiquorum scriptorum cognouerit, & is fuerit qui inter præcos illos, eosque qui loco illorum successerunt, valeat iudicare. Ut enim omittam celebratissimi apud Latinos nominis, Appollonium, Victorinum, Minutium, & complures alios, quorum labores



modo exitus aliquis sperandus est, sui vero Monoeci apud Grassensem dies complures, unde cum aliquando me difficillime explicassem, ad studia nostra reuersus, totum me in literis abdidi, & cum his qui pari amore tenentur, ocio bonestissimo perfruor. Daboq; operam donec hic fuero, ut nostra ad te quam sapissime perferantur, idem quoq; ut tu facere ne graueris, maximopere etiam atq; etiam rogo. Non enim difficile futurum suspicor, ut amicissimi hominis opera litera omnes utringq; fideliter reddantur, nec est quod de longinquitate, aut impedimento itineris pertimescamus: dabitur enim (quod ad me attinet) opera, ut frequentia literarum omnes difficultates superentur. Scribis in postrema Epistola, te iniquam necem Monoeci principis tulisse iniquissimo animo; laturumq; egerime, si cupiam persuasum esset animum tuum ab eiusmodi sceleribus non abhorreere, quae quoniam quorsum tendant mihi perspicere videor, officij mei esse duxi de ea re aliquid ad te scribere. Ego quidem mi Federice, cum post acerbissimum illum casum confestim Monoecum me contulissem, nihil intelligere posse videbar, quo animus Grassensis nostri à te cognosci posset alienior. Cum vero quotidie plures ad illum venirent, qui ferrent molestissime mutuam inter nos beneuolentiam constantissime perdurare, suscepi mihi acerrimam propugnationem & honoris & dignitatis tuae, sed nescio quo pacto factum est, ut feliciores illi fuerint in alienanda abs te optimi viri voluntate, quam ego in retinenda fuerim. Nam ut id faci-

facilius consequi possent; contigit præcipue, ut opinor, & temporum & euentorum conditione. Quod si casu alter vestrum ad alterum diuertisset, unico congressu, facillimi viri animus à te recuperatus esset. Non enim altas radices ea indignatio habere potest, quæ a maleuolis tantum posita, nihil habet ubi innitatur præter inanem atq; adeo falsam suspicionem. Tu vero velim ad me scribas, quantopere ad utilitatem vel dignitatem tuam pertinere putes, hominis voluntatem reuocari, non enim recusabo in illas locorum angustias iterum detrudi, ut eius animus erga te sit is, qui esse debet. Cæterum nihil causa fuit, cur libri tui à me discederent, nec aliquem fore opinatus sum, cui æque ac mihi commendati esse possint. Nam si quod opto, Genus illis tibi futurus usus est, illico erunt parati: si autem aliò transferendi essent, hac ratione nihil amplius periculi timeremus. Ominino quandocunque tibi decretum fuerit, prompti erunt. Vale.

Hieronymo Monferrates Abbati. Greg. S.

**M**aximam præclarorum autorum iacturam, quam sauis agitata tempestatibus Christiana Respublica coacta est, neminem esse opinor, qui recte possit intelligere, nisi idem & genus illud antiquorum scriptorum cognouerit, & is fuerit qui inter priscos illos, eosq; qui loco illorum successerunt, valeat iudicare. Ut enim omittam celebratissimi apud latinos nominis, Appollonium, Victorinum, Minutium, & complures alios, quorum labores

*vel temporum iniquitate, vel hominum negligentia perierunt: Hanc potissimum Insulam maximo doctorum hominum prouentu, nec minus eruditione quam sanctitate illustriū, mirificum adiumentum laboranti religioni praestitisse neminem puto fore qui ambigat, quorum penē omnium admirabilia scripta, eodem genere calamitatis, quocetera periere. Sic Vincentij, & Syagrii, labores penitus amisimus, Fausti & Saluiani & Casarii desiderantur complura. Hilarij & Eucherij virorum ingenio & doctrina excellentium, parua quidem, sed admirabiles reliquiae, suam illam vastitatem vix euadere potuerunt. Quas ne forte casu aliquo idem excidium aliquando pati contingeret, visum mihi est, collectis quasi ex maximo naufragio paruis tabulis, illas ad te mittere, ut fide & diligentia tua, ab interitu vindicentur. Ex his enim veluti membris, facile coniectura assequi poteris, quantum & quam graue fuerit damnum illud, quod ex integri corporis amissione perceptum est. Non enim admodum multa apud latinos reperies, & eos praecipue qui in sacrarum literarum studio sunt versati, quae eloquentia, eruditione, & artificio istis anteponi debere viderentur. Illud vero vehementer tibi mirum visum iri non dubito, quod cum uterq; summus in suo genere sit, nihil tamen dissimilius quam ipsi inter se sunt, fieri posse videatur. Est in Eucherio plus candoris & elegantiae, superat Hilarius acuminē & crebritate sententiarum. Numerosiores illi ambitus, hic spretis numeris, pondere erum examinatio.*

*Exultat*

Exultat ille florenti & venusta, ut ita dicam, oratione, hic identidem seuera gravitate suspensus, sic delicias horret, ut in eo tamen ieiunitatem non possis reprehendere. Solutus ille ab oratorum legibus, proprii ingenij impetu decurrens fertur, hic intra Retorum placita semetipsum coercens, & si locis communibus, quoad eius fieri potest, dissimulatis, mirifice tamen oratorij artis praeceptiones observat. Ad summum, ille absq; cura comptior, hic, quavis cultu adhibito, longe tamen horridior inuenitur. Vixisse autem illos non in eodẽ tantum loco, sed iisdem etiam temporibus argumento est, quod uterq; alterius mentionem facit. Cum praterea accedat locuples Gennadij testimonium, qui sub Valentiniano & Martino Imperatoribus utrumq; decessisse scribit. Certissimam insuper eius rei fidem facere potest, quod cum nullus sit in ratione temporum vestiganda paulo diligentior, qui nesciat, Augustinum & Cassianum eadem aetate vixisse, Prioris certe ad Hilarium libri, alterius vero collationes, (sic enim ipse appellavit) ad Eucherium & Honoratum, vulgo etiã habentur in manibus. Quare summo opere admiror quendam ex recentioribus scriptoribus, qui pro Hilario Evgrium supponere ausus est. Quod stulte illic idem nomen repetitum arbitraretur. Id vero illi accidisse nemini dubium est, quod prater Pietauensem alios etiam eius nominis doctrina celebres fuisse ignorauerit. Enimvero si qua diligentia Eucherium prius apud Gennadium inuestigauerat, eadem deinde quæsisset Hilarium, vidisset profecto

quatuor

quatuor aut ad summum quinque interpositis, eius nomen subsequi, de quo tantopere dubitabat, & qui non Pont. tantum, sed monachus etiam in Lerina fuisset. Cui preterea amplissimam testificationem doctrina & nobilitatis reddidit Prosper Aquitanus, in illis literis, quas de Prædestinationis questione, ad Augustinum scripsit. Pontifices autem fuisse post diuinam Lerina habitationem, Lugdunensis alterum, alterum Arelatensis Ecclesia, publicis anniuersarijs quæ sacris illorum nominibus institutis, utraque ciuitas testatissimum fecit. Quorum etiam reliquias pie pureque venerantur. Exuberavit vero hæc insula adeo fecundo prouentu hominum, iuxta moribus & doctrina excellentium, ut ad hanc usque diem, eæ urbes in Gallia beatissimæ iudicentur, quibus ex illorum numero aliquando Pontifices contingere. Tibi vero persuadeas velim, maximam te cum apud omnes homines, tum præcipue apud ipsos quorum nomen ab interitu vindicabis, gratiam initurum, si diligentia tua, parua quidem, sed maximi pretij lucubrationes, in manus hominum quàm emendatissimæ exhibunt. Vale.

Hicronymo Moneliano. Gregorius S.

Cum pluribus iam antea diebus Monoeco discessissem, hodie demum in Lerina accepi literas tuas, quas Id. Febr. dedisti, quibus lectis, molestissime tuli non eas ante mihi redditas fuisse, quàm a Grassensi discederem. Quicquid enim autoritate et gratia apud illum possum, id ipsum

ipsum tibi totum potuisssem. Persuasuum vero mihi est, & eius Principis liberalitatem, & æquitatem postulationis tuæ, facilem omnino exitum negotio prastituras fuisse. Ne tamen penitus animum hominis intentatum relinquerem, scripsi ad eum de hac re diligentissime, & eas ipsas literas Abbati Lerinensi qui Genuam proficiscebatur, reddendas tradidi. Ut quoniam salutandi Grassensis gratia omnino Manoecum est diuersurus, explorata eius voluntate, certi quippiam ad te deferre possit. Tu cum primum ab illo acceperis, quid tibi de ea re sperandum esse videatur, confestim me facies per literas tuas certiozem. Ut si forte nos illuc iterum proficisci contingat, non ignorem, quantum mihi in eo negotio perficiendum reliquerit. Enitar certe quoad eius rei fieri poterit, uti ne frustra in fide & diligentia nostra præsidium tibi posuisse videaris. Cæterum Syngrapham ea potissimum ratione apud me retinere volui, ut qui sponte (sic enim mihi persuasum est) æquitati fuerat concessurus, adhibita etiam eiusmodi tanquam honestissima coactione, nullum omnino sibi effugium patere cognoscat. Chalydij commentarios in Tinaum, si ei qui has ad te deferet, nobis reddendos commiseris, tantopere mihi erit gratum, quantopere eius libri lectio à me diutius desiderata est. Statim enim ad nos reuersurus quicquid illi a te commendatum fuerit, ex fide restituet, Quod si pretium indicaueris, illico tibi pecuniam representari imperabo. Vale.

Stepha-



Stephano Saulio. Gregorius S.

**E**T si tua incredibilis beneuolentia & summus erga me amor, multis maximisque tuis beneficijs mihi perspetus, nullius testificatione indigebat, gratissimum tamen mihi fecit Bessarion, quod omnia quae cum ipso de me locutus es, diligentissime ad nos perscripsit. Quanquam enim nullius praedicatione fieri posse putandum est, ut arctiore vinculo tibi coniungar, quā quo me obstrictū esse sentio, maxima tamē cum animi mei oblectatione intellexi, te praclare admodum rationem excogitasse, quod mutuus amor noster, qui iam ad summum peruenisse putandus erat, quippiam etiam incrementi domestica consuetudine posset accipere. Qua quidem in re, & si (quemadmodum quidem nunc est) accessio liberalitatis tua minime mihi repudianda esse videtur, nullos tamen fructus uberiorēs suauiores in amicitia esse statuo, quā ipsius amicitiae propria quadam iucunditate cumulatam obseruationem. Et quidem in hac nostra, licet omnem gratiarū actionem superuacua semper esse iudicauerim, (quod ea aliena esse debere videatur, à tam veteri tamque constituta amicitia) haud quaquam tamen ipsemet mihi imperare potui, quin pro tantis tuis in me meritis, immortales tibi gratias agerent. Si enim nullum omnino tuum in me officium extaret, si nulla amicitiae fundamenta posita essent, cognito tamen hoc tuo desyderio consuetudinis nostrae, tanta amoris vi à me prosequendus esse viderere, quantam vix animus meus capere

capere posset. Quæ enitratione fieri potuisse putandum est, ut me cuperes assidue tecum esse, nisi vis incredibilis quædam, & (ut ita dicam) intemperantia amoris, te ipsum de me decepisset. Nunc vero cum ad innumerabilia merita tua, postremus hic velut cumulus accesserit, nihil aliud ad ea quæ ad me Bessarion scripsit respondere possum, quam cõmunibus votis me satisfacturum esse. quæ ideo communia appello, quod nequaquam tibi concedam in mutua consuetudine nostra expetenda. Sed quoniam aduentum tuum in Calendas Julias reiecisti, statui & ego tantisper mihi à profectiõne supersedendum esse, donec te Genuam applicuisse audiero. Multa enim grauissimæq; causæ nobis occurrunt, quare aduentum tuum decessionem hinc nostram, præcedere cupiam. Gratissimum igitur mihi feceris, si cumprimum tibi de reuersione tua statutum fuerit, istunc nos de omnibus feceris diligentissime certiores. Et ni tibi molestum futurum est, omnino interim reuocanda videtur, nescio quo casu, diutius intermissa frequentia literarum. Vale. Et N. verbis meis salutem dicita plurimam. Quem, & si de facie mihi incognitum, tamen et quia tibi intimus, et quia doctissimus se à me vehementissime diligere cupio fieri certiore.

Juliano Monacho. Gregorius S.

**Q**uam verum fuit priores tuas literas candidas & elegantes fuisse, tam mirum nuper mihi visum est, animum tuum vel leuissima suspitione ob laudationem

M

tionem

tionem nostram potuisse pulsari. Quid enim longius abesse debet à nostro erga te amore, quam consilium & voluntas adulandi? Effet nanque planè nequam hominis, atque adeo in rebus maximis sponte peccantis, si verbis nostris in id vitium inducere, quo nec maius quidem excogitari posse videtur, ut tui scilicet ipsius ignoratione decipereris. Verissime igitur tantopere prius ingenium tuum laudavi, quantopere nunc quoque, moderationem admirror, qui admonitus etiam, & ab eo potissimum, qui ita te amat ut non possit decipere, te ita diligenter obseruat, ut nequeat decipi, nec hac quidem ratione germina virtutis quæ in te sunt, possis recognoscere. Sed ne omnino tibi imprudens blandiari, nequaquam te ignorare volo, me, non tam id quod hætenus assecutus es, quàm studium & voluntatem tuam, summis laudibus celebrasse. Illæ nempe virtutes fuerunt, quæ maximam in me expectationem concitarunt fore ut facile partem aliquam assequaris, eius, quod in animū induxisti ut consequerere. Totum enim ipsum adeo magnum est, & penè dixerim infinitum, ut cum in eo omnem ætatem consumpseris, mirifico etiam progressu, longe tamen plura superfutura sint quàm quæ fueris assecutus. Nec id sane dixi quo tardare velim studia tua, aut rei difficultate detertere: sed ut facilius cognoscas quantopere tibi sit elaborandum, in eo, quod incredibile etiam labore partum, omnes labores sui dignitate compensabit: satis enim magna merces est, pro maximis etiam laboribus, quantulacunque pars vera virtutis acquisita

*site ὁ γὰρ πλάτων τοῦ τῆς ἀρετῆς κλέους, ἰδρύται καὶ πότον ἔχει οὐδὲ.*  
 Omnis Vero humanarum rerum cura, omnis superuacua  
 sollicitudo; longissime ab animo tuo debet abesse: diuine si-  
 quidem sapientie amor, adeo tener est, & ut ita dicam  
 suspiciosus, ut quemuis alium amorem, non riualem tan-  
 tum, sed nec socium pati queat. Quid enim socium pa-  
 tiatur, qui nihil prater sapientiā non consueuerit, ut Pau-  
 lus ait, *ἡμῶν ἐνέχεται παρυσίαι.* Quae, inquam, ratione eo-  
 rum quae in terris sunt; amicitiam non spernat, qui non  
 modo terrena omnia, animi sui magnitudine inferiora esse  
 arbitratur, sed & terram ipsam instar puncti habere in-  
 tellexerit? Qui fieri potest, ut hominum honores non ri-  
 deat, qui mentem habeat penitus humana despicientem?  
 Jam vero minima illa etiam pudet attingere, a quibus  
 animum tuum omnino alienum esse puto, & quae viliora,  
 tantum, ut ita dicam, ingenia apud nos torquere con-  
 sueuerunt à quibus etiam tantopere te aliquando à me de-  
 territum fuisse recordor, ut nulla ratione fieri posse di-  
 xerim, ut & studijs & his quae in cœnobijs quotidie ac-  
 cidere consueuerunt, animum posses intendere. Enimvero  
 dum imprudens tecum mihi loqui viderer, fecit error ipse  
 Epistolam loquaciorem. Ceterum quod te adeo vehe-  
 menti nostri desiderio teneri scribis, scias velim, praecla-  
 re a me rationem initam esse, quo isti tuo desiderio pos-  
 sis satisfacere. Qua de re, tecum verbis meis loquetur  
 Lerinensis Praesul. Vale.

A. Grimaldo Episcopo Grats. Gregorius S.

**D**Um apud te Monoeci essem, oppressus incredibili quadam agritudinis molestia, id, omnino oblitus sum coram tecum agere, quod potissimum præsens, & summa cum diligentia facere cupiebam. Ut scilicet hac sacrorum Hebdomadæ, Antonium nepotem tuum ad nos mittere velles. Veruntamen mihi persuasum est, quantum propter absentiam commendationi detractum fuerit, tantundem ex vi amoris & petitionis honestate compensatum iri. Gratissimum igitur nobis omnibus, spero item ipse nepoti tuo te facturum esse, si nos a te hoc impetrare patieris. Nam ut illud scribam superuacuum esse puto, futurum ipsum apud nos maxima cum grauitate & disciplina. Cum, quod hoc ipsum tibi & temporis & loci conditio, tum præcipue perspecti tibi mores hominum cum quibus illi futura est consuetudo, persuadere possunt. Tantisper enim optimo & doctissimo viro eius præceptori, Vicarium Dionysium substituemus, donec ad eam diem quam tu constitueris, ad vos reuertatur. Danda est interdum, ut nostri iuuenibus animi relaxatio, quo promptiore et recreato, ut ita dicam, ad virtutes spiritus, ad pristina studia alacriores reuertantur. Potissimum cum remissio ipsa eiusmodi, ut spero, futura est, ut non corpus tantum honestissima voluptate, sed etiam pulcherrimis ceremonijs diuinorum beneficiorum memoria reuocata, ipse animus mirifica oblectatione recreandus sit. Hoc igitur sic à te petimus,

mus, ut nihil vehementius peti possit. Et si tantum abest,  
ut de benignitate & humanitate tua dubitem, ut spe-  
rem ipsum eundem nepotem tuum literas ad nos indices  
tuae facilitatis allaturum esse. Vale. Acerba illa egri-  
tudo mitius mecum agit. Iterum vale & Salve.

Baptistæ Flisco. Gregorius S.

**C**ognovi ex acerbitate literarum tuarum, nequaquam  
te tranquillo animo ad me scripsisse. Nec enim ali-  
ter fieri potuisse opinor, ut pro re tantula, praesertim qua  
nullo mihi usus futura esset, & furti simul & violata  
fidei tam acriter me expostulares, ut etiam argumento  
ex diffinitione ipsa, quo nullum certius esse potest aduersum  
me ad id ostendendum. Utereris. Quare futurum mihi  
persuasi, ut cum quietiore animo sedataq; iracundia, rem  
diligentius perspexisses, eam personam quam & nobili-  
tas tua, & omnium iudicio probati mores dudum tibi im-  
posuerunt ad te esses reuocaturus. Addo usum rerum,  
& prudentiam, quae ita praeter ceteris omnibus ea discipli-  
na cui semper operam dedisti, sibi vindicare videtur, ut  
etiam sapientum cognomen, his qui se profiterentur can-  
sueuerit impartiri. ceterum certiore me esse volo longe  
te ab his decerptum esse, qui quippiam quod tuum esset  
istinc à me ablatum esse tibi persuadere potuerunt. tantum  
enim abest, ut libras tuos contrectarim, uteris enim eo  
verbo, quorum nullus mihi usus futurus fuerat, ut nec  
meos quidem cum istinc discederem, cogitauerim expor-  
tare.



zare. Quod, ut tunc res se habebat, propediem me Genuam reuersurum esse sperarem. Eiusmodi vero tempora deinceps consecuta sunt, qua me, ut officij & amicitiae rationem haberem, omnem reuerfionis cogitationem coegerunt abijcere. Cumque certis hominibus, quorum mihi diligentiam perspectam habere videbar, per literas mandassem, ut bibliothecam meam ad me transmitterent, essentque in ea complures libri, quos commodo ab amicis acceperam, memini me mandare, ut omnes, nominatimque tui, dominis restituerentur. Illi vero cum paulo indiligentius negocium tractassent, paucis restitutis, maiorem illorum partem ad me transmiserunt, quod quidem, et tui et fero molestissime: fit enim ob temporum iniquitatem, ut paulo difficilior sit, hinc ad vos omnium rerum traiectionis. Eius vero rei certissimam testificationem tibi faciet Caspianus Camillus, cuius cum libri plures ad me eadem imprudentia delati sint, benignissime qui sunt hominis mores, admonitum, non modo, non furti quod tu fecisti, sed nec aliqua in parte violati officij me exposulauit. Si quod autem peccatum meum in ea re accusari potest, eatenus tantum culpam recognosci, quod in amicitia tua iudicanda, quam satis constitutam putaram, paulo securioris animi fuerim. Debueram siquidem simulatque Pont. Nebiensis Genua discessit, quo preceptore in literis hebreis uti statueram, libros tuos tibi restituere qui apud me in posterum ociosi futuri essent. Potui certe ea ratione non modo inopinati huius casus, sed etiam tinearum periculum euitare. Contigit enim

enim incommodissime, ut cum nunquam postea in illos oculos coniecerim, memoria mea penitus exciderent. Postquam vero huc appuli, nondum tantum oculis mihi suppeditatum est, ut aut tuos, aut meos, qui omnes tui sunt, ex arcibus extrahere possem, ut saltem hac ratione, eorum quos à te acceperam, memoria in me renouaretur. Nec vero prater te quemquam esse puto, qui fuerit opinaturus me fide labi voluisse, in re & minimi pretij, & quæ in publicis etiam tabernis vulgo venalis exposita est. Quod ut certiori argumento cognoscas, scias velim, non eos tantum libros de quibus tu ad me scripsisti, sed Budei etiam nescio quid, te ipsum mihi tunc ultro commodasse. Quod, ut plerumque in domo opulenta consuevit accidere, omnino tibi memoria excidisse arbitror. Cum primum vero certi hominis, qui ad vos profisciscatur, et illos deferri possit, nobis copia fiet, quod propediem futurum spero, omnes ad te aduolabunt, ne diutius in eo genere tardentur studia tua. Nec tui modo, qui impedimento tantum futuri sunt bibliotheca mea, sed nostri etiam quot quot sunt (sunt autem plurimi) ad omnes usus tuos paratissimi semper erunt. Habeoque vero tibi immortales gratias, & pro beneficio tuo, & quod me cautum in posterum reddideris, non temere quæquam sibi, aliquid polliceri debere de nouis necdum satis constitutis amicitijs. Caterum quod scribis, lapsam fidei nostræ, causam tibi in posterum præstiturum, ut libri tui alicui monacho non cedantur, vix mihi persuaderi potest, te qui æquitatis cognitioni ex professo das operam, id

iuris

uris statueret velle, nam si ex me vno, omnes nostri ordinis minus certa fidei esse iudicare nolueris, ego quoque coniectura ex te tantum facta iurisconsultos omnes, & precipiti iracundia esse, & facillimos ad indignationem iudicabo. Vale.

Cassiano Camillo. Gregorius S.

**B**inas abs te accepi literas, plenissimas & amoris & officij cognoui enim ex eis id quod summo opere desyderabam, te maxima & sum diligentia in Grassensibus nostrine, geod pertractando. Quare, cum nihil mihi gratius posset accidere, confestim feci eum de omnibus per literas certiorum. Ut iam te ab ipso ob merita tua mirifice amari, nulla apud me dubitatio relicta sit. Accessi praterea hortatu tuo ad ea exequiunda quae sub Hieronymi nomine in Acta Apostolorum a Germanis edita sunt. Statimq; in ipso, ut ita dicam, vestibulo operis, certissimis coniecturis intellexi, nihil ferè in eo esse quod sub Hieronymi nomine debuerit publicari. Ut enim Styli ineptias omittam, quae adeo manifesta est, ut in paucissimis etiam illis verbis & penuriosis nominibus deprehendi possit quod ad Cosmographiam attinet, tam magnis tamq; multiplicibus erroribus resertum est, ut non dicam tibi quem nihil in eo genere potest latere, sed omnibus etiam quae ad eam disciplinam spectare expertibus, statim obui esse possint. Quare periculo quodq; meo pronuncies licet, in eo opere iudicando, rerum qui se acerrimi iudicij vult haberi longe deceptum esse.

esse. Sed de his omnibus propediem nos pluribus verbis coram, acturos esse confido. (Caterum & ut darem tibi quod rideres, & ut cognosceres nunquam mihi Theocrenos difuturos, nisi ad te exemplum quarundam literarum quas ad me dedit Baptista Fliscus, vir in ciuitate tua primarius, & in primis iurisconsultus. Qui mirifico arteficio parum absuit, quin mihi ipsi surem me esse persuaderet. Ex posterioribus etiam Analyticis sumpto fortissimo argumento, quem probationis modum eius generis hominibus omnino incognitum esse putaram. Quare cautius mihi in posterum cum iurisconsultis vestris agendum esse intellexi, quando & eiusmodi dialectica callent. Mitto praterea literas, quibus Laconicè eius accusationi respondi, quæ cum à te lecta fuerint, & quo tibi placuerit sigillo obsignata, ut confestim reddantur magnopere te etiam, atq; etiam rogo. Nam ut serio loquar, non sine maxima animi mei molestia accidit, quod cum ad Dionysium scripsissem, ut quicumq; aliorum libri apud me essent, eos omnes ante discessum suum islinc restitueret: nominatimq; & de tuis & de illis ipsis pro quibus hæc turba excitata sunt, madassent, habuit se in eo negotio paululum indiligentius quàm a me desideratum esset. Quippe quod complures etiam ex nostris pari negligentia Genue dereliquerit, quod tamen non eque ac de illis qui aliorum erat, molestule tuli. At si quod nollem me hic diutius morari continget, non committā, ut tu etiam nobis possis irasci, cuius plusquàm omnium aliorum indignatione extimescerem. Vale.

N

Augusti-

August. Grimaldo Episc. Grassensi. Gr. S.

**I**ncredibili me affecit iucunditate, Simon noster, qui cum mihi verbis tuis salutem dixisset, adiecit præterea te in maximam spem venisse breui fore, ut te ipso hic frui possemus. Qua re nihil & nobis gratius, & tibi ad tranquilliores sedatiorumq; vitam accommodatius accidere posse opinor. Cum enim hæc loca semper mihi visa fuerint amœnitatis & oblectationis plenissima, mirum quantum quotidiano hoc experimento, conceptam iam de se opinionem in nobis confirmarunt. Et si mirum immodum voluptas istæc nostra, absentia tua imminuitur, quod non æque gaudeam oportunitatem mihi abs te comparatam esse, ut vitam in rebus iucundissimis traducere possim, ac doleo te illis carere, quæ coniectura ex animo meo facta tibi longe gratiora quam quæ istuc habes futura fuisse suspicor. Quare pedibus manibusq; ut aiunt, tibi emendum est, ut relicta illa alpiû asperitate, relicto tubarum tympanorumq; strepitu, relicta nocturnarum excubiarum exploratione, relicta deniq; sollicita illa corporis custodia, huc ad nos quam primum proficiscare, ad eaq; confestim aduoles quæ tibi, & ad molestiarum leuationem, & ad honestissimum otium tanto studio & diligentia comparasti. Quibus eo difficilius te carere arbitror, quo experte, quâ penitus incognita voluptatis, longe acerbior recordatio consuevit esse. Et hæc quidem non iccirco scribo, quod te non id assidue meditari nescis, sed ut gratissimarum rerum veluti refricata memoria,

memoria, promptior fias ad ea expedienda, quæ, & ponderer rerum, & temporum iniquitate puto esse impeditissima. Mitto præterea ad te literas, quas ad me mercator quidam Genuensis dedit, & ille quidem de facie, ut scribit, non tibi incognitus, qui cum nescio quid sibi a te deberi prolato etiam fratris tui Chirographo dicat, non aliter se tibi commendatum fore credidit, quàm si ad æquitatem postulatio- nis sue, vis quoq; nostræ commendationis accederet, quæ iam apud omnes tanti ponderis existimatur, quàn- ti in eam existimari voluisti. Perfectum enim a te est declaratione amoris erga me tui, ut nisi apud amicos & propriæ opis dissimulato, & uni mihi commodus (ut Flaccus ait) haberi velim, eiusmodi officiis frequentius quàm vellem tibi cogar molestus esse. Gratissimum mihi erit, si quid de ea re statueris, ad me scribere non grauaberis. Quæ in re non Romanâ, nō Gallicam, sed nec prouincialem quidē linguā, modo, ut id cōmodo tuo fiat, aspernabor. Vale.

Cassiano Camillo. Gregorius S.

**R** Ectissime omnino suspicareris Epistolas tuas nō tormenta tantum, sed fulmina etiam mihi videri, si id ob vim ipsam impetumq; eloquentiæ, contingere posse tibi persuasisse. Sed non eo certe pacto quo tu intelligi vis, instar mihi bellicarum machinarum videntur habere. Ille nempe horrore quodam sonitus expauescenda, & quod cladem afferant quàm plurimis, merito vitanda esse videntur, at uero Epistolis tuis, nihil suauius, nihil amabilius fie-



ri potest, addo etiam leporem quendam, tibi proprium & festiuitatem, quibus adeo non oblector tantum, sed capior etiam, ut non satis constituere possim, elegantia an urbanitate maior sis cum ceteris in utraq; mihi superare videant. Nec vero hac nostra exundans, ut scribis solitudo, ita penitus est inhospitalis, ut non amicorum literas benignissime excipiar, quae ipsos etiam amicos longe benignius susceptura esset. Sed iam intelligo te ex Gentili nostro Homerum sententiam didicisse, qua saturitate contumeliam procreari dicit, teq; eo pacto delicias nostras interpretatum. Sed nondum nosti non unum genus deliciarum esse? Quid si in colendis hortulis, quid si in piscationibus, quid si in corporis exercitatione deliciae nostra sint? Utinam (quod Dioclitianus spreto orbis imperio dixit) videre potuisses olera manibus meis cōsita, breui te ipsum etiā Anachoreten euasurum fuisse mihi persuadeo. Nec tamen adeo sum harum deliciarum, & huiusce solitudinis appetens, ut non frugalitatis illius vestre, & gratissima consuetudinis longe sim appetentior. Sed ais tu? Ita ne nisi a Sautio Pont. coactus literas ad me daturus non fuisti? Commode omnino cecidit, quod paucis antea diebus scripsi ad te, simulq; Epistolam ad quēdam dedi, ex qua facile potuisti percipere, quo pacto a me accipiendus fueras, si vel parum quippiam indignationi concessisses. illic enim te intellexisse opinor, quā grauius inimicus illorum sim, qui ita faciles ad indignationem esse consueuerunt. Sed haecenus luisse sufficiat. Gratissima fuerunt officia tua Grassensi no-

stro,

stro, homini omnium longe gratissimo. Egit enim mihi eo nomine per Epistolam diligentissime gratias. Quare scias velim, nihil ex re tua familiari tam tuum esse, quam ipse Grassensis imposterus futurus est. Caterum postremis meis literis ad te scripsi quale meum iudicium esset de his qua sub Hieronymi nomine in Acta Apostolorum circumferuntur. Quia in re tantum abest, ut dubitem quin rectum sit de ea re iudicium meum, ut maximopere admirer illos, qui persuasum habent se nihil non videre in hac clarissima re utroque lumine fuisse orbatos. Vale.

Hieronymo Ghinnuccio Episcopo N. Camera Apostolicę Auditori. Greg. S.

**N**ondum satis constituere potui, plus oblectationis an molestia litera tua mihi attulerint, qua ad xiiij. Calen. April. data vij. demum Id. Maij nobis reddita fuerunt. Cum enim ex ipsis cognouerim mirificum quendam amorem erga me tuum, anxiamque de incolumitate mea sollicitudinem maiorem animo meo voluptatem cępi, quam ut breui Epistola a me declarari queat. Accedit præterea in fratrem meum ( qui mihi incipso penè carior est ) satis nobis perspectus ex illis ipsis literis, singularis quidam amor tuus, atque beneuolentia, qua cum a tali tantoque viro, & natura & fortuna muneribus ornatissimo, vix citra impudentia notam mihi optanda fuisse videantur, eo gratiora nobis acciderunt, quo longius superarunt expectationem nostram. Contra vero supraquam dici potest

test molestè tuli, quod non modo desyderio tuo adhuc a me satisfactum non est, sed nec quid id sit quod a te tantopere desyderatur, satis intelligere potui. Cum enim circiter Cal. Aug. a fratre meo mihi reddite literæ fuissent, in quibus parua quadam schedula qua laudatio Pont. Eboracensis continebatur, inclusa erat, nec quid sibi ea vellet liquido possem intelligere, quod id literis ipsis non planè declararetur, coniecturam feci priores aliquas, quibus copiose negocium exponeretur, temporum iniquitate, vel eorum qui deferrent, negligentia, perisse. Quare confestim ipsum fratrem meum per literas rogaui, ut quid sibi ea laudatio vellet, ad me scribere non grauarietur, enisurum enim me, quantum & viribus & ingenio possem, ut honestissimo eius desyderio quamprimum a me satisficeret. Enimvero cum ille postea de ea re nec verbum quidem fecerit, diu persuasum habui, eiusmodi prouinciam aliq̃ demandatam fuisse, qui maturius ingeniosius & eloquentius, munere illo defungi possit. Nuper vero acceptis literis tuis, reque diutius considerata, postremo in eam sententiam veni, ut mihi persuaderem, aut me imprudentia, & errore in scribendo, aut fratrem meum in percipienda literarum mearum sententia deceptum esse. Ut enim meminisse mihi videret, nihil me tunc pollicitum fuisse aggredi, nisi re quæ proponeretur diligentius percepta, sic coniectura assequi possum, cum ex literis tuis, tum etiam ex verbis fratris mei, me nō adeo disertè rem explicuisse, ut a viro in multis maximisq; negocijs occupato, unica le-

Elicne

Elione intelligi potuerit. Qua in re, dum modo fratrem meum culpa omni & errore vacare tibi persuadeas, non abnuo quin vel ineptia, vel imprudentia mea omnia ascribantur. Id vero ea potissimum de causa paulo iniquiore animo laturus sum, quod ignorem an commode nunc etiam desiderio tuo satisfieri possit: ut non obdueta iam cicatrice medicamentum apponere velle videamur. Quod si a te iudicatum fuerit, id opportune accidere posse, tibi omnino recipio, me diligentissime operam daturum, ut quicquid vitij adhuc per imprudentiam factum est, maxima cura & sedulitate sarciantur. Qua in re, omnino necesse erit quicquid in Regem Lutheriani euomuerunt, istinc ad me transmitti, ut ad ipsorum maledicta responsiones nostrae accommodari queant. Præterea, si breues commentarios de toto negotio confici curaueris, ex quibus desiderium tuum paulo illustrius intelligere possim, erit ea profecto velut expressa quadam imago animi tui, ad quam cogitatus omnes nostri velut ad certum definitumque signum dirigipossunt. Vale. Et me omnesque meos, qui omnes tui sunt, ut facis ama. Et si præterea quippiam a me proficisci potest, quod tibi gratum futurum sit, sic tibi persuadeas velim, nihil esse in eo genere, tam arduum, quod iussis tuis aggredi non audeam, nec tam difficile quod si fauor tuus accesserit, præstare mihi posse non videar.

Feder. Fregosio Salern. Archiep. Gr. S.

**C**um nunquam mihi non gratissime accidere consueuerint litteræ tuæ, quas tamen nuper apud Taurinos certo homini ad nos

ad nos dedisti, tanta me iucunditate affecerunt, ut non maior eas aviditate expectarim. Ex quo enim Nicæa discessisti, & si multa ad me rumor attulerat, ea tamen cum parum certa tum etiam omnino mihi molesta fuerunt. Hec iccirco tantum quod eius generis essent, ut quemvis possent molestia afficere, sed ea potissimum de causa, quod tibi præcipue molestissima accidisse non dubitabam. Lectis autem literis tuis expressius quodammodo & illustrius id cognoui, quod de te ante mihi erat persuasissimum, nihil scilicet iuris in rebus tuis fortunam sibi vindicare potuisse. Siquidem eas tantum res tuas appellare licet, quæ tibi eius modi æquanimitem pepererunt, ut nulla quæas fortune iniuria a vitæ tuæ tranquillitate dimoueri. Quare propediem etiam futurum spero, ut fortunam ipsam tantæ iniuriæ non pudeat modo, sed etiam summopere paniteat. Quod vero ad rerum successus attinet, scio nec te alios quam fuerunt fore aliquando sperasse, & me a te facile deductum fuisse in eandem sententiam. Quo magis etiam id quod facis facere debes. Nam absurdum sanè videri posset, quod diutius antea futurum esse perspexeris, id posteaquam euenerit, non forti infractoque animo suslinere. Et hæc hæcenus locutus sum perinde quasi de rebus tuis aliquantisper diffiderem, quæ mihi tamen nequaquam eo deducta videntur, ut omnino sit diffidendum. Et si quod ad te attinet, si omnino euentus rerum ex iudicio voluntarie quæ mea penderet, non satis constituere possum, quod genus vitæ tibi potissimum optaturus fuerim: hinc enim laborum

borum & solitudinis plena omnia video, & quod usu  
iam experimentoq; didicimus, incerta penitus, & quæ  
momento temporis facile immutari evertiq; consueverint.  
Inde vero in vita tranquillitate & honestissimis studijs  
totum te deinceps occupatū iri facile mihi persuadeo. Unum  
tantum est quo mouear, patria tuæ scilicet, atq; adeo iam  
nostræ, charitas, quam moderatione auspicijs quæ tuis, pro  
pe dixerim, beatam me visurū esse mihi pollicebar. Verum  
quoniam propediem te Nicæam venturum esse confidis,  
longiorem sermonem in id tempus reijciemus. Ego vero  
suspensio anxioque animo hætenus in hac prouincia deten-  
tus sum, cum nullum genus molestiæ sit, quo nõ fuerim ve-  
hementer exagitatus. Quare cum iam tempus appetat co-  
mitiorum nostrorum, statui omnino eam discessus nostri oc-  
casionem non minus honestam quàm opportunam arripere,  
nisi a te secus mihi fuerit persuasum. Interim tamen Ioan-  
nem Baptistam nostrum ad regem mittere decreui, pro re-  
bus huius cænobijs constituendis, quæ, ut mihi persuasum  
est, paulo negotio conficietur. Quod si tu (ut sunt omnino  
pro varietate successuum varia consilia) istic diutius mo-  
ram trahere decreueris, magnopere me certiorē abs te fieri  
opto. Nam mihi in Italiam quandocunque proficiscenti,  
istinc ver esset. Cæterum omnibus qui mecum degunt sa-  
cerdotibus (scias velim) te tam suauem non modo tui me-  
moriæ, sed desyderium etiam reliquisse, ut nihil adeo  
in illorum mentibus insitum impressumq; sit, quàm ut ho-  
nestissimis tuis votis obsequantur. Idque eo magis Ioanni



Baptista nostro quo maioribus grauioribusque de causis tibi tandiu penitus est addictus. Vale.

F. Archiepiscopo Salernitano. Greg. S.

**C**um eo quidem animo a te discesserim, ut non ultra viginti, aut ad summum triginta dies abessem, Mutinam absque itineris molestia tuo potissimum beneficio decima die perueni, rebusque, quarum gratia adueneram compositis, iam ea qua ad regressionem pertinent parare ceperam. Cum mihi reddita sunt litera a principe ordinis nostri, in quibus erat ascriptum, ut salutatis affinibus, quamprimum Romam profisciscerer. Ego vero et si ternas iam ab eo de eiusmodi profectione literas acceperam, eiusque auctoritati opposueram et longitudinem itinerum, et corporis imbecillitatem, rursus que ille nullam se excusationem accipere, rescripserat, statueram tamen apud ipsum denuo me excusare: a compluribus tamen admonitus hanc quam ego excusationem appellarem, posse aliquos contumacie nomine criminari, statui mihi omnino parendum esse, non prius, tamen quam ad te literas dedissem. Video enim me in eiusmodi angustias coniectum esse, ut me ipsum inde explicare penè sit difficillimum, nisi tu qua soles humanitate, negotium meum et susceperis et confeceris. Primum quidne tu ipse me, quod consiliu immutarim, immutata etiam voluntatis exposcules, quam nosti omnino ex aliena voluntate pendere. Deinde cum tibi persuaferis, me eiusmodi profectionem inuitum suscepisse, id ipsum, etiam principi nostro

nostro persuadeas. Cuius quanquam mihi perspectissima est humanitas, cum tamē cogito quibus me verbis abeuntem prosecutus est, & quid ego de regressionē mea pollicitus fuerim, nec ista quidē grauiissima & honestissima causa satis momenti apud eum habitura esse videtur, ut non aliquid ab eo peccasse iudicer. Occurrit postremo noster Theocrenus, qui cum discederem, etiam breuissimum illud tempus, quam longissimum sibi videri dixit. Quare, ut absq; magna animi mei molestia, iter hoc conficere possim, eatenus Mutina ero, quoad a uobis mihi literę reddentur, quibus intelligere possim me apud vos sufficienter excusatum fuisse. Romę vero, ut idem ille princeps noster ad me scripsit, non amplius decem, aut duodecim diebus commorandum erit, postea Pisas, & deinde litorali-via ad vos quā ocyssime aduolabo. Et quoniam mala hęc quę uetus sum, ita commodo, & molli est incessu, ut illi secundum te prosperam valetudinem acceptam referam, summo opere optarem; si tamen commodo tuo fieri posset, eadem rursus Romam vehi, & inde ad vos reuehi. Dabo enim operam quod & hactenus feci, ut quā diligentissime curetur. Vale.

F. Fregosius Archiep. Salern. Greg. S.

**C**um te ipsum iam expectaremus, ecce nobis redditę sunt literę tuę Mutina vi i. Calen. Decembris datę, quibus plane intelleximus te non minorem redeundi voluntatem habere, quā eundi habueris necessitatem,

O 2 quorum

quorum hoc æque gratum fuit, ac fuerat illud molestum. Sed quia reditus tuus Romanæ profectiōis causa, longius relabi videbatur, quàm quod nos animo concepisse arbitrareris, humanissime a te factum est, quod de tuis rebus nos certiores facere constituisti, voluistiq; tandiu Mutinæ esse, donec nostræ quoq; tibi literæ redderentur. Putabas enim nos tarditatem reditus tui, nostro desiderio non tuo commodo metiri, quod planè falsum est, propterea nihil est quod de nostra voluntate dubites, nosq; de tua dubitare suspiceris. Nam & si aduentus tuus nobis expectatissimus est, ut etiam pro Octauiano fratre meo loquar, non ideo tamen voluptatem nostram necessitati tuæ anteponenda esse censemus. Quare perge quo vocaris, nec nostri te cura sollicitet. Tantum, hoc solatium nobis a te tribui cupimus, ut quam sapissime tuis literis nos inuisas, deq; tuis rebus facias indies certiores. Nihil enim præter aduentum tuum, nobis iocundius accidere potest. Reliquum est, ut cum Roma fueris, Jacobum Sadoletum ciuem tuum meo nomine quam plurimum saluere iubeas, deque nobis illi polliceri velis, quæ a fidissimo amico, & ab amantissimo contubernali provenire possunt. Ad ea vero quæ nobis de mula qua hoc itinere usus es scripsisti, Theocreno nostro respondendi partes reliquimus, qui etiam ociosius quàm nos facere possumus cætera suis literis complectetur. Vale, & me mutuo dilige.

Bene-

Benedictus Theocrenus. Greg. S.

**E**X ijs literis quas ad me Mutina proxime dedisti, non intelligebam quæ te causa, cum affuturum iam iam sperarem, in urbem ab nostra, tam certa expectatione traheret. Ita breuiter eam prosecutionē in extrema pagella proponebas, non poteram tamen quicquid tibi videretur discerneres uē non probare, cum semel mihi persuaferim tibi, omni in re consilij tui constare rationem. Dedit postea legendam mihi Epistolam quam ad se eodē die scripsisses Federicus princeps meus, quæ copiose, ut factum oportuit, rem totam continebat. Ego Gregori licet videam quod tibi a Pontifice tuo iniungatur, non posse id te sine grandi flagitio deprecari, sciamq; nolenti fieri, quod tandiu nobis careas: ægerrime tamen fero consuetudine tua defraudari me, & insigni illo fructu studiorum meorum quæ quidem abste maximopere iuuari, & ali, vel tu ipse qui de te modestissi me sentis nunquam negasti. Perceptum enim semel tantum bonū abrumpi, aut etiam intermitteri cum acerbum, tum valde inutile, si præsertim quadam sint, aut potius multa, quæ sine prælectore assequi nequeamus. Nam omnis philosophia, cuius candidatum apud te professus sum, scientiam, ita in arduo positam video, ut undecunque ad eam sine aliquo duce & præuio ingredi parem, materiæ difficultate deterrear, te unum Deus mihi obtulit, a quo certissimum ad tantam rem adeundam, auxilium ex pecto, præterea a nemine. Itaq; quicquid illud est quod  
propositum

propositum nostrum, tam laudabile morari possit, id nos uehementer sollicitos habet atq; angit. Quod an ita sit, quis te melius diiudicauerit? qui nisi aliquādo eadem expertus esses, non mehercle, tam saepe operam tuam, tamque promptam: Ultra mihi spondidisses. Sed illud me aliquantulum consolatur, quod non ultra Id. Februarias absitutum te recipis. Quas ego ob id toto animo complexus, ita iam amo, ut natali meo chariores habeam: semper vero quoad vixero celebraturus, si mihi hic tecum (ut spero) illuxerint. Quod ad mulam attinet hactenus conueniri se Federicus passus est, ut quod comode te vexerit mire gauisus, eam tibi iam tum inde cum discessisti abs te dono datam diceret, sic enim tum statuisse, ut si tibi in isto itinere usui ea foret, perpetuo tua foret. Quāobrem salua modestia iam respicere eam non potes: ne talis viri quaecunq; munus fastidire videaris. Cupit ille magnopere, ut Nicolaum Iudicum cum primū in urbem peruenieris familiarius adeas, atque ab eo post institutam amicitiam diligenter queras, an in urbe per diu futurus sit, an alibi si qua honesta conditio proponatur, esse malit quā in Roma. Tum sedulo intueare, quae tua est solertia, qui mores sint in homine quae comitas. Hac tamen omnia ita sunt tibi tractanda, ut nō subornatus, neque alterius impulsu, sed tua sponte intelligere velle videaris. Sic enim, ut fiat, praesentes Federici rationes exposcunt. Superuacuum penē fuerit illud te monere, tum singula speculatus fueris, uti quamocysime ad nos scribas, cum te hoc in genere, vel maxime omnium hominum

hominum impigerrimum semper compererim. Octavianus princeps cum hac scriberem ex podagra decubabat, non illa tamen ad eo graui, aut violenta. Reliqui omnes qui te amant, aut potius norunt (nam quicumq; te norunt idem amant ac suspiciunt) bene valent, prater unum Stephanum Spinulam, qui pridie Cal. Decemb. morbo articulari aliquandiu solito grauius afflictatus diem obierat, quod te omnino scire oportere existimaui. Vale.

F. Archiepiscopo Salern. Gregor. S.

**Q**uod posteaquam Romam veni nullas ad te literas dederim, non ea causa fuit quod amoris tui erga me, aut beneficentia oblitus, ab officio aliqua ex parte discessem, sed quod dies complures in salutationibus, & conueniendis doctis viris conterens, nihil temporis mihi reliquum feci ad munus illud obeundum, quod profecto rebus omnibus anteuertere statuissem, nisi me humanitas tua, mihi iandiu perfectissima satis persuasisset, nihil tibi gratius futurum, quam ut viros qui illam ipsam humanitate profitentur, & conuenirem sepiissime, et mihi quam artissime conciliarem. Nunc vero quando videor mihi id quod summo pere concupieram aliqua ex parte assecutus, ut docti fere omnes qui in urbe sunt, non modo mihi de facie sint cogniti, sed quotidiana etiam deuincti consuetudine, nihil apud me erit antiquius, quam ut & te ipsum, & principem meum Octavianum quam creberrimis literis inuisam. Nam & Genuam ad conductam diem reuert



uerti non possim, faciunt & fratris & nepotis mei negocia familiaria, a quibus & si omnino animus meus abhorret, inhumanum tamē arbitratus sum, non aliquot saltem dies tanta coniunctioni impartiri. Ceterum ne præsens tibi gratularer de amplissimo maximoq; sacerdotio, quod uirtutibus tuis commendatum esse nemo ambigit, nisi siquis ab omni uirtute est penitus alienus, inuiderunt ea ipsa negocia. Gratulor tamen, ut de beo quàm plurimum, nec tibi modo, sed & illis ipsis quibus concessum est, ut ex optimis moribus, & uirtute tua quàm plurimum fructum percipiant. In quorumq; animos uis potestatemq; habes. Deumq; opt. Max. rogo & ora, ut tibi id sacerdotium ita fortunet, ut cum illud diu recteq; administraris, tandem septus frequentissimis turbis eorum qui cura tua seruati erunt, meritum de hostibus triumphum ducens, caeleste capitolium victor possis ascendere. Vale. Quid haecenus confecerim de Nicolao Judeco, scripsi ad Theocrenum nostrum diligentissime.

F. Archiepiscopo Salernitano. Greg. S.

**N**Ullas mihi haecenus abste redditas esse, magis moleste fero quàm admirer, quod item tibi accidere mihi persuasum est. Ea est enim miserabilium horum temporum conditio, ut non modo de grauioribus rebus scripta literæ, sed communes etiam & familiares ista nostra undecunq; excipiantur. Bis iam ad te literas dedi, quas ea potissimū de causā tibi reddi sum in opere optabam, quod tantum de amicitia

amicitia nostra vel potius mea erga te pietate considerem, ut sperarem isto tuo tempore, illas quadam ex parte tibi solatio futuras esse. Enimvero cum illae perierint, nullatenus tamen mihi ab officio recedendum esse existimaui, magis quæ fidem quorundam quam diligentiam nostram volui a te desiderari, præcipue cum certissimi hominis oblatam, nunc mihi esse facultatem certissime opinarer. Nec tamen operam assumam, ut te fortissimum virum consoler, præsertim cum ea te semper prudentia præditum cognouerim, ut in quauis etiam grauissima calamitate, consolatione non indigeas, nec ea sit fortuna rerum tuarum, ut te magnopere, vel angere, vel dolere suspicari debeam. Quid enim est, quod te amisisse conqueri possis, nisi id amittere appellas, multarum rerum earundemque molestissimarum solitudine priuari, tandemque te ipsum tibi restituere? quod quidem nisi hætenus es affectus, propediem tamen fore, ut assequaris, ex his quæ ad me quotidie asferuntur, & ex perspecta mihi modestia & magnitudine animi tui coniecturam facio. Non enim ut opinor, memoria excidit quod sapius mecum conquirebare te ipsum tibi surripere, nec aliud magis desiderare, quam aliquam tibi occasionem præstare quo honeste secedere possit, reliquumque ætatis in optimis & artibus & studiis collocare. Quod etsi nunc magis a te expressum quam impetratum conqueri posse videris, equum tamen est, non si quid mali in hoc negotio est, id ipsum nouis, & solitudinibus & molestiis augere, sed ex hac ipsa, ut multi opinantur calamitate, non ostensam modo, sed etiam oblatam

P                      felicitate

*felicitatem toto animo complecti, quod cum certis coniecturis te facturum assequar, nequaquam mihi tantum arrogaturus sum, ut contra ac pollicitus fueram te, vel consolatione, vel consilio, vel adhortatione adiuuare velim. Tantum id addam, te, si quando eiusmodi vita genus institueres potueris, quale abste summo opere desiderari ostendebas, tum de mum facile iudicaturum ex hac rerum commutatione bonine an mali plus consecutus fueris. Caterum ex compluribus qui istinc ad nos venerunt, te intellexisse cognoui, partem longe maximam librorum tuorum perisse, quod omnibus alijs calamitatibus anteponerem, nisi qui erant inter eos longe optimi apud nos salui essent. Nam Graci omnes manu scripti, impressi q; ferè omnes, & Latinorum aliquot miserrimam illam direptionem euaserunt, De sacerdotalibus vero indumentis, propediem ut scias faciam. Vale. Etsi commodo tuo fieri potest, saepe nos literis inuise.*

F. Fregosius. Gregorio S.

**M**irabar profecto quidnam in causa esse posset, quod tuis literis tandiu careremus, nec fieri poterat, ut in hac nostra tam antiqua tanque confirmata amicitia totis tribus quatuorue mensibus, nullas omnino a te datas suscipiamur, hoc praesertim meo tam iniquo tempore, quo & acerrimis curis angis, & infinitis opprimi malis ex tua prudentia facillime te conijcere arbitrabar. Sed rursus cum tot quotidie istinc recta ad nos profisciscantur, totq;  
merca-

mercatores ad trimestres nundinas Lugdunum quottidie commeent, ubi dum nos illic commorati sumus literæ tuæ offendissent, si intra duorum mensium spacium data fuissent, & post discessum nostrum quottidie literarum fascēs illinc ad nos deferantur, factum est, ut dubitarem, an ali quid etiam iuris in optimorum hominum voluntate fortuna haberet. Quare mi Gregori habeo tibi gratias ingentes qui me his tuis literis quas ad 15. Cal. Septemb. dederas, hac præcipue cura liberaſti. Quibus & te alias prius dedisse, & nostras summo pere desiderare ostendebas. Nimirum utrumque mihi pergratum est. Sed cum unas, ut primum Lugdunum veni, cuidam ex nostris ciuibus, qui fidelis nuncius haberi poterat, dedissem, verebar ne ultra quàm officium nostrum pateretur, sæpius aures tuas obtunderem, ac ocium tuum interpellare. Sed posteaquam sententiã tuam cognoui, secus atq; institueram faciendū mihi esse arbitror. Ut scilicet primum te certiore faciam de his quæ te maxime ex me cognoscere velle existimem. Sed quid nam aliud quàm de me ipso ad te nunc potissimū scribam, quod tu libentius audire, & ego facilius narrare possim? Quauis hoc totum negocium minime esse delectabile utriq; nostrum existimem: nunc scito me in summo mœrore versari. Quis enim tam ferus ac ferreus, qui non patriæ suæ direptionem ac prope excidium deploret, quam ego ipse quasi inter vlnas meas confodi, atq; trucidari ab immanissimis hostibus vidi? Non possum equidē & fateor, in tam acerbo casu non dolere. Quauis duæ præ-

ter hanc cōmunem cladem insignes ac peculiāres fortunæ iniuriæ me pepulerunt. Tot scilicet amicorū, tot clientum, tot familiarium exilium, atq; interitus. Deinde Octāuiāni fratris mei Viri innocentissimi captiuitas atq; durissimus carcer. Ista quia nunquam prauideram, quis enim tam lyncæus? modo me excruciant, atq; exanimant. Ista tamen, ut non omnino me his curis, atq; solitudinibus obrui sinam, quin & ad te, & ad eos amicos quos nihil mole de me, nihil demissum opinari volo non semper respiciā. Illa vero quæ ad me tantum pertinent ex patria ciectio, euersio imperij nostri, fortunarum dissipatio atq; rapina, nihil serē nos tangunt. Tantumq; abest, ut pro his dolere ac lamentari velim, ut etiam illis gratias habiturus sim non minimas, qui me, quanuis non amico animo, attamen una cum illis multis molestijs, multis laboribus, multisq; periculis liberauerunt. Atq; huc coniecerunt ubi collectis, atque compositis huius naufragij reliquijs, ad ea studia a quibus discedere minime oportebat, aliquando reuerti posse non diffido. In quam spem me maxime erexit incolumitas librorum meorum, non solum eorū qui apud te miseriam illam (ut ais) vastitatē euaserunt, verum & cæterorū, quos, & si in illam inciderunt, spero aliquādo ad nostras manus peruenturos. Quidam enim etiam nomine nobis ignotus qui eos potitus est, nescio quid hac de re mihi verbis suis renunciari iussit. Quod quidem ego omen accipio, tanquā signum futurę tranquillitatis studiorū meorum. Hæc de nobis modo ad te scribenda duxi, nam ea quę

tu sane

tu sane nimis amice de me sentire videris, profectū nullum  
 responsum desiderant. Vñ tamen conabor, si quando casus  
 tulerit, ne te amicitia nostrę, vel pudeat, vel pigeat. Pra-  
 terea, inter eos libros quos apud te reliquerã erat quædam  
 oratio a me scripta, quam olim te legisse arbitror, eam nisi  
 in illa clade periit, velim. Ut cumprimū poterit fieri, ad me  
 mittas, nam animus est, aut meliorem reddere, aut omnino  
 discerpere. De sacerdotalibus indumentis deq; sacris va-  
 sis si quid superfuerit aueo scire. Nam ea mihi summo opere  
 cordi sunt, quibus ego ipse tãtū in re diuina uti solebã, quę  
 vero in aliorū vsus parata erant, facile autem est digno-  
 sci, vestre Ecclesie dono. Vale & crebrius deinceps a me  
 literas expecta, dūmodo id tibi gratum fore significes. Sa-  
 cerdotibus quoq; qui tecū degūt multā salutē verbis meis  
 dicito, sed principi vestro quā maximam. Vale.

F. Fregosio Archiepiscopo. Gregorius S.

**O** Rationem illam quam difficillimis R. P. tempori-  
 bus ad ciues tuos habuisti, legi quam diligentissime,  
 de qua quidem, nihil omnino ad te scripturus fueram, nisi  
 rescivissem viros excellentes ingenio & eloquentia, de hac  
 eadem re ad te literas dedisse, ut me non tam deterruerit  
 illorum eloquentia, quā impulerit simile omnino, & ut  
 opinor idem penē de eisdem rebus cum ipsis iudicium. Con-  
 sueverunt vero qui apud principes ipsorū, vel mores, vel  
 eloquentiam laudant, facile eorū qui audiunt iniquum  
 subire iudicium, cum non tam quia laudandi, quā quia  
 princi-



principes, omnia dicta esse videatur. Quod etsi in me vix accidere posse confido, quod id omnino a moribus & institutioni mei ratione sit alienum, penèq; impium videri possit, pro ea, quæ mihi tecum est familiaritate, humanissimis moribus & facilitate tua conciliata, me de te ipso apud te mentiri velle, cum præcipue nec eo sis animo, ut quempiam tibi assentari velis, nec eo ingenio, ut qui id faciat te possit latere. Facit tamen orationis tuæ genus, ut ea mihi dicenda sint, quæ a compluribus, non ad fidem dicta, sed ad gratiam conficta esse videri possent, nisi eadem ipsa oratio sui lectione me penitus ab omni eiusmodi nota liberatura esset. Fateri nempe cogentur qui eam in manus sumperint, non modo nimis a me laudatam, quia tuæ esset, sed parum etiā, & ut ita dicam, auare, quia sit optima. Ut enim potissimū a genere ipso incipiam, quod cæteris & ingeniosius & subtilius est, & in quo præcipue maxima inuentionis difficultas versari solet. Quid apertius demonstrari potuit, quā ea omnia pro quibus verba faciebas, omnino ut tu suadebas deliberanda esse? ordo vero atq; dispositio eiusmodi sunt, ut nihil artificiosius nihil sit magis coherens. Cum enim scires civium tuorum animos, & rei ipsius natura & superioribus solutionibus ita affectos, ut difficile eiusmodi orationem admitterent, ita tibi illos in dicendi initio conciliasti, ut ex re ipsa natum exordium, & maximo vulnere medicamentum afferret, & ad ea quæ sequebantur mirifice aperiret ingressum. Quæ vero in mediam orationem coniecisti: iccirco, ut opinor, quod difficilior tractari posse videban-

Videbantur, de lege, scilicet & scripto, ita sunt a te subtiliter disputata, ut putem legislatorem ipsum, nec uerius, nec expressius quid senserit differere potuisse. Omitto hic vim illam & amplitudinem orationis, qua inimicorū impietas, & quæ ab ipsis nefarie crudeliterq; patrata sunt, & maximo spiritu et vehementi oratione ante oculos audientium a te sunt collocata, fulmina perorationis & oratoria illa ornamenta epiphonemata, epicheremata, dilemmata, quibus omnibus, & alijs præterea, eius generis concio illa refertissima est. Jam elegantia & facilitati coniuncta verborum proprietates eiusmodi sunt, ut cum nihil plane ingeniosius & subtilius, nihil etiam candidius, me legisse affirmare possim. Habes meum de oratione tua iudicium, de cuius laudibus ita demum patiar ab aliquibus detrahi, cum quippiam & elegantius & ingeniosius hac tēpestate editum cognouero. Quod quidē tum deniq; fieri posse credam, cū tu in eo genere quippiam rursus edideris. Vale.

F. Fregosio. Gregorius S.

**Q**uemadmodum nihil mihi iucundius accidere potest, quàm ut tecum per literas sæpissimè loquar, sic nihil audio molestius, quàm easdem literas quouis casu perire. Quod in illis, quas postremo ad te dedi euenisse, ex ea potissimum coniectura suspicor, quoniā desiderare ostendis te a nobis certiolem fieri, an quippiam de libris tuis contulerim. Id vero in illis ipsis quas interceptas suspicor, memini me diligentissime scribere. Sforciam scilicet cuius nomine

nomine asseruabantur, & a me & a quibusdam, qui principem locum apud ipsum obtinent, diu rogatum, tandem annuisse, ut nobis restituerentur. Veruntamen ex purpuratis eius is quo deprecatore usus fueram, literas ad eos apud quos asseruantur, oblitus est impetrare, quo factum est, ut nondum à me recuperari potuerint, quos tamen propediem ad nos migraturos esse non dubito, dedi namq; ea de re certo homini negocium. Nihil vero prater libros & sacerdotalem suppellectilem aliquid praterca stragula vestis, & suppellectilem ad nos delata fuisse, tam certum est quàm quod certissimum. Quae omnia, prater libros, pessimo illo incendio conflagrarunt. Quod insuper amice, & humaniter de profectione mea requiris, nequaquam æquum esse arbitror te aduentum tuum ad deliberationem meam accommodare debere, contra autem gratissimum mihi bierit, si quandocunq; tibi decretum fuerit, ad Lerinam diuertere, me feceris paulo antea certiore, illuc enim acceptis literis tuis confestim aduolabo, eroque illic tandiu quoad tecum mihi esse licuerit. Id vero si quàmprimum statueris, nihil opinor Grassensi nostro optatius posse contingere. Ceterum nisi a te accersitus fuero, qui ut nosli nullis impedior negocijs quominus confestim tibi parere possim, nihil habeo certi quod scribam. Vix enim dici potest audita fama profectionis meae quàm diligenter mecum egerint fere omnes omnium ordinum spectatissimi ciues, ne se patriamq; istam derelinquerent, quibus cum adiuncta fuerunt eorum quibus cum dego sacerdotum, non autoritas modo, sed etiam

sed etiam preces. Quo fit ut inter Genuā Grassensemque dubius animi pendeam. Ut tamen eius dubitationis eventus ille futurus sit, quem tu, cum certū quippiam de testatues esse volueris. Caterum cum ad tua innumerabilia in me merita accessionem aliquam fieri posse nō arbitrārer, repēte tuo patrocinio in his cōtrouersis, quæ inter me & Theocrenum futura fuerunt, maximus cumulus accessit. Quod enim in hac causā sponte mihi cesserit, beneuolentiæ tuæ erga me acceptum refero. Ad ipsum vero Theocrenum literas de hac re dedi, non quidē eo consilio, ut defensionī tuæ quippiam à me addi posse existimarem, sed quia id a me desiderare, ipse literis suis ostenderat. Vale.

F. Fregosius Archiepiscopus. Greg. S.

ET si nibilerat in nostris literis quod nō vel in ipsā concione recitari posset, tamen quia hæ erant, non solū mutua inter nos beneuolentiæ indicia, verum et iam intimæ familiaritatis testes, nō lē prorsus eas alienis oculis subijci, nec in eorum manus incidere, quibus tantum ab re sua ocij est, etiam ut aliena perquirant. Idcirco dum cautior esse cupio, siō in scribendo tardior. Istud tamen quicquid est delicti mihi abste condonari fas est, homini præsertim cū ad scribendum rudi atque ignauo, tum multis negotiis atq; curis occupatissimo, quæ quidem partim ab improbis hominibus, partim ab ipsis temporibus, ut sunt dura atq; iniqua mihi procreantur. Sed eas spero breui omnino confectas fore, aut si id minus continget, quicquid infectum supererit abijciemus,

Q. mus,

mus, ut illud ocium quod iam pridem optauimus, aliquādo consequamur, & literulis ac studioliis nostris insistamus. Quæ ut commodius atq; hilarius possemus perficere, Theocrenum nostrum iandudum accersiuimus, de quo tamē post VII. Calen. Septembris nē verbum quidem audiuius. Caterū inter libros eos quos apud te reliqueram, erant commentarij à quodā Acciajolo florentino editi, in eos Aristotelis libros qui de moribus disputant, quem sūc librum sis perstitem ex illa Urbis nostræ incendio euasisse peruelim, quia rarus est & ex illis antiquissimis impressionibus & meo quidem iudicio non inutilis neq; omnino barbarus, ut omnes ferē ex eo genere esse solent. Quid nam de eo factum sit cupio à te quāprimum fieri certior, non enim despero a directoribus potuisse contemni, ut erat incomptus & caræ atq; vetustate confectus, & penē corrosus. Dū hac ad te scriberē, reddita mihi sunt literæ tuæ V. Id. Nouembris data, quæ quā grata mihi fuerint scribam ad te alias. Hoc unum interim te scire volui, paucissimos esse quos ego æque ac te amem atq; colam, plus profecto neminem. Has nostras nolui propterea retardari, quin ad te celeriter perferretur, ne ea voluptate quam ex intimorum amicorum literis percipere soles, diutius careas. Vale, & emite ut nos quā plurimum diligas, nihil enim gratius nobis facere potes.

F. Fregosio. Gregorius S.

**Q**uas ad VII. Calen. Decembris dederas, nos III. Id. eiusdem mensis accepimus, superuacuum autem futurum

futurum opinor si ad te scripsero eas mihi longe gratissimas fuisse, cum in tam veteri tamq; constituta amicitia, noua (ut ita dicam) verborum conciliatione nihil opus esse censeam. Quod autem & amica & modesta scribis te apud me excusatum esse debere, si non à te quàm sapissimè literas accepero, facis tu quidem humaniter & beneuole, ut cum frequentiores à te litera dentur, quàm ut nobis à tali tantoq; viro deberi existimem, non tamen in eo tibi satisfacias: quod & si officij rationem praeclare superat, longe tamen inferius ipso officio à te esse existimatur, quod illud nō comuni hominum more, sed animi tui magnitudine metiaris. Gaudeo praeterea Epistolam nostram incolumen ad te peruenisse, erat enim in ea quod te scire peruellem, de libris tuis potissimum, quos propediem apud me futuros esse nō dubito. De commentarijs vero Acciauioli nihil omnino te sollicitum esse oportet, cum enim talis liber sit, qualem tu optime describis, nequaquam nobis verisimile sit, illum incolumibus ceteris perijisse, qui & si maxime perisset, idem tamen est apud me non eiusdem modo auctoris, sed eisdem etiam literarum formis impressus. Praeterea in eisdem Aristotelis libros. Enkratij cōmentarij & Sophronij paraphrases, graece cōscripti, qui si tibi vsui futuri sunt, confestim ad te aduolabunt. Proximis diebus cum Octauianus princeps noster Genuam perductus esset, deinceps Neapolim deducendus, agere quidem impetrato aditu, bis ad ipsum accessi, suiq; cū eo diutius. Mirum quanta animi constantia acerbissimum hunc fortuna ictum tolerare mihi visus fuerit. Perseuerat



adhuc pristina illa hilaritas in congressu, comitas in sermone, & (quod maxime mirum est) in vultu non tranquillitas modo, sed mira etiam serenitas. Qua vero ratione seipsum consoletur, hinc facile coniectura assequi potes, quod cum me paulo subtristiore, (nec enim mihi in ea parte imperare potueram,) cognouisset, prior ipse me consolari cupit, bone Deus, quam infracto, quam cello, quam erecto animo, commemorare cepit clarissimos imperatores, qui immutata fortuna, eandem calamitatem subierant, quorum tantum abesset, ut se minorem in aduersa fortuna haberi vellet, ut longo etiam omnibus illis magnitudine animi & constantia superiorem se esse arbitraretur. Et ea potissimum de causa quod cum Christianus esset, constantissime confiteretur omnia Dei Opt. Max. disponi sapientia, & prouidentia administrari, sciretque, nihil sibi prater eiusdem diuinitatis decreta accidere potuisse, & ideo parum prudens fore, nisi ea omnia equissimo animo tolerasset. Itaque qui consolandi gratia accesseram, non parum ab eo solatii reportavi. Quod quidem tibi omnino à me scribendum esse duxi, ut in longe minori calamitate, parè animi celsitudinè adhibere cures. Cetera quæ mecum locutus est, maiora et grauiora mihi visa sunt, quæ ut in certis et nuncijs et literis committi debere videatur. Vale.

F. Fregosio. Gregorius S.

**N**ihil erat quod magis optarem, quam ut aliquando ad Lerinam proficiscerer, et si iustis alijs grauiusq; de causis, ea tamen potissimum, ut quotidie certos de te nuncios,

cios, interdum etiam literas tuas accipere possem. Vix enim dici potest quàm moleste feram, quod iam pluribus mēſibus elapsis, cum à me nec literam quidem videris, ego quoque vicissim à te nihil literarum acceperim. Quid ab utroque nostrum eo consilio factū esse certo scio, quod superuacuum putarem in eo negotio tempus absumere, quod euentu exituq; frustraretur. Persuasum enim mihi est, olim complures à te datas ad me non peruenisse, quod quidē iniquitate temporum accidisse nemo est qui mirari debeat. Ceterū rumor ipse ad nos attulit te propediem Massiliam esse venturum, quod cum exploratius cognouerō, nihil erit quod me possit prohibere, quin ad te confestim aduolem. Et si coniectura assēquor, inter maxima & difficillima negocia aduētum meū, si non molestia, tamen impedimento tibi fore, amor tamen modum temperationemq; non nouit. Hunc vero opportune accidit ut quidam ex nostris istuc proficiſcatur, & is quidem non de facie tātum tibi cognitus, sed a quo cuiusq; gentilibus te ipsum familiamq; tuam non obseruari modo, sed penē dixerim coli, iandudum tibi est perspectissimū, is ad nos certiora omnia de te referet. Omnino mihi supraquā dici potest gratum erit, quod tamen commodo tuo fiat, si me feceris certiorē, ubi, & ad quā diē te videre possim. Ego tantisper Lerina ero, donec abs te literæ nobis reddita fuerint. Vale.

F. Fregosius. Gregorio S.

**S**cripsissem equidem ad te iam pridem historiam itineris mei posteaquam à te discessi, si quid iocūdi tibi eius nar-

ratis

ratio afferre potuisset, sed cum eo te animo erga me affectu existimem, ut quæ mihi permolesta ceciderint, ea tibi quoque non iocunda duceres, malui eius itineris successus alienis rumoribus quam meis literis ad te deferri, præsertim cum ex ea molestia quam fama fortasse conceperas, nihil nostra littera detrahere possent. Quapropter et in huncusque diem nihil ad te literarum dedi, et modo cum has dem, nihil de rebus superioribus loquar. De futuris autem unum habeo dicere, me nondum coniectura assequi potuisse, non solum quemnam finem hoc tediosissimum bellum sit habiturum, sed nec quem ego potissimum desiderare debeam. Cum ex utriusque victoria multum mali patriæ meæ, quæ mihi ut nosti, quanuis extorri carissima est, imminere putem, mihi autem ipsi nihil boni. Sed cum ego his molestissimis curis angar, hoc tamen te scire volo, quencunque exitum non solum meis, verum etiam uniuersis rebus fortuna statuerit, me fortiter ac placate laturum. Interim una tantum me spe consolari, ea scilicet quæ modo nutantia ac pendentia cernimus aliquo breui casura, ubi propter defessas hominum vires aliquandiu iacere necesse sit. Sed de hoc viderint hi qui aliena semper fortuna reguntur, ego vero non dubito inter ipsa media bella pacem mihi breui pariturum. Cogor tamen hic apud Thaurinos, quo posteaquam Regem allocutus sum me recepi, tantisper immorari, donec verisimilem saltem aliquam excusationem nactus fuero, per quam mihi liceat ab huiusmodi castrensi tumultu quamlongissime abesse, nec omnino me spes deserit fore ut quod hiemis superest  
apud

apud vos, id est Nicea transigam, unde ego te conuenire facillime potero. Quicquid vero ipse de me statuam, si certos nuncios offendero faciam te certiore. Cetera coram. Vale ac me ut facis dilige, utrisque istis qui apud te sunt omni laude dignis, meis verbis salutem dicito, ita tamen ut Ioanni Baptista quamplurimum salutis impertias. Iterum vale.

Benedictus Theodorus. Gregorio S.

**S**i Thulem non Lerinam incoleres, citius ad nos Gregori perferrentur litterae tuae, nam quas ad 11. Nonas Nouembris istinc dederas, idibus demum februarijs accepimus. Quod quidem effecit, ut aequius te prope coram audire visi fuerimus obiecta nostra, quae solo tarditatis argumento innitebatur, acutissime purgantem, quanquam quid ego tuam in amolienda ingratitude suspicione solertiam commemorem, quam ut absolutissime praeter te feras, non est ea tamen meo iuditio inter summas epistolae tuae laudes censenda, ubi virtutes aliae longe antecellunt. Efferunt enim se imprimis atque ositent in verbis delectus eximius, incredibilis cador, admiranda vis et efficacia, in sententijs, suum atque adeo consentaneum pondus, iucunda varietas, decetissimus lepor, utrobique perspicuitas, quantum vix hodie praestari posse credideram. Quid singula persequor? omnia illic apta, distincta, et cum plane afferentia: non enim solum uniuersa mihi tela confutans eripuisti, quibus rursus peti posses, sed quae in te vano impetu emiseram, sic retorques.

ques ut vulnus faciant letalissimum, quod mox tamen  
 adhibito in tempore medicamento curabile ipse reddis. Di-  
 dicimus itaq; hoc periculo, Gregori; quàm non tutum sit ta-  
 li viro negotium exhibere, & in forum eum adducere, qui  
 non alibi sit exercitior. Neque vero id ego solus intellexi,  
 qui libertatem meam tam infeliciter tentauerã, sed & prin-  
 cipes mei cum primum Epistolam tuam legissent, grauitè  
 testati sunt, nihil se id genus a iunioribus scriptum adhuc  
 scire, quod videatur aut elegantius aut pugnacius. Quo-  
 rum ego tantifacere soleo iudicium, ut alterum non requi-  
 sicerim. Quicquid enim undiq; ab literatis viris ad nos  
 scribitur ad eos statim afferimus, & tanquam optimis iu-  
 dicibus legendum tradimus, vel ipsi recitamus, & quanto-  
 pere iam te ament atq; admirentur, paucis dici non potest.

Quod tibi mehercle tam iocundum esse debet, quam tu es  
 illis admirabilis, quando hic est studiorum fructus praecla-  
 rissimus tantorum virorum gratiam, doctrinæ opinione col-  
 ligere, taceo reliquos ciues nostros, qui vel testimonio meo  
 vel tuarum literarum elegantia ita de te vniuersi sentiunt,  
 ut doctorum omnium sine controuersia ordinem te ducere  
 existiment, principumq; Cortesium in ore habeant, quotiè-  
 cunq; de hominibus eruditissimis infertur mentio. Quam-  
 obrem nemo fuit ex his, qui non omnino à musis sunt alieni,  
 qui non exemplum Epistolæ tuæ à nobis impensissime flagi-  
 tauerit, ut non sufficiant ei transcribenda amanuenses mei.  
 Esq; tu tam hic notior quàm in Urbe Mutina, cui natales  
 tuos acceptos ferimus. Sed hæc parcius, ne si temeritatem

te in-

te increpando incurrimus, videamur tam obliqua satisfactione velle peccatum redimere. Vale.

Benedictus Theocrenus. Gregorio S.

**S**Viratus tibi aliquandiu fui, quod cum te erga nos quem oportebat non praeuisses, illo praesertim tempore, quod ut amicorum fidem maxime postulabat, ita quisque in alterum animo esset, planissime ostendebat. Nam toto quadriduo quod Genue in illis ruinis captiuus fui, nūquam me nisi accersitus adiuuisti, & cū semel prece nostra motus aliquid opis mihi ferre conatus esses, idq; non successisset, causam meam, cum omnia me extrema circumstarent, omnino deseruisti: satisfactum abs te amicitia uno periculo ratus. Quod quidem nobis perincommode cecidit, fuit enim mihi suscipienda Turnensis profectio, in qua parum absuit, quin ter casus fuerim ab Germanis militibus, ita nōna, neque loco, neque tempore opportuna minacissime deposcentibus, qui agrē principis Sforcia, cui me Ghillinus diligentissimè commendauerat, tum authoritate, tum precibus adducti sunt, ut postenses iugulo meo centies uocati, & impressos incolumen me inter principis comites Turnum peruenire sinerent. Ubi salus mea ab infandissimis praeconibus centum nummis aureis expressa est. Hinc mille difficultates in nos exorte, nam è Togata ad Federicum penetrandi, quod in primis optabam, omnis mihi in praesentia erepta est facultas, cum victori omnia suspecta essent, & ut semel uniuersa complectar, fuit mihi per innumerabilia pro-

R pemodum



pemodum pericula, & nona subinde naufragia quinq; ip-  
 sos menses in Italia immorandum, quaquam crebris & li-  
 teris & nuncijs, ut ad se quamprimum irem, Federicus  
 agebat. Ad quem dum bruma iam insequente propeto, an-  
 tea quidem non licuerat, in hostium manus incidi, illud sic-  
 lutem attulit, quod non sum agnitus. Quod si patrocinium  
 nostrum semel susceptum fortiter prosecutus esses, minore  
 omnino precio iam tum inde Genua ab Germanis dimissus  
 nauigio in provinciam ad Grassensem tuto delatus essem.  
 Non enim deerant, ut tibi coram tum diximus; qui me  
 eousq; optima se fide vecturos pollicerentur. Illic enim apud  
 virum nostri amantissimum tautisper fuisset, dum ali-  
 quid certi a Federica afferretur. Multa praeerea incom-  
 moda & quasdam etiam grauiores impensas effugissemus,  
 si qua potuit recenti malo medicina adhibita fuisset. Quae  
 cum mecum omnia ipse animo vouerem, non poteram non  
 videri mihi iniuste à te destitutus, aut potius frigide adiu-  
 tus: quo argumento, te nobis in amore nunquam respondi-  
 se colligebam. Id vero quàm mihi causa tua, non solùm mea  
 molestum accideret, tute cogita. Sæpe fui tecum hoc nomine  
 exposculturus sed veritus sum semper nequid acerbius,  
 dum perturbationi indulgeo, excideret, quod in me postea  
 tanquam ex artinatioptas retorqueri posset. Ita omne eius-  
 modi vel officium vel studium in id tempus differendum  
 duxi, quo Federicum coram alloqui liceret, utpote quem  
 non auditorem modo feci arbitrum. & disceptatorem huius  
 controuersiae inter nos ab initio usque decrevissem nuncu-  
 pare

pare & habere. Verum ille cum primum querelas de te nostras audiit, personam mihi visus est patroni quam iudicis malle, eadem est erga te hominis pietas. Itaq; paucis tam plene tamq; accurate absentem purgavit ut dubitare cæperim, an exacte satis omnia accusando te expēdissem, sed mox intellexi, quod extra culpam videreris patrono magis quam ipsi causæ tribuendum. Quamobrem si sapiēs, nonnihil tuā interesse putabis aliquid super ijs ad nos rescribere, quæ de industria aliquanto grauiora proposuimus ut dignam ista eloquentia defensionem eliceremus. Ego quidem in te amando propterea nihil immutatus sum, satis nanque putavi in tali officij tui offensione non tacere. Vale.

Stephano Saulio. Gregorius S.

**E**Go vero, mi Sauli, & prudentiam tuam summopere admiratus sum, & amorem erga me recognoui, non enim potuit sapientius ex dignitate mea consuli, quam à te fuerit consultum. Nec tamen id credas velim me aliquando eius fuisse opizonis, ut quippiam aliunde assequi cuperem quam unde impetrandum esset. Quæ de re, tibi fidem facient literæ quas propediè ad Longolium sum daturus: curabo enim ut prius ad te non obsignatæ deferantur. Nunc vero angustijs temporis interclusus, & ad te omnino pauca, & ad ipsum, nec unam quidem literam scribere potui. Quod vero ad numerum nostrarum epistolarum attinet, et si non mediocriter doleo si aliquando ex ipsis aliqua deperit, non tamen inter nos eo pacto rationes subducendas esse.

R 2 opinor

opinor ut in neruo abstringi necesse sit cum qui aliquid debuerit. Quin etiam interdum vereri cogor, ne te hac frequentia literarum, præsertim leuibus de rebus, tedio aliquo afficiam, nec tamen finit amor in te meus, ut aliquem omit tam quem sciam Genuam profecturum cui ad te literas non dē. Mirifice vero accidit, ut tu nuper in epistola tua verba hac ascripseris. *Facturam silentij sarciamus, quā in re me tibi mirificum comitem polliceor. Verum de his hætenus. Habebis in hoc fasciculo literas ad Isidorum monachum, eas tibi summo pere commendo. Et si ab ipso acceperis græcos Aristotelis libros de Naturali auscultatione, gratissimum mihi feceris, si curaueris genuam aliqua ratione perferendos unde ad nos facillime transmitti poterunt. Præterea si indicem indicaturamq; græcorum librorum qui hætenus Venetijs impressi sunt, tã in philosophia quã in sacris et politioribus literis: tu qui prope es in cõspectu eius Urbis habere posses, maximo me leuabis desyderio, si epistola illi quam primum ad nos scripturus es annexere non grauaberis, quod tamen commodo tuo fieri volo. Vale.*

Stéphano Saulio. Gregorius S.

**M**iraberis utiq; mi Sauli, cum has Genuæ datas cognoueris, quippe qui ante intelliges me huc applicuisse, quã suspicari potueris ex prouincia discessisse. Ita nempe, repentina nauigatio mea fuit, ut ferè eodem die aut certe altero quã id decreueram, ex Lerina soluerim. Causa profectiois nostra fuit parum prospera valetudo, qua nuper

per grauiiter laborare cepi distillationis assidue à capite in-  
 pectus acerbissima molestia, quae infirmitas non procul abes-  
 se putatur a vitæ periculo, praesertim cū accedit studiorum  
 labor, & vocis pene assidue contentio. Hic mihi praesto fue-  
 runt humanissimi fratres tui, sed quid fratres tuos dicam?  
 vniuersa prope Sauliorum gens, me, perinde quasi te ipsum  
 excepit, omnibusq; officijs declararunt quam putarent gra-  
 tum tibi fore talem ipsorum erga me animum. Quo nomine  
 & si illis tantum debeo, quantum vix animo capere pos-  
 sum, id totum tamen tibi acceptum refero, in cuius gratiam  
 haec omnia fieri certissime scio. Mirum est, quomodo me cœ-  
 lum hoc & aeris clementia non delectarint modo, sed prope  
 modum illico restituerint valetudini, ut iam decreuerim  
 menses aliquot Genuæ immorari, vel certe usq; ad ordi-  
 nis nostri comitia, quae ineunte astate haberi consueuerunt.  
 Veruntamen cum multa hic sint, quae me voluptate afficere  
 possint, longe tamē magis oblectarer, si consuetudine tua frui  
 liceret, quae, quoniam honestissimis de causis necesse est care-  
 re, & crebrius literis nos inuisemus, nec enim ut opinor  
 vlla deinceps erit suspicio quin fidelissime reddantur. Scri-  
 psi ad te superioribus diebus, magnopere me desiderare in-  
 dicem annuum librorum graecorum qui adhuc formis ex-  
 cusi essent, hunc ipsum si opera tua assecutus fuero, ma-  
 xime me desyderio liberaueris. Nec id sane difficile fu-  
 turum opinor, illum enim spe mediocris lucri, cum liben-  
 ter tum etiam diligentissime conficerent, ipsimet excuso-  
 res. Vale.

Stephano

## Stephano Saulio. Gregorius S.

**A**ccepi a Longolio nostro epistolam, in qua si eloquentiam, si amorem, si benevolentiam spectes, nihil omnino est quod addi posse videatur. Veruntamen, quod inter nos dicere liceat, non nihil prudentiae in ea coactus sum desiderare. Mirum in modum enim laborat ut se mihi purget, quod id negotium non confecerit, de quo conficiendo, nunquam a me, nec unum quidem verbum acceperat. Quare, & si iandiu est quod ille ipsa litera mihi reddita fuerunt, putidumq; mihi penè videbatur nunc demum rescribere, tamen quod suspicari mihi visus est, animum meum aliquantisper in honestate peccare, nolui pratermittere, quin & si sero, aliquando tamen huic vulneri non mederer, nec omnino mihi committendum fuit, ut in nostri instituti homine eiusmodi macula resideret. Quod ne antehac facerè, aduersa valetudine & tedio quodam, non literarum modo, sed penè dixerim viuendi, impeditus fui: verebar enim ne molestissimo hoc morbo, omnia non studia tantum sed officia etiam nostra impedirentur, Epistola quam ad ipsum dedi, in literarum fratris tui fasciculum est comiecta, quam cum legeris, magnopere rogo ut quo magis libuerit signo obsignatam, reddere ne graueris. Ceterum siue Genuensis caeli clementia, siue medicorum cura solerti, siue quod caput est, Dei tantum optimi benignitate, scito me prius a valetudini restitutum, ut ne vestigium quidem super sit laboriosa illius aegritudinis. Accessit fratrum tuorum

non humanitas modo sed incredibilis amor & pietas ( ut ita dicam ) erga me. Quibus secundum deum recuperatam valetudinem me semper acceptam relaturum , profiteor & pramifero. Verum quoniam in literis tuis quas postremas accepi, datas V. Calen. Octobris, ascriptum erat, multa tibi in mentem venire, quare hasce studiorum meorum rationes minus probares, omnino gratum mihi erit, si de ea re aliquid ad me scripseris. Si enim modum te non probare dixisses, intellexissem utiq; moderatam rationē studiorum à me requiri. Sed quoniam hasce rationes improbas, nec ad duci possum ut credam, te omnino a studijs me absterre velle, video aliquid, quod, cum à te quid suspiceris intellexero, confestim scribam. Illud enim tibi persuadeas velim, nihil apud me antiquius esse quàm consilium adhortationemq; tuam, quæ a summa cum prudentia tum etiam benevolentia proficisci intelligo. Vale.

Stephano Saulio. Gregorius S.

**C**um aliquando Mutina Januam profecturus essem, à principe ordinis nostri Patauium accersitus, iccirco libentius & alacrius parui, quòd desideratissima tua consuetudine ( qua nihil mihi gratius aut utilius accidere potest ) propediem me fruiturum sperabam. Veruntamen longe aliter ac desideraueram cecidit : duplici enim molestia ex aduentu meo in hanc urbem affectus sum, & quòd te abesse repperi, et quòd de morte viri optimi fratris tui acerbissimum nuncium accepi. Quare, quod mihi facere non licuit,



cuit, ut te praesentem alloquerer & tanto vulnere fidissima saltem apponerem medicamenta, id ipsum per literas tentare decreui. Magis sane officij ratione habita, quam quod aliqua ex parte necessariū arbitrarer. Tum quod te virum maxima prudentia & fortitudine, & qui alijs dare consilium consueveris, consolari, ineptum planè esse videbam; tum etiam quod ex longinquitate temporis, coniecturam faciebam, diem ipsam acerbo illi vulnere cicatricem obduxisse. Accidit vero ut mihi literas quas ad se postremo de eadem re dedisti, vir doctissimus & tui amantissimus Christophorus Longolius ostenderet, quibus intellexi non omnino ingratum tibi futurum, si nunc demum etiam de eodem negotio aliquid ad te scriberetur. Ego quidem Stephane, si me grauissime commotum pro tanti viri obitu negaui, tum damum te quoque commoueri non debuisse contendam. Quod certe scio me nequaquam illis persuasurum esse, qui quantopere illi deberem, & quam sanctè illius colerem amicitiam, iandiu perspectum habebant: vix enim frater-  
no amorì mihi videbar in eo amando concedere. Verum cum eius castissimos mores, & sanctissime ad id aetatis aetatem vitam considero, quantaque pietate Christianam religionem coluerit, ut semper fragilia haec & ex fortuna nutu pendentia, praecaelestibus illis bonis duxerit posthabenda, si vera sunt (ut sunt profecto) quae de animorum immortalitate & sempiterna gloria eorum, qui ex Christiana religione vixerunt a vera nobis philosophia sunt tradita, mihi quidem non modo verisimile sit: sed, ut ita dicam, certissimum,

certissimum, fratrē tuum diuina illa frui beatitudine, qua perfectiorem aut diuturniorem nec cogitari quidem a nobis posse nemo est qui ambigat. Eoq; magis illi gratulari debemus, quod non immatura morte, ut vulgo persuasum esse video, abreptus est: sed in ea potissimum etate mortem hanc nostram cum cælesti illa vita commutauit, in qua omnibus id ipsum assequi, pars maxima beatitudinis existimari posse videatur... Ut enim omittam incommoda illa quæ secum affert etas iam ingranescens, ut vite huius & frequentissimas & maximas calamitates. Nonne illud certissimum est, diuinum animum nostrum a Deo Opt. Max. sinceram, & ab omni labē immunem proditum, teterimarum sordium & terrestriis corporisq; huius concretionis magis magisq; in dies contagione inquinari? Quare est quod fratri tuo vehementer gratuler, & pro relicta hac laborum dolorumq; regione, & pro adopta illa cælesti & veris gaudijs refertissima patria. Est etiam quod tibi, si ea animi firmitate qua mihi persuasum est, & qua reliquis vite tue actis est consentanea, postremo qua certo debes, fortuna hunc acerbissimum ictum toleraueris. Illud magis in animis cogitationibusque nostris insidere debet, nos propediem eos qui bene beatq; & felices velut quotidie morituri, vixerunt, si idē conabimur, assecuturos esse. Quod certe faciemus, si vere philosophiæ noctes diesq; intentam operam dederimus, quam mortuam profecto esse, quam mortui assiduam cogitationem, satis ut opinor mihi tibiq; est persuasum. Vale.

Stephanus Saulius. Gregorio S.

**H**odie, idest ad XV. Calen. Aprilis, accepi epistolam tuam, quam tu V. Non. Martij Florentia dederas. Cum qua & exemplum eius decreti mihi redditum est, de quo tibi proficiscenti mandaueram, & polliceris te summo studio, labore, ac diligentia curaturum omnia, quae ad illam causam pertinere intelliges. Quid est mi Gregorij quod aut te horter ad ea quae sponte tua facis, aut gratias agam, quod amicitia nostra, quae ad summam benenolentiam iam pridem peruenit, non expectatur. Tantum uelim Deus Opt. Max. det nobis facultatem, ut una aliquando in ocio uiuamus ac amore nostro perfruamur. Quamdo autem, quod te scire uelle ostendis, & ubi id futurum sit, non facile est iudicare. Ea enim nunc nobis molienda atque tractanda sunt, quorum exitus coniectura minime provide ri potest, interim tuas literas semper maxime expectabimus, quibus ullas caue putes me gratiores legere. Vale.

Seuerus Monachus Cisterciens. Gregorio  
Cortensio Monacho Casinati. S. P. D.

**C**um mihi per grata, perque incunda semper extitit recordatio consuetudinis, quae mihi tecum iam inde ab adolescentia intercessit, tum etiam nuper summa cum uoluptate renouauit Bessarion, tuus ordinis Monachus, quem cum primam, apud Belgas uidi, diligenter percunctatus sum ubi nam gentium esses, quid de rerum gereres. Is mihi

mihī de te bona omnia narrauit, & singularē eruditionem ceterasq; uirtutes tuas pradicauit, quo nihil gratius inter tot calamitates & erumnas meas audire potui. Nec mihī omnino perditus uideor, cum intelligam te apud omnes gratia atq; auctoritate florentem, mei quoque memoriam retinere. Id quod ex literis tuis de me honorifice scriptis animaduerti. Eidem Bessarioni qui mihī uir modestissimus uisus est, omne meum studium atq; operam pollicitus sum in tuenda uestri ordinis dignitate. Eum existimo id omne cuius gratia ad Cæsarem missus fuerat, summa fide ac diligentia transsegisse. Attamen, si quid in ea causa reliquum est aut si quid de integro emerferit, in quo apud Cæsarem aut tibi aut ordini tuo alicui uisui esse possim, id me omni studio curaturum polliceor, atque adeo, praefero: sunt mihī nunc praemanibus emendationes in M. Tulij Ciceronis orationes, quas si mihī diutius ab Italia abesse contigerit ad te mittere decreui, ut a Calchographis in officina Aldi gratia & fauore tuo excudantur. Eas cum tibi tum ceteris bonarum artium studiosis, neq; inutilis, neq; inuicundas fore confido. Nec me, ut arbitror, post Bucinensem & Naugeum, in illud opus incubuisse penitebit. Vale.

Seuero monacho. Gregorius S.

**D**edisse omnino antea ad te literas, si mihī exploratum fuisset diutius te apud Cæsarem commoraturū. Cane enim putes quippiam gratius aut iucundius mihī officio potuisse accidere, nisi forte ut te uiderem & alloque-

rer, contigisset. Nescio enim quo meo malo fato acciderit, quod ex quo religionem istam quam tu prosteris & ego professus sum, cum te semper, ut ita dicam, vestigijs sequerim infestatus, nunquam tamen assequi potuerim. Nec adeo antea multis diebus, ut te potissimum consiliario & iussum tantum opus aggrederer. Et quidem quantum memoria repetere possum, nemo te mihi est amicus antiquior, nemo magis coniunctus, nemo cui aequae omnes studiorum meorum qualescunq; fructus acceptos referre debeam. Non enim memoria nobis excidit, nec excidet profecto aliquando, cum tu iam tum princeps ordinis tui, atq; adeo maxima dignitate praeclatus, me adolescentulum & adhuc in literis balbutientem, tantum aberat ut sperneres, ut ultro etiam facilitate comitateq; tua ad continuum contubernium semper prouocaris. Cum noctes diesq; me quietem studiorum tuorum interpellantem, non modo non repellebas, sed ne vultu quidem subtristiore moleste id ferre unquam mihi visus fueris. Resonant adhuc in auribus meis sanctissima illae adhortationes & grauissima praecepta, quibus me assidue & ad bonarum literarum studia & ad Christianam pietatem hortabare. Cum ea ordinis grauitate qua tunc eras, etiam circa incunabula mea cum latinarum tum graecarum literarum, mecum, ut ita dicam, repuerascere non grauareris, ut ad ea ad quae verbis me hortabare, te ipsum ducem, & praeuium nobis exhiberes. Quare nihil mihi gratius facere potuit Bessarion noster, quam ut & tibi literarum ad se meas ostenderet, & vicissim impetrata abs te ad me

me epistola, consuetudinis nostrae recordatione renouaret.  
Quod vero & de eruditione & gratia; ut ais, nostra  
apud omnes tantopere nobis gratularis, facis tu quidem hu-  
maniter & amice: neq; enim mirum est illa omnia, si ita  
essent maximæ sibi iucunditati futura fuisse, & quod eru-  
ditionem tibi potissimum acceptam relaturus fuerim, & si  
quid fauore aut gratia, possem id totum me tibi posse profi-  
terer: veruntamen alterum, in quo me fateor non medio-  
crem curam adhibuisse, ut scilicet non essem omnino ineru-  
ditissimus, ita mediocriter consequutus sum, ut magis ob  
curam diligentiamq; in ea re quam ob fructum ipsum labo-  
rum mihi gratulari debeas. Alterum vero ita mediocre  
est, ut longo tamen interuallo superet in ea re desiderium  
meum. Et si enim non minimam laudis partem esse, maiori-  
bus visum est principibus viris placuisse, in eoq; complu-  
res fructum studiorum suorum collocarunt, fateor tamen  
non accersitam, sed ultro exhibitam principum virorum  
nobis amicitiam prouenisse. Ex literis præterea Bessarionis  
intellexi ipsum opera, consilio, autoritate, gratia tua sic  
usum fuisse, ut quod ea ex sententia confecerit, quorū gra-  
tia a nobis ad Cæsarem missus fuerat, tibi præcipue ingen-  
tes gratias agat, quas & ego, nō meo tantum, sed vniuersi  
ordinis nostri nomine immortales ago, egregie relaturus, cū  
tibi animos nostros libuerit experiri. Sic enim tibi persua-  
deas volo, nos omnes quoad nostrum fieri poterit præclare  
tibi & voluntate & actionibus esse responsuros. Ceterum  
nō mediocre in nobis desiderium excitasti emendationum

tuarum



tuarum in M. Tullij orationes legendi. Quod opus, coniectura ex ceteris operibus tuis facta, coniectio esse absolutissimum: ut non modo te nunquam pœnitere possit in eo opere post eos quos nominas elaborasse, sed magis futurum opiner, ut eos vehementer pœniteat quod te in eo labore præcesserint. Quorum quidem Naugerum plurimum etiam eo nomine tibi debitum polliceor, idq; præ se latûrum. Sunt enim nobis perspectissimi viri illius & integerrimi mores, & cædor supra quàm dici potest ingenuus: est enim nobis in primis & amicitia & familiaritate coniunctus. Quare si te diutius apud Belgas immorari cõtigerit, ipsius potissimum opera utemini in excudendis his quæ nobis à te fuerint transmissa. Id autem te latere nolo paucis antea mensibus, Aldum ipsum immatura, & sibi & rei literaria morte, ereptum, tristissimum nobis sui desiderium reliquisse. Vale.

Abbati cuidam. Gregorius S.

Quod tibi summo opere cordi esse intellexi, dedi operam ut in nouo edificio, omnia ex sententia tua constituerentur. Pri mumq; cœnationem illam quidem amplam & luminosam, (erat enim longa cubitis sexaginta, altitudo latitudini propemodum æqualis triginta cubitorum, eo artificio testudinata quod antiquis incognitum architecti nunc Lunulas vocant, fenestra quaternæ trinû senumq; cubitorum.) Tamen quia tibi placere audieram, in alteram edificij partem, membrum illud promoui, ubi hinc orientem

tem

tem hibernum solem, inde vero aestiū babeat occiden-  
tem. Omnino commodior erit ad ipsam accessus, in totū aquum  
tūto haud paulo quam prius fuerat, fenestras paululum re-  
strictiores humilioresq; quam antea fieri iussi, in parua  
enim longitudine sexdecim cubitos ipsarum apertiones oc-  
cupassent, quod eum deforme, tum etiam uehementer in-  
commodum futurum esse videbatur. Ante ipsam cœnatio-  
nem, atrium est quadratum, cubitorum triginta, æquum  
uidelicet cœnationis latitudini, in cuius meditullio marmo-  
reus fons est cui subest concha permagna, Lunensis marmo-  
ris, duodecim palmis a labio ad labium expansa. Superius  
vas sphericum ex Ophite, in quod per tubulos subuecta  
aqua, octo demum siphunculis effunditur, sic fusus ex auri-  
calcho ut dracones videantur, in sublime aquam eiacular-  
tes. In sublimiori sphæræ parte parua basis est, et in ea Mo-  
ses virga percutiens siliem. In ipsius conchæ fundo, delphi-  
nos, cetos & eius generis pisces complures eminenti sculptu-  
ra fieri iussi, ut cum aqua repletum vas fuerit, nihil incur-  
dius intueri tibi posse videaris. Ex atrio aditus est in peri-  
stylium, seu maius compluuiatum canadium appellare, in  
quo mira sollicitudine artifices laborant, vellent enim  
opus, sanum rectumq; per comitiorum diēs præstare. Erat  
porro inter me & Pannutium non mediocris disceptatio,  
quod ille non murulos inter columnas, sed stamillos fieri  
oportere diceret, & sub unaquaq; columna stylobatā, pu-  
tabat enim opus eo pacto longe delectabilius futurum. Mi-  
hi ea potissimum ratione non probabatur, quod scirem mu-  
rulos

rulos adiuuentos fuisse, ne ex stillicidijs defluens aqua,  
 porticus peristylj aspergine madefaceret, nunc si derelin-  
 quatur inter stamillos apertio, id incommodum nos vita-  
 turos non esse facile, omnes intelligere puto. Columnas pra-  
 terea striatas, tum adeo paruas sint, Et praeterea duplices  
 mihi fieri non placebat. Tu quid tibi videatur rescribes,  
 Raphaelem pictorem aetate nostra, ut nosti, Veteribus  
 illis excellentissimis comparandum, conueniendum cura-  
 ui, ut coenationis interiorem frontem pingeret, is ita respon-  
 dit ut grauato admodum Roman se relicturum esse osten-  
 deret, nec si id faceret, maxima sine mercede esse facturum.  
 Ut mihi videatur mille illi aureorum numum ludibrio fu-  
 turum esse. Quare alterum repperi, qui id opus trecentis au-  
 reis numis absoluet, Et si non Apelles, forte tamen Parrha-  
 sius futurus. Pagmenta inuicem prius confricatis lateri-  
 bus, sic polita et coniuncta sunt, ut cum nusquam calcem  
 habeant, nihil tamen diuturnius, ut opinor, excogitari pos-  
 sit: summa praeterea pulchritudinis quod operis reticulati  
 speciem prae se ferrant. Bases omnes et capitula dorico ope-  
 re, nihil penitus antiquitati cessura sunt. In coenatione nihil  
 ex priori modulo immutatum est, praeter ualuarum compag-  
 menta et epistolia, quae omnino non apponentur, negant  
 enim id ex simplicitate ordinis nostri esse. In bibliotheca  
 quo ad nostrum fieri poterit elaborabimus, ut ea liberri-  
 mo caelo et plurimum luminis habeat, et ad saluberrimam  
 regionem prospectus sit, uti ne et libri facile timeas pro-  
 creant, et si putrescant compagines. Longa erit cubitus sen-  
 tum,

tum, lata autem triginta. triplici formis testudinata, quorum medius aliquantulum excelsior erit, ea proportionem ad ceteros, quam habet in homine ad humeros caput. Columnis hinc inde nouem medius ipse fornix sustinebitur, ut scilicet intercolumniorum spacium sit cubitorum decem. Epistylum super capitula per totius bibliothecae longitudinem pertinebit sub basibus stylobatæ erunt. sic enim & ad speciem decentius & commodius ad usum futurum esse iudicatum est. Plutei interius exteriusque libris sarciri poterunt, a columnis ad parietis protensi, ut tamen ambulationem duorum cubitorum derelinquant. Sub medio fornice, pauimentum expeditum relinquitur, ambulationis gratia. Tu operam dabis ut catenulae ex auricalcho fiant, non minus quatuor milibus. Ad pluteas praeterea tabulas ex Laricis quamplurimas si coemeris, eas nos misso ad te nauigio aduerso flumine subuehi curabimus. De Globis in quibus & terrarum orbis, & astrorum situs describendus est, alias dabimus operam, ut quid nobis videatur intelligas. Vale.

Iacobo Ferro Philosopho. Gregorius S.

**N**ondum satis constitui molestius ne mihi acciderit quod a nobis discefferis, ut suauis illo tuo congressu mihi in posterum frui non liceat, an iucundius, quod tua hinc profectio honoris dignitatisque tantum tibi attulit incrementum, ut & amicis utilitati & patriae tuae sempiterno ornamento sis futurus. Damnum certe quod ex absentia tua maximum facturi sumus, mirifica haec voluptatis accessio compensabitur.

pensabit. *Cave enim putes mihi aliud gratius aut iucundius  
 nunciari potuisse, quam quod unus electus es, qui regis  
 omnium maximi atq; potentissimi salutis curam habeas, in  
 qua potissimum conservanda maxima pulcherrimaq; orbis  
 partis salutem contineri neminem esse puto, qui audeat dene-  
 gare. Quare fieri nequit ut tibi non sum mopere gratuler,  
 quod ab hoc potissimum electus es, cui ob incredibilem sapien-  
 tiam nihil probari potest, quod non idem sit in suo genere  
 omnium probatissimum. Quod & si meam de te expecta-  
 tionem non superat, cuius virtuti hac omnia aut certe lon-  
 ge maiora ornamenta iam pridem deberi intelligo, gaudeo ta-  
 men mirum in modum, cum & praeclarorum virorum ratio-  
 nem haberi, & hac honestissimi laboris compensatione plu-  
 rimos, ut eandem virtutis viam ingredi velint, exemplo  
 tuo excitandos esse non ambigam. Enimuero ne omnino  
 absens tibi gratuler, mirifice accidit, ut ob quadam nego-  
 cia & animum nostrum distrahentia, & qua dignitatem  
 ordinis nostri concernunt, mitterem ad te Ioannem Bapti-  
 stam familia nostra monachum, quo cum tanta mihi con-  
 iunctio est, ut per illum me tecum collocuturum mihi esse  
 videar. Et quoniam ex Platonis sententia amicis perinde  
 atq; nobis ipsis nos natos esse iam pridem tibi scio esse per-  
 suasum, reliquum est, ut id tibi persuadeas eiusmodi bene-  
 facienti facultatem a Deo Opt. Max. illis potissimum con-  
 cedi solere, qui quadam animi celsitudine praediti, ita de-  
 mum eas recte frui opinentur, si quamplurimis benefece-  
 rint. Qua in re supremam illam diuinitatis bonitatem po-  
 tissimum.*

tissimum imitantur, cuius ea propria vis atq; natura est, ut per omnia benefaciendo pertineat. Quare etsi in cœnobij nostri negocijs penè superuacuum esse opinor, accessionem commendationis nostræ, quod te omni officio sponte tua expectationem nostram etiam superaturum non dubitem, fecerunt tamen & negocij magnitudo & incredibilis meus amor in eum, qui ad te venit, ut illa ipsa tibi commendare non verear. Vehementissime igitur abs te peto ut opera, consilio, autoritate, gratia tua sic Joannem Baptistam adiuues, ut non tibi tantum: sed nobis etiam accessionem hanc dignitatis, quæ tibi contigit, factam esse intelligamus. Mihi certe persuadeo me tibi breui per literas gratias relaturum, quod omnia quorum gratia istuc profectus es ex animi nostri sententia confecerit. Vale.

Guliermo Langiæo Regis Franciæ à secretis.  
Gregorius S.

**C**um iam reuersionem tuam ex Africa expectarem, teq; de rebus illis & eloquenter & copiose narratam sperarem nos propediem audituros esse, repete nobis renunciatum est, te adhuc Ticini apud regem commorari. Id vero, etsi etiam quod ad cætera attinet, honestis grauibusq; de causis accidisse non dubito, ea tamen potissimum ratione supra quam dici potest, nobis iucundum extitit, quod cum nunc demum statuerim certum hominem ad regem mittere pro liberalibus studijs in hoc cœnobio constituendis, video te non modo mirificum adiutorem, sed et gratiorum



proverbium est *πρὸς τὸν νοβίς* nobis in hoc negotio diuinitus praestitum esse. Non enim memoria exciderunt amicissima illa pollicitationes, quas te cumulatissimis officiis preclare superaturum esse non dubito. Persuadere hoc nempe mihi humanissimi illi mores tui, & cum incredibili eruditione coniunctus amor amplificandi honestissima studia. Quam in re, & si fieri potest ut quàm plurimas opportunitates tibi se in posterum offerant, tantum tamen & huic insula & inceptis ac desiderio nostro a me tribuitur, ut nullam putem accidere posse, quae longo intervallo huic, quae prope modum in manibus est, comparari possit: insus estigitur is qui pro hac re constituenda istuc proficiscitur, te primum adire, te duce, te consiliario, te patrono, sic uti, ut in omnibus sententiam voluntatemque tuam sequatur. Et si enim locupletissimis testimonijs iam pridem nobis perspectum est, quantum ob virtutes tuas apud regem gratia & auctoritate valeas, honestas tamen huius negotij, quod ut mihi persuasum est, maximo ornamento uniuersae Galliae in posterum est futurum, facit ut omnia tibi & faciliora & procliuora futura non dubitem. Ita enim omnes de maximo hoc sapientissimoque rege prae dicant, ut ad ceteras animi praeclaras dotes hanc praecipuam dicant accedere, ut nihil aequè desideret, quàm ut bonarum literarum studia, quae penè funditus euersa iacent, eius potissimum favore excitentur. Peto igitur abs te maximis precibus, atque adeo vehementer, ut magis ex animo petere non possim, uti totum istud negotium & suscipias & conficias. Si enim regis beneficio

min. n. n. n.

a T

mibi

mibi contigerit, ut in hac insula quiete & tranquillitate animi frui possim, in id potissimum omnia studia meaq; cogitata directurū me esse tibi recipio, ut regis ipsius praeclara admirandaq; gesta, per nos sempiterna memoria cōmendentur. Nec velim ut arroganter tibi id nos recepisse existimes, si enim incredibilis amor meus ad tam praeclaram, tamq; memorabilem materiam accesserit, iam praeuideo animo in eo opere me & vires & facultatem meam longo intervallo superaturum esse. Vale.

Dionysio monacho. Gregorio S.

Contigit hoc anno ut dicit ille, quem nos graeco vocabulo *καταβολαι* appellamus, & qui anniuersario ritibus Christi dei & regis nostri obitus recordationem singulis annis renouare consuevit, idem esset qui & caelestis nunciij ad Deiperam Virginem missi, memoria celebratur. Maxima admirandaq; sunt quae in hoc ipso die contigisse communi hominum opinione persuasum est, eo tempe, orbem conditum, creatum, ceciditumq; Adam, Abel a fratre interfectum, Baptistam ab Herode *καταβληται* primum his qui ob Veritatis testificationem deinceps perierē, exemplum hac ipsa die praestitisse, quae omnia & si magis peruiulgata hominum opinione ad nos peruenerunt; quam quod a maioribus nostris scriptis memoriae sint commendata, multa tamen occurrunt quare facile cuius per suaderi possit, vulgare hanc famam non longe a veri similitudine abesse: sed quoniam atrocior omnino locus est ab his quae nunc ad te scribere decreuimus,

creuimus, eius rei peruestigationem in magis opportunum,  
 magisq; idoneum tempus reijciemus. Cum igitur hac ipsa  
 die multum temporis in secreto absumentis diu cum animo  
 meo versassem inenarrabile illam amoris uim, quæ Deum  
 Opt. Max. non hominem fieri tantum sed mori etiam, &  
 eo præcipue mortis genere coegisset, quo nullum ea tempesta-  
 te magis contumeliosum & infame putabatur, sic eram af-  
 fectus ut in meditatione mea nõ ignis modo exardesceret,  
 sed oculi etiam uim lachrymarum profunderet. Cumq; diu-  
 tius in suauigratissimoq; hoc mærore versatus fuisset, cõ-  
 uerti deinceps animum ad Virginem matrem illam, cuius  
 innocentissimi mores, illibata integritas, humilitas excelsis-  
 sima, ipsum Dei filium ad se traxerunt, statimq; velut  
 in doue laqueos a stro percitus hoc carmen effudi, quo tantum  
 abest ut admirandum illud diuinitatis domiciliũ satis hoc  
 hymno laudatum putem, ut omnino ab eius laude cessatu-  
 rus fuerim, ni certo scirem admiranda bonitati hoc etiam  
 accedere, ut quæ a mortalibus dantur munera non propria  
 cellitudine, sed eorum qui illa offerunt modulo metiatur.  
 Alioquin si nihil illi placiturum est, nisi quod eius magnitu-  
 dine dignum esse uideatur, possunt iam cælestes spiritus  
 ab eius laude cessare, quos longe magis ei meritis concedere  
 non dubito, quàm nos ipsis hoc in genere concedamus. Vale.

Suaue dicite uirgines.

Transcat celebris dies

Carmen, & Vario caput

Et pia prece latus.

Flore cingite, totus hic

Splendidum uidetur micat

Lumen

Lumen, aduenit aduenit      Et pudicitia latus  
 Virgo quæ peperit Deum,      Seruat optima custos.  
 Sola quæ meruit parens      Cernis tunc in bar. induat  
 Virgoq; & natus esse.      Solis, ut pedibus premat.  
 Qualis in Libano cedrus,      Lunâ, & ut caput ambiat  
 Et velut platanus virens      Sydera, ut dominam genus  
 Explicat patulas comas,      Laudet omne animatum?  
 Quæq; creuit in arduis      Ergo vos agite obuias  
 Collibus cyparissus.      Virgini date virgines,  
 Et velut crocea nitet      Spetendeat rutilo chorus  
 Vesle quæ fugat emicans      Igne, thura manu pia  
 Diua Luciferû, aut nigra,      Lucidis date flammis.  
 Farta mercibus India      Ne tamen maculas pudor  
 Sultat æquora nauis.      Uspiam male traxerit  
 Talis hac graditur, rosis      Sordidas, caueat rogo  
 Vineta purpureis caput,      Si qua virgineo cupit  
 Quæ throno sedet aureo.      Ire proxima curru.  
 Inter candida Lilia      Sentit illico virginis  
 Et rubros amaranthos.      Virgo sentit anhelitum  
 Hinc & hinc resonant chori,      Ut sagax leporem canis.  
 Spirat undiq; cinnamum      Virgo quæ fuerit placet  
 Aurâ, leniter instrepens.      Digna virgine socru.  
 Summam per iuga montium.      Nam quot inueniet statim  
 Ridet undiq; terra.      Tot natus faciet sibi,  
 Ipsa per medios venit      Vnicum genuit quidem  
 Axe quadrijugo sedens      Sed potest tamē hoc, Deus  
 Cana quam sequitur fides.      Natus unicus ille est.

Helisæo

Heliseo monacho. Gregorius S.

**I**Ta ne omnino alienam putas esse Lerinam meam a Musis, ut, quod Flaccus ait, iratis Dijs atq; poetis nata sit. Ego vero si usquam est, non Helicon aut Castalia, sed terrestris ille paradisos hic potissimum esse, ut mihi verisimilime persuaferim. Ut tibi etiam suadere non vercor, hanc insulam Pindarum somniasse, cum beatorum sedem describeret, ἡ δὲ μάλα πρὸς τὰς ἀναιρίδας αὐτῶν περιτρούσῃ, ἀρδία δὲ χερσὶν ἐλθῆναι, τὰ μὲν χερσὶν αὐτῶν ἀγλαῶν δαδρῆων ὕδωρ δὲ ἀλλὰ φέρει ὀρεῖται τὰν χεῖρας ἀναπλήσῃ τι κατὰ τοῖς. Viros enim omni genere doctrina excellentis & non modo, ut ais, non ἀκούσας sed cū omni prorsus antiquitate illa comparādos hāc solitudinem nutriuisse, ex his quæ scripta reliquerunt manifestius est, quā ut hac epistola à me declarari debeat, nec defuisse præterea musarum iucunditatem atq; facetias præclare testificantur Hilarij carmina, quibus ob elegātiā, candorē, & grauitatem, caue ut quippiam putes esse in eo genere ab solutius. Ne tamē vel me ipsum amore loci deceptum hæc ad te scribere putes, vel taliter quā scribā sentientem te detipere voluisse, ut ea ratione huc ad nos te attraherem. Scias velim me ut nosti, a musis penitus alienum, musas hic reperiisse, cūq; hoc ob loci amenitatē accidisse putarē, scirēq; munus hoc illi me deberi acceptū referre, statui primū poemā in eius laudibus ludere. Quod genus exercitationis tum deniq; in posterum non intermittam, si iudicio tuo præferere ἡ γὰρ μουσική non οὐκ ὀκνήσει improbatur. Vale.

Parua

*Parua sed felix meritis Lerina*

*Qua stygis victo toties tyranno.*

*Rite quingenti rosæ sacrarunt.*

*Sanguine testes.*

*Quæ tot ardentis pietate diuos;*

*Totq; inexhausti monachos rigoris*

*Protulit, quot non radiant sereno*

*Sydera cælo.*

*Hæc Honoratum gremio recepit*

*Orbis inuisos fugientem honores,*

*Hæc patrem demum populis, ducemq;*

*Reddidit orbi.*

*Struxit hic lætas acies Amandus*

*Quis diu pugnans, numerosa fudit*

*Agmina insignem referens fugato.*

*Dite triumphum.*

*Maximum post hos superantem idipsum.*

*Nomen, an blandum eloquium disertum*

*Cæsari dicam, an rigidum Conona*

*Polemiumue.*

*Singulis obstat numerus, sed inter*

*Cæteros splendet duplicata Laurus*

*Hilari, hunc dulce eloquium et renidens*

*Musa coronat.*

*O Satis nunquam celebrata tellus*

*Dulce solamen requiesq; cordis,*

*Cælitum sedes, procul à prophani.*

*Turbine vulgi.*

V

Tu



*Tu procellosos aquilonis ictus  
Spernis, & saui fremitum tridentis,  
Atq; in obstantes scopulos furentem.  
Nerea frenas.*

*Ante sublimi minitaris, alto  
Iminens ponto Jouis ut satelles  
Rupe de celsa timidis miratur  
Ungue columbis.*

*Inter undarum vitreos recessus  
Ludit, exultin pecus omne Prothei  
Et micat, stringens agili rotatu  
Littora Delphin.*

*Fertilis Citri tibi bruma ridet,  
Lata lauretis paphiaq; myrto.  
Et tepet grato redolens December  
Germine florum.*

*Vere gemmatus nemus omne crines  
Explicat, spirans arabum liquores,  
Et vagam Chlorim sequitur referto  
Copia cornu.*

*Mulcet aëstatem placidus Fauoni  
Spiritus, mulcent agitata sensim  
Aequora, exceptat nemus undecunq;  
Frigus opacum.*

*Quid, quod insanos animi tumultus  
Ipsa ridentis facies serenat  
Aeris, nudas fugiuntq; cautes  
Liuor & ira.*

*Ergo*

Ergo curarum stimuli valete,  
 Qui diu tortos laniante flagro  
 Ceditis, gnari cupidos latenti  
 Fleſtere pœna.

Hieronymo Monferratenſi Abbati. Gre. S.

**C**um me poſteaquam in hanc inſulam venimus, ſapius hortatus eſſes, ut aliquid de diui Honorati moribus & vita ſcriberem, eo genere carminis quo nos plurimum in τῇ αὐτῇ utimur, id ego diutius facere renui. Non quod nescirem & ritu & legibus noſtris non poſſe quippiam à me tibi denegari, & amoris præterea tuo tātum à me tribui debere, quantum nec recipere modeſtia, nec præſtare facultatis noſtra videri poſſet. Fecit tamen rei magnitudo, coniuncta diuturna deſuetudine noſtra ad id genus ſcribendi, ut diutius ad eam rem animum non adiecerim. Sciebã præterea, quanta eloquentia laudatores Honorato contigiffent, poſt quos verba me facere velle, omnes homines non mediocri impudentia assignaturos exiſtimabam. Accedebant viri præclariffimi admirabilia geſta, quæ cum mihi æque admirabilem ſcriptorem poſtulare viderentur, omnes etiam illos eruditiffimos qui illi contigerant inferiores eius meritis eſſe non dubitabam. Cumq; inter hæc dubius animi multo tempore pependiſſem, aduenit tandem dies, quæ diem honorati memoria dedicatam præcedit, ea vero eſt XVIII. Cal. Februarij, quo ſcilicet anni tempore acrius hiems ſanire conſuevit, nec tum quidē

*iuris sui oblita, adeo horribili tempestate cælum mareq;  
 agitare capit, ut prospectus tantum ex terra nobis esset for-  
 midabilis, sequi venti, himbres ruere, fluctus ad cælum  
 usq; sustolli, sequi deniq; omnia terribiliora, ut poetica Sa-  
 tyrici tempestas nobis esse videretur. Dolebamus omnes  
 vehementer, quod mirifica illa latitia nos carituros esse opi-  
 naremur, quam ex frequentia eorū qui vota soluturi actū  
 riq; gratias ad insulam eo potissimum die veniunt, percipe-  
 re consueueramus. Nox superuenit, magis magisq; intume-  
 scit mare, seuiunt uenti, vis himbrium conduplicatur. In  
 noctis medio de more ex stratis surgimus, nocturnas Deo  
 laudes, ipsiq; Honorato cātaturi. Hic vero bone Deus, quis  
 fragor tonitruum, quis fulgurum impetus aures oculosq;  
 feriebant. Cū vero iā ut illucesceret aurora expectaretur,  
 maiores se tenebra intendere ceperunt, ut iam nulla su-  
 peresset spes diē illum solita cum letitia celebrandi. Et ecce  
 tibi in ipso solis ortu vehementissimo choro expulsa nubes,  
 tantam serenitatem reliquerunt, ut secutus paulo post  
 Zephyrus, in media hyeme ver nobis aduexisse uideretur,  
 deinde tranquillitas atq; adeo malacia, utine sentirentur  
 quidem fluctus cum litoribus ludere. Tum vero innume-  
 ra turba cymbarum undiq; cōuenire cepit, latissimo quo-  
 dam celeumate insperatam contestans letitiam. Porro qui  
 mutam mēstamq; diem illam nos celebraturos esse opinati  
 fueramus, eiusmodi primum miraculo, deinde populi fre-  
 quentia excitati, tanta cum animi nostri latitia rite sacris  
 operam dedimus, ut nullus omnino hominum fuerit, qui  
 præter*

præter pompam & reliquum apparatus, eiusmodi celebri-  
tatem in ea insula se aliquando vidisse contestaretur. Tunc  
ego quoq; veluti diuino quodam instinctu afflatus, mihi  
ipsi imperare nequii, quin confestim in hymnos carminaq;  
prorumperem. Itaq; hac potissimum ratione quod ipsemet à  
me dudum impetrare nequiuera, id ab inuito expressit Ho-  
noratus. Et si ita me inuitum confiteor, quicquid id est ope-  
ris perfecisse, ut tamen in posterum nec pigere, nec pœnite-  
re me possit. Quod in præsentia ad te mitto, ut si quid in eo  
à me peccatum est, quod quidem accidisse non dubito, id  
omne tuo iudicio emendetur. Vale.

Vnde resplendet iubar hoc corusca

Luce? cur mollis zephyrus repente

Dispulit sauas hyemis procellas

Flamine. leui?

Nempe quod festi rediere soles

Queis Honoratus niueis quadrigis

Insidens, cælum merita decorus.

Fronde petiuit.

Quid prius dicam, faciles ne mores.

An decus forma, generis vetustis

Stemmata, an circum redimita castis

Tempora vittis?

Vendicat primum sibi iure carmen

Indoles celsæ generosa mentis,

Quippe, non assis faciens caduci

Culmina regni.

Spreuerat

*Spreuerat virgas, trabeam, curules,  
Et leues plausus popularis auræ,  
Atque confertos opibus penates  
Te duce Jesu.*

*Cui puer casti niueum dicarat  
Corporis florem, teneraq; fructus  
Mentis, auerturus stabilem beato  
Fœnore censum.*

*Quem nec annosi lachrymis parentes,  
Nec propinquorum vetuere fletus,  
Quin crucem nudus tulerit, latenti  
Concitus æstro.*

*Credidit semet pelago, requirens  
Dulcius quiddā patria (&) propinquis,  
Donec audaci tetigit carina  
Littus Achæum.*

*Hic velut languens amaranthus, iectu  
Falcis excisus, moreris Venanti  
Inter amplexus lachrymasq; fratris  
Luce relicta.*

*Qui, licet mœrens, tamen obsequente  
Legibus fixis animo, sepulchri  
Iusta persoluit, precibus piaque  
Mente parentans.*

*Hinc iter flectens ad inhospitalem  
Iusulam, sæuos præcibus dracones  
Expulit, iuges lachrymis dederunt  
Marmora lymphas. Fregit*

*Fregit antiqui statuas Leronis ,  
 Dona nautarum , veterisq; sani  
 Impia exurens adyta & tepentes  
 Sanguine lucos .*

*Hæc Honorati domus , hic iuventam  
 Egit anfractus fugiens dolosi  
 Orbis , & solus latitans opaco  
 Abditus antro .*

*Gaudia & lusus iuuenis fuere  
 Sancta Iessæi modulata regis  
 Carmina , & dulci comitata fletu  
 Vota præcesq; .*

*Impetus blanda domuere carnis  
 Algor atq; æstus , vigilata somni  
 Tempora , & sumens caua dextra potum  
 Semper ab amne .*

*Vt micat tectus reparatq; lucem  
 Clarior , vultu rutilante Titan ,  
 Sic nequit cecis tenebris latere  
 Abdita virtus .*

*Fama mox vulgat perisse echidnas  
 Huius ingressu , fluuijs scatere  
 Dulcibus littus , subitaq; lucum  
 Fronde virere .*

*Cuncta festinat manus , omnis illinc  
 Aeger , accepta remeat salute ,  
 Nesciens Christum redit expiatus  
 Fonte salubri .*

*Insulis:*



*Insulis demum rediinitus, illud  
Robur occlusumq; animi vigorem  
Protulit, nulla Sathan irruentis  
Territus arte.*

*Post famem, frigus, gladios, flagella  
Orbe calcato superavit hostem,  
Atq; virtutis monumenta magnę  
Magna reliquit.*

*Illius iussu, nimium procaces  
Æolus frendens renocavit austros  
Jllius iussu, pelagi tumentis  
Vnda refedit.*

*Sola vox morbos variasq; pestes.  
Sola vox, mirum, lemures fugabat.  
Sola fatales Lachesis coegit  
Voluere suos.*

*Quin & implexos adamante nexus  
Mortis exoluit, stygiaq; seuus  
Portitor cymbæ, remeans silentes  
Retulit umbras.*

*Nunc penes magni solum tonantis  
Nuper optatum genus & nepotes  
Prospicit gratam sobolem & feraci  
Germine letam.*

*Hanc Honorato aërii Casini  
Legifer dono dedit, hanc edaci  
Tempore, absumpas renouare leges.  
Sacrâq; iussit.*


*Huic*

Huic opi innisus pater atq; princeps,  
 Ille virtutum specimen, Monoeci  
 Arce ab excelsa veniens, labantes  
 Erigit ades.

Erigit pessum pœnitus labantem  
 Cœnobi cultum, reparatq; stata  
 Prô pudor luxu vitata inerti, &  
 Senta veterno.

Igne felici velut arsit ingens  
 Flion mutans Tiberin Scamandro  
 Pergamis, nunquam perituri, celsa  
 Mœnia Romæ.

Sic rigor priscus perijt seuerę  
 Aedis ut Casto renouata cultu,  
 Sanctior lex imbuerat salubri  
 Dogmate mentes.



Helisæo Monacho. Gregorius S.

**P**AUCA illa carmina, quæ mihi amor olim expressit pro  
 desiderio Grassensis Pont. cum ille hierosolymas na-  
 uigasset, perierant omnino, nisi tu illis in longius tempus  
 vitam proferre voluisses. Quæ, ut verum fatear diutis-  
 sime quæsita, vix tandem ex multitudine scriptorum erue-  
 re potui. Opinor ea tibi sola breuitate placitura esse, nisi  
 etiam iccirco probentur, quod cum pauca sint, minima  
 etiam temporis iactura in eis legendis à te fieri potest.  
 Vale. Ad diuum Honoratum.

*Agminis sacri pater atq; princeps,  
 Quem tremuit Pluton, metuunt sorores  
 Nocte prognata: facilis precantum  
 Annue votis.*

*Nam Lerinensis columen caterug  
 Cui sacer frontem decorat Tyaras  
 Latius hibernis zephyris quietum  
 Navigat equor.*

*Heu nimis credens fidei silentis  
 Africi, iam iam decimos videbit  
 Voluier fluctus, tumidamq; cælum  
 Lambere tethyn.*

*Summe cælestis moderator aula,  
 Cui freta & sæui famulantur astris,  
 Omnium spes atq; animas in uno  
 Pectore serua.*

*Comprime insanos pelagi minacis  
 Impetus, urge celeres secundis  
 Flatibus puppes, radietq; fausto  
 Sydere pollux.*

*Sistat optata statione classem,  
 Et Palestinas veneretur ades  
 Lata mox illinc redeant, solutis  
 Carbasa votis.*

Georgio Monacho. Gregorius S.

**O**mnino melius cumulatiusq; ad ea quæ scripsisti satis fecissem, si te coram alloqui licuisset, cum magis lon

ga quàm subtili enarratione omnia indigere videantur. Nitar tamen quoad eius fieri poterit, uniuersa breuiter epistola complecti. Quod primum queris de vocabulario Ioannis Placentini, sic enim ais, & si quod ad rectam scribendi regulam attinet, satis mihi est exploratum diligentiam ab Aldo adhiberi consueſſe, nollem tamen virum aliquē mediocris etiā doctrinæ, eius scripturę inniti testimonio. Fieri enim poteſt, ut uel perperā impositus apex, uel unica litera transpoſita, in pudendum trahat errorem. Titubatum uero non eſſe aliquando inter tot vocabulorum milia, quis tam temerarius eſt ut affirmare audeat? Qui enim græce ſciunt, non magnopere aduertunt minuta illa, etiam ſi in ea inciderint, a quibus in errorem abduci non poſſunt. At uero eos qui græce neſciunt, neceſſario conſequens eſt, nō animaduertere poſſe. Sed demus nihil erratū in eo eſſe, Quis ferre poſſet, non ſaltē probati alicuius autoris, ſed deſcriptoris illiterati teſtimonio, rē quæ in dubium uocetur, affirmari? Sunt eiufmodi vocabulorum apud græcos collectores, quorum autoritate honeſtius uti poteris. Suidas, Pollux, Eſychius et complures alij, in quibus nihil ſerè eſt quod deſyderetur. Quæ uero ſingillatim in epistola requiris, recte ſe omnia habere arbitror ut ſcripſiſti: ἰνὸς φωνῶν enim latine ænophorum ſcribi debet, ut Iuuenalis, totū ænophorū ſitiens, cōpoſitum καὶ τοῦ αἰνῶν καὶ φωνῶν, porro αἰνῶν fieri dicunt, καὶ τοῦ ἰνῶν, uel ut Plato in Cratylō opinatur, διὰ τὸ ἰνῶναι τὸν τοῦ ἱμπεριῶν, quod falſis ſcilicet opinionibus mentem impleat, in ſecunda uero ſyllaba ἱμπεριῶν

est, quod prater omnino pauca, semper remanet in compositione, penultima syllaba mutauit e in o, *ἐὶν ο, ὅρῳ ὁόρῳ*, quod facere consueuerunt omnia nomina quae a verbis deducuntur, habentibus vocalem illam in eo loco *ἀλγος ἀλόγος, πατίσας παδάσας*. At vero *κέρωμα* latine Ceroma tam prima quam altera producta dici debet, quod ut nosti, oleum erat ceratū, quo se luctaturi perfundebant, unde et vinctores ceromatiſta dicti. Grace aut *κηρός*, cera est, unde recta deductione verbum *κεκήρωμαι*, Et inde *κέρωμα*, quo fit, ut contra coplurium consuetudinem, ceram arbitror apud latinos absq; diphthongo scribi debere. *αἰμαῖρρος*, siue *αἰμαρρῶς*: ille enim mas, hac femina, iccirco duplici scribuntur, quia composita sunt *ἀπὸ τοῦ αἵματος, καὶ ῥῖον*, quotiescunq; enim verba ab eo elemento incipientia in compositionem veniunt, illud duplicant, nisi post ipsum statim sequatur consonans, ut sunt *αιμαρρῖον καὶ αιμαρρῖσις*, est autem ut recte nosti, *hemorrhōis* fluxus sanguinis, et serpentis species ἐν τοῖς περὶ διτιχηροῦς ἔχον τὰς διατρίδας, ut ait Suidas. Illud vero te non ignore certus sum, quod inde nomen habeat, quod si quis ab eo percussus fuerit, tam praesenti vcneno est, ut illico ex toto corpore sanguis defluat. Ceterum elementum illud de quo tam multa diximus, quotienscūq; duplex fuerit, prius tenue est, sequens vero spiritum habet, cuius rei ratio pluribus verbis ab Herodiano assignata est. De Elegia vero integrum est elegēia *ἀπὸ τοῦ ἐλέγῳ*. est enim elegos luctus *κατὰ νόηματο ποιῖαν*, ex eo ficta vox quod lugentes sapinus i dicūt, *κατὰ συνείησιν* vero est *ἰαγνία*. Vtriusq; exemplum apud

latinos

latinos quoq; habes, Papinius, quas inter, multum petu-  
 lans elegia propinquat. Et illud Ovidij, Flebilis indignos  
 elegia solue capillos. De Sophrone & Sophronio, nulla est  
 dubitatio. Est enim σωφρων ex eo genere nominum, quæ cum  
 in recto habeant ὠμῶς, in obliquis tamen sumunt ὀμῶς, ut  
 γέιτον γέιτονος, τέκτον τέκτονος: σωφρόνιος vero præter primam syl-  
 labam nusquam habere potest ὠμῶς, siue sit a nomine  
 σωφρων, siue a verbo σωφρονῶ. Καλὸς & pulchrum significat & ho-  
 nestum: unde & sub Lutiani nomine dialogum habe-  
 mus περὶ τοῦ καλοῦ. Cicero ad atticum. O hominem amentem  
 & miserum, qui ne umbram quidem unquam τοῦ κα-  
 λοῦ, viderit de huius vocabuli derivatione, sic ait Eu-  
 stathius καλοὶ παρὰ τὸ καλῶ, τὸ κομῶ ἢ παρὰ τὸ καλῶ διὰ τὸ καλῶν  
 πρὸς ἑαυτὸν ἔκαστον, ὡς τὸ ἀγαθὸν ἐπ' ὃ ἀγαπᾶν θέομεν. & magn. Basilii  
 in psalmi 44. commentarijs κάλλο ὅτι τὸ ἐν τῷ συντίθει τῶν μελῶν ἀρ-  
 μοσίαν ἐπαυνοῦσαν αὐτῷ τιμὴν χάριν ἔχον. Proclus vero lycius in cō-  
 mentarijs in Platonis Alcibiadem qui & ipse περὶ τοῦ καλοῦ  
 inscribitur, dici vult τὸ καλόν, ὑπὸ τοῦ καλῶν, quod est demul-  
 cere, iccirco quod nihil efficacius sit ad demulcendum quàm  
 pulchritudo: porro κάλλος duplici λ. diuersa etiam inclinatio-  
 ne συμμετροῖαν τῶν ὁμοιομερῶν ἐν ἡμῖν δηλοῖ, ut Suidas ait. Prius  
 illud epitheton est, hoc aut pulchritudinem ipsam notat,  
 utrumq; autem, scilicet καλ. & κάλλος, unico carmine Ho-  
 merus expressit in p. ὁδοῦσι δ' αὖ, κάλλει μὲν οἱ πρῶτα, πρὸς πᾶσι καλὰ  
 κἀδ' ἡμεῖς. De creopoli & Creopolio nihil est quod mireris, &  
 si enim nascuntur a verbo πολῶ quod utrinq; habet ὠμῶς, ἢ  
 ἄλλο, ipsum tamen tam in verbis quam in nominibus cō-  
 positis



positis, contrahit prius & magnum in paruum ὀνειροπολῶ ὄνει-  
 ροπόλος, quæ autore Herodiano ὀνὶ τοῦ πολῶν deriuantur. ὀνὶ-  
 πολος ἀμφίπολος δυσκόλος, quare ὅς κρεισπόλος erit ὅς κριωπόλιον.  
 Recte præterea sentis multa ex græcis sumpta, latinos im-  
 mutasse: idem enim tecum sensere Quintil. & Priscianus,  
 cuiusmodi sunt λάνκος & γραββάτων. ex altero enim λ, ex al-  
 tero β detriuerūt, quod aut de Polluce et Hercule dicemus  
 quæ penè integra sunt immutata, cum sint apud græcos ἱρά-  
 κλεις & πολυδύκεις. Nam crepidam, ὅς si græce εἴη κρηπίς, sunt  
 tamen qui à crepando dictam velint, moti scilicet primæ  
 syllabæ quantitate. De Chiragra vero, necesse est fateri sy-  
 sloken à latinis fieri, quotienscunque contrahitur, vel ex  
 diphthongo α, priorem literam detrahi. Oratius postquā la-  
 pidosa Chiragra fregerat articulos. Eadem enim ratione con-  
 sueuerunt poetæ græci, et præcipue dorici vtentes dialecto  
 posteriore literam ex ea diphthongo detrahere, χερὶς & χε-  
 ρὶ dicentes. Pindarus in Olympijs οὐχόνα ἀπράσσοις ἔν χερσὶ ἀν-  
 μῶ. Rursusq; ἀφδὸν ἐσιρόντι χερα. Theocritus in Cyclope καὶ τὰν χε-  
 ρατὸς ἐφίλασα. De Catomide, quod scribis lectionē apud Spar-  
 tianum à Beroaldo in commentarijs Apulei immutatam,  
 ubi decoctores nō catomidari, sed catonudari legit. Id quidē  
 mihi non satis probatur, cū quod nihil necesse sit lectionē im-  
 mutari, tū etiā quod si immutari deberet, scimus ex Fabio  
 eiusmodi semigræca vocabula derideri solere. Quare quid  
 mihi succurrat ad te scribam. Legi Romæ in Bibliotheca  
 Vaticana Lexicon incerti auctoris, in quo sic est ascriptum.  
 Catomides cardis ferrei vel virge nodosa. Videtur vero

& ipse

& ipse Beroaldus librum illum legisse, cum apud eundem  
 Apuleium verbum diribere exponeret. Aiunt praterea hi  
 qui martyrum historias scribunt, Vitum adolescentem ca-  
 tomidibus casum. Quare fieri potest, ut quomodo ab hu-  
 mero sit *κατομίδης*, in sacris literis celebratissimum ue *στis* genus,  
 sic quia præcipue humeri cederentur, ut eadem deductio-  
 ne *κατομίδης* appellatæ sint, & inde verbum *κατομίδην*. In-  
 telligemusq; apud Spartianum decoctores illos publice thea-  
 tro uirgis casos fuisse. Dicit quoq; pot aliquando contumelia  
 genere affectos, quo ea tēpestlate qui decoxissent, consueſſent  
 affici diciq; catamidiari, à uerbo *καταμιδιᾶν*, quod deridere  
 et contēptui habere significat. est enim *μιδιᾶν* ridere & epi-  
 theton apud Homerum frequens *μιδιώσα*. & *Iliados*, αὐτοῖσι  
 δ' ἄρ' ἴδμεν παρὰ οὐατα μιδιώσα. et Veneris epitheton *φιλομίδης*.  
 γ. *Iliados*, διόφρον ἰλοῦσα φιλομίδης ἀφροδίτη. Habet uero hac præ-  
 positio κατὰ quotiens contingit eam componi, vim eiusmodi  
 ut ferme id destruat, cui connectitur γὰρ καλαγαλᾶν φρονεῖν κα-  
 ταφρονεῖν. Nescio praterea quid in mentem uenerit ei de quo  
 ad me scribis, dubitare prophetae nomē gracūmne esset an  
 hebraeum, cum nihil manifestius sit, quam ἀπὸ τοῦ προφῆται  
 προφήτης sic dici, ut ἀπὸ τοῦ ὑποφῆται ὑποφήτης. Utunturq; eo  
 vocabulo celeberrimi græcorum autores. Pindarus in Ne-  
 meis de Tiresia loquens: δῖος ὑψίστου προφήτης ἔχον appellat.  
 Lucianus, in Alexandri & Diogenis Dialogo οὐδὲν ὑγίης  
 οὐτὶ ἢ μήτηρ οὐτε οἱ τῶν ἀμμανίων προφήται ἔλεγον. Quin & femini-  
 num genus ab eo fit. dicuntur enim προφήτις Euripides in lo-  
 ne προφήτης νεβαίνουσα μαρτίον θεοῦ. Quin & latini ea vocabu-  
 lo prater

lo præter sacros scriptores *Usi sunt. Sex. Pomp. Prophetas* inquit in *Adraslo*, *Linus* nominat *antisistites Phanorum* oraculorum quæ interpretes.

Quod vero ad cætera attinet, uolumen paruum, in quod multa ex græco *Lexico* coniecisti, percurri totum, nihilq; inueni quare mihi dubitandum esset, nisi forte aliquid subter fugit: legi tamẽ in eo pleraq; quæ ut opinor, nollent latine, ut græce dici consueuerũt pronunciari. Si enim *τύποις*, *Typtomæ* dicamus, erit penitus latinis auribus, nõ modo insoles, sed etiã absonũ. Accedit quod diphthongus illa æ non semper apud græcos longa est, quemadmodũ apud nos æ, quotienscũq; enim in nominibus uerbisq; dictionem terminat, toties breuis est, præterquam in modo illo, quem ipsi *ἐξάνδρ* vocant. Et si uideri potest *Vergilius* græcum morem secutus, cum dixit. *Insula Jonio in magno*. Illud tamen dici solet alijs de causis factum esse. Quasi si præterea sit ne aliquis autor græcus, qui de syllabis scripserit. Extant certe, & quidem multi, *Apollonius* cognomento *δύσκολος*, eiusq; filius *Herodianus*. Iunior item *Apollonius*, *Epheslion*. *Maximus Planudes* monachus. *Theodorus Thessalonicensis* & complures alij, quod tamen in latinam linguã conuersum sit, nihil adhuc uidi, ut tu de *Constantino* scribis, quem tamen non *Aldus*, ut uideris opinari, sed *Ioannes Craslonus*, uir græce & latine doctissi. Romane docuit loqui. Præterea, & si opus hoc tuum de syllabis iccirco scripsisti, ut simplices fratres. (sic enim ais) eo potissimum utantur, nollem tamen scriptum aliquod à nostri ordinis hominibus

hominibus prodire, quod non ut minus eruditis utile, sic etiam eruditissimis esset probatum, quorum ratio in primis habenda est. Quare certamina illa quæ tibi sumis cum auctoribus postremae notæ, superuacua mihi penitus esse videntur. Clam & eruditi ad eos euoluendos nunquam ut opinor sunt accessuri, & qui eruditionis cupidi sunt, ab illorum lectione mihi penitus absterrendi esse videntur. Quare, si eos silentio praterieris, fiet hoc pacto ut volumen illud im mensum quod ad me misisti, amputato inutilium illarum contentionum fastidio, eiusmodi sit, ut a se legendo neminem sua prolixitate deterreat. Scriberem qui autores sunt quos à te omitti vellem, nisi & mihi persuasum esset, te facile id cōiectura affecuturum etiā tales essent ut vel nuda tantum ipsorum nomina, barbarum nescio quid in Epistola nostra sonitura essent. Hæc sunt mi Georgi ea, in quibus nos repuerascere coëgisti, indigna fortasse & ætate tua, & studijs nostris: sed parendum fuit & eius iussis qui ad me literas tuas detulit, & modestissime petitioni tuæ. Imminebat certe utrinq; periculum, ne mihi nota arrogantia inurere tur, vel si scripsissem, vel si conticuissem, tunc enim te docere velle, hic te spernere videri poteram: at utrunq; certe tam nequeo quàm nolo. Malui igitur scribendo in id crimen incurrere, quod humanissima epistola tua diluere mihi posse videbar, quàm tacendo in suspicionem venire parum habita a me rationis vel ætatis uel humanitatis tuæ. Non enim fortasse deessent qui opinarentur, me non tam nescire quàm noluisse ad ea quæ quæsieras respondere. Quo-

T rum

*rum quidem ita mihi displiciturum fuerat iudicium, ut tamen desyderaturus fuerim, non omnino falsa esse. quæ de me falso opinarentur. Vale.*

Vincentio de Borlasca Genuensi. Greg. S.

**A**D ceteras incredibiles animi mei molestias, quibus posteaquam in hanc prouinciam veni, vehementissime me afflictatus sum, accessit nuper nunciata mihi patriæ tuæ calamitas, quam tantum à me amari ob merita in me sua, omnes intelligere credo, ut nulli ciuium in amore concedam. Cum igitur infestissimo bello totam hanc prouinciam ardere uiderem, & (quod in regno Francorum iam inde ab eius constitutione inauditum est) intestinis discordijs penitus conturbari, & si pene intolerabilia erant, quæ cum a prouincialibus, tum etiam ab hostibus perpetiebantur, cum tamen cogitabam, finitimam regionem esse, in quam, si hæc calamitates maiores fierent quàm ut aliqua ratione à me posset tolerari, videbam tutum mihi perfugium fore, paulisper in ea spe conquiescebam. Nunc autem cum indeam sa-  
uissimo pestilentia genere Liguriã ferè omnem principemq; ipsam Genuam deuastari, necesse est incredibiles hæc nostras miseria, non consuetis tantum solatijs, sed omni spe penitus consolationis carere. Quare, in luctu & squallore me assidue futurum esse dicerem, ni firmissime mihi persuasum esset, tantas clades quantas nunquam legimus, non solum Dei Opt. Max. iustissima seueritate accidisse, sed etiam ea de causa, ut frequenti hac rerum commutatione admoniti, aliquando nos

do nos alterius patriæ ciues esse meminerimus, in qua pro  
 tu multu bellorum, animi tranquillitas, pro pestilentie cla-  
 dibus, sempiterna salubritas erit. Utrum vero sic eiusmodi  
 calamitatibus instrueremur, ut tandem hæc quæ nos spe-  
 cioso nomine bona appellamus, sic naturali instabilitate sua  
 nos admonerent, uti ne ab ipsorum amore tantopere deci-  
 peremur. Quid enim, rogo te, facturi fuissetis, si hæc quæ  
 tam arte tantaq; cum oblectatione complectimur, aliquid  
 soliditatis habere experiremur? Cum etiam inter vitæ hu-  
 ius assidue fluctantis agitatione, illis veluti tenacissimis  
 anchoris adherere nos posse confidamus. Quod si cui generi  
 hominum, ex continuis cladibus, rerum humanarum infir-  
 mitas in animis semper versari debet, id potissimum fore,  
 ut nunc ciuibus tuis accidat, mihi facile persuadeo. Qui sin-  
 guli superiore anno ob saeuam illam direptionem, maxima  
 sui patrimonij parte, expoliati, deinde vniuersi acerrimo  
 vexati bello, nunc etiam, ne quæ detur a miseris intermis-  
 sio, sequeuissima pestilentia deuastantur. Quæ cum plurimi ex  
 amicis (qui mihi me ipso penè cariores erant) perierint, ex  
 vnius tamen potissimum Camilli nostri interitu, mihi met  
 imperare nequiuì, quin plurimum doloris caperem. A me  
 enim non communi cæterorum aestimatione, sed ea quæ mi-  
 hi fortasse tantum perspecta erat, & virtutis & doctrinæ  
 excellētia perpendi illum necesse est. Accedit præterea dam-  
 num incredibile, quod ex laboribus eius deperditis, doctos  
 omnes facturos esse non dubito. Animum enim adiecerat ad  
 Cosmographiæ partes omnes illustrandas, & cum diligen-



tissime locorum omnium situs, & eorum quæ antiquis cognita fuerunt, & quæ nuper inuenta sunt, nobis se descripturū speraret, præcipue tamen, quo olim nomine, quo nunc unusquisque locus appelletur, omni studio uestigarat. Quæ in re, iam tantum profecerat, ut non portus modo, promontoria, sinus, insulas, fluuios, montes, urbesque celeberrimi nominis, sed infima quæque oppida ita memoriter, ut propriū nomen tenere videretur. Quæ omnino nobis minus dolenda putarem, si spes aliqua esset quæpiam pari doctrina & diligentia id ipsum præstiturum esse. Sed quis nam obsecro erit, qui cū exquisita illius disciplina, coniunctam habeat locorum cognitionem, non auditu & lectione tantum sed pedibus oculisque perceptam? Nauigarat enim ut scis, ad Tanaim, ad Phasidē. Peragratat ferme regiones omnis Asiæ, Aegyptum, Africamque; lustrarat. Taceo de Hispania, Britannia, Gallia, Germania, quas sic habebat cognititas, ut digitos unguisque suos. Accedebat admirandum illud in tanto opere præsidium, quod in ea ciuitate illi nasci contigerat, in quā, cum ipsi ciues ad exterarum lōginquarumque nationes quoti die nauigent, tum etiam ex omnibus mundi partibus vel negociorum, vel visendi gratia assidue superueniunt peregrini. In patria igitur tuæ tantis calamitatibus, in tot clarissimorum ciuium interitu, nec moderationis, nec prudentiæ tuæ esset, propriam quandam priuatamque felicitatem desiderare. Sic fratrum tuorum obitus tibi dolendus est, ut de vniuersæ Reip. statu non desinas cogitare, cuius honoratissimam partem & fides & diligentia tuæ nuper creditam fuisse,

fuisse, tu me per literas certiore fecisti. Quod quidē, cum libenter audiui, tum etiam maxima cum spe, fore ut consilio autoritateq; tua, in hoc communi naufragio, eiusmodi cursum Resp. ista teneat, ut propediem portum assecuturam non desperemus. Quod vero te studio & consiliis meis tantopere indiguissē scribis, in deliberando an impostum tibi a ciuib; tuis munus susciperes, persuasum quidē mihi est ob vim quandam amoris incredibilem, nihil esse quod à me tibi præstari non posse confidas, etiam si eiusmodi sit, ut superet facultatem meam. Quod vero ad hoc negocium attinet, scias velim me eiusdem opinionis in consulendo futurum fuisse, cuius nunc etiam sum in iudicando de consilijs tuis, non potuisse te, scilicet nisi lasa pietate, vel potius absq; maximo flagitio, munus tibi iniunctum communi ciuium tuorum voluntate, non solum recusare, sed nec etiā deprecari. Quare quod recte ordineq; feceris, talemq; te præbueris patriæ tuæ, qualem ante actæ vitæ dignitati cōsentaneum erat, mirum in modum tibi gratulor. Deumq; Opt. Max. rogo, & obtestor, ut tibi familiæq; tuæ perpetuæ dignitati sit præsens administratio. Nam quod omnia tua teq; ipsum nobis adeo humaniter polliceris, dicerem, te id fecisse quod veteri proverbio fieri prohibetur, ut scilicet actū ageres, nisi scirem infinitam quādam amoris abundantiam, eiusmodi à te pollicitationes expressisse. Quare, ne quaquā equū erit te moleste ferre, si ego quoq; de integro omnia mea officia, studia, cogitationes pollicebor, quæ ad tuam dignitatem & quietem animi pertinebunt. Vale.

Raphaeli

Raphaeli Placentino Monaco. Greg. S.

**E**T si, quod tam grauius de me conquereris, maxima eorum culpa est, qui nollent nos eo animo quo sumus inter nos esse, nequeo tamen rationem aliquam excogitare, qua te ipsum omnino à culpa huius affinitate liberare possim: fieri enim potest, ut illorum animi, vel odio, vel inuidia antea labefactari, non ita deinde quid officium, quid honestas, quid communis vita ratio postulet, intelligere possint. Tibi vero cui iam inde, ut ita dicam, ab incunabulis perspecta est non charitas modo in te mea, sed ut verissime dicam, pietas, nequaquam verisimile fieri debebat, ita nullam a me rationem amoris nostri habitam fuisse, ut etiam maximis te contumelijs afficere cogitarem. Praesertim cum antea nulla inter nos dissidij causa intercesserit, ut coniectura assequi posses pristinam voluntatem meam, vel omnino abs te alienatam, vel saltem aliqua ex parte immutatam esse. At si (quod fieri omnino nequit) tibi tantopere inimicus esse vellem, ut posteris etiam testatam relinquere memoriam parum grati animi nostri erga te, quid erat in quo minus te ledere possem, quam ut inueherer in elegantissimum poema tuum, aut quo magis bonorum odium in me posset concitari, quam si ei, qui cum coniunctissime et amantissime iam inde a pueritia vixissem, sponte mea tam acerbè fierem inimicus? Taceo hic sanctissimum illud religionis vinculum, quo adeo coniunctos nos esse intelligo, ut nihil de honore tuo à me detrahi potuerit; quin tantundem de nostro detraberetur.

detraheretur. Cuius rei tantam a me rationem habendam esse cognosco, ut intelligam, sine maximo flagitio eiusmodi aduersus te contumeliam, ne cogitare quidem nos aliquando potuisse. Accedit præterea scriptorum tuorum coniuncta multiplici doctrinam incredibilis elegantia, quibus ita per se tuta sunt, ut tam à nullo reprehendi queant, quàm à nemine satis laudari. Quid, quod nihil hætenus à te editum est, in quo non prius & iudicium & consilium meum amicissime exquisieris? Harmerias tua, ita mihi ahuc puero cognita erat, ut non tu plura carmina ex ea quam ego, posses memoriter recitare. Scenas uero cum nec edere quidem cogitares, de quibus ea re Placentiæ diligentissime explorares iudicium meum, memini me, te ita ad ea in publicum edenda suadere, ut tandem id tibi multis precibus persuaderi permiseris. In Epigrammatis uero adeo honorifica nostri nominis mentio est, ut quoad opus illud uiuet, (uiuet autem ut spero cum omni posteritate) non possit mei memoria aliqua obliuione deleri. Sed quoniam planè, ut opinor, tibi à me declaratum est, non minus a voluntate quàm a facultate laudendi tui me semper abfuisse, fieri nequit quin tecum amice expostulem, quòd me id aliquando cogitasse tibi persuaderi permiseris. Quòd si non tanti apud te erat Platonis exemplum ut illum imitari velles, ad quem cum delatæ essent amici in se criminationes constanter affirmavit, aut nunquam dictas, aut utile utriusque fuisse, ut tunc ea sic dicerentur. Poteras saltem quod M. Tullius faciendum ducebat, genus illud totum orationis tollere, disputabant, ego  
contra

contra differebam, dicebant, ego negabam. Hoc nempe Veteri constitutaq; amicitia nostra, hoc ei disciplina quam profitemur, hoc religioni, hoc deniq; moribus & prudentia tua magis erat consentaneum. Posset vero quispiam in amicitia tuenda mei dissimilis, ex eiusmodi querelis animi tui coniecturam facere, sibiq; persuadere eum qui ita facile crediderit, posse alium in amicitia rationibus peccare, & que facile & ipsum peccaturum fuisse τὸ γὰρ εἰς Ναρζανζένου οὐκ ἔστινον, μὴ τε εἰς Καθολικῶν δὲ Χριστῶν, inquit Nazianzenus noster. Coniecturam nempe ex eo faciens, quod ferè perinde atque nos in ceteros animati sumus, ita de ipsorum voluntate consueuerimus proferre iudicium. Quod quidem longissime abs te tunc cum ad me scribebas abfuisse, ita mihi persuadere volo, ut agerrime etiam laturus sim, si secus mihi ex re ipsa aliquando persuaderi posset. Vale.

Lamberto Venusino Episcopo. Greg. S.

**C**um maximum tum etiam multiplicem dolorem animo meo accepi, de viri optimi Christophori Longolij interitu, qui nuper cum paucis diebus ardentissima febre laborasset, & si iucundissimam memoriam, tristissimum tamen nobis sui desiderium reliquit. Doleo sane pro ea re vehementer, ego enim Longoliū mirifico amore prosequabar, unicuiqueq; ita me ab ipso amari intelligebā, ut ea tantū de causa illū à me in amando superatū putē, quod erat longo intervallo dignior qui amaretur. Cuius amicitia, & si tu initio, cum Roma esses fundamenta posueras, reliquū tamen ipse postmodum

postmodum maximis officijs sic euexit, ut iam ad summum peruenisse, nemo esset qui aliquaratione posset dubitare. Principio enim, cum me nec de facie quidē cognitum literis suis & grace & latine scriptis ad amicitiam prouocasset, paucis postea diebus difficillimo anni tempore Roma ad Lerinam nauigauit, ea tantum de causa, ut mihi quem absentem amare cœperat, totum se præsens alloquensq; condonaret. Quo tempore, etiam nobis ingenij artisq; plenam orationē, planeq; optimis illis antiquis comparandam, quā paulo antea Roma habuerat, totam legit, sicq; in ea iudiciū meum passus est interponi, ut quicquid dixissem, siue in uerbis proprietate, siue in oratorij. praeceptis, id tanquam praescriptum legemq; mihi obseruare uideretur. Secuta sunt deinde cum multa, tum etiam maxima utriusq; in alterū officia, quibus nos adeo iam deuinctos omnes intelligebāt, ut nihil ferē fieri posse putaretur in communi uita coniunctius. Quare nisi uehementissime mouear tali tantq; amico orbat,us, communi omnino sensus atq; adeo omni humanitate carere, merito iudicari posse uidebor. Quod sanē tam longē à me abesse uolo, ut quod antea dixi, multiplici dolore ex eius interitu me potissimum affectum esse, omnes intelligere cupiam. Quis enim absq; incredibili dolore, audire posset in ipso flore atatis (nondum enim trigesimum annum attigerat) in maxima omnium de se expectatione, in medio studiorū cursu, praeclarā illā ad omnes uirtutes animi indolem, illud immortalitate dignissimum ingenium, imatura sibi ceterisq; morte, sic repente ereptum esse, ut osten-



*sus tantum non etiam præstitus huic saculo fuisse uideatur, & tum præcipue cum admodum pauca scripisset, incepisset multa, pararet plurima, quibus si extremam manum peratatem imponere licuisset, aliquid certe hac tempestate uis diffemus, quod posset cum omni antiquitate comparari. Mirabamur siquidem in eo omnium pene disciplinarum nomen mediocrem cognitionem, de quibus sic eleganter & copiose differebat, ut qui audiebant dubitare se dicerent, quàm potissimum profiteri uideretur. Adolescens enim iurisperitus in Gallia operam dederat, græcam demum linguam didicerat, Romæ, latinam excoluerat. Philosophia uero & mathematicis, Patavi nunc tanto studio incumberebat, ut doctorum iudicio, eos qui magnos in eo genere progressus habebant, longo intervallo superaret. Qui autem domestica hominis consuetudine utebantur, facile meminere quàm scienter de plantis, de piscibus, de lapidibus, loqui consueuerit, cum nomina, cum antiqua, tum etiam ea quibus nunc utimur, uimque & proprietatem unicuique redderet. Sic igitur tibi persuadeas uelim, Gallias nostras huius interitum tantum amisisse, quantum nunquam fortasse antea desyderare ausa fuissent. Et si enim complures in ea extiterunt atque adeo nunc etiam supersunt aliqui, ingenio & doctrina excellentes, nondum tamen uideo candorem et elegantiam, & quod his omnibus plus potest iudicium incorruptum in Galliam transisse, quod cum ex compluribus facile, tum facillime ex ipso Longolio declarari potest. Sunt namque apud me orationes sex, quas cum primum in Italiam uenie*  
*ut ue-*

ut veterem deleret infamiam qua se laborare intelligebat, quod puer adhuc aduersus Italos orationem habuisset, maximo studio & labore composuit, quibus si alia quam triennio post Romæ scripsit, conseratur, vix alicui poterit persuaderi ab eodem homine aliquando editas fuisse. Paucis autem diebus antequam ex hac luce decederet, sex aduersus Lutheryanos actiones scripserat, in quibus cum elegantia & gravitate, tum etiam amplitudine orationes Romanam illam maiestatem affecutus fuisse iudicatur. Qua quidem in re adeo se nobis & gratum & facilem præbere consueverat, ut non modo candorem & iudicium Italici acceptum se referre diceret, sed ea præcipue de causa Italos omnes incredibili benevolentia prosequeretur. Communis igitur Italici, & Romanis, præcipue qui illum nuper ciuitate donarant, communis Gallie, cui illius natales acceptos referimus, atq; adeo Germanis, à quibus se oriundum volebat, hæc incredibilis iactura contigit: communis præcipue doctis omnibus & his qui bonarum literarum studiis incumbunt, tibi tamem mihiq; in primis, quos ille non amicitia solum, sed familiaritate etiam sua non penitus indignos iudicarat. Vale.

August. Grimaldo Grafs. Episc. Greg. S.

**N**ihil humana felicitate esse incertius, consuesseq; vsu hoc accidere ut quo stabilius pedem sibi homines fixisse videntur, eo grauius ruant, si unquam aliàs nuper in memetipso, verissimū esse expertus sum. Qui cum iam plures annos in una tantum re laborarim, iamque vi-

deret mihi portum cum tenuisſe, ad quem euſum dire-  
xeram, repente tam valida tempeſtate, atq; adeo vehe-  
ment i impetu reiectus ſum, ut nec à longè quidem eam  
quem tam opere deſyderaueram, tranquillitatem portus,  
nec eam intueri. Qua de re, iccirco ſerius ad te ſcripſi, quod  
adhuc grauibus anxij, & curis excruciatuſ, nullam officiũ,  
nullam conditionis meæ, nullam deniq; tuorum erga me  
meritorum rationem, ex dolore animi habere potuerim.  
Quis enim non incredibili dolore afficiatur, qui ex tran-  
quilliſſimo rerum ſuarum ſtatu, eo miſeriarum & ſollicitu-  
dinis deuenit, ut præſens calamitas videri poſſit, cui  
præſtina felicitate certare? Sed poſtquam veluti reuocata  
ad me ratione, & quiſ ego ſim, & quid cæteris præſtura  
debeam cæpi conſiderare, nequaquam mihi committen-  
dum eſſe duxi, ut quamuis à portu in maximam tempe-  
ſtatem reiectus ſim, omnino tamen diſmiſſo gubernaculo in  
aſpera atq; vadofa loca nauem detrudi patiar. Hoc certè  
mihi honeſtiſſime facere poſſe vidcor, ut tecum dolorem  
meum communicem, à quo potiffimum ſecundum Deum  
non pars quedam beatitudinis, ſed integra felicitas, quoad  
hic ſperare licet nobis obuenerat. Perſuaſum mihi erat iam  
inde abiicente iuuentute, cum plura ſint honeſte uiuen-  
di genera, etatemq; in rebus ſummopere utilibus atq; ho-  
neſtis traducendi, ad longè omnium utiliſſimam & hone-  
ſtiſſimam aſſiquæ meas accommodaſſe. Primum, quod reli-  
cta comuni omnium hominum tempeſtate, in religionis  
portum conſugerā, ubi niſi penitus diſſoluti & ſacrarum  
rerum

rerum cōtemptores esse velimus, mira tranquillitas, atq;  
adeo certa salus inueniri potest. Deinde, quodcum in hoc  
genere hominum duplex sit viuendi ratio, altera agendi,  
contemplandi altera, relicta priore illa, ad eam quę mihi  
(¶) honestior & magis natura mea consentanea videba-  
tur, totum memetipsum conuerteram. Dies noctesq; ver-  
sabar in grauioribus studijs, eiusmodi diligentia, ut non  
me pœniteret quantum proficerem. Tentaueram postremo  
ut Theologia (¶) Philosophia venustas orationis, tanquā  
duabus matronis debitus cultus (¶) decor restitueretur,  
quo per iniuriam expoliata squallentes diu obsoletaq; ia-  
cuerant. Cumq; uidissem in ea re tentanda, studium meum  
à te non improbari diligentissime tecum egi, ut si quid etiā  
molestiarum aut sollicitudinis in hac religionis statione mi-  
hi relictum fuerat, id omne (¶) auctoritate (¶) auxilio tuo  
velut duabus iactis anchoris, sedaretur. Qua in re, ita stre-  
nue à te nobis nauata est opera, ut nihil in ea mihi desyde-  
randum reliqueris. Tu legatos ad principes ordinis nostri  
atq; ad ipsa comitia destinasti: tu magno sumptu (¶) labo-  
re copiosissima librorum suppellectile undiq; conquisita,  
vniuersam usibus nostris exposuisti. Tu ut nobis libra-  
riorum copia fieret, quo excribendi laborem effugeremus,  
rationem excogitasti. Tu amœnissimo in loco pulcherrimis  
aëdibus extructis, partem in eis longe pulcherrimam atque  
saluberrimam, ad usus nostros accommodasti. Tu postre-  
mo (quod minimum fortasse tibi videtur) mihi autem, ex  
quo patriam & satis amplum patrimonium sponte relinque-  
ram,

ram, iustar est maximarum diuitiarum, ut commodè sumptus mihi suppeditaretur, habita imbecillitatis meæ ratione prouidisti. Cumq; hæc omnia iam mihi uiderer certa quadam stabilitate possidere, repente inde tempestas exitit, unde minime suspicabar. ut non tantum ad frugem iam peruenientes oçij nostri fructus omnes absumpserit, sed & in posterum spem omnem propemodum abstulisse uideatur, quod ex summa quiete in sumam solitudinem detrusus sim. Satis enim tu ipse nosti, quàm difficile, quàm operosum negotium sit, quàm postremo & laboris & periculi plenum, alienis animis imperare. Et in pastoris morem diu noctuq; excubare pro caulibus. Accedit præterea incommodum illud maximum, quod tenuissima utens valetudine, & si mente maxime & ingenio ualerem, corpore tamen ad huiusmodi labores perpetiendos, minime idoneus uideri possem. Enimuero aduersum hæc omnia, fortissimus opponendus est obedientia clypeus, & quem me fateor cum primum in me acerbus hic nuncius, ex improviso impetum fecit, penitus abiicisse, confirmato iam animo resumendus. Quod quidem nondum me assequi potuisse, irruentibus undiq; molestijs, & confiteor & praefero. Nec tantisper me affecuturum spero, donec tu coram incredibili tua hilaritate & familiari vultu, accedente ad mirificam efficaciam ui maxima eloquentiæ, memetipsum mihi restitueris. Quod etiam à te nulla ratione fieri posse mihi persuaderem, nisi spes aliqua superesset, fore ut amore & beneuolentia tua pristinus ille rerum mearum status denuo à me recuperetur.

recuperetur. Cum enim tanta sit apud principes ordinis nostri auctoritas tua, quanta profecto esse debet, accessura sit insuper equitas postulationis nostrae, qui non ut ad altiorē gradum prouehar, sed uti ne omnino prouehar, peto, facile mihi persuadeo, si preces tuae intercesserint, priorem illā vitā tranquillitatem breui mihi restituendam esse. Vale.

F. Fregosio. Gregorius S.

Cum te propediem Nicaeam venturum esse sperarem, repente acerbissimo nuncio de rege Gallorum euentuq; praelij accepto, id quod à te factum est, fore ut omnino fieret mihi persuasi, ut scilicet istuc proficiscerere, id enim & salutis tuę & officij ratio mihi postulare videbatur. Postremis veroliteris quas Lugduni ad xij. Calend. Aprilis dedisti, istuc te futurum intellexi per totos hosce ieiuniorum dies, postea vero, voluntate quidem te in Italiam trahi, vereri tamen, (ut sunt in tam afflictis perditisq; rebus incertissima consilia) ut necessitatem aliquam non voluntatem sequi cogaris. Qua in re, non tibi consulendum, sed consiliorum tuorum exitum a me expectandum esse cognosco. Ego vero, cum iam (ut ad te scripseram) statuissem ad comitia nostra proficisci, postmodum hac rerum omnium perturbatione vehementer territus, non satis tutum fore opinatus sum terrestri maritimove itineri me committere, in tanta latrociniarum impunitate, & perditorum hominum licentia. Et tamen summo pere vereor, ne hic quoque maximis tumultibus & angustiis affligar. Ut quod  
vetus



vetus habet prouerbum, Lupum mihi videar auribus tenere, quem nec tuto dimittere, nec absq; maximo periculo retinere possim. Quoniam, si quid molestiarum hic nobis impendeat, non adeo certum est, cum in itinere non dubia pericula sint, omnino suspicor me ex his locis tantisper non discessurum, quoad quietiora tranquillioraq; omnia in itinere esse nunciabuntur. Illud præterea magnopere me mouet, quod neminem esse credo, qui coniectura assequi possit, ea loca ad quæ proficisci decreueram, bellum pacemne sint habitura. Quare (quemadmodum nunc est) magis remansionem quam profectionem nobis eligendam esse iudico. Quod si secus à me decretum fuerit, fiet illico per epistolam certior, & ad quam diem discessurus, & quo nam gentium profecturus sim. Tu quaque, ut idem facias vehementer etiam atque etiam rogo, quando ex tuis consilijs non parum dependent consilia nostra. Testamentum quod fidei nostra credideras, confestim acceptis litteris tuis, quando tibi sic placere intellexi, ut erat obsignatum flammis tradidi, quare nihil est amplius quod pro ea re dubius animi pendeas, ut non quacumque tibi uisa fuerint, vel corrigas uel immutes. De libris præterea, quando me hinc discessurum non esse confido, nec Jo. Bapt. nec alij cuiquam negociū demandabitur, ei uero qui ad nos à te literas deferet, maxima cū fide à me restituetur. Tu (si fieri cōmodo tuo potest) interim quā creberrimas ad nos literas dabis: nihil enim cū mihi gratius, tū etiā ad rationes. Vita meæ expediendas accommodatius facere potes. Vale.

Rascasio

Rascaſio Iuriſconſulto: Greg. S.

**V**lde quam ſecuri animi ſim de tēnera adhuc amicitia noſtra, & humaniſſimis tuis pollicitationibus? Qui etiam inter tot difficillimas occupationes quibus neceſſe eſt animum tuum diſtrahi, non verear tibi moleſtus eſſe? Tu vero ex eare potiſſimum animi noſtri coniecturam facere poteſ, nam qui mediocriter amant, viciffim quoq; magnum quippiam de alterius in ſe amore ſibi polliceri nō conſueverunt. Ego autem cum tui gratia ad quæq; maxima paratiſſimo animo ſim, ruruſ ſidem de teiſpo mihi polliceor. Et ſi non ea eſt facultas noſtra, ut beneficijs tuis ſperem me longiſſimo interuallo aliquando reſponſurum eſſe, ſed ut eſt apud Tribunianum tuum ex Homero pro auro calybem, in amore certe nunquam conſeſſurus ſum. Quando te optime intelligere ſcio, non facultatis ſed voluntatis rationem in amicitia haberi oportere. Litteras igitur ad Pontificem Salernitanum tui ex noſtris tibi reddendas tradi di, ut opera, autoritateq; tua magna cum fide Luguduniū perferantur. Perſuaſum nanq; mihi eſt, ob negociorum magnitudinem, te quotidie certiſſimos nuncios, qui illuc proficiſcantur, habere. Id ſi feceris maximum nobis à te beneficium præſtitum eſſe iudicabo. Vale. & nos familiamq; hanc dilige.

Benedicto Theocreno. Greg. S.

**M**Agisne tibi gratuler, an regi omnium ſapientiſſimo, regiēne ſtirpi an totius Gallie populis nondum ſa-

tis constitui. Tibi certe in primis quo ad amicitia nostra cō  
 sentaneum est, mirifice gratulor. Quod unus potissimū ele-  
 ctus es, cuius innocentissimis moribus et sanctissima discipli-  
 na futuri aliquādo regis omniū maximi atq; potētissimi, pri-  
 ma rudimenta cōmēdarentur. Ut egregie illius indolis, quæ  
 omniū ore tantopere celebratur, admirāda materia, tanquā  
 in manū præclari artificis deueniret, in absolutum quoddā  
 & ex omni parte perfectissimū opus, formari possit. Quod  
 si tibi iam inde ab ineunte adolescentia, ea mente in hone-  
 stissimis studijs laboratum vigilatumq; est, ut assidue  
 præclaram aliquam opportunitatem tibi se ostensuram spe-  
 rares, in qua virtus tua posset enitescere, nunc illa certe  
 se tibi eiusmodi obtulit, ut non maiorem honorē mē  
 potueris desyderare. Fidei enim virtutiq; tua commenda-  
 tus est adolescens in tantam spem natus, ut præceptis &  
 consilijs tuis obtemperans, omnis aui præstantissimum se  
 regem sit præbiturus. Quo nomine, non tibi solum aut  
 patriæ tuæ, sed vniuersa Italia laudis, famæq; incredi-  
 bilem accessionem faciendam esse tibi persuadeas velim,  
 nunc demum enim eruditionis Italica splendor sic gen-  
 tibus illis elucere incipiet, ut tandem credituri sint, fuis-  
 se olim homines nostros, tanta non innocentia solum &  
 integritate, sed etiam doctrina & eruditione, ut hi po-  
 puli beatissimi iudicarentur, quibus partem aliquam tan-  
 tæ felicitatis voluissent impartiri. Cum tibi non mul-  
 to minori quā Aristoteles fuit, hunc longe maiorem fu-  
 turum quā Alexander, fructus omnes & indolis & in-  
 genij

genij sui acceptos relaturum esse omnes intelligere poterunt. Quem & ipsum certo scio, cum non à conficta quadam Xenophontis disciplina, sed à sanctissimis praeceptis tuis ad officium diligentis & moderati imperij excultus fuerit, daturum operam ut nomen illud Christianissimi, quod à maioribus habiturus est hereditarium, aliquando etiam per se partum possideat. Et quod Alexandro visum est, magis velit *ταύτην ἀπὸ τοῦ πατρὸς ἢ τῶν διδασκάλων δια-  
κίπειν*. Nequeo plane satis admirari regis ipsius providentiam atq; consilium, qui cum Gallias videret uberrimo proveniēti doctissimorum hominum abundare, incredibili tamen iudicio, te potissimum ex omnibus elegit, à quo longe maiora quam a patre regis filium accepturum esse putaret. Gratiasq; ut opinor, Deo opt. Max. agit immortales, quod tuo potissimum tempore natus sit, qui quem admodum Phœnix Homericus illum docere possis *μὴ δὲ  
τε πρὸ τῆς ἐπιμύθου ἀποκρίσεως ἰσχυρῶς*, qua in te non ultra tibi laborandum esse video, quam, ut Alumno tuo patris admirabilia gesta proponas, & ad ea imitanda & emulanda, quoad eius fieri poterit, hortaris atque incites: ut aliquando cognoscat honestissimam sibi necessitatem impostam esse, illius laudi, & moribus & rerum gerendarum glorię respondere. Contigit certe sepius ut qui maiorum praeclare gesta ausi sunt emulari, illos demum longo intervallo superaverint. Qua victoria nihil puto gratius illis contingere posse, qui ea ratione vincuntur. Ceterum uniuersa Gallia tanquam pro certa atque adeo iam adepta se

licitate, mirū in modum gratulor; quod eum qui præceptis philosophiæ egregie excultus fuerit, regem etiam aliquando sunt habiturū. Qui consilijs atque fortitudine, æque prolatis imperij Gallorum ac Christiani nominis finibus, ab extremis orbis partibus ad nos reuectus pulcherrimum ac iustissimum triumphum sit acturus. Cum deuietis omnino nationibus quæ Christiano nomini sunt infestæ, sublato omni & bello et belli timore, pace terra mariq; parta non tantum uictori ipsi, quā tibi cuius præceptis obtemperans, ad eum felicitatis gradum peruenit gratias acturi, nec minori cum admiratione regem ipsum quā Theocrenum intuituri sumus. Tunc etiam liberalium omnium disciplinarum amplissimus prouentus, tanto fructu se efferreret, ut non prouocaturos solum omnem antiquitatem, sed superatuos etiam longo interuallo nos esse confidam. Verūtamen quoniam propediem te uisurus sum cætera in id tempus differemus, non enim mihi persuadeo tantum hunc felicitatis cursum, aliquid in te pristinae facilitatis mutasse, nisi ut quantum uis tantundē amicis possis prodesse, suauitatē igitur congressus tui, perinde atq; antea mihi polliceor. Vale.

Hieronimo Grimaldo. Greg. S.

**G**Ratias tibi habeo maximas, quod literas Francisci ad me, tāta cū diligentia reddi curaueris, longe etiā maiores habiturus, si uicissim nunc operam dederis, ut nostræ ad ipsum perferantur. Scripsit enim ad me, se ex quodam ciuium tuorum intellexisse, volumen, quo in eius scripta inuheret,

inueherer, dudum à me parari. Quod & si nullo pacto nobis verisimile sit, coniectura facta ex civium tuorum, qui istic negociantur moribus, non tamen omnino mihi faciendum esse duxi, ut illi non rescriberem, quod gravius de me conquerebatur, quam nec dum instituta amicitia consentaneum fuit, quod si fortasse verum nobis rescribere voluerit, gratissimum mihi erit, si rursus eadem diligentia perfeceris, ut summa cum fide Genuam litterae perferantur. Vale.

Pamphilus Saxus. Greg. S.

**V**ltam diui Geminiani huic ad me dato, quam ego composui, non, ut dictis facta eius equarem. Non sum enim tam amens, ut, quæ mente non concipio, verbis explicare contendam, sed ut quas possum, quando quas vellem non possum, gratias illi agerem. Nullum enim tam largum flumen ingenij est, tam ingens copia dicendi, quæ beneficia eius in nos collata, oratione complecti possit. Quare tam amplum est, quod illi debemus, ut nihil amplius sit. Debemus enim aras, focos, arcem, corpora simul & animas. Quoties deuastati agri, depopulata fruges direpta fortunæ, & euersa nobis mœnia fuissent? Quoties atrati in squallore & luctu omnes fuissetus? Ita me diu ament, ut non modo urbs nostra non extaret, sed nec urbis vestigia viderentur. Quamobrem studiosi omnes & præsertim hi qui litteris mitioribus (ut tu) politi sunt iure tenentur Deo huic nostro tutelari, maximum honorem, qui propter



propter maxima merita cui piam debetur, exhibere, hoc est, laudes cumulatissimas, carimonias & cultū prestare. Sed de his satis. *L*erinam tuam ad te mitto, cur enim tuam non appellauerim, quam tu, non ex putri semine, sed sincero & incorrupto genuisti, quam nouus Iuppiter excusso capite, sine matre procreasti? protulisti que fetum qui nulla uinulla iniuria frangi debilitariue potest. Eduxisti illam ex tenebris in lucem, ex caligine in splendorem, ex nocte in diem. Igitur genuisti. Nostin' argumentationem? Verum te parentem probaui, quando nihil aliud est gignere quam piam, quam illi lucem, id est animam dare. Sed tu illustrasti eam, patefecisti, in lumen in nitorem dedisti, que in occulto latebat. Hæc anima hæc uita est. Quæ nec deleri tempore nec morbo aut senectute corrumpi potest: quando illam memoria alit suo neectare, & æternitas pascit ambrosia. O quam magna & alta de te percipio, si uixeris. Sed uiues si ualeitudinem curaueris, intermisseris studia, relaxaueris animum, et in te aliquando descenderis, & ad sensus redieris, rorem que cælestem illum biberis, quem ego soleo Deum parentem que salutis nostræ nō immerito appellare. Quoniam sine horrore remedia, sine tormento curas, impunitam denique nobis sanitatem gratis etiam offert. De Aquariano latice intelligo, in quo proculdubio incolumitas tua, & salus sita sunt. Cura igitur qua maiore potes diligentia, ut qui semper sanctissime uixisti, firmiter aliquando & prospere uiuas. Nec mireris si semel atq; iterum de curatione ualeitudinis tuæ te admoneo,

te admoneo, tua enim cautio, mea cautio est, & in tua vita, nostra consistit anima. Vale.

Pamphilo Saxo Mutinensi. Gregorius S.

**S**l tantum mihi deberet Lerina mea, quantum tibi Geminianus noster, atque eo nomine ciues tui, non recusarem, quin me & datorem lucis & parentem appellares. Vi deo vero laudationem meam tantum ab eius loci pulchritudine superari, quantum tu ad Geminiani maiestatem ingenio & eloquentia proxime accedis. Nā ut verum fatear, cum super omnes & pie & caste venerandi sint, sacrisq; & caerimonijs propitiandi, præcipua tamen quadam ratione à communi patria honoribus, quam maximi excogitari possunt numen hoc tutelare nostrum afficiendum esse videtur. Nec ea tantum de causa quod ciuis noster, quod Pontifex fuit, sunt hæc certe maxima, sed longe illa maiora quæ tu & copiose & eleganter enumeraſti. In quibus mihi visus es, cum admirandis eius viri meritis, amplitudine & magnificentia orationis velle contendere. Caterum quod tantum mihi tribuis, & tantopere de salute mea sollicitus es; magis certe vim quandam amoris incredibilem in te recognosco, & ideo me tibi plurimum debere cōfiteor, quam in me quippiam tale videam, quale tu de me tibi polliceri videris. Utar tamen & consilio & adhortatione tua in Aquariano latice bibendo, omnisq; à me adhibebitur diligentia, ut si ea res minus ex voto successerit, nihil tamen à me prætermisſum esse conqueri possis, eorum quæ ad corporis fir-

vis firmitatē valetudinēq; recuperandā proficere possunt. Magis plane ut diutius suauissima consuetudine tua caterorumq; amicorū mihi frui liceat, quā ut sperē quippiā iucundū ex ea re mihi cōtingere posse. Quid enim est cur inter affi-  
duas egritudines, totq; & nostrā ministrorū incōmoda diu-  
turnitas vita nobis exoptanda sit? Nisi fortasse ut, quō ea  
fuerit longior, sic ego quotidie magis ingrauescēte vi morbi  
acerbius torquear. Ut omnibus qui me diligunt miserabilis  
magis quā iucundus esse possim. Verūtāmē si spes aliqua no-  
bis offendetur cōmodius hac ratione viuendi, quādo in vita  
mea animā tuā cōsistere scribis non cōmittam, ut, & si tā  
anxia cura valetudinis mea causa mihi admodū molesta est,  
humano generi tñ detrimenti afferā, ut aliqua nostra negli-  
gētia, maximo uite tuae fructu morte mea priuetur. Vale.

Φίλιππῳ Σαυλῶν ἀρχιερεῖ.

Γρηγόριος.

Γνώμας Ἰωάνης ἡγῆ παλαι σοφῶν ἀναλεξάμενος τίμωτοι διορίλας αὐτῷ Φίλιπ-  
πῳ. εἰ δὲ μῖτις ἤν ἡμῶν, Ἰανῶ ἀναβελήδω. εἰσὶ ἡ αὐταὶ ὡς ἀπορήματα  
προβλεῖναι μὴ ὑπὸ ἀμάσιδος τοῦ αἰγυπτίαν βασιλέως. διαλυθεῖσαι ἡ ὑπὸ  
τινὸς αἰδιοτίας βασιλεύοντος. ὡς φησὶ πλούταρχος κατ' ἐκείνον, μετὰ ταῦτα,  
ἡ ἐν τιματωσίᾳ ἡ ἐν ἡπῶν σοφῶν ὑπὸ βαλεῦ κατ' αὐτὸν Πλούταρχον. ἄλλως, καὶ  
ὡς τοιοῦτο βέλτιον ἀποδοθεῖται. τοῦτου ἡ καὶ αὐτὸς κριτὴς ἐστίν. οἶδα δὲ γὰρ καὶ  
ἡ ἐξωτέρως φιλοσοφῶντων ταῦς γνώμας, ὡς δὲ αὐτῶν, χαίρομεν, καὶ κατὰ τοῦτο  
οὐκ ἀπάρκεις τοῦ τῆς κατ' ἡμᾶς σοφίας χάματος. βασιλεὺς ὁ μέγας καὶ ὁ θεῖος  
Ιερώνυμος, πρὸς μαρτυροῦσι τῷ λόγῳ, ὁ μὴ διδάσκων ὡς δεῖ καὶ τὰ κατ'  
ἐκείνους ἡμᾶς εἰδὲ ὅτι μετίναι, ὁ Νεγε θεῖος Ιερώνυμος πολλὰ καὶ μετὰ φαι-  
νόμενος τῆς ἡ ἐκκλησιαστικῆς παιδείας. ἐν ἡλικίᾳ δὲ καὶ ἐν οἷς διέβησις ἐστὶ ἀπο-  
λωνίου τοῦ τυραννῆος, καὶ τῆς ἐν ἡμῶν ἡ ἀναρχίας, καὶ τοῦ τούτων  
μὴ ἄλλως, πρῶτον δὲ τίθει καὶ τὰς τοῦ αἰδιοτος ἀποκρίσεις, πρὸς τὰς τοῦ  
ἀμάσιδος ἀπορίας, μετὰ ταῦτα ἡ τὰς τοῦ βαλεῦ, τοῦ ἡ ἐν ἡπῶν, διορδω-  
σης τε, καὶ ἐν ἀποκρίσεις.

ἡμᾶς

ἑμᾶσι	ἰ αὐτοῖς	ἰ θαλῆς.
τὸ πρῶτον	χρόνος	θεὸς ἀγγέλλον γὰρ
τὸ μέγιστον	κόσμος	τόπος. Ἰὼν γὰρ κόσμον οὗτος πε- ρίχει.
τὸ σφύρτον	ἀλήθεια	χρόνος. τα μὲν ἄρκει, τὰ δὲ ἄ- ρῃσι.
τὸ κάλλιστον	φῶς	κόσμος, πᾶν γὰρ τὸ κατὰ τάξιν τούτου μέρος ἐστὶ.
τὸ κοινότατον	θάνατος	ἐλπίς. καὶ γὰρ οἷς ἀλλομυθῶν, αὐτῷ πάρεσι.
τὸ φιλιμώτατον	θεὸς	ἀρετὴ. καὶ γὰρ τὰ ἄλλα τῷ χρεῖ- σαι καλῶς ἀφίλημα ποιῇ.
τὸ βλαβερώτατον	δαίμων	κακία, καὶ γὰρ τὰ πλεῖστα ἐλα- ττεῖ παραγομένη.
τὸ ρωμαλέωτατον	τύχην	ἀνάγκη, μόνη γὰρ ἀνίκητος.
τὸ ῥᾶστον	ἡδὺ	τὸ κατὰ φύσιν.

Θαλῆς ἔφη τὸν χρόνον οὐκ εἶναι πρῶτον, τὸ μὲν γὰρ αὐτοῦ γεγονός  
τὸ δὲ ἐπεὶ οὗτος ἐστὶ, τὸ δὲ μέλλον, καὶ ἐμὲ ἡμᾶς ἐσόμενος χρόνος καὶ πραγμάτων.  
ἐγὼ νῦν καὶ ἀνθρώπων νεώτερος ἢ φανείη. ἢ ἀλήθεια οὐκ ἐστὶ σφύρτον,  
τούτο γὰρ ὅμοιον τῷ, τὸ φῶς οὐθαλμῶν εἶναι λέγειν. ἢ δὲ σφίθει καὶ δαιμό-  
νων ἀποκρίσις θράσος ἔχει, καὶ κίνδυνος πῶς λήγῃ ταῦτα σφίθειναι. ἄλογος  
ἢ καὶ ἢ σφίθει τύχης, οὐ γὰρ ἀντιέπικτο βελτίως ἰχυρώτατον οὐσα ἐστὶν ὄλως  
καὶ ρωμαλέωτατον. οὐ δὲ ὁ θάνατος κοινός, οὐ γὰρ οἱ ζῶντες αὐτοῦ μετίζουσι.  
οὐτῷ μὲν τὰ ἰού κείνοπος ἀνασκόλλει θαλῆς. οὐ δὲ ταῦτα ἀμύμων τε ἀπο-  
δέξαι, καὶ τῷ ἀδελφῷ σου Δομνίῳ, καὶ τῷ θεῷ ἡγαμένοι τῆς ἡρωτάτης ἡμῶν  
σωτῆριος, ὡς δούλον με σύστησον. ἔρρωσο μεμνημένος του σοῦ Γρηγορίου.

Φιλίππῳ Σαυλῶ.

Γρηγόριος.

ΕΓὼ πρὸς τὸ γράψαι ταῦτα πολυῖτα χρόνον ἄκρουσθαι, ἐμολογῶ. ἢ ἢ αἰτία  
θεσπιστοῦ Φιλίππου, διὰ τὸ μὴ δύνασθαι με σοὶ χαρισάσθαι φίλον ἀρίστον, καὶ  
κοινοτάτων, καὶ καθ' ἡμᾶς. ἐπειδὴ γὰρ ἐγὼ ὑμῶν τινος κόσμου, καὶ φιλοφρονῶ  
πολλὰ καὶ μετὰ πρὸς ὑμᾶς, δίδου καὶ τὸ πρᾶγμα ἐκα-  
ταλίσκος, εὐρυν. ἀδελφάτοί μοι παντάπασι τὰς ἐν ταῦτα ταρῖναι διακρίσεις.  
πάντα ἢ τὰ κινδυνεύοντα μαθήσῃ παρὰ τοῦ προσφιλῆ σου. οὐτῷ μὲν εὐὺ ἄκρουσθαι,  
ὡς ἐφικν,

Bb

οὗς ἔφην, πρὸς τινὲς ὁπισθῶν. φίλον δ' εἶδὼς ἀδικεῖν, εἰ καὶ ἄκων, καὶ ταῦτα φίλον τοιοῦτον. σὲ ζημὶ τὸν θεοφιλέστατον φίλιππον. ἀλλὰ ἀναιμνηστὴς σου τὸ φιλεάνθρωπον ὑπὸ σου μὲν ὑπάρχοντος ὑπὸ δὲ τοῦ σου καὶ θεοῦ Διονυσίου παρόντος πάλλει ἰθάρρησα, ἀροτρακίς ὁπισθεῖλαι σοι. καὶ πρὸς τὸ μᾶλλον ὑποβλέπων σου δέομαι γράψαι ἐπὶ δωμαίμιν σοι χάρισάς προσάποντι εἶδῃ δὲ καὶ παρών μοι προσέλαπες ὁσημέραι. ἔγραψο.

Dionysius Monachus. Gregorius S.

**B**aptista noster, cum sese ad nos recepisset, gratissimum nobis de tuo istuc aduentu nuncium attulit, nisi quod ex navigatione, te solito imbecilliores esse assererat. Atq; ideo effectum, ut ad nos (sicuti promiseras) non nauigaris. Scito enim reditum tuum ad nos, omnibus futurum optatissimum. Cuius dilatio cum omnes molestia afficiat, me tamen eo magis angit, quo maiorem ex consuetudine tua fructum percipere consuevi. Tua enim ingens in me humanitas, locataq; beneficia (ut interim de ornatissimis moribus sileam) tam arte me tibi deuinxerunt, ut si te non amem, non tam rusticus aut ingratus, quam etiam impius mihi esse uidear. Quare, nō mediocriter adhibenda mihi cura est, ut eorū memoriam (quando tibi gratiam referre non valeo) nulla unquam aut locorum aut temporum spacia delere potuisse uideantur. Tuli vero agerrime tabellariorum tantum fuisse incuriam aut certe perfidiam, qua nimirum sit factum ut nostrae tibi litterae minime redderetur. Nam Grassensis tuus, cum mihi tuis rebus semper fauere uisus sit, tū uero lectis litteris tuis, quibus de tuo ad nos reditu sententiam tuam aperiebas, perspectus est à me toto animo de te ac de tuis commodis cogitare. Communica-

tis q;

tisq; mecum (quæ est eius in me humanitas) tuis litteris, atq; eius de te sententia, rescripsit ad te ne se diutius in tui desyderio esse paterere. De qua eadem re, & ipse iam binas ad te literas dedi, quibus eius quem in te habet animi admonebam. Is tibi iam ad fastigium usq; cubiculum ex animi tui voto extruxit. Quod omni tumultu ac strepitu liberum tuis studijs maxime commodum futurum non dubito. Huic hærebit ambulatio non minus iucunda quàm ab omni hominum accessu secreta & remota. Multa præterea tibi quæ ad negotium pertinent scribere possem, quæ de industria omitto, quod sperem te propediem ad nos venturum. Solum hoc addam, quod & si virtus tua multos tibi amicos conciliauit, caue tamen putes aliquos te aliquando habiturum, cum quibus æque libere ac iucunde agere possis quàm cum Grassensi nostro. Cuius vel tota cura in id videtur conferri, quomodo tuis sese optatis accommodet. Vale.

Dionysio Monaco. Gregorius S.

**N**ihil novi nobis litteræ tuæ nunciarunt, nequaquam enim mirum est, aduentum meum istuc vobis esse optatissimum, quando is est meus amor erga vos omnes, ut si ei respondere volueritis, non minori vos expectatione meæ ad vos profectionis, quàm me vestri visendi desyderio necesse sit detineri. Non quod me cupiam vestrum longo intervallo comparem, aut quippiam putem in me esse, quod tantopere à vobis desyderari debeat, sed quod eiusmodi



desyderia, non rei ipsius precio, sed mensura amoris extima-  
 ri solere non ignoramus, recte enim Theophrast. ait. τὸ φιλοῦν οὐκ ἐστὶ τὸ φιλοῦναι, ἀλλὰ τὸ ἐκ τῆς ἀγάπης. Litteras vero tuas vel perfidia uel  
 negligentia tabellariorum perijisse, tantopere doleo, ut ni-  
 hil mihi eiusmodi iactura molestius accidere potuisse putem.  
 Cum enim nihil magis optem, quàm ut tecum quandiutis-  
 sime uiuam, utarq; & gratissima tua consuetudine &  
 suauissimis congressibus, tãtis per certe me allocutus fuisses,  
 donec ego literas tuas perlegissem. Quare consequens est, il-  
 lud in epistolis tuis contingere, quod ut quaq; longissima  
 est, ita mihi maximopere sit iucunda. Omitto quod coniectu-  
 ra ex ceteris facta, certissime mihi persuadeo, nihil illis lit-  
 teris ornatiùs & elegantius fieri potuisse. Quo fit, ut dam-  
 num quod ex earum iactura fecimus ea ratione multiplice-  
 tur. Quod vero de Grassensi scribis, scito me omnino ope-  
 ram daturũ; ut non frustra tantus uir adeoq; mei amans,  
 aduentum nostrum diutius expectet. Mihi enim impostam  
 esse video honestissimam necessitatem assidue cogitandi, si  
 qua ratione tot illius in me collatis beneficijs opere respon-  
 dere possim. Verum quia id non modo arduum & difficile,  
 sed penè infinitum esse, uidetur, enitar certe quoad eius fie-  
 ri poterit, ut in ea re gratitudinem animi mei aliqua ratio  
 ne cognoscat. Et quoniam (ut ais) & cubiculum & am-  
 bulationem nobis tanto studio parari fecit, quod ad edifica-  
 tionis formam attinet ex animi mei voto, & quod maxi-  
 ma mihi voluptati futurũ est, ab omni strepitu tumultuq;  
 hominum remotissimum, nihil iam apud me antiquius erit  
 quam

quàm ut ad viri liberalissimi meiq; amantiissimi magnifica munera perfruen-da confestim aduolem. Mibiq; certissime persuadeo, inter tantam expectationem vestram, me repente vobis in expectatum superuenturum. Vale.

Dionysio monaco. Gregorius S.

Cum elapsis paulo ante diebus prolixas ad te litteras dederim, nulla omnino causa esset, cur te tam frequenter obtunderem, nisi me tam etiam fidelissimi huius nunciij opportunitas prouocasset, quam si elabi permitterem contra officium me omnino facturum esse arbitrarer. Breue est igitur quod te ut rogem meus in te amor cogit, nimirum, ne nos in tui desyderio diutius esse patiari. Quàquam te id fuisse facturum intelligo, nisi nouum aliquod negocium istic adhuc dies aliquot manere te inuitum coëgisset. Gaudio planè, te in animum induxisse, nullum esse locum qui honestissimis tuis opatis tam pulchre respondeat, quàm hic roster, ubi literato ocio ac quiete, insuper et iucundissima amicorum consuetudine frui possis. Nam et si ubiq; multos esse credo, qui cum te norint amare (quod sine adulatio-ne dictum sit) merito cōpellantur: nusquam tamen facile inuenias quibus aque carus sis ac nobis: quibusque tui aduentus aque sit in uotis. De me omittam dicere. Grassens noster sola tui memoria se mille curas mitigaturum mihi asseruit, cum quo nunquam mihi esse contingit, quin plura de te loquentes spacia conficiamus. Sed tu ipse, eius in te animum hinc coram melius perspicias. Præterea, Augustinus

Scipius,

*Seraptus, qui has ad te meo nomine attulit, Grassensi nostro est a secretis, hunc si tibi commendem, importune satis me acturum puto, cum tua humanitas benignitasque sese eiusmodi viris etiam ultro exhibeat, homo est cum bonis litteris, tum honestis moribus praeclitus, tuique imprimis studiosissimus. Vale.*

Dionysio Monaco. Greg. S.

**N**equaquam vos haecenus suspensos habuissem expectatione aduentus nostri, nisi me Federicus Salernitanus Pont. ad hanc usque diem detinisset, qui tot tantaque beneficia in me contulit, atque adeo vehementi amore persequitur, ut nihil maius aut vehementius fieri posse mihi certissime sit persuasum. Et quoniam dubius animi inter Grassensem Salernitanumque pendeo, vereor, ne is me sibi totum vendicet, cui nunc me totum contingit possidere. Accedit quod cum tumultuosissima tempora sint, nequaquam his quibus cum hoc negotium contuli, tutum fore visum est ut mari terraque (ut nunc se res habent) periculosissimo itineri me committam. Praeterea, cum haec ciuitas (ut nosti) factionum discordijs agitari consueverit, nuper in mentem Federico venit (ut est optimus atque sanctissimus) omne studium cogitationemque in id intendere, ut ea, quae totam se illi nunc credidit, patria, omnino ad concordiam reuocetur. Qua in re id minimi facit, quod longe maximum ferè omnibus videri posset. Nam si id quod tantopere cupit assequetur, omnino illi dominatu atque imperio est concedendum.

Tanta

Tanta vero est eius erga patriam pietas, ut non absq; imperio solum, sed exule etiam & extorris (si ita communibus rationibus conducet) quod reliquum vite illi supererit sit acturus, modo florentem tranquillamq; patriam derelinquat. Et quoniam maximus est mihi in hac ciuitate amicorum numerus, nec ferè aliquis est ex principibus, qui non mihi sit coniunctus arctissima consuetudine, diligentissime mecum egerunt, cum Federicus ipse, cū alij complures, quibus publica hac concordia maxime cordi est, ut nihilomni-  
no de discessu meo cogitarem, secuturos enim esse quamplurimos & consilium & adhortationem meam. Quare, nequaquam mihi integrum fuit, id negotium derelinquere, pro quo etiam si longissime abessem, Genuam statim essem aduolaturus. Præterea, & si scio me tibi non iucundissimum nuncium allaturum, ut tamen amici memoria iusta persolvere possis, nullo pacto mihi committendum esse duxi, ut non te de ea re facerem certiore. Scripsit ad me Petrus Bembus, Longolium nostrum nuper, diebus aliquot continua febris vexatum decessisse. Nihil addam amplius. Tu qui eius viri virtutes probitatem & doctrinam aque atque ego cognoueris, facile cogitabis, quanto opere nobis pro tam graui casu sit dolendum. Ego quidem ita affectus eo nuncio fui, ut nunc demum me intelligere putemamo, ris uehementiam qua uiuentem illum prosequabar. Non igitur fraudabo amicum debito testimonio. Maxima & præclarissima ingenia ætas nostra protulit, unicus tamen mihi Longolius extitisse uidetur, in quo cum virtute probitas, cum  
utraq;

utraq; ingenium: postremo cum his omnibus candor, atque iudicium decertarent. Caterum, Seraptus ille tuus, quem tantopere mihi commendas, si bonis litteris præditus sit, nō satis scio, cum certus sim illum penitus honestis moribus carere. Exceptus enim a me humaniter & benigne, & fratri meo qui Mutinæ erat artissime conciliatus, post maxima beneficia accepta, sic ab eo discessit, ut me etiam scribere pudeat, in quantis criminibus sit deprehensus. Nescio uero qua ratione accidere potuerit, ut in diuturna intimaq; consuetudine, mores adeo damnandi à Grassensi nostro detecti non fuerint. Vale.

Franciscus de Sancto Venerio. Greg. S.

**S**um miratus, quod, cum ceteris, qui eodem tempore, quo ipse, ad te scripserunt, & alijs etiam, qui nunquā literas ad te dederant, responderis, mihi nihil adhuc ad ea quæ volebam rescripseris. Quid vero est quare id accidisse suspicer, nisi vel te nostri penitus oblitum, vel te hoc mearum literarum officium damnassem putem? Ego tamen tui semper memor ero, te & præsens & absens equidem semper amabo. Non enim ex eo hominum numero sum, qui præsentem tantum amant, absentes vero obliuiscuntur. Nec te literis appellare desinam, quotienscunq; mihi scribere vacabit. Itaq; contemnas licet hoc meum scribendi officium, qui quanti te faciam quāq; amem, vel illud certissimum est argumentum, quod de te summo studio & diligentia ex omnibus qui istinc veniunt, & quos na-

Et us

Etus sum, semper quasiui, quod nunquam tam sedulo fecissem, nisi te mirifica vi amoris prosequerer, qui in amore in te meo haud quaquam puto me à quoquam superari, ut ex eo qui tibi literas meas reddet, diligentius intelligere poteris: quæ res est mihi ad breuitatem aptior. Sed de literis & de meo in te amore hætenus. Decreueram, si vis pestilentia maior ingruisset, quod tamen sperandum in melius est, istuc me conferre, ut talia tempora tecum exigerem, sed dubitavi ne reciperer. Mihi sane rem gratissimam feceris, si opusculum illud, quod erat alligatum meis ad te literis, eue stigio limatum expolitumq; remiseris, quod certe scio in causa fuisse, ne literas abs te acceperim. Posthac ero prudentior. Ego amico nostro qui libellum à me quotidie cultū reposit, intra resurrectionis dies, me abs te accepturum pollicitus fueram: te obsecro & obtestor, cures ad me tuto perferendum. Hoc à te ita peto & contendo ut nihil vehementius abs te unquam contenderim. Vale.

Francisco de Sancto Venerio. Greg. S.

**A**ccidit tabellariorum negligentia, ut uterq; nostrū de altero conqueri posse videatur. Ego binas ad te literas dedi, quas ex tuis coniicio redditas non fuisse, cum vicissim quoq; abs te nihil literarum acceperim. Illud certe mirum mihi videtur, quid causa fuerit, quod cum ceteri omnes, ad quos epistolæ dedi, summa cum fide illas se accepisse ad nos nuper rescripserint, tu solus à tabellarijs sis præteritus. Quare diligentissime danda est in posterum opera

Cc

ut &amp;



Ut & istec iactura sarciat, & crebritate literarum om-  
nis superetur tabellariorum negligentia. Nam & si omni-  
no silere statuissem, excitant certe nos mirificus ille amor er-  
ga me, quem postrema epistola tua declarat. Scribis enim,  
te quamvis illud tuum scribendi officium à me contēni per-  
spexeris, iccirco tamen desitutum non esse nos literis com-  
pellare. Ego vero tam nequeo officium tuum hoc plenissimū  
amoris & humanitatis contemnere, quā tu me absentem  
non potes obliuisci. Cum enim in ceteris omnibus me abs te  
superari facillime patiar, nunquam in mutuo amore nostro  
tibi sum concessurus. Ceterum mirifice gaudeo pestilentia  
istic remissius descivire: vix enim dici potest, quanta me mo-  
lestia affecerit ciuitatis istius miserabilis simul atq; diutur-  
na calamitas. Quae licet omnibus merito deslenda esse vi-  
deretur, parum tamen absuit, quin inter maximos mæro-  
res, nuncium mihi: attulerit optatissimum gratissimi aduen-  
tus tui ad nos, nisi tu inconsulte omnino veritus fuisses, uti  
à nobis non recipere: tantum enim absutura fuit à nobis  
adeo fæua inhumanitas, ut etiam omnes tibi obuiam fue-  
rimus prodituri, excepturiq; publico cum apparatu carissi-  
mum hospitem. Quod præterea vereris opusculum illud in  
causa fuisse, ut non literas à me antea acceperis, fateor cer-  
te me ea de re nihil omnino hætenus rescripsisse. Qua enim  
ratione fieri posse putasti, ut nunc demum primis gramma-  
tices rudimentis denuo operam darem? & quantitatem  
syllabarum pedumq; mensuram, sic anxie examinarem,  
ut si desiderio tuo voluissim satisfacere, mihi rursus fue-  
rit

rit repueriscendum. Quare, recte facies si, ut scribis, post-  
hac fueris prudentior & diligenter cogitaueris, quidnam à  
quoq; potissimum sit requirendum. Vale.

Benedictus Theocrenus. Greg. S.

**E**T si quid mihi faciendum esset intelligebam, cū Chri-  
stophorus Longolius iuuenis eruditissimus, tanta cum  
modestia præfatione ad te scriberet: tamen Stephanus Sau-  
lius postquam tuas ad Longolium, Longolijq; rursus ad te  
litteras mihi legendas dedisset, tui erga nos amoris, qui nul-  
lius in te meriti nobis conscius sumus, vehementiam ita ex-  
pressit, ut tam alicuius audacia quàm ingratitudinis nota,  
tibi maluerim. Vide, te quæso, quantifaciam me ab homine  
ornatissimo amari, qui hac infantia maximam eloquentiam  
prouocare non verear, Censento sane me, alij temerarium  
tanquam minimum pensi habeam te ipso literis appellando,  
tui summi Viri primas deferunt, sequæ omnem reuerentiã  
scribendo prætendentes insinuant, dum, quantum ob istam  
optimam voluntatem debere me tibi existimem, quouis di-  
cendi genere declarem. Nos quidem præ uobis, hoc est, eru-  
ditis & sapientissimis: sed non continuo ut te admodum ut non  
plurimi estimemus, quicumq; de literis bene merentur, in  
quo tu ordine, quem locum tenere mihi videaris, si dicere  
incipiam, magnopere timeo, ne aliquam me hinc tibi amoris  
gratiam oblique referre suspiceris, potius quàm ita omni-  
no sentire. Quauquam, quas tibi laudes apertissime contri-  
buit Longolius, ea à ceteris qui te post Longolium laudaue-  
rint,

rint, omnem assentationis aleam deprecantur, tam acri est ille (ut inter omnes literatos conuenit) iudicio. Sed qualiscunq; ego fuerim, miro quodam desyderio tui adeundi uidentiq; totus flagrare cœpi, ex quo meus Saulius assueuerat testatus est, ad illa τὸ ἐγκλοπαίδειαι, quæ tibi, aut uni fortasse, aut certe omnium consummatissime, hac ætate inest, accedere incredibilem quãdam morum suauitatem & candorem, quo nomine, quãto etiam impensius te diligam atq; obseruem, haud facile dictu existimo. Ut taceam quod ultro amantem non amare atq; completti ἀπαυθρῶ που, nedum ἀτὰρ Νύτῳ semper duxi, præsertim talem virum & tā studiosum amicitia. Augēt te coram alloquendi ardorem tum religio, tum amœnitas istius fortunatissimi secessus, quem mihi cum Saulius, ut est ingeniosissimus, adamuſſim depinxerit, uerius tamen nescio quomodo ante oculos posuit, & speciosorem reddidit illud tuum carmen eruditum, facile argutum, καὶ συναλόγῳ εἰπῶν Horatianum. Sordeſcerent priscis hominibus, si adessent, cum Pythagora (roto, Metapuntus, Tarentum & demum quicquid fuit ἰνὰ δὸς τῆς μαγᾶς modo propter te insulam inuſerent omnium quas mare circumlueat μακαρτάτῳ, quod si per Patronos meos Oſtavianū et Federicum Fregosios, quos fama tibi notissimos esse audio, ad te istuc proficisci licuerit aliquando tum Cortesio amici & discipuli coram nomen iucundissime profitebor, & in uerba tua sanctissime iurabo, poteris enim non minus postea discipulum absētem docere, quàm amicum mutuo amare. Vale.

Benedictio

Benedicto Theocreno. Greg. S.

**S**uperiore epistola pauca ad te de Saulio nostro scripsi, ne  
 essem omnino longior, quam eiusmodi literarum ratio po-  
 stularet. Nunc vero (modo tibi ad legendum ocium conceda-  
 tur) longiore epistola narrare constitui, ut cumprimū huc  
 adueniens nobis se imposuisse crediderit, et ut ego cor meū  
 oculis cōfixis, illud ei dicere potuerim. Docte Ligu patrias  
 nequicquam lubricus artes tentasti. Prima nanq; die eius  
 hebdomadis, quæ Christi Seruatoris morti dicata est, dum  
 ego solus in secreto essem, repente nunciatur hospites quos-  
 dam Lerinam applicuisse, eosq; uehementer postulare, ut  
 me coram alloqui liceret. Illico iussu meo benigne intromissi  
 exceptiq; humanissime (sic se enim collegij nostri mores ha-  
 bent) Deum adoraturi, ad templum deducuntur, ubi ego  
 obuiam illis factus, eum qui mihi inter ceteros honoratior  
 esse videbatur, manu apprehensum percunctari cæpi, qui  
 mortales essent, aut cuius rei gratia illuc essent profecti. Ille  
 vero ad diu iam antea cogitatam fraudem deuolutus, mer-  
 catorem Genuensem se esse simulat, Massilia illuc profectum  
 ut per eos dies nobiscum sacris operaretur. Tum urbanc  
 complexis liberum esse dixi, ut quandiu uellent apud nos  
 hospitarentur. Dumq; cum qui hospitum suscipiendorū cu-  
 ram habet accersitum, expectarem, aliquot spacia cum Sau-  
 lio ambulando confeci. Ibi vero statim ille de literis loqui  
 cæpit, & copiose & eleganter, atque ea ratione, ut facile  
 appareret in eo cum maxima doctrina summum iudicium  
 esse

esse coniunctum. Admirans ego, ecquid fieri possit interrogavi, ut & literis & mercatura adeo intentam operam nauaret, cum neminem ex eo genere hominum aliquando allocutus fuisssem, qui prater accepti expensiq; tabulas quipiam literarum se scire profiteretur. Subridens ille. Nihil inquit literarum noui: sed cum totum pene orbem nostrates perambulent, necesse est ut interdum etiam cum doctis viris congregiantur, quorum consuetudine aliquantisper erudit, deinde quæ audierunt, non quæ ex libris didicerunt, loqui consuecre. Ego tamen interim uultu viri, & quam apposite de literis loqueretur considerans, statim suspicari cœpi, dolum aliquem subesse eiusmodi tamen ut sperarem, nequaquam mihi pœnitendum esse, quod eo pacto deciperer. Egregia enim viri indoles, & morum honestas literis condita, ut non aliud expectare mihi facile persuadebant. Sic tamen ab eo tunc discessi, ut magis cum docto viro, quàm multorum negotiorum consuetudinem mihi futuram esse existimarem. Erat forte nobiscum quidam ex maritima Liguriae ora, qui, quod diu Genuæ commoratus esset, principes ferè omnes ciues de facie cognoscebat. hic, cum eodem pacto Saulius se ei imposuisse crederet, paulo post me solum conuenit, nunciatq; eum esse Stephanum, ex opulentissima Sauliorum gente, qui etiam in ordine Cardinalium fratrem habuisset. Tunc iussus est à me omnia silentio tegere, ne ea res molestiam hospiti afferret, cuius fortasse rationibus conduceret, uti ne à nemine proderetur. Me etenim capto tempore, hospiti meo personam illam simulatam detra-

Eturum.

*Eturum. Die qua insecuta est, rursus cum eo diutius com-  
moratus tandem de opulencia gentis Saulie sermone de in-  
dustria instituto, Stephanum caepi de Stephano percuncta-  
ri. Et primo qua etate esset minimus ille Cardinalis frater,  
quem literis operam dare intellexeram: tunc ipse vix risu  
compresso, aequalis, inquit, meus est. Ego uero, quomodo, in-  
quam, de ingenio moribusq; eius sentis? erubuit sane, nec  
tamen negare ausus est, quin quod erat de seipso sentiret.  
Postremo tamen discessurus, totum se nobis aperuit. Du-  
ctum se illuc dicens nostri visendi desyderio, & quoniam  
mira essent qua de sacerdotum illorum doctrina & mori-  
bus intellexerat, iccirco personam a se dissimulatam, quo li-  
berius familiariusq; vniuersa explorare posset. Atq; ut  
eius testificatione utar, reperisse se omnia expectatione sua  
longe maiora. Iccirco daturum se operam, ut apud nos diu  
permansurus, confestim reuerteretur. Velle se in ea solitu-  
dine inter viros & pietate & doctrina excellentes, trien-  
nio saltem literis diligentissime operam dare, habiturumq;  
Christophorum Longolium & alios complures doctos vi-  
ros, eius desyderij participes. Qua quidem de re, paucis an-  
tea diebus Longolius ipse ad me scripserat. Explicui tibi sce-  
nam personati Saulij nostri, qui nunc tam auide a nobis ex-  
pectatur, quam libenter eius consuetudine fruituros nos es-  
se speramus. Videre iam mihi videor, bonarum literarum  
studia in hoc secessu se efferetia, ut nec Lyceo nec Academia  
simus concessuri. Quod eo libentius ad te scripsi, quo te ma-  
iore cum diligentia consyderare volo, quanta felicitate sis  
cariturus*



cariturus, si non omnino operam impensissimam dederis, ut in hoc doctorum hominū collegio vivere valeas. Quia in re non modo Octavianum Federicumq; principes meos, desiderio tuo non aduersaturos esse confido, sed si à te praeclaram hanc occasionem negligi senserint, vim etiam adhibituros, ut cum ceteris quam ocysissime huc aduoles, quod ut libenter facias, te, cum tua, tum etiam mea causa, vehementer etiam atque etiam rogo. Vale.

Vitalis monachus. Greg. S.

Nescio mihi potius an tibi gratuler pro hac dignitate tua Gregori pater, quam tibi his proximis commitijs praeclarissima virtute & ornatissimis moribus comparasti. Tibi enim non mediocrem video gloriam accessisse, cui tantum honoris gradum, te praesertim inuito, & patribus unanimiter suffragantibus, ascendere licuerit, ut non minus optimam omnium de te opinionem superaturum putem, quam semper antea maximam expectationē concitaris: nec id quidem immerito. Tantam namq; apud omnes existimationem incredibili virtute tibi comparasti, ut laus tua nō obscuro nec vario sermone, sed & clarissima & una omnium voce pradicetur. Mihi autem non parua decoris & ornamentī accessionem factam esse puto, cui tali praelatione decoratum liceat habere praeceptorem, qui & suo splendore omnes discipulos illustrare possit, & maximi autoritate, incredibili sit futurus emolumento. Tibi igitur iterum gratulor pro hac dignitate tam maxima quam benemerita, quam  
& si

Et si nunquam ambitiose quaesisti, splendore tamen virtutis, et morum gravitate promereri studuisti. Mihi quoque rursus gratulor, quoniam et voti mei compos effectus sum. Et iam nihil aliud cupio, nisi ut te videam, fruamq; et cōsuetudine et suauissimis sermonibus tuis. Postremo scias uelim, me ut huius dignitatis culmen assequereris, omnem operam et studium adhibuisse. Quam posteaquam maxima cum omnium gratia, fauoreq; adeptus es, primus agnoui, nouem virorum syngraphas, ut moris est, ipse scrutarer. Dij te faustum felicemq; conseruent, ac ad meliora semper dignioraq; ut promeritus es, te prouehāt, ut et tibi tuisq; ac sacre religioni decus immortale acquiras. Quam cum diu felicissimeque gubernaueris, in eius tandem sinu, cum senueris, faustissime requiescas. Vale.

Vitali Monaco. Gregorius S.

Et si intelligo gratulationem tuam ab amico animo proficisci, conieciq; mirificam voluptatem, qua, ex eo qui mihi nuper demandatus est magistratus affectus fuisti. Et iccirco pro tali voluntate, fieri nequit, ut non tibi immortales gratias agam. Illud tamen te scire uolo, nihil unquā mihi acerbius accidisse, nihilq; posthac accidere posse quod grauius feram, quā molestissimum eiusmodi administrationis onus. Nec minuit dolorem quod mihi nihil tale expectanti repente istuc obrepserit, nisi eatenus quoad apud omnes constare gaudeo, me et voluntate et animo ab eiusmodi curis remotissimum, id nequaquam ambitiose quaesif-  
 Da se, quod

se, quod ultro etiam oblatum mirum in modum me angit  
& excruciat. Quod illis certe vix verisimile fieri posse pu-  
to, qui inania hæc dignitatum nomina, tanto studio consecu-  
tur, ut pro illis etiam digladiari non erubescant: nihil ex  
incenarrabili solitudine adepturi præter infinitas molestias  
& curarum incredibilia tormēta. Quodq; his omnibus ma-  
gis est admirandum, complures esse intellexi, qui, cum pri-  
uate vitam agentes, vix idonei fuerint ad semetipsos re-  
gendos, maxima tamen ambitione ut ceteris præficiantur  
contendunt: ut non secus mihi agere videantur, ac si qui-  
ssiam non ventorum modo & tempestatum, sed nauigan-  
di etiam penitus inscius, onerariā nauem preciosissimis onu-  
stam mercibus, inter fluctus maximos & aduersas tem-  
pestates regere concupiscat, Quid enim preciosus humanis  
animis excogitari potest? quos cum ex huius vitæ procellis  
in portum supernæ patriæ deducēdos susceperint, plerunq;  
facto naufragio complures in profunda demergunt. Nec  
abnuo esse aliquos, quibus tuto nāvis huius gubernacula de-  
mandari possint, sed eos cum paucissimos esse, tum etiam in-  
uitos coactosq; ad clauum regendum accedere non ambi-  
go. Eoq; potissimam argumento prudentes ab imperitiis di-  
scerni posse, quod priores onus maximū expēdentes, quoad  
ipsorum fieri potest, diffugiunt & reluctantur: inscijs ve-  
ro illi tanta cum auaritia id appetunt, ut si præteriti fue-  
rint, doloris vehementiam nequeant dissimulare. Quare  
non minimam infelicitatis partem eam esse duco, quod no-  
uam viri adeo unanimes fuerunt, ad me ex priori trāquil-  
litate

litate deturbandum, ut nihil aliud præter acerbissimam memoriam nobis reliquerint pristinae consuetudinis. Ceterum inter mala quibus urgeor, non minimum illud nobis solatium continget, si vel tibi, vel condiscipulis tuis alicui emolumento hac dignitas est futura. Qua in re, meum erit honestissimis omnium votis obsequi, uestrum autem quid à me de syderare de beatis diu multumque cogitare. Vale.

F. Fregosio. Gregorius S.

**C**um nihil mihi gratius nihil iucundius accidere possit, quam ut diu & familiaritate & consuetudine tua fruor, hoc mihi præstitit aduentus noster ad te. Et si enim ceteris nobis nostri negotia imprimis huc me pepulerunt, desiderium tamen visendi tui, id quod cunctanter & timide fueram facturus, ut libenti animo alacriterque à me fieret, mihi persuasit. In hac tamen mirifica nostra voluptate, illud intercidit incommodi, quod cum absens crebras à te literas accipere consueverim, & illas quidem pereleganter & amicissime scriptas, nunc cum in illarum locum mutua colloquia & quotidiani congressus successerint, omnino scribendi usus intermisso, summo opere verendum est ne cessatores maximi efficiamur, & si nullum tibi inde video periculum imminere, quod ea ratione styli possessionem usus mancipioque ut ita dicam, tibi propriam fecisti, ut non modo de ea depelli non possis, sed & si sponte illicedere volueris, nequeas tamen quantumvis diuturno tempore, ab eius dominio dimoueri. Mihi uero qui nullam ferme facultatem, minimo

Dd 2 certe

certe *usu stabilitum nactus sum, magnopere cauendum est, ne ex balbo & infanti omnino mutus efficiar. Quare, non tantum patienter feres, si literis meis ocium tuum interpellauero, sed & pro perspectissima mihi humanitate tua, interdum etiam rescribere non grauaberis. Et si enim uideo quàm impudenter agam, qui a tanto uiro id petere audeam, quod etiam salua modestia mihi potest denegari, fecerunt tamen humanissimi mores tui, ut etiam Verecundiæ fines apud te transgredi non omnino impudentis esse mihi persuaferim. Quod & si eo nomine me literis tuis accusare uolueris, longe tamen mihi erit iucundius literas abs te accipere quàm molestum, impudentiæ nomine accusari. Vale.*

Iacobo Sadoletto. Greg.S.

**Q**Uod hætenus ad te literas non dedi, cū multis antea mensibus abs te acceperim epistolam plenissimam humanitatis ac beneuolentiæ, nolim tibi persuideas id, aut negligentia, aut obliuione nostra accidisse, sed quod & difficillimo bello & belli metu assidue vexati, maximisq; præterea affecti calamitatibus, ut pleraq; omnia, sic & hoc scribendi officium coactus sum intermittere. Nunc autem ob easdem molestias Lugdunum pulsus, cum apud virum tui amantissimum Federicum Pont. Salernitanum diuiterem, mirifice accidit, ut is certum hominem ad te mitteret, cuius opportunitatem nactus, plurimum mihi visus sum in amicitiam peccaturus esse, nisi ad te qualescunque has literas darem. Quibus & aliquando tibi gratias agerem,

rem quod negocium meum pro quo ad te scripseram cum Pont. Max. tam amice confeceris, & me hic diutius futurum te facerem certiore. Nam cum antea decrevissem Salernitani negocia tibi arctissime commendare, in quotidianis congressibus facile perspexi, id quod antea verbis tuis mihi erat persuasum, adeo scilicet viderem atq; constitutam amicitiam inter vos intercedere, ut nullus tibi commendationis esse possit quam qui a Salernitano ipso fuerit commendatus. Quare cum nunc tanta ipsius res agatur, ut si ea pro animi sui voto perfecit à maximis difficultatibus, atq; molestijs ad tranquillissimum vitæ statum sit traducendus. Certissime mihi persuadeo, te omnem curam atq; sollicitudinem suscepturum, ut tua in eum collocata beneficia, quæ ipse incredibilia esse assidue prædicat, maximo hoc officio cumulentur. Propediemq; futurum spero, ut inenarrabili gaudio afficiar, cum tu intelligam opera autoritate & gratia tua Salernitanum ipsam perpetuam sibi in posterum tranquillitatem animi acquisisse. Vale.

Χριστόφορος Λογγόλιος Γρηγορίῳ Κορνησίῳ.

Ὅτι διὰ τοῦτο πείσεται μοι πρὸς σε ἰδυνῆσθαι γράσειν, ἢ ὅς σὺ γε ταύτην ἀνταπεκρίσεις, τοῦτο γὰρ ἂν εἴη, ὡς ἀληθῶς αὐτῶν χυνοῖσι ἀπὸ χαλκείων, μᾶλλον δὲ πεννὴ σοὶ ἀναχωρεῖται, ὀφλισκάνειν, ὅτι ἐγὼ κατὰ τῆς ἑλληνικῆς διαλέκτου ῥῶν χαίμαι τῆς ῥωμαίων φωνῆς, καὶ οὐδὲν ταῦτα ἐν ἑλῶν ἰδυνῆσθαι δοῦναι πῶς ἀνιδυνάμει βάρβαρος τῶν ἑλλήνων οὐδὲ λοιπὸν ἵστιν τοσούτων γλῶσσαι μετακινήσεις. ἐπεὶ ὁ γὰρ οὐκ εἶποις ἂν, ὅτι πείσεται τοῖς ῥωμαίοις αὐτῶν ἀρχιερέως ἀπατάσασθαι, ἀδρόν οὐκ ἢ ποσοὶ διὰ τὴν σὴν καλοκαρίσθαι ἐκτάτου, ἢ μὲν οὐκ ὁ δὲ παρὰ κρατοῦντος, ὅταν δὲ τοῦ ἐξουσίαν εἰς ἐμὴν ἔχοντος, ὡς περὶ σε γὰρ ἐκκαλεῖσθαι, εἴτην ταῦτα ἐνδίδεσθαι, ὅταν περὶ σὺν ἑλῶν, ὡς τοὶ πάντα τὰς ἀμφοτέρων ἐνρήσεις, διὰ γὰρ οἶμαι τὰ ἐσταλμάτω



faciendum, quàm ut tu fieres de appulsu meo certior, Enim vero quoniam, non solum longiore circuitu factò quàm putaram, huc veni, sed diuturna etiam mora in compluribus locis detentus, accidit, ut nunc demum ad te literas dare potuerim. Qua in re duplici sum damno affectus, & quod ob diutinam peregrinationem nulla studiorum meorum ratio constare potest, & quod tanto tempore tuis literis caruerim, quæ ut vehementissime à me semper desiderantur, ita mihi nunquā non gratissime accidere consueverunt. Dabitur vero à nobis in posterum diligentissime opera, ut creberrimis literis, quicquid iacturæ eiusmodi incommodo factū est, cumulatissime recuperetur. Et si id quod magis optare quàm polliceri mihi solitus sum dū apud te essem, nondum me assequi posse video, ut tranquillo ocio & animi libertate aliquantisper perfruar, ita omnia hic suspensa & trepidationis plenissima offendi. Accedunt præterea familiares curæ & eadem molestissima, quæ adeo frequentes uno impetu in me simul impressionem fecerunt, ut penè stupefcente obruerint. Quare, curis & negocijs mirū in modum distractus, & eapropter affectus incredibili molestia, penè iam sarcinulas componere statueram, ut aliò transmigrarem, nisi huic consilio Horatianum illud obstitisset.

Quadrigis petimus bene vivere, quod petis est hic,

Est Ulubris animus, si te non deficit æquus.

Occurrebant præterea illa, ecquid putas usquam non esse curas & tumultus? Quid si longe molestiores longeque grauiorès, quo te proficisci contigerit inuenias? Nonne te:

tui

tui pudebit, cum denuo huc tibi reuertendum esse constitues? Nostrum igitur illum in consilium ut opinor adhibebo, qui optare optima, cogitare difficillima, ferre quacūq; erunt iubet. Nihil tamen omnino aut de profectioe aut de remansione à me constituetur, nisi prius te de omnibus fecero diligentissime certiozem. Ceterum quoniā nihil ad te de studijs meis scribere possum, quod aut tibi gratum aut iucundum fore confidam, de tuis summopere audire desydero, potissimumq; num adhuc tedia illa hebreæ linguæ, qua Hieronymum tantopere deterruerunt, deuoraueris, totumque te immeriseris in prophetas, atq; adeo in Mosem ipsum. Cre-scant ne meditationes illæ tuæ in psalmos, an fortasse nouū aliquod opus institueris. Quæ si ad nos non grauaberis scribere, ex duobus profecto alterum accidet, vel ut emulatio-ne laboris tui ad pristina studia reuocer, uel exemplo cessationis tuæ me quoq; relictorum studiorum neq; pudeat neque peniteat. Vale.

Michaeli Bentino Germano Greg. S.

Cum modestissimi tui mores & candor quidam ingenuus adeo me tibi deuinxerint, ut nihil omnino deesse putem, quin summa tibi sem. amicitia conciliatus existimauimus, nos mirum modum in amicitia peccaturos esse, nisi iā posita amoris fundamenta, mutuis & literis & officijs ut ita dicam superstructis, ad summum perduceremus. Cum igitur ad Salernitanum perpetuumq; nostrum literas darem, tui etiam obliuisci non potui. Quare vicissim tibi operam

*ram dandam esse existimo, ut quoniam omnium rerum quas ad beate viuendum sapientia comparauit, nihil est maius amicitia, nihil iucundius, uti ne quid in ea peccare iudicaris, quod facile apud me poteris assequi, si crebris literis sapius me inuises, faciesque de rebus omnibus tuis diligentissime certiozem. Caue enim putes quippiam mihi iucundius accidere posse, quam si ex te intellexero, sic constitutas esse res tuas, ut maxima cum animi libertate in studia incumbere possis, atque adeo ceteris curis absolutus, ut apud posteros etiam ratio oculi tui constare possit. Habebis vero, ut opinor, in ea re mirificum adiutorem Salernitanum nostrum, cui si duos tres uel ad summum similes etas nostra protulisset, omnino necesse fuisset, simul etiam doctorum virorum prouentum maximum huic seculo contigisse. Tuas igitur literas uehementer à me expectari scias uelim. Vale.*

F. Fregosio. Gregorius S.

**E**T si nudius tertius ad te literas dederam, in quibus et causam profectiois nostra, et quo consilio huc me potissimum contulissem copiose declarauim, iterum tamen amico maximis precibus obsecranti, ut se tibi arctius commendarem negare non potui. Perfecisti enim declaratione amoris tui erga me, ut omnes qui opera autoritate, et gratia tua indigent, ita denique putent satis se tibi fore commendatos, si ad te qualescunque epistolae à nobis acceperint. Ego uero, et si facile patior, eiusmodi opinionem de

Ee hac

hac mutua nostra amicitia in animis omnium infidere, at-  
 que ea ratione quantopere me abs te amari putem dissimu-  
 lare nequeo, cogor tamen interdum uereri ne tibi, & in lite-  
 rarum studijs, & in maximis præterea negotijs occupatissi-  
 mo, molesta sint eius generis ad te litera. Atque ea ra-  
 tione sepe iam contigit, ut verecundia mea magis quam  
 facilitatis tua rationem mihi habendam esse putauerim.  
 Enimvero cum is qui à me nuper petijt, ut tibi eiusmodi of-  
 ficio molestus essem, dudum inter familiares tuos annume-  
 retur, magnopere vereor ut magis superflua hac com-  
 mendatio nostra quam inepta esse videretur. Ioannes Gál-  
 lus qui tantos in musicis progressus habet, ut vulgo ob-  
 id præceptor appelletur, & si quoad eius artis dignitas pa-  
 titur, honestum in hac ciuitate locum obtinet, magnopere  
 tamen cupit, quibus in alijs spectis conditionibus, ad tui  
 consuetudinem aduolare. Hic vero mihi nequaquam fa-  
 ciendū esse puto, ut de vita moribusque hominis quippiam  
 ad te scribam, quos diutina familiaritate tibi credo esse co-  
 gnitissimos. Tantum dicam, si celeberrimi philosophi au-  
 diendi sunt, nihil tuis studijs quæ oblectamento esse posse,  
 atque interdum, musicis recreari. Hac ut nostri somnum  
 & depellebant & accrescebant Pythagorei, hac epularum,  
 itineris comes erat: hac ipsa & occultarum causarum per-  
 uestigiationem & sacra omnia auspicabantur, hac eadem  
 affectus tedio animis hilaritatē pristinā atq; adeo mētis trā-  
 quillitatē reuocabant, postremo ut M. Tullius ait, sum-  
 mam eruditionem sitam græci censebant in neruorum vo-  
 cumque

cumque cantibus, ut qui id nesciret nequaquam satis ex-  
cultus doctrina putaretur. Cum igitur tanto usus musicae  
esset possit, profecto hunc qui illam egregie profitetur quo-  
tidianis tuis congressibus adhibendum esse censeo. Quare gra-  
tissimum mihi feceris, si huic ipsi quem tibi tantopere com-  
mendatum esse cupio, aliqua ratione declaraueris commen-  
dationem hanc nostram, neque vulgarem neque parui apud  
te ponderis fuisse. Vale.

F. Fregosio. Greg. S.

**M**irabar profecto quid causae esset, quod tandiu petita-  
tissimis litteris tuis careremus. Cumque in tempo-  
rum difficultatem culpam omnem reijciendam esse putare,  
repente accepto acerbissimo nuncio de aduersa valetudine  
tua, ita animo consternatus sum, ut in nulla mihi licuerit  
actione conquiescere. Enimuero Deo Opt. Max. immor-  
tales ago gratias, qui non est passus me diutius incredibili  
molestia excruciarī. Accepto enim eiusmodi nuntio, sta-  
tim confectatae sunt litterae quae te pristinae saluti resti-  
tutum cum incredibili omnium amicorum tuorum gaudio  
declararunt. Et si eam vim morbi fuisse aiebant, ut non  
modo pristinum vigorem, sed interdum etiam vires ipsas  
recuperaueris. Quare gratissimum nobis omnibus facies, si in  
recuperanda incolumitate adeo diligens fueris, ut ex tam  
gravi morbo culpa tua nulla sequatur offensio: relaxandus  
tibi est animus, intermittenda studia. Difficillimo anni te-  
pore agrotasti, parum etiam clementi, ut opinor, celo ob-  
Ee 2      vehementiam

*vehementiam frigoris* ἡ δὲ τῶν ὑποστά. Caterum ternis  
iam literis certiorē te factum esse non ambigo, quo consi-  
lio eiusmodi profectio est assignanda. A Pontifice enim or-  
dinis nostri euocatus, Mantuā proficisci statuerā, sed nouis  
literis retētus, tantisper hic ero, donec cœnobij nostri nego-  
cia ea perfecero, quæ ut nosti, dum Lugduni essem, animū  
nostrum vehementissime excruciabant, et quæ nequaquā  
dum in Narbonensi prouincia essem ob genti illi ingentia  
rerum omnium suspicionem, & prohibita commercia, com-  
mode confici potuere. Post hæc vero, duplicem video ratio-  
nem consiliorum inorum, si enim te in Italiam aduentare  
contigerit, dabo operam ut intellecta ratione itineris tui, ali-  
quo in loco tibi obuius fiam. Si vero cogitationem illā abie-  
ceris, ego quoque usq; ad dies comitiorum nostrorum hic  
commorabor, deinceps Mantuam profecturus, ut quantū  
opera atq; ingenio eniti potero, ocium mihi & quietem com-  
parem. Interim uero crebras a te literas expecto, quibus et  
de incolunitate & de profectioe remansioneue tua, fiam  
in dies certior. Vale.

Io. Medices Car. S. Mariæ in Domin. Gre. S.

**A**ccepi literas tuas, quibus scribis te admirari consiliū  
meum, quod relicta urbe Roma, relictis honestissimis  
studijs, relicta parente, quæ iandiu vidua pudice & parce  
vitam agens, in unica sp̃e progressus mei acquiescebat, re-  
lieto deniq; te ipso, cui pene sacramento in perpetuum addi-  
ctus eram, me penitus in solitudinem abdiderim, petisq; fieri



fieri certior, quibus rationibus adductus, id consilium secutus fuerim: postremo plus amori quam religioni concedens, persuadere niteris, ut immutato consilio ad pristinum uiuendi genus, & ad consuetudinem tuam omnino reuertar. Ego uero pro eiusmodi amore, immortales tibi gratias ago, video enim adhortationem istam tuam ab amicissimo animo proficisci, eoque te decipi, quod, hoc uiuendi genus, ut plerique omnes, omnino improbandum esse ducis. Quod si & animi mei indolem memoria teneres, & ea quae tecum saepius locutus sum, nequaquam me nouum hoc genus uitae sequi uelle, tantopere admirareris: magis autem nunc demum id me arripuisse tibi esset admirandum. Satis enim ex quo me in numero domesticorum tuorum ascripsisti, à te cognosci potuit, nihil adeo animo meo impressum, in sculptumque esse, quam ut omnino ex Christiana pietate uitam agens, hijs potissimum studijs operam darem, quibus & animus excoli posset, & ea, quam tantopere desyderabam, uera religio intelligeretur, ad quam in posterum tanquam ad certum destinatumque locum, omnes cogitatus meos dirigere possem. Id uero cum persuasum mihi esset, inter hominum turbas & fori iurgia me assequi non posse, in religionis portum me contuli. Non quod in communi hac omnium hominum uita, salutem inueniri posse non suspicer, sed quod iam inde ab ineunte pueritia, prauis admodum consultoribus usus, ambitione scilicet & quarendi cupiditate, quae quicunque mihi erant à latere, ut animo meo altius insigere summo opere laborarent, eiusmodi laqueis me impeditum esse

esse sentiebam, ut nisi omnino immutato vitæ genere, non  
 studiorum, non Christianæ pietatis, non libertatis denique  
 ratio aliqua à me haberi posset, vix dum enim decimum et  
 septimum ætatis annum attigeram, cum me fratres insi-  
 gnijs eius dignitatis ornarificerunt, cui à docendo vulgo  
 nomē inditum est, cum iam quinquēniū iuriconsultis ope-  
 ram dedissem, statimq; inter domesticos tuos ascriptus, cu-  
 ram abs te accepi audiendarum litium. Hic vero nemo me  
 lius te ipso testatam animi mei molestiam potest derelin-  
 quere: scis enim quantopere angi consueverim, cum ab ho-  
 nestioribus disciplinis & sacrarum præcipue literarum stu-  
 dijs, ob lites et iurgia retrahebar, bis deinde, intra menses  
 septem, grauissima in morbi afflictatus, cum omnes Roma-  
 num cælum nobis aufugiendum esse clamarent, Mutinam  
 me contuli: ibi vero cum ocij spes aliqua se mihi primo ob-  
 tulisset, repente gentilis quidam meus, qui pro Mutinensi  
 Episcopo iurisdictionis sacrorumq; procurationē habuerat,  
 e medio sublatu est, tum vero me inuitum & reluctante  
 propinqui necessarij q; idem munus obire coegerunt. In quo  
 cum non corporis solum mentisq; laborem, sed maximum  
 etiam animi periculum experirer, omni studio diligentiaq;  
 cogitare cæpi, si qua ratione difficillimis illis laqueis me ex-  
 pedire possem, nulla q; mihi visa est oportunior, quàm si  
 ex eiusmodi tempestate in cænobij alicuius portum effugis-  
 sem, statimq; se mihi obtulit collegium hoc Diui Benedicti  
 Mantuani, in quo iam menses quatuor solutus omnibus cu-  
 ris, quæ antea animum meum excedebant, totus in sacrarū  
 literarum

literarum studijs, & in sacrificijs diuinarum laudum con-  
quiesco, fruorq; literato, & gratissimo ocio, a quo si me reuo-  
care iterum tentaueris, sponse verbis ex Salomonis Epitha-  
lamio tibi sum responsurus. Expoliaui me tunica mea, quo-  
modo induar illa? Laui pedes meos, quomodo inquinabo il-  
los? Et ut finem aliquando faciam, libenter omnes Ro-  
manos fastus, libentius delitias, libentissime animi cor-  
porisq; pericula vobis derelinquo, qui & generosiore indo-  
le & excelsiore animo præditi, per eiusmodi senticeta illesi  
potestis incedere. Ego uero in minima cleula delitescens, præ-  
clare mecum agi putabo, si prioris vita vulneribus cicatri-  
ces a me obduci potuerint. Vale.

F. Fregosio. Gregorius S.

**I**ntelligo plane longe maiores uberioresque fructus ex  
aduentu meo ad te, quam putaram à me expectari debe-  
re. Nam tametsi fore sperabam ut tantum ex eo volupta-  
tis caperem, quantum ne animo quidem amplius potuissem  
complecti, nequaquam tamen ad eiusmodi incredibilem iu-  
cunditatem, utilitatem, etiam mirificam communium stu-  
diorum accessuram esse suspicabar. Non quod nescirem ni-  
hil domestica consuetudine tua mihi utilius contingere pos-  
se, sed quod in tam afflictis perditisq; rebus subuertebam,  
ut magis impedimento quam voluptati congressus nostri  
tibi futuri essent. Mirifice vero accidit, quod cum & timi-  
de, & ut mihi tum videbatur, non omnino modestiæ legi-  
bus obseruatis, te ad scribendum prouocassem, non modo hoc  
studium meum non es aspernatus, sed inter molestissimas  
difficilimasq;

difficillimasq; curas, quibus necesse est animum tuum in presentia distrahi, & confestim rescribere nō es grauius, & me ut idem sapius facerem, nescio humanitate an amore uehementiori, maiorem in modum es adhortatus. Ostendistiq; non minus nunc literis, quā antea vultu hilari & inenarrabili alacritate, quantopere tibi grata fuerit nostra isthac ad te profectio: quare nisi in tam constituta tāq; veteri amicitia nostra, gratiarum actionem superuacua indicassom, literas ad te daturus fui, quoad nostrum fieri potuisset, & grati animi et optima voluntatis testes locupletissimas, ut quoniam fieri nequit, ut tantis tuis beneficijs opere & actione respondeam, literis saltem apud te testamentum relinquerem memoriam tuorum incredibilium in me meritorum. Quare gratiarū actione pratermissa, te ad scribendum inuitabo: nihil enim puto rationibus nostris aequē conducere posse atq; formā hanc exercitationis. Cum enim forense illud dicendi genus in quo ueteres confictis verisq; causis se frequēter exercere solebant, omnino sublatum sit, nec impedita hęc tempora patiantur ut ad longiores lucubrationes mentem animumq; adijciamus, unicum hoc restat genus scribendi, quo in genere, si studium nostrum non aspernaberis, ut nequaquam hactenus aspernari visus es, incredibilem me tibi comitem futurum esse polliceor. Fungarque ( ut Flaccus ait ) vice cotis, acutum reddere qua ferrum valet exors ipsa secandi. Vale.

Perpetuo Henriotto. Greg. S.

**N**on intelligo quid causa fuerit, quod ex quo Lugdu-  
no discessi, cum frequentes ad te dederim literas, vi-  
cissim ego abs te nullas acceperim. Putene tibi nostras red-  
ditas non fuisse? at istud ipsum non accidisse arguunt red-  
dita Federico litera, in cuius fasciculos tuas quoq; coniece-  
ram. Assignem ne istud absentia tua? Sed scio tibi etiam  
absenti literas, quacunq; ad Federici manus peruenerint,  
reddi consueessem. Causam ne fuisse dicam multitudinem ne-  
gociorum? at mihi iandiu perspectissimum est, nunquam te  
irruentibus etiam grauissimis multissimisq; negocijs solere  
ab officio dimoueri. Fortasse quas ad nos dabas, ad manus  
nostras non peruenerunt, sed cur à Federico Bentinoq; da-  
tas accepimus? Cum igitur nihil excogitare possim, cur apud  
me excusatus sis, nondum tamen mihi persuadere potui, id  
à te non optimo consilio summaq; ratione factum esse. Diu-  
tina siquidem consuetudine, certior factus de tuo in me amo-  
re, consequenter etiam intelligo, suauissimos illos mores, ob  
quos omnibus es carissimus, nihil posse in amicitia peccare.  
Praesertim quod non dum memoria nobis extidit, sed nec  
excidet profecto aliquando, officiosa illa sedulitas quam in  
rebus nostris adhibere solitus es, cum à latere meo ungue  
latius nunquam discedebas, tum vicarium pro me quoti-  
die laborem subires, cum deniq; ipso die discessus mei, non  
satis tibi fecerit commune illud ceterorum officium, ut me  
ad aequum usq; prosequerere, sed relictis negocijs quibus

Ff

assidue

assidue urgeri solitus es, Viennam usq; deduxeris. Cum talis igitur tantaq; amoris tui significatio animo meo altissime impressa, & quodammodo insculpta sit, non committā, ut quippiam de te suspicer, moribus tuis & ceteris in me officijs atq; adeo perspecta benevolentia, non consentaneū. Si tamen posthac molestiam hanc animi mei penitus extergere potueris, tam nobis erit gratum quā quod gratissimū. Illud postremo tibi persuadeas velim, nunquam te silentio tuo affecuturum, ut literis nostris desinam tibi molestus esse. Sed & si in animum induxisses, nunquam mihi rescribere ego contra crebritate literarum eiusmodi pertinaciam expugnarem. Sed de literis haftenus. Ceterum certiore te fieri volo, ex quo à te discessi, nullam mihi fuisse consuetudinem cum libris, nec intermissa tantum, sed penitus ommissa à nobis studia fuisse. Quod iccirco ad te scribo, ne fortasse tibi mirum videatur, quod Paraphrasem illam librorū Aristotelis de moribus, nondum à nobis acceperis, cū præterea copiosa illa nostrorum librorum supellex in Lerina sit: ego vero Genuæ, ubi si quid ocij datur ab aduentantium ad nos amicorum interpellatione, totum inscribendis epistolis absumentur. Vale.

391 559

Federico Fregosio. Gregorius S.

Cum Michael Monelius Genua Lugudunum esset profecturus, utriq; nostrum non amicitia tantum, sed maxima etiam coniunctus familiaritate, & si paucis antea diebus ad te literas dederam, nequaquā tamen passus sum  
absq;

391 560

II



absq; literis nostris illum ad te proficisci. Longe tibi gratius fore existimans, si inanem à me epistolam quàm si nullam tibi reddidisset. Quæ tamen omnino inanis non erit. Cupio enim ab te fieri certior, an istuc ad te allati fuerint libri illi, quos ante discessum meum ex Narbonensi prouincia à me maximo cum desiderio postularas. Cum enim nulla mihi se antea obtulisset opportunitas eos transportandi mercatoribus, qui ad trimestres nundinas proficisci consuevere, iam tum in itinere constitutis, discedens negotium demandavi Joanni Baptista, quem sciebam mirifica diligentia in rebus tuis uti consuesse, curaturumq; ut cumprimû fieri posset ad te deferrentur, veruntamen, cum deinceps de ea re nihil acceperim, cupio ad te fieri de omnibus diligentissime certior. Scire etiam cupio, nû ad manus tuas peruenerint, literæ, quibus Joannem Gallum musicum tibi commendabam: dici enim non potest, quanto cum desiderio tuam de se voluntatem expectet, qua quidem in re nihil abs te peto nisi id maximo tuo commodo fieri possit: nosti enim prudentis hominis esse, commendationis officium, vel eis qui mediocri amicitia sibi coniuncti fuerint non denegare, modesti vero id tantum sibi polliceri ob eiusmodi commendationem, quod amicorum commodo fieri possit. Quod iccirco ad te scribo, ut non ignores quatenus ego eius causa laborem. Ceterû literis tuis, quas unas post discessum meum istinc à te accepi, scias uelim nos omnes in maximam tui expectationem à te concitados esse: scribis enim primo vere te in Italiam aduenturum. Idemq; postea mihi retulit Andreas Auria

homo ita tibi conuictus, ut mihi, cum illo cum loquerer, te cum loqui viderer. Quare te vehementer etiam atq; etiā rogo, ut quicquid de ea re cōstitueris, id continuo ad me scribas: ego siquidem cum omnino Mantuam profecturus sim ita ad rationes itineris tui, meum hinc discessum atq; iter accommodabo, ut omnino aliquo in loco tenui congregi possim. Vale. Et si noui quippiam istuc apud bibliopolas ternis istis nundinis, quibus ego absui, casu inuentum esset, quod nostris studijs utile fore existimares, id ut ad nos cum primum deferri cures te vehementer rogo. Iterum vale.

Vitali Monaco. Greg. S.

Scrispsit ad me Dionysius noster, nullas tibi a me relictas fuisse, quod & si verum esse facile mihi persuadeo, coniectura et ex temporū iniquitate & ex alijs cōpluribus epistolis nostris facta, longe tamen gratius mihi fecisses si id ipsum me non ex alienis, sed ex tuis literis voluisses intelligere, fuisset certe ea & amoris & diligentia tuæ locuples testificatio. Erat enim & facilitatis et diligentia tua, nec silentio meo ad silentium prouocari, & crebritate literarum omnes itinerum difficultates superare. Nam quod ego ad te sapius scripserim cum istuc veniam argumentum mecum habebō exempla omnia epistolarum nostrarum, quas velut nescio quo pacto presagirem, ita ut accidit euenturum, omnes apud me maxima cum diligentia describendo curauim. Quare tibi summopere curandum est ut prateriti  
tempo-

temporis culpam frequentia literarum postea diluas, & enim fore non video, ut alia ratione apud me, nec Dionysio quidem ipso patrono excusatus esse possis. Caterum cum à Lerina Genuam venissem, eo animo ut ad vos continuo profiscerer, exceptus hic novis multiplicibusq; molestiis, hætenus impeditus fui, impediarq; ut mihi videre videor dies complures, ut non & desiderio meo & complurium amicorum expectationi satisfaciam. Cum primum autem per eiusmodi negotia mihi licuerit, diligentissime operam dabo, ut tarditatem aduentus mei non voluntati aut iudicio, sed necessitati tantum omnes ascribendam esse intelligaris. Crebras tamen interim à te literas expecto, quibus & de tuis et de Benedicti nostri rebus fiam in dies certior, quem adeo taciturnitatis amatorem esse intelligo, ut omnino verear, tam altum silentium literis nostris interpellare. Vale & utrique Benedicto plurimam à me salutem dicito.

Dionysio Monacho. Gregorius S.

Compluribus de causis, gratissimos tibi fuisse negotiorum nostrorum successus, nequaquam est admirandum. Et quidē in primis eius Cœnobij gratia, quod à te tāto pre amatur, ut nemini dubium esse possit te nulli in amore eius loci comedere. Deinde ob retentam totius ordinis nostri dignitatem, quæ una cum periculo eius negotij, quod nuper transactū est, periclitari videbatur, præterea quod, ut amicissime scribis, potissimum per nos res omnes sint ad  
mi

ministrata. Et si postremum hoc nequaquam mihi, sed cum Honorati patris auxilio, tum etiam principum Gallie benignitati est assignandum, quorum voluntas adeo propensa est ad totius ordinis nostri conservandam dignitatem, ut quod hactenus absq; causa factum est, nihil sit deinceps de Lerinensis Cœnobij retentione dubitandum. Accidit præterea commodissime, quod cum ego ob nimiam licentiam illarum mulierum restringendam, quarum cura nobis est demandata Tarasconem diuertissem, tuorum propinquorum consuetudine per ocium mihi frui licuerit, qui adeo humaniter nos exceperunt, ut nulla alia de causa debuerit persona tua desiderari, nisi ea propter ut fierent congressus nostri, suauitate morum tuorum iucundiores. Nam fratres tui adeo se faciles mihi exhibuerunt, ut per dies coplures, quibus & Tarascone & Arelate fui, nunquam à latere meo discesserint. Quod vero scribis aduentum meum istuc tantopere à compluribus desiderari, facile id ita esse mihi persuadeo, cum rursus ego quoq; vehementissimo vestrum omnium desiderio tenear, & nunquam ferè accidere consueverit, uti vis hæc amoris mutua non existat. Veruntamen, quo modo nunc est, prope certus sum, fieri non posse, quin dies aliquot Genue supersedeat, non quod me & Saulius Pont. et Stephanus sint detenturi, esset certe ea causa grauissima, sed sunt alie longe grauiore quas omnes ad Presidentem nostrum diligentissime scripsi, & quibus fortasse fieri posset, ut usq; ad comitiorum dies hic retinerer. Habeo præterea tibi gratias, quod me feceris & de studijs tuis & de opti-

morum adolescentium mirifico progressu certiozem. Quos  
 omnino mirū in modum proficere admirādum non est, cum  
 ob diligentiam tuam in instituendo, tum ob ipsorum seduli-  
 tatem, tum vero precipue ob incredibiles fructus eruditio-  
 nis & eloquentię, qui ex illis autoribus percipi consueve-  
 runt, in quibus edisserendis, hoc toto biennio est à te. elabora-  
 tum, & quos omnes ita probo, ut cupiam tamen discipulos  
 tuos non ignorare, Rethoricos libros ad Herennium, non M.  
 Tullij, sed cuiuspiam alterius esse, longe illo & eloquentia  
 et ingenio inferioris. Nec ideo id scribo quo opus illud im-  
 probem, est enim elegans, eruditum, prope accedens ad anti-  
 quorum candorem. Et quod precipue adolescentibus utile  
 esse, consuevit distinge admodum & pressè oratorias prae-  
 ceptiones describit. Sed quod cupiam, ut Fabius ait, in omni  
 lectione admistum esse iudicium. Caterum dici non potest,  
 quantę oblectationi nobis fuerint hendecasyllabi tui, nec tā-  
 tum ea de causa quod perspectum nobis antea amorem in  
 me tuum expressius declarabant, sed quod ex illis cognoui  
 te nōdum blandioribus musis nuncium remisisse, quod qui-  
 dem tranquillę mentis & quieti animi argumentum esse  
 consuevit. Veruntamen, & si carmen id venustum est, ele-  
 gans, argutum, & quod potissimum in hendecasyllabis com-  
 mendari solet, candidum, & facile, ideo tamen apud me,  
 ut tū κληδὶ erit, quod dudum statui opus, cuius fronti erat  
 ascribendum in lucem non mittere, non quod quippiā adhuc  
 in eo cognouerim, quo me scripsisse aut pudeat, aut peniteat,  
 sed quod quatuor iam de ea re συντάγματα adita sunt, me fie-

ri potuit, ut qua à me animaduersa sunt ij, qui in eodem sudarunt puluere saltem simul omnes non viderint, praeterim cum inter eos sint aliqui doctrina & ingenio excellentes. Quare cum intelligam id nunc mihi praeceptum, quod ego ceteris omnibus praeipueram, non comittam ut eius lubricationis amore publice possim & furti simul & impudētia postulari. Vale. Et Raphaëli Placentino plurimam à me salutem dicito.

Eusebio Mutinensi Monaco. Greg. S.

ET si iure de me conqueri posse videris, quod cum tu plures antea ad me dederis epistolas, vicissim nullā habetenus à nobis acceperis, si tamen praeteritorum temporum calamitates animo volueris expendere, quantisq; hoc toto biennio molestijs pressus fuerim, nequaquam, ut opinor, mirum tibi videbitur, eiusmodi officium à me intermissum esse. Et qua es prudentia, facile coniectura assequi poteris, ne minimam quidem ocij partem ab operosis illis negocijs aliquando nobis super fuisse. Nec enim tu solus es à me praeteritus, sed ea ratione eiusmodi curam abieceram, ut postea intellexerim, patres etiā ipsos diutius suspensio animo de me fuisse. Fateor certe, inter multiplices illas molestias tumultusq; bellicos, si quam nunciorum occasionem nancisci potui, nullam à me fuisse praetermissam, sed nec certo homini aliquando clare licuit, & illas ipsas quas incertissimis dabam consentaneum est fideliter redditas non fuisse. Quod si spes aliqua se nobis obtulisset foris ut litera redderentur,



tu profecto a nobis & in primis & creberrimas accepisses. Veruntamen cum firmitior stabiliorq; sit mutuus amor noster, quàm ut, vel longinquitate temporis, & locorum, vel diuturno silentio possit labefactari; omiſſa præteriti temporis recordatione, danda in posterum diligentissime est opera: ut eiusmodi iactura, frequentia literarum recuperetur. Ego quidem diutius inter fluctus hosce bellicos, tanta tempestate actus sum, ut tandem Lugdunum vsq; compulsus fuerim, ubi mensis aliquot commoratus, confectisque ex sententia negocijs Cœnobij nostri, Lerinam deinceps & postremo Genuam me contuli, ubi futurum me suspicor, vsque ad comitiorum dies, si tamen voluntatem meam mihi sequi licuerit, nam & crebris & eisdem, ut ita dicā, imperiosis literis, quotidie Mantuam à Præsidente nostro accersor, quo si forte proficiscar, ex propinquiore commodioreq; loco frequentiores à me literas es accepturus, si tamen tu quoq; ad nos rescribere non grauaberis. Cupio te nomine meo Calium Calcagninum cōuenire, doctissimum sane virum, & ut facile ex ipso intelliges, mei amantissimum, uetus certe cum ipso atq; adeo à pueritia ipsa, nobis amicitia intercedit, quem sic nomine meo saluere iubebis, ut eum tibi etiam quàm arctissime concilies: etenim ea est humanitate, ut nemo ad bonorum amicitiam sit propensior, ea autem eruditione, ut neminem instituta cum eo necessitudinis possit pœnitere. Ludouicum præterea Areostum si conueneris, dixerisq; ei à me salutem plurimam, utriq; nostrum, ut opinor, gratissimum facies. Vale.

Gg

Ioann.

## Io. Medices Card. Greg. S.

**D**Etulit ad me Aloisius Lottus, quem secretis tuis adhibere solitus es, te noctes diesq; cogitare, si quaratione afflictas perditasq; res Casinatis Cœnobij possis instaurare, ut renovato ibi diuino cultu, & Benedicti institutionum obseruatione, speciem aliquam primeuæ maiestatis recuperare possit, habereq; te Iulium Pont. Max. & Consuluum Ferandum regis Hispaniæ copiarum ducem, eius consilij non participes solum, sed arbitros etiam & mirificos adiutores. Digna sane cogitatio animi tui magnitudine, & antea tua vita consentanea: digna patris tui Laurentij atq; atavi Cosmæ religione, qui & vetustate collapsa tēpla plurima pristina restituerunt magnificentia, & complura à fundamentis incredibili impensâ extruxerunt. Tu vera non parietes ipsos, nō contignationes, non cæterus partes ædificij sanctas tectasq; reddes, sed religionem, sed castitatem morum, sed pietatem pristinam, Benedictum denique ipsum suis adibus hac ratione restitues. Huc accedit, quod cum multa celebrentur maiorum tuorum in re publica atq; priuata gesta preclarissime, maxime quod illorū fauore atq; auspicijs extincta dudum liberalia studia reuixerunt, debetur quidem tibi nescio quo pacto hereditatis iure, pars quædam eius laudis, sed ea ratione ut rei soliditate ipsis maioribus derelicta, umbram solum, & uelut auram quampiam tibi inde vendicare possis. Enimuero, si id quod tanta cum indole aggredi cogitas, à te fuerit confectū,

tum

rû demum consequeris; ut integrâ laudem consilio pietati  
 atq; ingenio tuo omnes assignandam ducant. Præterea  
 quotquot futuris retro temporibus et penè dixerim, in om-  
 ni æternitate in augustissimis illis adibus sacris operabun-  
 tur, illi omnes in primis te ipsum familiamq; tuam, uel cer-  
 te secundum Deum; tanti operis autorem confitebuntur,  
 cum sacrificijs laudibus continentia, adorationibus diui-  
 num fauorem generi humano satagent demereri. Mouit te  
 ad hoc ut opinor cogitandum, quod sacerdotium id tibi cõ-  
 mendatum esse putas, non ut ex eius annuis fructibus equo-  
 rum magna multitudo, canes venatici, volucres ad aucu-  
 pia nutrirentur: nec ideo ut maior pompa & numero  
 flore cæterua stipatus ad Pontificias ædes deducerere: non  
 ut uno alteròue episcopis esses in equitando comitator: quæ  
 ut Christianæ simplicitati & bonis moribus certum est ma-  
 gnopere repugnare, sic ab animo cogitationibusq; tuis lon-  
 gissime abesse debent. Sed ut sacerrimæ illæ ædes diuinis  
 laudibus multiplicatis, die noctuq; psallëtium uocibus re-  
 sonarent: ut quæ olim ibi viguerunt liberalium artium stu-  
 dia reuiuiscerent, deniq; ut ex Christiana religione illic  
 omnia administrarentur. Etenim locus ipse, ut nosti, diui-  
 na quadam providentia electus esse uidetur, qui & bona-  
 rum artium & omnis eruditionis, ut ita dicam, officina  
 assidue futurus esset. Sic namq; ante exhibitâ nobis à Chri-  
 sto Opt. Max. admirandam humanitatem M. Varronis  
 Academia est nobilitatus. Sic deinde studijs omnium disci-  
 plinarum floruit, ut medicos, philosophos, postremo Tho-

nam Aquinatem illi debeamus, inter eos qui nouum hoc Theologiæ genus professi sunt, facile principem. Nam de Benedicto ipso loqui quid attinet, cum nulla ferme regio sit, nulla ciuitas atq; adeo nullum ignobile oppidulū, quod non & illi dicatis edibus & eius disciplina professoribus sit refectum? Ut mihi videatur acerrimus ille humani generis hostis, iure quodam suo, Casinate Cœnobii præ cæteris omnibus odio & maleuolentia prosequi, quod ex eo potissimum penè infiniti duce extiterint, qui collatis secum signis sæpius victoriam exportarunt. Quare, pro eiusmodi cogitatione tibi mirum in modum gratulor, hortorq; atq; obsecro, uti ne diutius cunctando negotium differas. Scio te & quamplurimos & acres aduersarios habiturum, partim mentito nomine Christiano Christianæ religionis hostes acerbissimos, partim etiam qui iniquissimo animo sunt laturi eius sacerdotij opulentiam, non amplius ad Luxum & delicias, sed ad diuini cultus decorem & pauperes nutriendos conuertendam esse. Tu vero, certe scio, qua animi magnitudine negotium aggressus es, eadem atq; etiam longe maiore ad exitum usq; prosequere, ut nec pietas in voluntate, nec in proposito constantia, nec consilium in exequendo desiderari possit. Qua de re, tecum pluribus agat Eusebius Mutinensis, ordinis nostri Presidens, qui has nostras, ut opinor, tibi est redditurus. Et cuius fidei quædam à me commendata sunt ad te deferenda, ut gratissimum omnino mihi factururus sis, si de omnibus fidem illi adhibere uolueris. Vale.

Antonio

Ant. de Prato Episc. Galliarum Canc. Gr. S.

**S**per negotia tua mihi licitum fuisset, ut ea quæ nunc  
per literas agere consilui, coram teq; alloquens agere  
possem, commodius certe, ac maiore cum animi libertate,  
tum etiam fiducia à me esset hæc causa tractata, fretus si-  
quidem & æquitate causæ meæ, & religione tua, & si au-  
toritate aliquantis per deterreri potui, cum ea tamen incre-  
dibili humanitati sit coniuncta, opinor omnino futurum fuis-  
se, ut quantum autoritas tua me deterruisset, tantumdem  
pronocaret humanitas. Quid enim mihi dubitandum fuit, cum  
apud te religioni sacrisq; ut accepi, magnopere deditum, re-  
ligionis causam mihi tuendam suscepissem? In qua ea ratio-  
ne agi debere humana omnia diuinaq; iura sanxerunt, ut  
si in dubium uerteretur, esset quæ ius controuersum, debe-  
ret tamen ab omnibus secundum ipsam iudicari. Tu vero  
si parum libet, animum ab infinitis illis negocijs euocare,  
quæ in maximo regno administrando, mentem cogitatio-  
nemq; tuam, sibi totam vendicare possunt, propone tibi an-  
te oculos vniuersam familiam nostram, diuina re, cui dies  
noctesq; pure pieq; operatur, paulisper intermissa, te per cõ-  
munia sacra per easdem initiorum leges orare atq; obtesta-  
ri, ne tot suos labores maxima cum animi alacritate hæte-  
nus susceptos, ut sacerrimæ Lerinenses ades in antiquam  
religionem reuocarentur, cassos inanesq; labi patiare, ne san-  
ctissima penetralia, quæ decimo abhinc anno, verum legiti-  
mumq; Dei cultum recuperarunt, nunc demum culpa tua,

(C)

Et ut libere quod sentio loquar, propositi contumacia, pri-  
 stino squallori restituantur. Nobis ne id obesse debet  
 quod rerum omnium parenti natura est assignandum, quod  
 in alieno exlo simus progeniti? Fateor, Itali sumus, sed  
 prophetico praecepto, obliti populum nostrum & domum pa-  
 tris nostri. Sed Pauli admonitu pro eo principe sub cuius  
 potestate degimus, assidue Deum obtestamur, ut tranquil-  
 lam quietamq; agam vitam. Deniq; & beneficiorum me-  
 mores, quæ à rege omnium maximo atq; humanissimo acce-  
 pimus, & Gallorum genti maxima coniuncti beneuolentia.  
 Quod si graecorum barbarorumq; ut Paulus ait, idẽ Deus  
 est, & ea de causa potissime Christianorum omnium, cur  
 quæ eisdem legibus, sacris institutis, communitate vitæ vo-  
 bis coniungimur, ijdem alienigenæ, externi, & ut ita di-  
 cam barbari iudicabimur? Cur diuino cultui dicatorum ho-  
 minum fidem, quæ iam Deo obstricta est, in suspicionem  
 vocare non pudet? Sicut enim non in omni terra eadẽ fru-  
 ges, sic non in omni natura eadem facinora obuenire consue-  
 uerunt. Enimvero si contra regis tui decretum, si contra  
 uoluntatem principum omnium Gallia, nos à te repuleris,  
 non opinor Honoratum ipsum Pontificem à Pontifice, non  
 numerosam cateruam martyrum, quorum sanguine sacro-  
 sancta illa insula est dedicata, omnino esse reſciendos, qui  
 te rogant & obtestantur, ne se pristino squallori restituas,  
 nec cum legitime & ex pietate Christiana uiuendi formu-  
 lam paucis annis apud se custoditam uiderint, corruptum  
 uiuendi genus, & morum licetiam iterum uidere cogan-  
 tur.



tur. Quod profecto accidet, nisi tu ea quæ æquum est pietate, atque religione, Deo dicatarum causam et susceperis et conseceris. Quod ut facias, te per ipsum religionis sanctum et venerabile nomen, per diuorum sacrosanctas reliquias, quibus cœnobium illud est refertissimum, oro atque obtestor. Ne cum religionis contemptu, qui nisi tu ei consulueris omnino secuturus est, nationis Gallicæ infamia apud exteras nationes coniungatur. Quod si nobis, ut speramus, à te prælitum fuerit, id tibi polliceor atque recipio, quicquid sacrificiorum, quicquid religionis, quicquid diuinarum laudum in augustissimis illis adibus deinceps peragi contigerit, id omne humanitati pietatiq; tuæ acceptum nos relaturos esse. Durosq; operâ, ut quando alia ratione à nobis tibi opera reponi non potest, præcibus saltem assiduïs Deum Opt. Max. rogemus, ut tibi, vniuersoq; huic regno propitiuss esse velit. Id vero à te facile nos impetraturos esse, cum humanitas et benignitas tuâ, tum etiam dies hæc diuino spiritui ritu solemni dedicata mihi persuadent, futurumq; ut propediem pro eiusmodi negotio nõ tibi amplius porrecturi preces, sed gratias acturi simus. Vale.

Michaëli Placentino Monaco. Greg. S.

**D**Um heri in Vallauriano essemus ego et Venusinus Pontifex, qui Antipoli ad nos confugit ob sauentem illic vim pestilentiae, reddite mihi sunt à Grassensi literæ, iij. Calen. Mart. Monæci datæ, in quibus erat adscriptum,

ptum, missum ad se à duce Genuensium Myoparorem cum  
certissimo nuntio, qui referret maxima Gallorum strage de  
Ticinum esse pugnatum ad v. 19. Cal. Mart. Cum enim  
in castra Hispanorum paucis antea diebus superuenisset ple-  
nissima Germanorum phalanx, uelletq; rex ab illorū incur-  
suationem reddere exercitum suum, dimissa Papiensi obsi-  
dione, in conspectum locum quem Parcum appellant, copias  
omnes contraxerat, imminutas sane atq; debilitatas, quod  
militum pars longe optima cum Albanie duce in regnum  
Neapolitanum esset profecta. Tum vero Hispani duce Fe-  
derico Aterni, quam nunc Peschariam vocant, Marchio-  
ne, nocte quæ diem Matthiae Apostolo dicatam præcedit,  
maximo silentio de tertia vigilia ex castris profecti, ut ad  
locum eum venire, magno cum strepitu muros demoliri cœ-  
perunt, excitatisq; custodibus & rege ipso, tumultuarieq;  
instructo exercitu, ante lucem in aciem est descensum, con-  
flictumq; miserabili euentu Gallorum. Si tamen is consli-  
ctus appellandus est, ubi alteri tantum persequiebantur  
& hostes cædebant, alteri vero fugiebant & trucidaban-  
tur. Postremo is rei euentus fuit, ut Rex ipse captiuus fue-  
rit, & cum eo rex Nauarra, Comes Sancti Pauli, & Sa-  
baudie nothus, quem magnum regie domus Magistrum  
appellant. Ex Italis Federicus Gonzagha, qui honoratissi-  
mum apud regem locum tenere solitus est. Periere autem  
in conflictu Galeacius Sanseuerinus regis à conspectu, Bo-  
niuettus præterea qui superiore anno cum vniuersi exerci-  
tus dux esset, æque infelici euentu cum Hispanis bellum ges-  
serat.

ferat, Dux Lanchonij, cui in matrimonium soror regis coniuncta est, audito tumultu scdissima fuge se commendauerat. Pauci præterea ex regis exercitu in acie periero, longe vero maxima pars in traiectu Ticini, vi fluminis absorpta est: direpta castra, omni genere prædæ refertissima, capta bellica machinæ, quorum incredibilis pene erat numerus. Hispani hac parta uictoria, tantos sibi spiritus sumpserunt, ut maxima licentia atq; impunitate ad radices usq; alpium excursiones faciant, & quod magis admirandum est, quaterni tantum senine ex populosis civitatibus per vin captiuos abducunt, & si inuitis populis, non repugnantibus tamen. Nihil harum rerum adhuc provinciales isti nostri intellexerunt, quare magnopere cauendum est, ne nos eiusmodi rumorum primi autores fuisse dicamur. Tanta enim sunt socordia atq; stoliditate, ut veluti certa uictoria securi, in utranq; aurem dormiant. Tu vero uelim tibi persuadeas, omnia hæc ex Apollinis oraculo proficisci. Omnino tibi curandum est, ut per omnes noctis uigilias, diligentissima in turri fiant excubie, & si enim nihil dum de classe auditum est, vereor tamen nihilo melioribus auspicijs illam Massilia soluisse, ac rex ipse Lugduno discessit. Meministi sanè quæ nostra fuerit expectatio, & qualis suspensio animi, cum rex in Italiam proficisceretur: cum non satis illi faceret de Hispanis & duce Mediolani atq; adeo de regno Neapolitano uictoria, sed uana quadam elatione, Hierosolymam & Constantinopolim primo uere se petiturum iactaret. Nunc autem uideo in tanto

H h      discrimine

*discrimine res Gallorum constitutas, ut in eo solum spem salutis collocare possint, si hispani vel nescierint vel noluerint tanta hac victoria uti. Eadem enim, ut opinor, facilitate, Galliam Cisalpinam sunt inuasuri, quo regem ipsum & cum eo totius Galliae robur inuasurunt. Certus tamen quodammodo sum, illos usque ad sacietatem repletissimos praeda, nihil de superandis alpihus cogitatuuros, maxime cum regem captiuum habeant, à quo quascunq; voluerint pacis conditiones facile se expressuros arbitratur. Interim vero quotidie pro captiuis τὰ λύτρα, ut in conficiendis literis traiectionum pecuniarum non sufficiant trapezite. Vale.*

Michaëli Placentino Monaco: Greg. S.

**C**ertissima sunt omnia, & longe veriora his quae ad Sagram Rex captiuus et tantum non coniectus in uincula, Picighitonum deductus fuit. Est id oppidi nomen in citiore ripa Abduae fluminis, natura atq; opere munitissimi. Ibi pluribus dispositis Hispanorum cohortibus, incredibili diligentia asseruatur, custode illi Larchonio dato, cuius in hoc bello longe maxima virtus fuit. Caterum penè incredibilia sunt, quae de horum militum importunitate atq; superbia narrantur, ut nulla unquam natio adeo insolenter victoria abusa esse existimetur. Aiunt ex Sabaudiae ducis cubiculo per vim quosdam esse abstractos, quod rebus Gallicis fauissent, qui illuc ex pugna velut in asylum confugerant. Romae Pontificem maximum à paucis, cum quadam  
veluti

veluti iniqua denegaret, publice affectum conuicijs. Ital-  
 lis principibus, miserandâ regis captiuitatem molestissimâ  
 esse, certissimum est, instructissimos habent exercitus, miri-  
 ficos hosce successus imperatoris habent suspectissimos (nec  
 enim dubium est, tanto rege profligato, victorem non quie-  
 turum) & tamen trepidi stupentesq; quiescunt. Tanquam  
 uenientem ad se calamitatem non sensuri sint, sed inspectu-  
 ri tantummodo, ἡ πόλις καὶ ἡ πόλις αἰχμαῖς, οὐκ ἔτι ἀχαιοί. Ru-  
 mor est, Sabaudic nothum Papiæ ex animi mœrore decessis-  
 se, serius quidem aliquanto quàm oportuit, tunc enim erat  
 æquius illum mori, cum Gallia regnum tanta cum auaritia  
 expoliabat, ut nec hominibus nec diuis parceret, Classis  
 quæ in uadis Sabatijs diu sletit ad anchoras deligata, sol-  
 uisse dicitur & Populonium, vel ut complures affirmât,  
 ad hostia Tyberina proficisci, ut Albaniæ ducem & Ren-  
 cium Orsinum Masiliam transeat, qui eo consilio ex regijs  
 castris, cum non contemnenda manu, paucis antea diebus  
 discessere, ut motus aliquos in regno Neapolitano excita-  
 rent, nec omnino irriti cecidissent eiusmodi conatus, nisi re-  
 gis captiuitas & reliqui exercitus profligatio, in diuersa  
 parte essent obsecuta. Nunc vero nibilo feliciore euentu il-  
 linc est regnum illud tentatum, atq; hinc Mediolanense.  
 Aiunt certe intra Urbis Romæ mœnia utranq; factionem  
 Columnnensium, scilicet atq; Ursinorum, pene iusto prælio  
 aliquot horis cœnfluxisse, discessumq; esse expugna in nen-  
 tram adhuc partem inclinante victoria, una tantum ra-  
 tione Columnnenses esse superiores, quod ea factio victori-

bus *sedere est coniuncta*. Horum malorum Pont. maximus spectator non arbiter sedet. Veruntamen quod ad nos potissimum attinet, danda tibi diligentissime est opera, ut die noctuq; custodes arcis nunquam ex specula discedant: incertum enim est, quidnam consilij classes Imperatoris & Genuensium sint captura: & si vix mihi persuaderi potest, nisi prius in provinciam hanc irruperint terrestres copiae, classes ad nos aduenturas. Pridie certe quam haec ad te scriberem, duo Myoparones stationi applicuerunt, quibus Hieronymus Auria Massiliam deferbatur, qui assidue, (ut nosli) maximis pedum articularumq; doloribus laborat. Rettulit is mihi, Classem quæ Genua in portu, est inanè penè esse, cum à militibus tum etiam à remigibus, ut nihil à nobis inde penitus sit timendum. Nec tamen iccirco committendum esse arbitror, ut non diligentissime habeantur excubiae. Non enim caterorum nostraq; & qua conditio est: nam si quippiam à ceteris est offensum, fortunæ tantum id assignari consuevit. Anobis si quid peccabitur, experimento iam docti didicimus, fore, ut non fortuna, sed fides nostra accusetur. Vale.

Dionysio Monaco. Gregorius S.

**R**ESTE atq; ordine à te factum est, quòd musam nostram ineptam sanè atq; inuenustam à candidissima atq; elegantissima deduci volueris: & si enim politioris nitidiorisque comparatione macula fortasse omnes illustrius sunt apparitura, id profecto accidet commodi, quod quicunq;



cunq; eas visuri sunt, politioris tuæ admiranda pulchritudine illecti, minus attente nostrā intuebūtur. Posthac tamē omnino tibi cauendum esse censeo, ut non ad eius generis homines carmina nostra deueniant qui, ut tu recte de furno sentis, non Lerinam tantum, sed gladios etiam atque ignes possint adhibere. Quod vero ostendis te adeo moleste ferre, quod labores illi nostri omnino perierint, nequaquam tibi eo nomine tantopere est dolendum, cum quod minima industriae & paucarum vigiliarum opus erat, tum etiam quod in locum pleraq; aliorum longe doctiora atq; utiliora successerunt. Saulio Episcopo a te salutem plurimā dixi, qui te vehementissime amat, tuiq; visendi est cupidissimus. Is nuper commentarios Euthymij monachi in omnes Psalmos è græco in latinum cōuertit, opus elegans, ingeniosum, eruditum, & in quod ferè omnia quæ à maximis illis viris Origene, Didymo, Eusebio, Basilio, Chrysostomo, in eo genere scripta fuerant, breuiter & miro cū artificio sunt coniecta. In eo eliminando atq; expoliendo, nunc assiduus est, egoq; illi minister assideo. Maximam praterea græcorum librorum copiam, et eorum antiquorum incredibili sumptu atq; industria nactus est, partim Roma, Florentia, atque Venetijs, partim etiam è melia gracia allatorum, miraq; diligentia operam dat, ut eius generis ornamenta, non iam ex languenti, ut ille ait, sed penè funditus deleta gracia, Genuam transferantur. Sunt iam apud nos ferè omnes antiquorum in sacros libros commentarij, in quibus legendis ea ratione afficior, ut tandem videar mihi occultissima mysteria

*myſteria, atque ut ita dicam adyta penitus ingredi poſſe, & nunc demum intelligo, quàm nihil ſcire poſſint in ſacris literis, qui græcæ linguæ omnino ſunt ignari. Hæc igitur ad te ſcribere volui, ut coniectura aſſequerere me huius loci atq; eiſmodi conſuetudinis cupientiſſimū eſſe. Vale.*

Ioannes Moronus. Greg. S.

**G** Valterius Corbetta, vir cum utriuſq; noſtrum ami-  
ciſſimus, tum multiplici literarum eruditione (ut no-  
ſti) optime præditus, mecum tam honorifice de te locutus  
eſt, ut diceret, ſe multos quidem literarum & græcarum  
& latinarum ſtudioſos vidiffe, in utroq; autem genere  
conſumatum æque, ac tu es, inueniſſe neminem. Ex quo me  
tam ingens cœpit deſyderium amicitia tuæ, ut amplius diſ-  
ſerre nequieuerim, quin quacunq; ratione poſſem gratiam  
inirem tuam, atq; id, quo negligentia mea multos dies ca-  
rui, nūc nouo quodam & fortasſe temerario literarum gene-  
re mihi acquirerem. Quare te etiam, atq; etiam rogo, pro  
ea quam in te eſſe humanitatem ab omnibus audiui, ut his  
ſcriptis patiari fundamenta amicitia noſtræ, ita iacta eſſe,  
ut ſuper his (ſi tibi libuerit) exædificare poſſimus. Vale.

Ioanni Morono. Gregorius S.

**E**T ſi ampliffimam teſtificationem humanitatis tibi red-  
debant ciues mei, quos omnes ſua uitate morum & ſu-  
cilitate congreſſus, adeo tibi deuinxisti, ut ipſa etiam me-  
moria conſuetudinis tuæ nihil illis iucundius poſſit accide-  
re,

re, longe tamen ampliozem nobis reddiderunt perelegatos  
 litera, quę plenissime & humanitatis & officij declarabāt  
 singulare ingenium tuum, coniunctum pari erga me bene-  
 uolētia. Habeo igitur Vualterio nostro immortales gratias,  
 qui licet immodica nostri commendatione, magis amoris er-  
 ga me quā erga te fidei rationem habuisse videatur, eo  
 tamen pacto maxima te nostri prædicatione deceptum gau-  
 deo, quod mihi incredibilem voluptatem amicitia tua con-  
 ciliatione, eiusmodi deceptio procreauit. Eius vero curā re-  
 linquam, an ea quę de me præstiturum recepisse tibi vide-  
 tur possit repræsentare, te certe tenebo: quando nullo meo  
 dolo malo huc deductus, ut sponte etiam mihi amicitia  
 tuam obtuleris, cuius ita facile patior fundamenta à te posi-  
 ta esse, ut eo tantum nomine conqueri posse videar, quod  
 præoccupatis partibus, quę honestiores sunt, nobis difficilio-  
 res reliqueris, quando cumulatione mensura reddi iubet  
 Hesiodus, fruar tamen interim amore tuo & ipsius Vual-  
 terij errore, tibiq; polliceor, nūquam in mutua amicitia no-  
 stra excolenda, me uel literis uel officijs defuturū. Vale.

Leoni X. Pont. Max. Greg. S.

**S**Ciofore complures qui tibi ob demandatam amplissimā  
 dignitatem, maximumq; Pontificatum, mirum in mo-  
 dum sint gratulaturi, idq; non suo sibi tantum iudicio, sed  
 fortasse etiam ceterorum omnium recte atq; ordine facere  
 videbuntur. Si enim cum mediocris alicuius dignitatis  
 cuipiam, quo cum nobis uetus amicitia intercedit, fiat ac-  
 cessio

cessio, alienum quippiam ab officio facere videmur, si non  
perinde ostenderimus eo nomine latari, quasi nosmetipsi  
eodem honore aucti & cumulati fuerimus. Quid eos factu  
ros putamus, cum tibi hac dignitas, praesertim nec ambien  
ti nec expectanti, sit demandata. Qua maior aut amplior  
ab homine Christiano nec desiderari quidem posse vide  
tur. Habet enim summum illud sacerdotium amplius quid  
dam atq; augustius, quam ut id in ceteris dignitatibus  
inuenire possimus. Excellit qui eo fungitur communem ho  
minum statum, medius inter diuos atq; mortales est consi  
tutus. Ceteris nempe ut sint maximi, ut sint potentissi  
mi reges, in corpora tantum atq; res nostras imperium exer  
cere est permissum, ut recte à quopiam dictum sit, equā  
eos cum cantharide vim esse sortitos. Tibi vero immortalis  
illa nostri, atq; adeo diuina pars, animus ipse, scilicet, est  
subiectus. Nihil in iurisdictione tua humanum, nihil terre  
stre inuenitur, diuina omnia atq; caelestia sunt. Quo fit, ut  
non certis limitibus, montibus, scilicet, fluminibus aut ma  
ri, imperium tuum terminetur, quodcunq; ab ortu ad occa  
sum die noctuq; sol aspicit, tuis nutibus, tuoq; imperio est  
subiectum, nec ea ratione ut id imminui aliquando aut la  
besctari possit, quoad Romana religio, quoad nomen Chri  
stianum denique, quoad Christus ipse regnabit, quod futu  
rum est ad omnem aeternitatem, eatenus summi Pont. auto  
ritas, maiestas, atq; imperium perdurabunt. Hac atq; eius  
generis complura scio eorum nomine qui tibi gratulantur,  
ad te quotidie perferri, auresque tuas eiusmodi vocibus  
circumsonare,

circumsonare, ut mihi nequaquam sit necesse, trito iam vestigijs omnium, & conculcato itinere proficisci. Ego vero pro hac dignitate, quæ omnium patrum suffragijs tibi nec expectanti nec desyderanti est demandata, omnium ordinũ sacerdotibus, principibus, regibusq; qui eadem nobiscum religione censentur, uniuersa deniq; Reip. Christiana mirum in modum gratulor. Cum enim vitam moresque tuos ab ineunte atate consydero, cum castissime superatam adolescentiam, iuuentutem ætatem grauissime atq; sanctissime. Cum præterea intueor quanta animi fortitudine atque constantia, paupertatem, diuturnumq; exilium toleraueris, qua prudentia, errore fortasse aliquo, grauem tibi aduersarium Alexandrum Pontificem Maximum, eò deduxeris facilitate tua & suauissimis moribus, ut non modo odium dissimulare vellet, se etiam ad declinandam inuidiam, se tibi cuperet haberi amicissimum. Omitto hic domesticam familiæ tuæ disciplinã, qua nihil sanctius, nihil moderatius, præsertim in hac morum corruptela, excogitari potest. Hæc atq; eiusmodi pleraq; mihi ad memoriam reuocanti, facile persuadetur, fore ut planè ostendas, non te hac potissimũ atate electum esse, ut ad corruptos huius temporis mores, hi qui te sibi pratulerunt suffragia sua accommodarent, sed ut declararent istis quoque temporibus mira accidere posse, ut cum admodum iuuenis, nondum scilicet annum quintum & trigesimum supergressus, tanto oneri idoneus es iudicatus, id ea ratione factum esse, quod quasi lumen quoddam in hisce tenebris elucere viderent sanctitatem & pruden-

F i dentiam

*dentiam & magnanimitatem tuam. Præterea te esse so-  
 lum qui posses ad tam vastæ navis gubernacula, veluti in  
 summa puppi sedere, inter medios fluctus & undiq; cir-  
 custrepêtes procellas tuto cursum tenere. Quo fit, ut nunc  
 demum sibi omnes polliceantur pristinos Christianorum ri-  
 tus, & mores sanctissimos, qui ex minimis initijs in hunc  
 amplissimum rerum statum, Remp. nostram prouexerunt.  
 Tibi vero priuatim haud satis scio an debeam gratulari,  
 & si enim fieri non potest, ut maxima te dignitate auctû,  
 pro ea quæ mihi tecum ab adolescentia intercessit, seruitu-  
 te, non vehementer gaudeam, sæpius tamen mihi venit  
 in mentem periculi quâ dignitatis tuæ. Licet enim ad ma-  
 xima quæq; natus esse videaris, licet magnanimitatis at-  
 que innocentia nemo me tibi testis certior esse possit, tam  
 graue tamen est onus quod tibi nuper impositum est, præ-  
 fertim cum tibi tam lubrico infestoq; itinere sit inceden-  
 dum, ut nulli dubium sit, minimum esse debere securitati,  
 maximum autem timori locum. Quid enim, ut in aliquo si-  
 mili verfer, nonne pastori timendum esset, cuius cura innu-  
 meri greges, infinita armenta ea ratione commendarentur,  
 ut capitis sui periculo custodienda susciperet, præsertim le-  
 ge posita, ut culpam omnem & periculum ipse esset præsti-  
 turus? Vigilandum utiq; assidue, sui minima gregis autẽ  
 maxima cura esset habenda. In hoc rerum statu cū tibi Leo  
 agendum esse videam, mihi quidem gratulor, caterisq; om-  
 nibus qui tuo equissimo imperio sunt subiecti, tibi vero eo  
 tantum nomine, quod post diuturnos maximosq; labo-  
 res,*



res, post pericula maxima quæ spero fore, uti præclaræ hac indole virtutibus omnibus cumulata, facile superes, par tanto discrimini, atq; adeo longè maior merces est præparata: danda igitur tibi opera est, ut ei opinione quam de te in inferioribus magistratibus concitasti, in maximo hoc atq; supremo studio, labore, diligentia atq; animi magnitudine respondeas. Et ut patres qui tibi munus hoc demandarunt, in eo admirandi esse videantur, quod si se æquo animo passi sunt præteriri, id maximo iudicio fecisse sint putandi, quod ei potissimum ceßerunt, qui ingenio atq; industria, adde etiam moribus & sanctitate, tantum cæteros omnes excelleret, quantum loco & dignitate esset præstiturus. Vale.

Augustino Grassensi Episc. Greg. S.

**Q**uanti ego Christophorum Longolium faciam, quantumq; semper fecerim, nemo, ut opinor, te melior testis aut locupletior esse potest. Meministi enim cū primū Venusinus noster Roma rediens eius literas græce scriptas mihi reddidit, cuius antea nec nomen quidem audiuerā, quale fuerit nostrum de Longolio, deq; eius eruditione iudiciū, cum tibi affirmare non vererer propediem fore ut elegantes literæ, orationis incorruptæ candor & puritas, & quod ijs omnibus maius est, syncerum rectumq; iudiciū, tum demum ipse ab Italii acceptum in Galliam transferet. Meministi præterea, ut opinor, me dicere, esse apud vos viros complures excellenti ingenio atq; doctrina, me tamen

fi 2 in

in tantam spem eius iuuenis venire, ut crederem ceteros omnes ab illo longo interuallo superatum iri. Cumq; intellexissem quosdam Roma esse, qui illi negocium facerent, confestim ad ipsum literas dedi, quibus hortabar ut Lerinam secederet, operamq; & fidem nostram benigne pollicebar. Quo factum est ut paucis postea mensibus ad nos uenerit, uixeritq; nobiscum dies aliquot, maxima cum familiaritate & amicitia. Accidit vero, ut ego eo tempore grauissimis molestissimisque curis Cœnobij nostri dislinerer, quod cum iniquissimo animo ferrem, mirificoq; ardere desiderio ocij (&) quietis adipiscendi, (quod postea opera (&) beneficio tuo nactus sum) forte euenit ut inter quotidiana colloquia apud illum, eo nomine mirum in modum conquerer, qui, ut ex te postea auditum est, re tecum comunicata, sponte se cum Pont. Maximo acturum recepit, datumq; operam, ut cum Pontificis autoritas tanta sit apud patres nostros, quanta esse debet, ego eius interuentu à curarum molestia, quæ animum meum distrahebant liber aliquando fierem, cumq; tu pro eo mirum in modum mihi gratularere, negaui mihi opus esse illius opera aut labore: habere me Roma fratrem gratiosissimum apud omnes ordines: habere Sadolettum qui sanctissimo patriæ vinculo & iure etiam propinquitatis mihi esset coniunctissimus, quorum gratia & fauore nihil esset quod Roma à nobis confici non posset: vetustissimam præterea seruitutem mihi cum Pont. Maximo intercedere, ut nihil esset quod nobis de eo polliceri non possem. Sed meum sanè de ea re iudiciū semper fuisse,

uti

*Ut nequid nisi explorata patrum meorum voluntate fieri deberet: nolle enim me, ne si possem quidem, quippiam ipsis inuitis tentare, ne dicam transigere aut pacisci. Sed quod sum mopere admiror de eiusmodi cogitatione sua mecum nihilegit Longolius: quare accidit, ut multo etiam magis admirer, quid ita illi venerit in mentem, nunc demum hanc epistolam ad me dare, cuius exemplum ad te mitto, ubi ne scio qua intempestiva gravitate, Catonem mihi agere velle videtur, sed sunt omnia illa ἰσθὺς ἡμῶν ἔπος, ut suspicari possis hominem Hippocratis vinculis astringendum esse. Mitto etiam ad te eius epistola exemplum, quam ad Longolium dedi, ut tuum sit iudicium satis ne moderate & absque stomacho eius ineptias tulerim, qui etiam simulat se magno pere cupere, ut de ea re excusationem eius accipiam, pro qua nihil omnino à me habuerat in mandatis. Postremo mihi mirum in modum gratulatur pro adcepta animi quiete, hortaturq; uti hac in posterum frui velim, cum mihi ad superioris anni molestias nuper etiam accesserit, quod tu non ignoras, grauissimum onus & longe omnium difficillimum. Prorsus, ut mihi videatur, confrieto argumento ludere voluisse, vimq; ingenij sui atq; eloquentiæ, tanquam in aliqua declamatione experiri. Vale.*

Vitali Monaco: Greg. S.

**E**T si non tantum mihi tribuo, ut acerbissimum hunc fortuna ictum ea quæ decuit constantia atq; animi firmitate, me omnino tolerasse mihi persuadeam: illud certe di-  
cere

cere non verebor inter has iniquorum temporum molestias  
 & irruentes undiq; procellas calamitatum nobis aliqua  
 ex parte concedendum esse, si grauiſſimo hoc caſu me aliquan-  
 tiſper commotum fuiſſe non diſſitebor. Et enim quis tā com-  
 muni omnium ſenſu priuatus, & penè dixerim ferreus exi-  
 ſtat, qui primum hac rerum omnium vaſtitate, deinde cre-  
 berrimis altera ſuper alteram irruentibus cladibus, vexa-  
 tus atq; afflictuſ, nunc demum etiam domeſticis ſpoliatuſ  
 ſolatijs, non paululum dolori concedere cogatur? Ego ve-  
 ro quàm recte faciam ſi me commotum fuiſſe non negè tuo  
 relinquam iudicio, literarum certe tuarum autoritas con-  
 iuncta pari erga me beneuolentia, ita omnè animi mei agri-  
 tudinem abſterſit, & penè deleuit, ut illis lectis penitus  
 acquieuerim. Declarabant enim perſpectum mihi quidem  
 antea innumeris officijs mirificum amorem tuum, nunquā  
 tamen nobis æque gratum atq; iucundum. Caterum quod  
 alumni tui omnes tanta pietate eius funeri, quem ne de ſa-  
 cie quidem cognorant iuſta perſoluerunt, totum illud tibi ac-  
 ceptum reſero, in cuius gratiam id factum eſſe neminem pu-  
 to fore qui ambigat. Video enim te apud ipſos ita teſtata eſ-  
 ſe voluiſſe argumenta tua erga me pietatis, ut quacunque  
 mihi ab ſe tributa fuiſſent, perinde tibi grata fore ſuſpicarē-  
 tur, ac ſi tibi ipſi parentiq; tua eſſent perſoluta. Nec ea ta-  
 men de cauſa minores illis habeo gratias, cum nequaquam  
 fieri poſſe opinor, ut eum quem à te tantopere amari cum  
 verbis tuis, tum etiam reipſa didicerunt, non & ipſi quo-  
 que mirifico amore proſequantur. Quare nihil alienum ab

ea quæ inter nos pietate intercedit facturum me esse suspicor, si eos maximopere obtestatus fuero, ut ab hac parentalium obsecrationum religione eatenus non desistant quoad mihi genitriciq; mea putauerunt esse satisfactum, quod quidem tum demum accidet, cum illi ea fide se intelligent obsecrare, quæ iuxta diuina pollicita, à Deo Opt. Max. nihil obtinere non potest. Vale.

Paulo Sadoletto. Gregorius S.

**F**acile ex epistola tua intellexi, quanta orationis ubertate, quantaq; eloquentia copiosiores materias tractare consueueris, qui nullo etiam (ut ais) proposito argumento, in his literis quas ad me dedisti, tantum absuerit, ut rerum aut verborum copia destituereris, ut nihil etiã uberrius luculentiùsue excogitari posse videatur. Mihi vero ille ipse litera unicum argumentum ad te scribendi reliquerunt, ut scilicet tantis tuis progressibus gratularer, quantos te ex ipsis habere cognoui, quantosq; ab ineunte pueritia tua, & mihi & patri tuo de te assidue pollicebar. Non enim ei argumento locum reliquisti, quo potissimum uti debuisssem, ut te ad bonarum artium studia incitarem atq; adhortarer, quem egregia quedam atq; admiranda indoles, tum etiam mirifica diligentia in optimis studijs, postremo patris & patruï domestica exempla adeo prouocarunt, ut te non incitandum putem, sed testimonio literarum tuarum imitandum alijs proponere debeam. Cuius quidem rei communis est nobis cum patre tuo, atq; æqua oblectatio, cui quo

quo mihi *Vetus* & multo antea quàm tu natus es constituta amicitia intercedit. Et cui nequaquam concessurus sum, ut maiore quàm ego de te successibusq; tuis voluptate sit afficiendus. Nec huius animi mei quispiam illo testis certior esse potest, qui ut me quàm maxima iucunditate afficiat, epistolas omnes hendecasyllabosq; tuos non minus venuste quàm eleganter scriptos, simul atque accepit confestim ad me legendos deferret, quem optime novit ingenio atq; eruditione tua mirum in modum oblectari. Nuper etiam epigrammata ad Venerem atq; Dianam, in quibus & acumen & inuentionem sicuti græcos imitantia, ita nequaquam illis concedentia cognoui. Quorum omnium cum ob ipsorum mirificum candorem, tum ob tuum amorem erga me & buccinator & præco fieri non verebor. Tu vero perge per Patruum tui vestigia eo contendere, quo & indoles tua & illius ingentia beneficia te ducunt: illumq; tibi propone quæ colas, quem imiteris, cuius vitæ integritatem & mores sanctissimos æqua atq; eruditionem singularem uno omnium ore celebrari vides. De me vero ea tibi pollicearis velim, quæ ab eo proficisci debent, qui te unice amet, qui studiis tuis mirum in modum faueat, qui denique ingenio atque doctrina tua, supra quam dici potest oblectetur. Vale.

Vitali Monaco. Gregorius S.

**M**ulta fuerunt in posterioribus literis tuis, quæ me incredibili voluptate affecerunt, & primum quidem



dem quod uod amorem atque beneuolentiam tuam erga me facile recognoui: & si enim mihi à primo ætatis tue tempore nihil magis persuasum fuit, quam me abs te uehementer amari, præferebant tamen illæ ipsæ litteræ incredibilem quandam tum mirifici amoris, siue quod proposita materia qua me maxentem atque afflictum consolabare, id ipsum postularet, uideretur, siue quod penè æquè dolendo ea occurrerunt quæ ad leniendum dolorem meum erant aptissima. Grata præterea nobis fuit maxima illa diligentia, quod non contentus literis quas ad me prius dederas elegantissimis sanè simul atque amicissimis, præclarum illud officium nouo hoc beneficio cumulaſti. Postremo, festiuâ illa excogitatio qua à nobis literas exprimere conatus es eiusmodi fuit, ut non solû omnem à me dolorem patuerit auferre, sed inuitum etiam & reluctantem compellere ad scribendum. Enim uero cum his potissimum de causis humanitatem tuam magnopere ab omnibus commendari debere uideam, illud certe nequaquam commendatione dignum existimo, quod tanta pertinacia silentio studere decreuisti, ut nihil apud te officium, nihil pietas, qualitura fuerint, nisi ego consolatione tibi summo peregere usus fuisssem. Quamquam enim legiser ille noster, cuius autoritas apud te tanta est, quanta profecto esse debet, silētium non solum maximopere commendat, sed decretis suis etiam sanctum atque inuiolabile facit, cum tamē eius mores uitamque intueor, quibus nihil absolutius aut perfectius nec cogitari quidem posse uidetur, facile cognosco, nunquam illum intemperato silentij amore ea ratione ab officio

fuisse deductum, ut Pythagoreorū ineptias sequi vellet, qui, ut de Apollonio Philoſtratus teſtatum reliquit, magis ſilendopræceptoris ſui placita obſervare voluerunt, quā concitatē ad ſeditionem ciuitatis iram atq; tumultum paucis verbis interrupto ſilentio temperare. Noſter autem hic perpetuam cum ſorore noctem inter diuinarum rerum mutua colloquia duxit inſomnem. Et id quidem, cum nocturnas potiffimum horas inuiolabili ſilentio obſervari ſanxiſſet. Quare nihil eſt quod poſthac tantopere taciturnitati ſtudere velis, ut dum alterum declinas vitium, imprudens in alterum, & illud quidem longe maius atq; deteſtabilius, incurras. Porro, quod tātopere conquereris à me tuis literis non eſſe reſponſum, ſcio id non noſtra, ſed tabellariorum culpa contigiffe, qui fortasſe ob infeſta undiq; itinera iſthuc ad vos peruenire non potuerūt, vel certe, ut eſt id genus hominum alienum ab omni urbanitate, taciti præterierunt. Mitto igitur ad te exemplum eius epiſtola, qua prioribus tuis literis reſcripſi: non enim conſilium fuit alienis literis noſtrum nomen apponere, ne cum facultatem noſtram dicendi longo interu allo ſuperent, ſiquid in poſterum ad te ſcripſero, noſtras illas infantia ſimul atque te-meritatis accuſent. Vale.

Dionyſio Monaco. Greg. S.

**E**T ſi non dubito omnem apud te excuſationem noſtram ſuperuacua fore, id quē pietati, quæ mutua inter nos intercedit mirum in modum eſt conſentaneum, non commit

tam

tam tamen, ut vel tacita cogitatione peccati alicuius in tā constituta beneuolētia nostra me accusare possis. Cum enim molestissimis occupationibus nostris factum sit, ut serius suauissimis illis tuis literis rescriberim, quibus me de matris meae obitu mœrentem consolabare, omnino subuerebar ne me vel parum tu memorem vel officiū oblitum suspicareris. In eiusmodi autem tempora incidimus, tantisq; rerū turbationibus impedita, & in his potissimum locis, in quibus ego degebam, ut ne dicam apud te virum summa prudentia, sed nec apud propemodū rerū humanarū expertes, excusatione me egere suspicer, si in scribēdis epistolis paulo fuerim negligentior, magis fortasse mirum videri debeat, me nunc demum etiam ad eius generis literas animum adiecisse. Caterum tibi persuadere velim, hoc meo tempore nihil mihi tuis literis neq; gratius neq; iucundius accidere potuisse. Cum enim pleriq; soleant magis ex consuetudine quā ex animo eiusmodi officijs satisfacere, ob id potissimum incredibilem accepi consolationem, quod te velut in proprio luctu perinde affectum mœrentemq; intellexi, quasi nunc demum, tu etiam maternis esses solatijs destitutus. Rursus eiusmodi rationibus usus es, ut me afflictum iacentemque excitares, ut pene nefas putarim consilij tuis verioribus nescio, an grauioribus non obtemperare. Fuit certe acerbissima nobis eius matris amissio, quæ altero iam & quadraginta annis vidua perseuerans, cum me quadrimulo minore, orbatum patre educandum suscepisset, filios præterea complures tanta cum charitate et disciplina enutrit, ut nul-

lum nobis locum reliquerit patris desiderio. Quare si vera sunt quae Paulus scribit, ut vera sunt profecto, honore eas affici debere, quae vere viduae sunt, rectissime omnino à te scriptum suspicor, illam iam pro vita integritate & castitiam, proque sanctissimis moribus beata perfrui immortalitate. Habeo vero tibi immortales gratias, quod tanta pietate illi iusta persolueris quae cum me filium haberet, eam tu quoque matris loco à te mirifico honore prosequendam esse duxisti. Etenim ea ratione græcum illud semper in amicitia nostra à te custoditum est. τὸ φίλον κοινὸν οὐδὲν ἰσότητά, ut merito me te esse alterum existimare debeam. Vale.

### Amico cuidam

**B**inas ad te superioribus diebus literas dedi, quae quoniam certissimis hominibus commendata fuerunt, coniectura assequor, tibi redditas fuisse. Cumque ut à te nobis responderetur mirifico arderem desiderio, obtulissetque se nobis rursus certi hominis commoditas, non sum veritus tertius etiam tibi molestus esse, eoque libentius id feci, quod is ad nos, confectis istis aliquibus negocijs, confestim est reuersurus. Primis igitur à te summo opere flagitabam, uti ne ad me rescribere grauareris, quae nam ratione machinam illam confici posse putares, quam ab Euclide nobis ostensam, finisse scripsisti in globi definitione. Et si enim intelligere mihi uideor te ex circunductione semicirculi, in lignea aëreue materia, sic tornatilem globum fieri posse opinari, quemadmodum

modum ex circini circunductione fit circulus, quo tamen pacto id fieri debeat, cuperem ut à te illustrius esset declaratum. Cum enim nulli dubium sit, rem ipsam sciuntiam à materia consideranti, quod suum proprium est mathematicorum, Euclidis definitionē intelligi posse, in materia certe, cum in eo diu (et torno et) ascia laborarim, nondum tamen id quod volebam sum assecutus. Quid vero obstet, tum facilius à te intelligetur, si non cogitatione tantum, sed instrumentis etiam volueris experiri. Ego sane adhibitis eius generis artificibus admodum peritis, non difficilem solum, sed eiusmodi ut omnino confici non possit machinam illam tuam inueni. Et nisi descriptione aut certe verbis id à te nobis illustrius fuerit expressum, omnino me assequi posse despero. Alteris porro literis petebam, ut ni tibi molestum esset, locum de Fride quem in Meteorologicis Aristotelis, pene intactum reliquisti, diffusius explicares, idque non mea solum ceterorumque, sed tua etiam precipue causa. Cum enim aus praeteritum à te locum, quod difficiliore quadam ratione tractandus esset, vereor, ut doctis à te sit eo pacto satisfactum, quorum precipue ratio in his quae scribimus mihi habenda esse videtur. Si vero rudium etiam gratia te tantum scribere profitereris, nunquam tamen in difficiliore locis sic essent illi destituendi, ut nihil praeter ea quae omnino cognitu facilia sunt, intelligere posse cederentur. Cum vero nihil sit in Meteorologicis ostensione illa Iridis ingeniosius, sit etiam à græcis potissimumque ab Alexandro, planissime demonstrata, opinor te rudioribus illis

illis gratissimum facturum, si non perinde de ipsorum ingenio desperaris, quasi nihil difficile obstrusumq; labore aut diligentia sint affecuturi. Doctioribus vero hac ratione occurrere à te poterit, qui, ut se habent plerumq; mores, non ita circum fortasse à te præteritum locum iudicabunt quod rudioribus consultum volueris, sed quod nondum à te satis fuerit intellectus. Quare, si denuo curaueris ut paraphrases illæ imprimantur, opinionem, quam de te apud omnes concitasti, eo pacto sustinere posse videberis, si ea quoq; pars ut pleraq; omnia planè dilucideq; addo etiam mathematicis demonstrationibus à te fuerit explicata. Hæc illa sunt quibus à te rescribi magnopere desiderabam. Quod quidem si ut facias, poteris animum inducere, id humanitati facilitatque, addo etiam doctrina tua erit consentaneum. Sin autem secus à te fuerit constitutum, ea quoq; de re ut me certiore facias te vehementer etiam atq; etiam rogo, ne & ego posthac frustra in scribendo ad te laborem insumam, & tibi sim fortasse molestior quàm aut tu velles, aut moderationis & communis sensus ratio postularet. Vale.

Vitali Monaco. Gregorius S.

Commodum Mutina literas acceperam, tetra atq; horribilia nuntiantes, intra mœnia scilicet rerum omnium inopia, tributorum exactionibus, militum licentia mirum in modum laborari. Extra uero ob incursiones barbarorum cædibus, incendijs, rapinis, & agrorum depopulationibus,

omnia



omnia sæde misceri, quibus ita affectus sum, ut dolorem diutius nequirem dissimulare, non enim tantum angebar sensu præsentium calamitatum, quantum timore atq; expectatione impendentium craciabar. Cum ecce subito a te epistola elegans sanè & gravis, & quæ vicissim adeo sum recreatus, ut (quod vix credibile sit) omnem pene ex animo meo dolorem abiecerim. Gaudeo equidè mirabiliter te animum induxisse, ut crebras in posterum ad me eius generis literas dares, quæ tantum abest ut mihi molestæ futura sint, quod subuereri uidebaris, ut nihil aptius esse possit ad leniendas animi mei agritudines. Cum enim sint suauissimi amoris atq; benevolentie tuæ erga me plenissimæ, ob miris cum præterea candorem adeo sunt venustæ & elegantes, ut in illis mihi videatur humanitas cum eloquentia pugnare, & cum utraq; iudiciū. At enim quod vir ille omnium mortalium, ut rectissime scribis, lepidissimus & amantissimus utriusq; nostrum, adeo opportune tibi literas nostras reddidit, cum ad senatum istum, de grauissimis negotijs esset relaturus, ut te cum in disceptando, tum etiam in dicenda sententia promptiorem ingeniosoremq; fecerit: agnosco equidem animi tui moderationem, qui id literis nostris volueris acceptum referre, quod tu & rerum usu et ingenij desleritate iam pridem es affecutus. Nec tamen id oneris sumam, ut te decipi de me coner ostendere, cum literis nostris tantum tribuis quantum nec à me cognosci nec à cæteris intelligi posse non dubito. Erit profecto tuus hic error eiusmodi, ut mihi & utilitatis & voluptatis plurimum

plurimum possit afferre, quando hac ratione creberrimas à te literas sum expressurus. Vale.

Seuero monaco Cisterciën. Gregorius S.

**C**um me dudum per literas in spem maximam adduxisses fore, ut M. Tullij orationes opera & ingenio tuo ad vetustissima exemplaria emendata, breui ad me deferrentur, ita muneris tui pollicitatione sum incensus, ut nihil à me potuerit maiore cum desyderio expectari. Cū quod id opus fœde omnino laceratum, pristina à te restitutum integritati intellexeram, tum præcipue quòd mihi perspectissimum esset, nihil à te proficisci posse, quod non idem esset in suo genere absolutissimum. Quare diligentissime operam dedi, ut illi ad quos rerum Aldi procuratio eius morte deuenit, opus ipsum simulatq; Venetias delatum foret, summa fide & diligentia excusuros se esse reciperent. Id enim ex literis tuis te vehementer desyderare intellexeram; deq; eare feci te continuo per epistolam certiozem. Tanta vero & temporum iniquitas, & rerum omnium perturbatio est consecuta, ut nec nostras tibi redditas fuisse suspicer, & te fortasse quod desperaueris inter has temporum calamitates id posse confici, omnem eius rei curam penitus abiecisse. Nunc vero cum Hercules Gensiaqus Mantuæ Pont. qui optimorum studiorum, iure suo quodam, patrociniū sibi sumpsit, idem ex me cognouisset, mecum egit diligentissime, ut ad te denuo de ea re accurate scriberem, ne & nos diutius tanta utilitate careremus, quantam ex eo opere perci-

pi posse certissime intellexit, & tu frustra laborem & industriam insumpsisse videreris: futurum enim, ut eius favore & gratia nostra ad te litera deuenirent. Et si orationum volumen ad nos dare voluiffes, uraturum se, ut summa fide & diligentia redderetur. Quare maximis precibus te oro atq; obtestor, ne nos diutius eius rei desyderio & expectatione torqueas, quam, & tu prior debere voluisti, & nos tanta cum animi voluptate excipiemus, ut nunquam pro eo munere pares tibi à nobis gratias relatum iri posse putemus. Tibiq; recipio, non solum me, sed ipsum etiam Herculem, qui, ut merito esse debet, Venetijs apud omnes ordines gratiosissimus est, diligentissime curaturum, ut primoquoque tempore labores isti tui in publicos doctorum usus prodeant, cum maxima verissimaq; ingenij & industrię tuę testificatione. Vale.

Francisco Bellincino Iureconsul. Greg. S.

**E**Go uero, mi Francisce, nondum satis constituere potui, iucundiorne mihi sit, an acerbior, recordatio pristina cōsuetudinis nostræ. Cum enim præclaram indolem tuam, suauissimos mores, multiplicem atq; adeo in omni genere literarum, mirificam eruditionem consydero, fieri profecto nō potest, ut acerbissimum non sit, perspēctis iam mihi atque etiam paulisper degustatis bonis, plurimis iam diebus caruisse. Contra vero, incredibili me affici voluptate necesse est, recordatione amoris tui erga me, iucundissimiq; cōgressus. Plus tamē omnino iucunditatis quàm acerbitalis eius-

modi recordationem habere, ea potissimum de causa nunc demum statuo, quod uiuit adhuc uigetq; certissima spes fore ut breui ad oblectationem maximam uerrimosque fructus consuetudinis tue reuertar, qua quidem si destitueret, uehementiam tanti desyderij ferre non possem. Ceterum, & si me non diutius isinc absuturum certissime scio, ut tamen nihil de die certum polliceri audeam, faciunt iniquissimi huiusce temporis motus & perturbationes, ob quas non ego solum de remansione profectioeue suspensio animo sum, sed maximi etiam & potentissimi reges coguntur de status sui ratione dubitare. Nuper quidem certe cum maxima et instructissima copia Venetorum ad Padiripas confederint, que, ut certissimis coniecturis assequimur Hispanos, Germanosq; consecuturę, extructo iam nauibus ponte, de traiectione cogitant, tutissimum uisum est eatenus me itineri partim, suspecto, partim etiā certissime infesto non cōmitere, quoad a militari tumultu fuerint omnia tranquilliora atq; sedatiora. Eo enim potissimum, ut nosti, consilio Mutina discessi, uti ne insolentium hominum, & (quomodo nunc est) in ui & audacia omnia posita esse existimantium, iniuriam et contumelias cogeret perpeti, quod experimento didiceram, paulo me esse delicatioris in eo genere stomachi, quā ut ea deuorare absq; nausea possem. Esset uero insipientis & inconsiderati, cum plurium mensurā iacturam a quo animo tolerauerim, nunc demum rebus prope modum constitutis, paucorum dierum expectationem ferre non posse. Vale.

Guliermo

Gulier. Langiæo Regis Franciæ Secr. Gre. S.

**C**um vix fieri posse putarem, ut non modo tibi con-  
gredi, teq; coram alloqui possem, sed etiam ut si quas  
ad te dedissem literas, ea, aliqua ratione reddi possent, ob tẽ  
porum iniquitatem, atq; infestis, undiq; itinera, repente  
mihi allatum est, te in Italiã aduentasse, copotissimum  
consilio ab rege optimo, & ( quæ verissima præfatio est )  
Christianissimo missum, ut non nutantibus tantum, sed pe-  
nè funditus iam euerfis Christiana religionis rebus, studio,  
atq; dexteritate tua opem ferres. Quo quidem nũcio, nihil  
iucundius, nihil optatius nobis accidere potuit. Ex quo enim  
primum mei in te amoris fundamenta posuit vir optimus,  
& utriusq; nostrum amantissimus Venusinus Pontifex,  
cum à nobis in Lerina Longolij orationes describendas ac-  
cepisti, nullum à te prætermisum officium est, quo singula-  
ris tua in me beneuolentia illustrius aut expressius declara-  
ri posset: nec enim mihi memoria excidit, sed nec profecto  
excidet aliquando cum tu mihi Lugduni gratiam, consiliũ,  
autoritatem tuam, ita sine ulla exceptione, aut laboris, aut  
occupationum pollicitus es, ut tamen amplissimas pollicita-  
tiones opera & studio superaueris. Accesserunt deinde fra-  
tris tui uiri sancti, atq; innoeti, innumerabilia in me me-  
rita, quibus factũ est, ut cũ omnino mihi persuasum sit, ne-  
quaquã fieri posse, ut tantis uestris in me beneficijs aliquã  
do respondeam, non tamen verear, longe maiora mihi de  
vobis in posterum polliceri. Ea nempe ratione à maximis

uiris beneficia collocari consueuere, ut ea non facultate accipientium, sed dantium magnanimitate aſtimentur. Accidit vero incommodiſſime, quod tu eo præcipue tempore Martina iter facturus es, quo ego ob longe difficiſſima, mihi que mirum in modum moleſta negocia, abſens eſſe cogor, ut nõ te coram alloqui, tuiſq; illis ſuauiſſimis congreſſibus perfrui poſſim. Et ſi enim te grauiſſimis negocijs pro ſuſcepta prouincia aſſidue diſtineri certiſſime ſcio, mihi tamẽ adco perſpecta eſt morũ tuorũ incredibilis facilitas, pari ingenio cõiuncta, ut mihi perſuadeam futurum etiam fuiſſe, ut inter tantos negociorum (ut ita dicam) fluctus, te per ocium perfrui poſſem. Quod quando iam ne ſperandum quidem mihi eſſe videtur, conſilium fuit, certum hominem ex collegio noſtro ad te mittere, qui mihi exploratiſſima omnia de te referret, quiq; eius cænobijs, quod fidei noſtræ creditum eſt, ea ratio ne tibi negocia commendaret, ut certo ſcires, quicquid ſtudij & operis in eo tuendo collocareſ, te non in alienis rebus, ſed in ijs qua iure optimo, & tanquam mancipio & nexu tua ſunt, te collocaturum eſſe, quod ut libenter facias, meq; in poſterum eius ſpei uſura ſinas perfrui, te vehementer etiam atque etiam rogo. Vale.

Paulus



## PAVLVS PAPA III. 101

Dilecto filio nostro Gregorio Cortesio  
S. R. E. Presbytero Cardinali.

**D**ilecte fili noster salutem, & Apostolicam benedictionem. Hodie in his sacris leiunijs, atq; in Consistorio nostro secreto, inducti singulari tua probitate, religione, integritate, ac doctrina, te Sanctæ Romanæ Ecclesiæ Presbyterum Cardinalem cum Dei nomine, de Venerabilium fratrum nostrorum, eiusdem Sanctæ Romanæ Ecclesiæ Cardinalium consilio, creauimus: firmiter sperantes, quod his difficillimis temporibus, tua opera & consilio nobis & ornamento futurus sis & adiumento. Cui nostræ spei, ut (quemadmodum te dignum est) respondeas, utq; à nobis pileum rubrum Cardinalatus insignie, iuxta veterem & probabiliorem morem præsens accipias, te hortamur, tibiq; iniungimus, ut primo quoque tempore venire matures ad nos, qui te libentissime videbimus. Interea, has nostras literas testes ac nuncias tuæ dignitatis, unâ cum birreto rubro de more à nobis benedicto, per dilectum filium Cornelium Bellenzinum nepotem tuum, ad te mittimus, quas tu debita cum reuerentia recipies. Dat. Romæ apud Sanctum Petrum sub annulo piscatoris die 11. Junij M. D. XXXXII. Pontificatus nostri, Anno octauo.

Paulo

Paulo III. Pont. Max. Gregorius S.

**V**ix fieri posse credidissem, ut oculis S. vestra in supremo rerum vertice constitutis, inter tot graues, tamq; multiplices, curas quibus in Christianæ Reip. gubernatione animum eius necesse est distrahi, ego in infimis positus, & velut in abdito quodam delitescens, aliquando possem occurrere: Præsertim cum memetipsum penitus intuens, nihil cognoscerem, quod à longe quasi lumen aliquod elucere posset. Enimvero cum fama primum, deinceps compluribus nuncijs, postremo honorificis S. vestra litteris factus sum certior, me in Sacrosanctum Cardinalium Collegium cooptatum, equidem sic exhorruui, ut vix longo demum interuallo animū potuerim recolligere. Ab eius enim rei expectatione adeo longe aberam, ut nec mihi aliquando in mentem venerit, tale quippiam suspicari. Præclareque mecum agi putabam, si in inferiori ordine & gradu constitutus, ea quæ mei muneris essent præstitissem. Cum uero intellexi id etiam ea ratione factum, quod spes aliqua esset, me S. vestra opera & consilio istis difficillimis temporibus & ornamento & adiumento futurum, grauem mihi aduersariam constitutam esse perspexi, concitatam de me expectationem: quam decipere quodammodo nefarium, sustinere autem longe difficillimum esset. Ego certe P. S. cum me ob istud vestrum de me indicium obstrictum videam memoria beneficij sempiterna, & non modo ad referendam gratiam, sed nec ad habendam quidem aut prædicandam

candam satisfacere possim, quod unum possum polliceor, eximium, scilicet, ac singulare studium, fidemq; erga S. Sedem Apostolicam, uniuersamq; S. V. cognationem. Qua in re, & si fortasse ceteris ordinis nostri ingenio, eruditione, & usu rerum, amore tamen, diligentia, atq; fide nemini certe sum concessurus. Quod vero ad profectiorem meam ad urbem attinet, quam ut amplissime huius dignitatis insignia praesens accipere possim, primo quoq; tempore S. V. aggredi iubet, & si obtabiliter nobis iter illud est ineundum, quo ad beatorum pedum oscula, ad agendas gratias, & ad munus nostrum exequendum ocysime aduolem, attamen si S. V. à se impetrari permittet ut isthac nostra profectio in Calendas Septemb. reijci possit, istud profecto multis de causis rationibus nostris conducere uideretur. Primum quidem, quod celeberrimi huius cenobij, cui praesui quinque- niorebus constitutis, rationes omnes consecutas solidatasq; relinquam. Deinde quod cum proxima hieme & vere toto satis uehementer agrotarim, tum demum ualitudine melius confirmata, iactationem, ceterasq; itineris molestias, absq; omni periculo sustinebo. Postremo, quod aestiuis caloribus mitigatis, quibus imbecillia corpora maxime tentari solent, expeditius & maiori cum securitate iter conficiam; Qua in re, ita demum consilium nostrum S. V. probatum esse cupio, si nulla ex parte ab eius animo & uoluntate discreparit. Cum enim ad hanc aetatem, omne uitae meae curriculum, ita semper dirigendum esse duxerim, ut quasi signum mihi esset propositum, ad quod omnes actio-

nes:

nes meas intenderem, superiorum meorum in primisq; Beatitudinis vestrae voluntas, nunc eo magis enitar, ut omnes obedientiae numeros, partesq; impleam, quo quasi membrum proxime capiti adiunctum, totam uiuendi rationem, tamquam vitalem spiritum potissimum à Sanctitate vestra petere haurireque debeam. Incolumen Sanctitatem vestram Deus Opt. Max. seruet. Ex cænobio S. Benedicti Mantuani iij. Id. Junij M. D. XLII.

Paulo III. Pont. Max. Gregorius S.

Cum in hoc extremo rerum omnium discrimine atq; in istis difficillimis temporibus mirificos sedis Apostolicae labores, ancipites variosq; casus intueor, rursusq; excelsi constantisq; animi Beatitudinis vestrae magnitudinem, neminem adeo impium fore arbitror, qui denegare audeat, diuinitus istud procuratum fuisse, ut qualia pericula quanti q; labores futuri erant Reip. Christiana, talis etiam tantusq; propugnator & conseruator existeret. Ut enim à maximis periculis initium sumam, quis non videt iam inde à Christi saluatoris nostri obitu, cuius tu vim nomenq; sanctissime refers, nunquam uno eodemq; tempore, tot prodigiosis dogmatibus, tot monstris opinionum veram sanctamq; religionem non oppugnatam modo, sed debilitatam propemodum fractamq; fuisse. Cum interim uniuerso Christianorum nomini bellum violentissimus hostis indixerit, & ferè omnium qui aliquando fuerunt, rex maximus atq; potentissimus, longe q; praeerea sauior & perniciosior pestis adhaereat

reat uisceribus. Crudeliora nāq; inter se bella Christianire  
ges hæcenus gesserūt, quā à Turcarū imperatore ipsis Chri  
stianis fuerint illata. Quantos vero contra hæc omnia la  
bores S. U. suscepit satis declarant, atate iam ingraue  
scente sapius suscepta itinera, ut ad congressum eorum per  
ueniret, quorum animis recōciliatis, pax intus, foris Victo  
ria futura esse sperabatur. Nec te aliquando ab eiusmodi la  
boribus asperitas viarum, aut longitudo itineris retarda  
uit. Quo vero studio, quæue laboraueris diligentia, ut eos  
qui in ignorantia dicam an magis pertinacia tenebris errāt,  
ad veritatis lucem reuocares, testes sunt Viri doctrina et  
ingenio excellentes, quos maximis sumptibus paternaque  
solicitudine ad eos, velut ad oues perditas, sapius destina  
sti: testes indicti conuentus, ad quos vniuersos christiano  
rum ordines, edictis publicis, publicoq; præconio tamquam  
è sublimi quodam excelsaq; loco conuocasti. Sunt ista qui  
dem maxima Pater Beatissime, Dei Opt. Max. Vicario  
dignissima, quæq; Christi saluatoris nostri animū pietatēq;  
referant. Est tamen aliud quiddā longe maius, quod miri  
ficis laudibus vno omnium ore celebratur, quoq; non solū  
ceteros omnes qui ante te fuerunt, sed te ipsum etiam;  
tuasque præclaras actiones longo interuallo superasti, admi  
randus scilicet ille virorum delectus, quos in sacrosan  
ctum Cardinalium collegium cooptasti, in quo, tātum abest  
ut aliqua subsit opinio sordidi, illiberalisq; questus, ut admi  
rabili etiam diligentia ipsam Italiam, omnesq; exterar na  
tiones animo menteq; sapius peragraueris, ut uite san  
ctæ  
Mm Etimonia,

*Et imonia, doctrina multiplici, usu rerum, ingenioq; præstā-  
 tes viros, velut è tenebris eductos ad lucem, ignarosque  
 omnino eius rei ad summum gradum, ordinemq; prouehe-  
 res, esq; ideo consilio affectus, ut quasi pratum quoddam  
 multiplici florum varietate, suauissimis odoribus, colori-  
 busq; distinctum, sic amplissimum istud collegium omni  
 virtutum, omni doctrinarum genere ornatum refertumq;  
 intueamur. Cum vero hæc sapienter diuinitusq; gesta, non  
 modo tacitus mecum admirarer, sed maximis etiam laudi-  
 bus celebrarem, repente nec sperantibus, nec opinantibus  
 nobis reddita sunt S. V. literæ, quibus me quoq; in Sacro-  
 sanctum illud Collegium, inter tot Christianæ religionis lu-  
 mina, ascriptum cooptatumq; refers. Qua in re, & si ne-  
 fas omnino iudico de Beatitudinis Vestræ consilio iudica-  
 re, cum tamen me ipsum penitus cognitum perspectumque  
 babeam, videamq; omnino futurum, ut tantæ de me ex-  
 pectationi quantam in eisdem literis cõcitata fuisse S. V.  
 scribit, minime sim responsurus, summo opere vereor, atq;  
 adeo pertimesco, ne maximæ illi providentiæ quæ hætenus  
 usa est in eiusmodi delectu habendo, aliqua in eo nomine  
 macula inuratur, quod accessione ista dignitatis tantum mi-  
 bionus impositum cognoscent omnes, ut facilius opprimi  
 possim, quàm illud valeam sustinere. Sed quoniam in re lo-  
 coq; admodum difficili versatur oratio: & fieri nequit, ut  
 S. V. præceptis non obtemperem, quam diuino instinctu  
 agi mihi certissime persuasum est. Illud tantum habeo polli-  
 ceri, me quidem cæteris ingenio, eruditione, & rerum ex-  
 perientia*



perientia concessurū. Sed neminem fore qui præceptis S. V. obsequentior & ad omnem nutum paratior inueniri possit. Quod nolim tamen arroganter dictum existimari, si quidem ceteras morum, intellectusq; virtutes concedēs multis, si illud mihi assumpsit quod diligentis obedientisque proprium est: quoniam sedulo studiosq; in eo ab adolescentia versatus sum, iure illud meo mihi quodammodo vindicabo. Reliquum esset, ut S. vestra pro isto de me iudicio proq; amplissimo honore delato, gratias agerem: sed quoniā quibus id verbis, quāue ratione sit faciendum ne cogitari quidem à me habtenus potuit, & quæ debetur gratia minime à nobis prædicari aut celebrari potest, habeo certe & immortalem & quantam animus noster capere poterit.

P. Card. Bembus. Greg. Card. Cort. S. P. D.

**H**eri te in nostrum Cardinalium Collegium à Paulo tertio Pont. Max. incredibili totius ordinis consensu, cooptatum fuisse, valde lætor. Quod quidem tametsi ferius factum est, quàm opportuit, quamq; ipse credideram futurum: nam cum anno superiore apud illum hac ipsa in causa plurimum de te sermonem habuissim; sic ab eo discessim; ut considerem cum ijs, qui paucos post dies eundem honorem assequuti sunt, te renuntiatum iri: tamen cum sit is uniuersi Christiani orbis concilium, hieme proxima concelebraturus, à Deo Opt. Max. te in hoc tempus reſeruatum facile crediderim; ut tibi ad hoc muneris accersito, statim quasi campus latissimus pateat, in quo se Virtus laudabili-

ter ostendere & exercere possit tua. Quare de eo non tibi soli gratulor, cuius nomen doctrina tua excellens, religio, pietas, incomparabilis prudentia, tam clarum iam apud omnes gentes reddiderunt, ut postrema hac dignitas, non tam priorem tuam dignitatem auxisset, quam ad illam accessisset. Videatur, sed & collegio ipsi nostro, quod mehercle te addito valde erit posthac ornatius; & toti plane Reip. quam qui lem es ab ijs hominibus, qui eam hostiliter inuadunt, tuo illo prope diuino ingenio et sapientia & reliquarum virtutum plurimarum, tamquam acie ac robore peropportune defensusus, eiq; magna tum gloria, tum utilitati futurus. Me quidem habebis eundem in posterum, quem adhuc multos ab hinc annos habuisti, amantissimum & cupidissimum tui: & præterea, quoniam in eodem collegio eximus; & in consilijs capiendis, & in sententijs dicendis, & in omni vita tecum imprimis coniunctissimum. Vale. iij. Non. Jun. M. D. XLII. Roma.

Greg. Card. Cort. P. Cardinali Bembo S.

**F**acit tua singularis humanitas & perspecta erga me beneuolentia, ut eadem tibi ceterisq; de me audeas promittere, quæ ego de teipso, summisq; tuis virtutibus, tuto ac verissime polliceri possem. Hacq; potissimum causa fuit, ut tantam operam curamq; susceperis, quantam & tu in literis tuis scribis, & mihi certissime est persuasum, ut ego in istum amplissimum sacrosanctumq; ordinem cooptarer. Qua quidem in re, cum ita à te laboratum sit, ut nullam ra-

tionem.

tionem praeiudicis ornandi mei, vereor sanè, ne me tantis  
praconijs & eiusmodi laudibus, maximo tuo periculo obli-  
garis, & cum ego soluere nequeam, tibi dependendum sit,  
quod Paul. tertio Pont. Max. ceterisq; pro me adeo pro-  
lixè spondesti. Reciperem fortasse me omni diligentia om-  
niq; studio posthac curaturū, ut quoad possem, maxima il-  
li expectationi à te potissimum concitata, aliqua ex parte re-  
sponderem, nisi cernerem, sacrosanctum istud collegium ui-  
ros ferè omnes doctrina, ingenio, vitae sanctitate, ceterisq;  
animi virtutibus adeo illustres, eximiosq; habere, ut nul-  
lus non in scitia modo, sed nec, ut ita dicam, mediocritate  
virtutis in eo locus esse videatur, nihilq; nisi sublime &  
excessum de se ipsis cum polliceri, tum maxime praestare, eos  
oportere, qui in illum ordinem, gradumq; deliguntur, cum  
etiam quod ad conciliū attinet, quod proxima hieme cele-  
brandū scribis, plerosq; in isto collegio videam ita eloquē-  
tia, multiplicibus linguis, & eruditione sacrarum litera-  
rum praeitos, ita deniq; in omni doctrinarum genere excel-  
lentes, ut nihil praeterea oportuerit desiderari, nisi Paulus  
Max. Pont. admiranda quadam sapientia, & penè diui-  
no consilio, si quid vspiciam est adeo perfectum, quod om-  
nes in se habere numeros virtutis videatur, illud totum  
amplissimo isti collegio deberi existimaret. A quo quidem  
ego tam longe absū, ut ad id etiam niti quod assequi ne-  
queam, superuacuum & temerarium videatur. Verum ta-  
men, quoniam tecum propediem futurus sum, quo cum om-  
nia quae me maximis curis afficiunt communicare potero,  
breui

breui quod nunc inflat. expediam. Ita tibi velim persuadeas, nihil mihi gratius iocundiusue futurum, quam assiduam tui consuetudinem, & in omni vita coniunctionem. Vale. Ex Monasterio S. Benedicti Mantuani iij. Cal. Julij. M. D. XLII.

Cardin. Rodolphus. Greg. Car. Cort. S.

**G**ratulor tibi vir optime, quod eum honorem, qui probitati, virtutiq; tuę iam pridem debebatur consecutus sis: Deumq; Opt. Max. testor, tantam me cepisse ex hac tua dignitate voluptatem, quantam capere debet, qui cumq; bonos in pretio esse, ac virtutem ipsam honori esse latatur. Noueram quidem ipse ingentem doctrinam tuam, summamq; animi tui moderationem & probitatem, tacitusq; prope indignabar, quod tam sero in nostrum hoc summorum patrum collegium ascisceretur; id quod ego propterea desiderabam, ut tua ipsa virtus nobis quidem ornamento, Christianę vero Reip. utilitati esse posset. Vides enim in quę tempora incidimus; quę tam scua, tam aspera sunt, cum ubiq; discordia vigeant, atq; undiq; arma metuantur, ut nisi viri sapientes clauū in hac nostra Rep. teneant, magnum illam discrimen subituram esse existimare debeamus. Quod intelligens summus, idemq; optimus, & sapientissimus Pont. viros undiq; sapientia & virtute præstantes accersit, quorum opera atq; industria, in hac christiana Reip. administratione utatur. Cum autem qua tu sis probitate, qua rerum omnium peritia ornat us, et instructus

instructus, nequaquam esset obscurum: quomodo enim late  
re virtus potest, quæ velut ignis sese ipsa prodit atq; ape-  
rit? eo factum est, uti te in hac dignitatis gradu, qui post  
pontificium numeratur, atq; amplissimus habetur, colloca-  
rit, ut te scilicet lateri suaherentem, assidue consulere atq;  
ex tua, sicuti ex cæterorum sententia de maximis quibusq;  
rebus statuere possit. Quod cum omnibus nobis gratissimū  
acciderit, mihiq; imprimis, qui te propter tuas innumera-  
biles virtutes tot annos amo; statui quod præsens facere  
non possum, per literas tibi de isto honore, quem cum tanta  
tua laude consequutus es, gratulari. Neque id solum, ut  
mea, sed ut aliorum etiam erga te voluntatis testimoniū  
tibi darem: quam cum veneris, tam egregiam cognosces,  
ut ab aliquo nostrū nihil sis præterea requisiturus. Vale.  
Rome Id. Junij M. D. XLII.

Greg Card. Cort. Cardinali Rodulpho S.

**Q**uod mihi pro hac amplissima dignitate eloquenter &  
benevole es gratulatus, id non tam rei ipsius cõtem-  
platione mihi iucundum fuit, quàm quod ex epistola tua ala-  
cribus, latiq; verbis, et crebritate sententiarū facile intel-  
lexi, propensum animi tui erga me affectum, ingensq; stu-  
dium, quandoquidem ipsius veritatis sententia est, oratio-  
nis copiam ex cordis libertate solere proficisci. Illud qui-  
dem per sæpe accidisse video, atque adeo in memetipso mul-  
totiens sum expertus, ut alicui arctissime afficerer, qui me  
rursus inscium ignarumq; eius rei, pari benevolentia pro-  
sequeretur.

fequeretur. Tibi enim persuadeas uelim, me multis ab hinc  
 annis, quodam intimo animi sensu, ob præclaras, eximiasq;  
 tuas virtutes, singulari obseruantia tibi fuisse coniunctum.  
 Quod et si frequentiori consuetudine, apertioribusq; signis  
 à me nunquam est declaratum, id solum ob diuersa institu-  
 ta, longissimeq; disparis dignitatis gradus accidisse certissi-  
 mum est. Nunc vero mirifica hac occasione oblata, dabo di-  
 ligenter operam, ut quod in sola mentis agitatione versa  
 batur, aliquando foris exprimam, & quanti te tuasq; præ-  
 claras uirtutes faciat, aperta declarem significatione. Quod  
 vero me in istum amplissimum ordinem cooptatum ita gra-  
 tularis, ut penè sero id fieri aliquando apud temetipsum la-  
 mentarere, id solum ab animi tui candore quodam eximio,  
 intelligo proficisci, cum nullius tam egregia uirtutis mi-  
 hi sim conscius, ut ea à te, tuisq; similibus præstantissimis  
 uiris queant desiderari. Equidem cum eiusmodi uestras  
 de me predicationes mecum ipse reputo, cogor non tam la-  
 tari quod à uobis lauder laudatissimis uiris, quàm dolere  
 quod istis uestris laudibus, & huic tantæ de me expecta-  
 tioni minime sim responsurus. Te tamen in posterum à  
 me omnia summa in te studia officiaque expectare ue-  
 lim, quæ ab amicitissimo coniunctissimoque poterunt profici-  
 sci, quod quidem amoris tantum mei testificandi gratia, ue-  
 lim dictum existimes. Vale. Ex Monasterio S. Be-  
 nedicti Mantuani, iij. Cal. Julij M. D. XXXXII.



G. As. Car. Cam. Greg. Card. Cor. S.

**C**um omnes Cardinales hoc ipso nomine, & hac sanctissimi muneris societate, magno apud me in honore esse debeant: tum si quis præterea aliqua insigni virtute præditus est, quales iam in nostro collegio plerosque videmus, is mihi in parentis ac plane domini loco semper habetur. Existimo enim id quod re ipsa experior, horum hominum laudibus non modo ipsos frui, verum etiam uniuersum ordinem ornari: quarum cum in me quoque nonnulla pars redundet, tum communi nomine, tum meo ac proprio, plurimum illis me obligatum duco. Itaque nihil mihi gratius aut optatius accidere potest, quam cum talibus viris nostrum collegiū frequētari video. Quam in re, cū S. D. N. singularis sapientia, ac plane diuina mens, sicut in cæteris extiterit, siquidem hoc genere laudis facile superiores omnes superauit, tum in te legendi multum perspexisse ac nomini Christiano consuluisse existimatur. Omnes enim de doctrina, de sapientia, de religione tua ea prædicant, ut his præstantissimis virtutibus, cuius clarissimorum virorum te parem esse confirmant. Quamobrem tibi primū, ut deo gratulor, nec solum quod Cardinalis factus es, quæque id est maximum, verum etiam quod ego non minoris æstimo, quod omnium approbatione ac plausu factus es. Quam dignitatem tibi vniuersæq; Christianæ Reip. (id quod spero) Deum fortunare volo, omne meum studium tibi polliceor ac defero, ut quod ætas nostra, tuaq; summa virtus.

Nn postulat,

postulat, in te colēdo patriam mihi obseruantiam statuam,  
 ut tibi hoc affirmē, neminem neq; nostri neq; alterius vl-  
 lius ordinis, magisquā me, in tua potestate vnquam futu-  
 rum. Vale, meque commendatum habe. Postr. Non.  
 Junij, M. D. XLII. Roma.

Greg. Car. Cort. G. As. Car. Cam.

**S**unt quidem omnes Cardinales iure, ut scribis, apud  
 te in honore maximo, cum singuli ob eximias virtutes,  
 tum præcipue vniuersus ordo, quo nihil augustius, nihil  
 sanctius excogitari potest. Quid enim illi ordini conferri de-  
 bet, in quem mira prouidentia, prudentissimoq; delectu ita  
 omnes assumuntur, ut in Reip. gubernatione Pont. Max.  
 quasi membra capiti adiuncta, adiumento, ornamentoque  
 sint? Illorum potissimum integritati, innocentia, et consi-  
 lijs, si quid vspiciam est religionis, si quid pietatis, si quid fi-  
 dei, secundum Deum ascribi debere, nemo est qui ambigat.  
 Ipsorum attentione et vigilantia, qui Dei Opt. Max. vi-  
 ces, potestatemq; referunt, non humana solum, sed diuina  
 etiam ubique terrarum procurari administrariq; debent.  
 Quo fit, ut tuum singulare iudicium, egregiāq; indolem,  
 satis admirari nequeam, quod magnam in te partem earū  
 laudum redundare putes, quibus singuli eius ordinis affi-  
 ciuntur. Nunquam enim adeo illorum, ut ais, laudibus te  
 frui arbitraberis, nisi quadam virtutis similitudine, non  
 nomine solum, eisdem esses coniunctus. Videmus etiā Pau-  
 lum III. Pont. Max. propter eam potissimū causam, vno

omnium

omnium consensu celebrari, quod plerosq; præstati ingenio, excellenti doctrina, omni deniq; Virtutum genere præditos viros, in sacrosanctum illud collegium cooptarit. Fecit vero hoc Pontificis Summi in cæteris deligendis penè diuinum consilium, ut ego quoque, qui nec de nomine quidem tibi fueram cognitus, non dissimilis eorum existimer, qui hætenus admirando iudicio, solertiq; examinatione, in amplissimum illum Senatuum cooptati fuerunt. Cuperem sanè ut me talem ipsi, cæterisq; præstare possem, quale illius fuit de me iudicium; ne quod hætenus prudenti consilio fecisse putatur, nunc demum meo potissimum nomine minus probari possit. Sed quoniam plurimum abesse sentio, quàm ut ego tanta de me expectationi respondere possim, eosdemq; intelligo futuros esse iudices inscitia mea, qui nunc magnum quiddam de me sibi polliceri videntur, dabo posthac diligentissime operam, ut decepta huius expectationis incommodum, aliorum officiorum compensatione leniam, studiumq; omne meum ad singulos eius ordinis suspiciendos colendosq; conuertam. Inter quos cum tibi plurimum debeam, non ob eam solum de me expectationem, qua me potissimum oneratum sentio, sed ob amoris tui erga me singulare testimonium, & maxima beneficia, te etiam inter cæteros mihi proposui, quem obseruantia, cultuq; præcipuo venerarer. Quam in re, nisi animum hunc meum aspernatus fueris, polliceri tibi posse videor, nihil ita domi tuæ tibi paratum fore, quàm omnibus in rebus studium seruitutemq; meam.

Vale. Mutinæ Calen. Jul. M. D. XLII.

Io. Card. de Saluiatis. Greg. Car. Cor. S.

**O**ptaui equidem antea omni tempore pro mea tū sum-  
ma erga te beneuolētia, tū honorificentiss. de tua vir-  
tute opinione, ut peruenires ad hunc dignitatis gradum,  
virtutisq; tuae hoc premium, quod esset amplissimum ali-  
quando reciperes. Proxime vero fatebor ingenue, ut mul-  
to id magis optare, faciebant summa perturbationes, atq;  
incommoda, quibus res & religio Christiana tot annos ad-  
huc vexatur, & si enim Pontificis praesertim optimi ac ma-  
ximi Pauli III. cura & virtute collegium nostrum nunc  
habet clarissimos ac sapientissimos viros, quorum virtus  
& prudentia mirifice opportuna & salutaris ipso Paulo  
III. Duce Religioni Christiana potest esse, tamen videbā  
si te quoq; socium in consulendo & subueniendo Reip. rece-  
pissimus, quantum esset ipsa Resp. fructum atq; utilitatē  
acceptura. Nunc igitur cum sis adeptus hunc honorē, quem  
admodum cupiebam, potes iam tua sponte intelligere, quan-  
to sim affectus gaudio, & si tua quidem virtute, popula-  
ris quodammodo & accepta omnibus tua dignitas est, mi-  
hi autem hoc magis quod te praeceteris amari: sic mihi enim,  
persuadeo, & plurimi semper feci, quam quidem volunta-  
tem erga te conseruabo continenter, ante hac, & quibus-  
cunque officijs potero, semper, ut debeo, colam. Sed ut il-  
luc reuertar, his de causis, quas modo commemorauī, haec  
tua dignitas maximam, incredibilemque mihi latitiā at-  
tulit. Itaq; quod sequitur, gratulor tibi magnopere, optoq;

ut

ut hunc tibi honorem fortunet Deus immortal. & sicut il-  
lum tu summa cum tua gloria consecutus es, praeclar. &  
insigni iudicio de te facto, a sapientissimo Pontifice, clarif-  
simisq; ordinis nostri viris, ita etiam in futurum tempus  
gloriae is tibi et ornamento sit, quemadmodum fore spero,  
adductus prudentia & virtute tua: quod reliquum est, si  
tibi studium, officiū, res omnes meae usui poterunt esse un-  
quam, & tu omnia tibi prolixè pollicitus de me fueris, cu-  
rabo enixe, cum certiore me feceris, ut opinioni tuae respo-  
deam, quoad potero, & satisficiam voluntati. Vale.  
Romae iij. Non. lunij, M. D. XLII.

Greg. Card. Cort. Io. Card. de Saluatiis.

**C**uperem certe, ut quale de me semper fuit iudicium  
tuum, donec in inferiori gradu, ordineq; constitutus,  
te maxima cum veneratione, & colebam & admirabar,  
talem nunc adepti hac insigni, amplissimaq; dignitate, ti-  
bi ceterisq; me praestare possem. Ea etenim ratione sperare  
me id fortasse affecuturum, quod tibi de me, ut video, pol-  
liceris, sed quoniam memetipsum penitus intuens, nihil in-  
uenio quo tibi praeclara non expectanti solum, sed etiam pra-  
dicanti respondere possim, video sane te singulari eruditio-  
ne & modestia praeditum, idem tibi de ceteris facile persua-  
dere, quod de teipso cognitum perspectumq; habes, & ex  
proprijs virtutibus, aliorum facere coniecturam. Ego ve-  
ro cum sacrosanctum illud collegium animo menteq; perlu-  
stro, in quod nec sperans nec ea de re, aliquid suspicias, Pau-

li III. Pont. maximi multorumq; doctrina & ingenio uirorum illustrium fauore gratiaque cooptatus sum, Verissime mihi persuadeo, maximam hanc dignitatem mihi magis oneri quàm ornamento futuram. Quod quidem ita demum intelligi poterit, cum inter tot præclara christiana religionis lumina, inter tot viros eruditione, & vitæ sanctimonia, cæterisq; tum corporis, tum animi virtutibus admirabiles, ego qui nullam illarum partem affecutus sum, quod quidē hæcenus in hac solitudine occultari, potuit, cogar omnino quàm longe absim à tanta omnium de me expectatione declarare: qua quidē in re, si qua mihi spes consilij presidiiue in aliquo hominum collocanda est, ea omnis in tua humanitate, prudentia, & natura bonitate est constituta. Mihi enim nequaquam sit verisimile, ut quem in inferiori ordine positum, & penè dixerim in nulla re tibi coniunctum, adeo humaniter es complexus, nunc in eodem collegio in dicenda sententia & ferè in omni vitæ ratione coniunctissimum, tuo fauore tuisque paternis consilijs priuare velis. Si uero quippiam in posterū acciderit, quod tibi vsui, ornamento, uoluptatiue sit futurū, quod opera nostra confici prestatuē possit, tibi omnia officia, studia, curas, cogitationesq; polliceor, & illa etiam quæ ab obsequentibus seruis expectari, desiderarique possunt. Ex S. Benedicto vj. Calen. Junij M. D. XLII.

D. Card. S. Marcelli. Greg. Card. Cort. S.

**E**Go vero domine, licet nō sim tibi de facie cognitus, miram tamen in modum gaudeo, cum mea tum collegij nostri



noſtri cauſa, quod proximis comitijs Cardinalis renunciatus es Reip. item vehementer gratulor, cui tanta ſacta eſt de tui honoris acceſſione, dignitatis acceſſio. Ea enim eſt tua iam diu apud omnes laus & fama, ea prædicantur tam inſigniter exornata ornamentis omnibus literæ, ſis animi, vitæque candor & puritas, ut ſummum Pauli Pontificis auctoris noſtri iudicium, in mentibus hominum, hoc ſit ſæculum illuſtrius, & gradus culmen hoc noſtrum quod merito conſcendiſti, conſilio, pietate, & virtute tua iam credatur eſſe munitius: ſed his omiſſis, de me ſic tibi perſuadeas velim, quod Jacobo excellenti fratri tuo dixi, me quem tibi Religio, habitus, notum cæteris alijs proximiorẽ facit, aditum hunc ad te, & quaſi feliciter apertas ſeruitutis meæ fores perlibenter intraſſe, & eas fideliffime ſemper obſeruatũrũ eſſe, ita ut honeſtiſſimum hunc galeri apicem, exiſtitem fructum meritorũ ac laborum tuorum, atq; ſperem cum Senatu bonis omnibus, Rei denique publicæ ſigillatim et vniuerſim magno uſui, ac voluptati fore. Vale.

Romæ die V. Junij, M. D. XLII.

G. Car. Cort. D. Car. S. Marcelli.

ET ſi mihi gratiffime fuerunt in hac publica omniũ gratulatione, pleręque literæ illuſtrium virorum, quæ bene uolos illorũ erga me animos declarabãt, nulla tamen nec gratior, nec iucundior, tua illa & graui & eloquentiſſima Epistoła ad nos peruenit. Ea etenim humanitatis officia nobis iucundiora accidere conſueuerunt, quæ ab illis proficiſcuntur,

scuntur, qui nobis propinquiori similitudine sunt cōiuncti. Cum vero sint complures qui eiusdem iure collegij nobis arctissime copulantur, propinquior tamen & fere eadem, ut recte scribis, & concepti voti, & seuerioris instituti professio, longe arctiori beneuolentia vinculo nos colligāt, atq; constringunt. Et quidem huic tanta coniunctioni quasdam etiam accessiones fieri posse cōfido, paribus, scilicet studijs, vitæ consuetudine, communicatione consiliorum, & ceteris eiusmodi, quæ amicitiam iucundiores, suauioremque efficere consueuerunt. Quo in genere, ita tibi omnem operam, omneq; studium meum polliceor, ut omnino nemini in te amando obseruandoque sim concessurus. Vale.

In Sancto Benedicto.

Collegium Mutinensium Canoniorum.

Greg. Card. Cort. S. P. D.

**Q**uod à Deo Opt. Max. summis sæpe precibus contendimus, id iam te consecutum cum tuarum uirtutum plurimis ornamentis, quibus præditus es, tum ipsius imprimis saluatoris nostri benignitate, cui maximas agimus gratias, tibi, ut par, est, gratulamur maxime, nobisq; gaudemus, & eo magis, quod in extrema Christianæ Reip. tempora, tuam in collegium Cardinalium cooptationem, ab eodem Jesu Christo patre nostro, collatam esse, omnibus exploratum est: nobisq; maxime, quibus quidem nihil præter opinionem accidit. Is mehercle vere appellandus est honos, qui non spe futuri beneficii, neq; remuneratione

tione præteriti, sed summis viris sola virtute desertur ac datur: Hinc profecto ipsius Summi Pontificis Pauli, tum in labenti Reip. consulendo prudentia, tum liberalitas in omnes virtutibus ornatos, facile cernitur. Nunc qui religiose in literis versantur, quid sperent habent, nunc aureum illud sæculum rediturum conijci potest, sed fortasse plura, quàm putaramus: quare reliquum est, ut tibi qua voluntate in te affecti simus, significemus, qua quando in te maxime propensa est, cum nos ipsos, fortunasq; nostras tibi, tuisq; offerimus, tum omnia qua ad tuam amplitudinem & gloriam, pertinere arbitrabimur, summo studio facturos pollicemur. Quod ut experiare à te vehementer (maius enim signum amoris erga nos tui nullum dare potes) nostrum uniuersum collegium etiam, atq; etiam contendit: simul Deum orat, ut quàmprimum omnia summa consequaris. Vale. Mutina Jd. Iun. M. D. XLII.

Greg. Card. Cort. Vener. Collegio Canonico-  
nicorum Mutinensium. S. D.

ET si dudum compluribus humanitatis officijs, summus erga me amor, & singularis istius Venerandi collegij beneuolentia mihi adeo perspecta erant, ut neq; testimonio, neq; confirmatione aliqua egere viderentur. Proximis tamen literis, quas & eloquentia & grauitatis plenissimas accepi, ita animum mentemq; Vestram, mihi uideor perspexisse, ut nihil neque expressius, neq; illustrius potuerit desiderari, cum etiam antea, & nuncijs, & fama dese-

Oo rente,

rente, intellexissem votis, supplicationibus, omni denique  
ceremoniarum genere, Deo Opt. Max. velut in publica leti-  
tia nostro nomine redditas esse gratiarum actiones. Quae  
quidem animi nostri declaratio, uoluptati magis nobis, quam  
admirationi fuit. Nec eam tantum ob causam, quod mihi  
vobiscum omnia coniuncta sint, quae ciuibus inter se esse co-  
sueuerunt, sed quod in sinu quodammodo vestro educatus,  
si quod in me meritum est, quo amplissimam hanc dignita-  
tem consequi potuerim, id me vobis totum, vestrisque insti-  
tutis acceptum referre, & profiteor & pra me fero. Sed  
quoniam genere ipso gratiarum actionis recte à vobis est  
declaratum, vos satis intelligere, Dei solum id fuisse mun-  
us, nihilque in ea re nostris aut meritis, aut virtutibus tri-  
buendum, rogo obtestorque, ut quod haecenus sponte à vo-  
bis factum est, ut Deum Salvatorem nostrum, modis om-  
nibus nobis propitium facere niteremini, idem rogatu no-  
stro, frequentius, cumulatiusque faciatis. Maiorem porro  
facit istam gratiae referenda obligationem, incredibilis quae-  
dam & admiranda letitia, quam in incremento dignitatis  
Pontific. nostri patris & domini Cardinalis Moroni, uos  
omnes percepisse mihi persuasissimum est, in eaque re, facio  
animorum vestrorum ex animo meo coniecturam. Quare  
summis assiduisque precibus à Deo petendum est, ut quem  
nobis ducem custodemque animarum dedit, eundem etiam  
velit esse diuturnum. Postremo ita vobis de me velim  
polliceamini, ut si qua nobis facta est, fietue in posterum  
accessio dignitatis, aut gratiae, eam potissimum Vener. istius  
Collegio

Collegio arbitremini esse factam. Dabo enim diligentissime operam, ut fide, amore, & studio omnium vestrum superem expectationem.

Iacobus Sadolettus Ca. Greg. Car. Cort.

**M**Utua nostra vetusq; beneuolentia, quam sancte & fideliter ab utroque nostrum cultam esse intelligo, facit ut in mei maximis rebus, quae nunc quidem in bonarum, & sacrarum literarum studio omnes mihi constitutae sunt; tuum in primis amorem, tuamq; eximiam excellentemque doctrinam mihi requirendam esse putem. Cum enim, ut tute scis, comentarium quendam de peccato originali iampridem confecissem, hacq; maxima re & postulatione facultatem in has regiones reuertendi à summo Pontifice essem consecutus, quod me quoad possem ocius & tranquillitatem nactum; literis & scriptis sanctam fidem catholicam decusq; & auctoritatem Apostolicae Ecclesiae defensurum pollicitus essem, statui mihi ut primū huc me retuli, eundem esse de originali peccato librum accuratius retractandum. Quod cum diligentissime fecissem, addidissemq; non pauca, quae mihi ad rem uberius explicandam idonea visa sunt; illum tanquam mea diligentiae testem Pontifici ipsi Maximo auctori mei ocij dedicandum putavi, scripsiq; ad Amplissimum Farnesium, ut eum quibusdam ex collegio nostro, tibiq; in primis legendum considerandumq; permitteret. Quod factum fuisse, etsi certi nihil dum scio, ut confidam tamen adducor. Nunc alterum

*manus*, iam elucubratum in manibus habens, nondum illud  
 quidem dolatum & expolitum, quemadmodum & res ip-  
 sa, & mea diligentia postulat, sed tamen eiusmodi, ut in eo  
 quanquam imperfecto, velut in quadam forma prospici iā  
 et cerni possit, quid ego habeam de Purgatorio persuasi atq;  
 certi, quæ res una omnium maxime hoc perturbatissimo tem-  
 pore ab Ecclesiæ hostibus oppugnatur, in quo ego catholica  
 suffragor Ecclesiæ, quod sane mihi in omnibus meis & cu-  
 ris & actionibus semper est propositum, statui id mitten-  
 dum ad te esse, ut tu, mi optime doctissimèq; Cortesi, pro  
 tua in me beneuolentia, proq; ea fide quam ego tibi habeo,  
 summam laborum meorum, multarumque vigiliarum par-  
 tem aliquam mecum atque onus communiter subeas, meq;  
 adiutum velis opera & sapientia tua: primum ut quæ scri-  
 buntur à me, ea sanè & recte, & ex integra veraque re-  
 ligione scripta sint, deinde quæ pertinent ad politiores lite-  
 ras, quando utriusq; facultatis summum tuum est iudiciū  
 de his etiam me admonere, neq; patiari quæ apte & orna-  
 te imprimis oportet scribi, ea me barbare, et incōdite scribe-  
 re: quanquam hoc alterum leuius fortasse est, illud primū  
 grauissimum, ut ne quid prorsus à nobis effluat, quod cuiq;  
 bene intelligenti queat vel minimum aliquem spiritū per-  
 uersæ religionis afflare. Et si enim ego in hoc quidem offir-  
 matissimo sum animo, ita. ut corpus & vitam potius, quā  
 studium veræ pietatis amittere paratus sim, idemq; cum  
 Catholica ecclesiā arētissime sum coniunctus, propter tamē  
 imbecillitatem ingenij mei, debilitatemq; doctrinæ diffide-



re mihi cogor, et doctiorum ac sapientiorum quàm ego sim,  
nostrique praesertim ordinis iudicia implorare. Quo e nume-  
ro cum tu mihi precipue occurras qui consulendus sis, mi-  
hi que iam diu persuasum sit, te & velle mea causa & pro  
singulari doctrina qua es praeclitus, posse plurimum mihi  
opis & subsidij afferre, omni animi studio te obtestor, ut  
quicquid futurum est negotij & laboris in legendis du-  
bus hisce nostris lucubrationibus, eisq; severe animaduer-  
tendis ac notandis, id ne te pigeat summo tuo in me benefi-  
cio suscipere ac preferre, cum honoris mei, tum aliorum etiã  
utilitatis causa, cum omnes qui in gradu tanti honoris  
locati sumus; hac aut agere ipsi, aut agentibus adesse,  
favereque debeamus. Vides tempora, vides hominum  
mores, ut quisque nostrum aliquid edit in publicum,  
quod aut contra falsas religiones, aut pro veris scri-  
ptum sit, non modo qui palam aduersantur nobis & repu-  
gnant (nam hi fortasse minus pertimescendi sunt) verum  
etiam qui nostrarum ipsarum sunt partium, quasi ex insi-  
dijs repente egressi circumsistunt, accusant, inuehuntur, ne-  
luti proditoris insimulant, nec quicquam hoc tempore peri-  
culosius est, quàm de rebus bonis sanctisque differere: à  
quo genere scribendi si abstinere velimus, cautiore forsi-  
tan sapientioresque iudicabimur, iustiores certe & melio-  
res non erimus. Non enim qui talentum condidit sub ter-  
ra, sed qui id exercuit fructumq; ex eo quaesivit, is à Do-  
mino in Evangelio laudatus est: quem quidem ego negocia-  
torem bonum, studeo imitari, ita animo paratus, ut omni-  
bus

*buis ijs qui me redarguunt, meaq; mihi errata faciunt manifesta, modo ut ipsi sine contumelia id agant, non solum non succenseam, sed ultro magnarum illis gratiarum debitorem me confitear. Neq; enim quicquam facere erga me possunt, quod mihi accidere queat vel utilius vel gratius. Quamobrem mi optime Cortesi, cum ego & iudicio tuo plurimum, & voluntati erga me omnia tribuam, sinq; ipse ut tute nosti, semperq; fuerim tui cupidiss. & amantiſs. da mihi hanc operam quaeso, & in hac re officio vera amicitiae inserui, ut meę lucubratiuncula tua sint doctrina & lima emendatiores. Quem ad laborem curamq; corrigendi ut tibi adiungas homines nostri ordinis grauissimos & eruditiss. Polum Burgen. Saluiati. Moro. Bembum, & si qui alij eiusmodi sunt, qui bonas artes literasq; sectentur, magnopere etiam a te peto. Nam qui in alio quodam genere doctrinae versati sunt, neq; attigerunt musas politiores, eos te arbitror existimare minus ad nostra haec diiudicanda idoneos esse posse, qui soleant vos non tam ad catholicę fidei sanctęq; vniuersalis ecclesie instituta atq; decreta, quibus propense, & sine cunctatione ulla parcendum & obediendum est, quam ad suos quosdam nimium litigiosos, & parum graues magistros iudiceq; reuocare. Sed de his satis. Illud quoq; te rogo, quoniam ego ex Italia discedens ampliss. Cardinali Sanctę Crucis pollicitus fueram, me hanc compositionem de Purgatorio cum primum habuissem confectam, illi esse missurum, ut eam tu cum acceperis continuo cum illo communices, quo mea promissionis fides apud eum*

constare possit; Vale, & nos dilige. Ex S. Felice V. Id. Iun.  
1544. Facies hoc quoq; mihi gratum, ut cum Ambrosio  
Catherino meum hunc libellum conferas.

Amico cuidam.

ET si ratio officij postulabat, ut postuum a nobis disces-  
sum crebras ad te literas darem, quibus, & de rebus  
publicis, & de privato rerum mearum statu fieres certior,  
Hoc enim & cōstitutę inter nos amicitia, & maximis mul-  
tiplicibusq; beneficijs in me tuis fuisset consentaneum. Ne-  
scio tamen quo pacto factum esse dicam, ut cum dies nullus  
esset, quo non id facere cogitarem, omnes tamen re, ut ita di-  
cam, infecta elabebantur. Cum vero tandem nos diuturni  
silentij suppuderet, constitui semq; omnino in posterum eius  
modi negligentia maculam Epistolarum delere frequentia,  
repente redditus est mihi à te fasciculus, in quo, non solum  
ad me & ad complures amicos litera fuerunt, sed elegans  
etiam de Purgatorio loco libellus, cuius, ut facile intellexi,  
maxima apud omnes expectatio, iam antea concitata erat,  
quod dum tu Bononię esses, nescio quid de ea re, & doctis  
& tui amantissimis fuisses pollicitus, visum est nobis nihil  
opportunius accidere potuisse. Quod enim prius, nullo ferè  
proposito argumento facere cogitaram, ut ad te scriberem,  
nunc tali subiecta materia, longè facilius mihi videor esse  
facturus: licet hætenus quidem mecum acciderit incom-  
modissime: tanta enim fuit flagitantium molestia, ut vix se-  
mel libelli legendi, et id ipsum cursim, facultas nobis data  
fuerit.

fuerit. Qui enim literas tuas reddidit, nescio qua ratione, intellexerat librum in eundem fasciculum fuisse coniectum, cumque id palam predicaret, non potuit a me amicis postulantis diutius denegari, praesertim illis ipsis, de quibus ad me scripseras. Ex eo tamen quod primis (ut aiunt) labris gustare licuit, intellexi, maxime obscuritatis locum, & à nullo antea satis diligenter tractatum, & nescio an omnium qui nunc praecipue in controuersiam venire, longe difficillimum, à te & tractari commodè, & luculentissime explicari. Qua de re, tamen, non solum quid ego sentiam, cum ex amicorum manibus librum recuperauero, sed & quid ipsi iudicauerint summa fide & diligentia te faciam certiorè. Nunc ea tantum de causa ad te scripsi, ne fortasse, ut nunc sunt tempora, suspicareris literas tuas, ad nos non peruenisse. Quod ad publica attinet, scias velim omnium animos ex rerum euentu, hic suspensos esse, nec quieturos aliquando, donec ad huius miserrimi belli exitum perueniatur. Et si enim non magnopere adhuc Romae tumultuatum est, Summ. Pont. consilio, & pene diuina prouidentia, cum tamen omnia armis undique circumsonent, vix fieri potest, ut ex aliorum calamitatibus non cogamur de proprijs periculis cogitare. Tu quando honestissimum ocium nactus es, & in ea potissimum ciuitate, in qua, & tui sacerdotij munera praesens obire potes, & qua caeli clementia et amœnitate locorum, maxima te potest afficere incunditate, partem velim credas magnam felicitatis te esse affecutum. Praesertim cum prope omne tempus insumas in opprimenda, extinguendaque perditorum ho-  
 minum

minum impietate, qui non iam, ut antea, occultis cuniculis, sed aperte, arcem ipsam caputq; totius religionis inuasere. Vale. Et recuperato ab amicis libello, longiores à me literas expecta.

Iacobus Sadolettus. Greg. Card. Cort. S.

**S**igismundus Albanus Urbinas, ex eo videlicet genere hominum, qui tuę fidei, iustitię, religionique crediti & commissi sunt. Idemq; præstantissimi Cardinalis Farnesij familiaris: hic nunc apud nos procurat negocia quadã, quę ad dominum suum, & ad Summum Pontificem pertinent, quorum ipse agendorum & curandorum causa, dedita opera ab illis in hac loca missus est. Procurat autem eo modo, ut quantum perspicui adhuc a nobis, & cognosci potuit, neque integritatē in eo, nec prudentiam desideremus. Quod hoc magis etiam à nobis omnibus animaduersum, et summa laude dignum visum est, quod eiusmodi habet ille mandata, quę nec temporum nunc quidem, nec rerum perturbatio facile patiatur, ad effectum suum perducī. Is à me in amicitiam studiose receptus, & mihi factus per familiaris, rogauit me, uti causam quandam suã, & seipsum unã literis tibi diligenter commendarem. Non enim dubitat quin pro nostra mutua, insigniq; beneuolētia, magni momenti apud te mea commendatio esse debeat, in ea re præsertim etiam, quam si minus mihi esset tecum quàm est, tamen ab æquitate atq; humanitate tua speraremus posse impetrare. Ea porro huiusmodi est. Sacerdotia ecclesię tuę Urbinat is,

PP

quę

que Canonatus vocamus, ea conditione esse idem Sigismundus affirmat, ut si quod forte vacet illorum, pertineat non in sacerdotis cooptatio ad collegium illic canonicorum, quos habere iam diu dicit & ius & consuetudinem cooptandi: quorum Sacerdotiorum nuper unum, cum eius morte, qui id obtinebat vacauerit, ipseque iure expectatiue, quæ sibi à Summo Pontifice dudum concessa consensu etiã & cooptatione collegij totius sit comprobata, aditum se habere confidat ad eum Canonatum, iure optimo possidendum: tamen intellexit nec sine aliqua quidem mea suaque molestia, te alter de ea re ac nos vellemus statuisse, inque demortui locum alterum in illo sacerdotio canonicum suffecisse. Quod & si optimo animo abs te esse factum arbitramur, nec ut cuique ius suum eriperes, sed ut tuum conseruares, tamen quoniam negocijs Principum suorum non solum, sed utilitatibus etiam & bono huius provincie hic nunc apud nos Sigismundus detinetur, quod eam multis rationibus perturbatã ipse dat operam, me quidem hortante & adiuuante, quoad potest, ut pace & concordia sedet ac leniat: ob eamque rationem absens nequit tibi coram causam suam exponere, & ipse abs te hoc desiderat, & ego omni animi mei studio & conatu te rogo atque oro, ut quoad ipse redeat in Italiam, quod proximo Septembri mense omnino facere constituit, velis ita trahere & sustentare rem, ut cum eum audiueris, causamque omnem cognoueris. Namque alium neminẽ, Sigismundus præter te totius iuris sui iudicem & disceptatorem habere vult, sit tibi integrum quod verum tunc & honestum



honestum tibi fuerit visum ex consueta tua uirtute, prudentia, æquitateq; discernere. Non enim dubitamus, quin acturus omnia sis, quæ ab integerrimo & Sapientissimo homine expectanda sunt. Porro Sigismundus ipse eo animo est, tantiq; estimat gratiam & benevolentiam tuam, ut etiam ius suum postea q̃ tibi probauerit, sit tamen paratissimus, si tu ita iusseris antepondere tuam voluntatem cuiuscunque commodo suo. Ego vero qui illius causa laboro non secus quàm facerem mea; aut hoc etiã amplius quòd honestius est pro amici utilitatibus, quàm pro suis curam & laborem capere, peto à te optime Cortesi, ut in hac re in qua nihil tibi detrahitur, tantum benignitas & comitas tua à nobis flagitatur, velis omnibus ijs qui fortasse nesciunt ostendere, plurimi à te fieri & voluntatem & commendationem meam. Quod cum feceris, & mihi egeris gratissimum, & Sigismundum ipsum, qui te summo cum honore & colit & observat, hoc tantæ humanitatis tuæ signo atque officio, tibi in perpetuum obstrinxeris. Vale. Ex S. Felice prid. Cal. Jul. M.D.XLIIII.

*Eiusdem DD. Gregorij Cortesij Cardinalis,  
Aduersus negantem Petrum Apost.  
Romæ fuisse.*

Adriano VI. Pontifici Max. Greg. Cor. Mu-  
tinen. Casinas Monachus. S. D.



*E*t si mundum, quaq; in eo sunt vniuersa ma-  
ximo consilio, prouidentiaq; diuinitatis regi,  
& administrari: iam serè vniuerso hominũ  
generi persuasum est, id ipsum tamen præ-  
cipuè in Republica Christiana tam certum esse videtur;  
tamq; expressum, quàm ea, quæ sensibus experimentõne  
percipi consuevere. Ut enim miranda illa omit tam, quibus  
historia omnes iam inde à Christi obitu sunt referta, ex qui-  
bus manifestis coniecturis assequi possumus, exhorrenda  
tempestate, irruëtibusq; procellis, solum diuinitatis guberna-  
culo Petri nauim sæpius, & receptam, & conseruatam: il-  
lud certe diuinitus procuratum fuisse, neminẽ adeo prophā-  
num fore arbitror, vt negare audeat, qualia, scilicet pericu-  
la fuerint, quantiq; labores Reip. Christianæ, acq; etiam ta-  
les, tantosq; propugnatores conseruatoresq; extitisse. Sic in  
initio nascentis Ecclesiæ non defuerunt, qui aduersus Ne-  
rones, Domitianos, Decios, Dioclitianosquẽ cum animi  
robore, tum etiã proprio sanguine decertarẽt. Pace demum  
à Tyrannis undique parta, cum in ipso sinu Reip. pernicio-  
sa

sa dogmatum dissidia quotidie oriretur, aduersus Arrium, Manicheum, Eunomium, ceterasq; eiusmodi pestes; Didimus, Nazianzenus, Basilus, Hieronymus, & pleriq; alij, doctrina, & sanctitate excellētes, De optimi Maximi beneficio sunt cōcessi. Jam verò quis non vidit miseris illis tēporibus, quibus Italiam omnem longobardorum furor, impetusq; deuastabat, prius Benedictum apud Casinum mortem, deinde verò Romę Gregorium summa diuinitatis providentia, in solatium tanta calamitatis, repente, velut è cælo delapsos esse? Et in Gregorio quidē ea magnitudo animi, ea vis consilij, viguit: ut cū vitam eius moresq; ue considero, intueri mihi videar par illud pulcherrime compositum, sortem scilicet virum cum aduersa fortuna decerantem. Ab eo vero tempore, cum iā leges ex hostibus serui Christi effecti essent, nec in dogmatum varietate vlla amplius esset controuersia, ut pleraq; mortalium se habere cōsueuerunt, diuturnum otium, & tranquillitatem, morum corruptio, & vita luxuria sunt consequuta. Quæ mala, tamq; animorum caligines, ut facilius dissipari possent: Dominicus, & Franciscus repente exorti, velut duo soles, vniuersum orbem aduentu suo exhilararunt. Jam verò nostris istis temporibus, cum omnia calamitatum genera, veluti repentino terræ fœtu, de improviso simul eruperint, in eam rerum omnium non difficultatem modo, sed pene etiam desperationem peruentum est, ut omnibus Reip. membris pessimè affectis idoneum satis remedium non adhiberi modo, sed nec excogitari quidem posse videatur:

Remp.

Remp. Christianam oppugnat violentissimus hostis, et post  
Macedonas Romanosq; omnium qui aliquñ fuerūt Rex ma-  
ximus, atq; potentiss. At verò longe seuior, perniciosiorq;  
pestis adharet visceribus, crudelibus nanq; inter se bellū  
Christiani Reges gerunt, quàm à Turcharum Imperatore  
ipsis Christianis inferatur. Pestifera insuper contagione, &  
inopia ità ferè in vniuersa Europa laborari scimus, ut pe-  
nè altera pestis alterius solatium futura videatur. Nuper  
verò pulcherrimā Bætica partem prius terremotu concus-  
sam, absorptam, deinde repentino terrę hiatu, nemo ferè est  
qui non audierit. Qui mores autem sint omnium ordinū,  
quæ in Deum pietas, quæ religio, non minus dolore, quàm  
verecundia ne dicam absterreor. Nam, ut fidem attingā,  
nemo est qui nesciat, quàm pernicioſa dogmata, quàm  
neſaria in sacris ritibus opiniones, nuper emerſerint, ut au-  
ſi etiam fuerint quidam, Petrum ipsum a Romano Pontifi-  
catu deturbare. Inter tot clades, et erumnas, tibi potissimū  
Hadriana ſexte, Pōtifex maxime, Christianum orbem ad-  
ministrandum communi ſuffragio Patres conceſſerunt. Et  
ea quidem ratione, ut nemo tā vehemens hostis prouiden-  
tiæ exiſtat, qui id diuino factum conſilio audeat denegare.  
Ignarus ſiquidem, et in extremis orbis partibus agens, ad  
ſupremum dignitatis faſtigium es euectus, quam tibi po-  
tiſſimum illi commiſerunt, quibus liberum erat præſentem,  
& ex ſe ipsis Pontificem creare, cum ne nomine dicam,  
certe ſere nemo eſſet, qui te de facie cognoſceret. Quid ve-  
ro ex mira hac electione ſtatim omnes ſperare caperint, ità  
vulgò

vulgò iactatum est, ut citrà notam assentationis, quæ tam ab auribus tuis, quàm ab instituto nostro abesse debet, litteris commendari possit. Pollicentur siquidem sibi de te omnes animi magnitudinem, vitæ innocentiam, providentiam in administrandis, in constituendis verò rebus solertiã, pacem postremò illam Augustam. Quantum deniq; assequi poterimus si Deum opt. Max. in cuiusvì, et potestate Regum, Imperatorumq; animi sunt, humano generi prius conciliaueris. Nec id quidem dico, ut te admoneam qui hætenus munus tuum tam præclare obijisti, quàm mirificè tibi antea commissum fuit: sed ut ope diuinitatis nostra quoque etate par tantis erumnis præsidium concessum esse aliorum temporum exemplo sperare non dubitemus. Cum vero multa sint & infinita, in quibus tibi elaborandum esse video, illud potissimum dignum arbitror, in quo nervos omnes intēdas, & animi, & ingenij tui, ut noua perniciosaq; dogmata, quibus perpetuam Christi vestem quidam lacerare nituntur a Christiano orbe consilio auctoritateq; penitus extermines. Qua in re, cùm viderem quosdam arcem ipsam caputq; totius religionis Christiana tormentis, machinisq; oppugnare, eo potissimum, ut opinor, consilio, ut penitus abrogata Ro. Pont. auctoritate, reliqua corporis pars trunca capite inanis, penitusq; inutilis abijceretur, nisus sum pro virili huic ulceri pessimo, & iã latius serpere incipienti, salubre medicamentum apponere. Non quin illa summa Ro. Pōt. Maiestas, & vi sua, quæ opi diuinitatis innititur, & omnium gentium opinione satis firma persisteret,

ret, sed quòd pleriq; sacrarum literarum ignari, cominenti-  
tj's fabulis decipi posse videbantur. Id verò mihi præci-  
pue illustrandum esse proprio quodam iure sum opinatus;  
quòd ab ipsa iuuentute in Casinatē Familiam nomen dede-  
rim, quæ à Romanis primū Pontificibus plantata, eisdem  
secundum Deum robur incrementumq; præstantibus, in  
eā diuinorum, atque humanorum amplitudinem creuit, ut  
meritò de referenda gratia quòd ipsius fieri possit, debeat  
cogitare. Tuæ igitur censuræ opus subiicio, quod nuper ad-  
uersus eum scripsi, qui primus negare ausus est, Petrum  
Apostolum non modò Ro. Pontificem fuisse, sed omnino in  
eā Urbe decessisse, quam aliquando videre non potuerit.  
Et si suspicionem mihi iniiciebat, non tam ex animo id eum  
fecisse, quòdq; ipsi ita persuasum foret, quam ut tali faci-  
nore nomen, & famam apud posteros proderet, consilium  
siquidem, animumq; suum visus est ipsemet declarasse, cū  
fronti operis vulgata illa carmina inscripsit.

Aude aliquid breuibus Gyaris, & carcere dignum:  
Si vis esse aliquid, probitas laudatur & alget. Vale.



Aduersus negantem Petrum Apostolum  
Romæ fuisse.

**C**um me sæpius complures maxima pietate, et ingenio  
viri hortati essent, ut in nouo hoc Theologiam profi-  
tendigenere: quo iam constituti ritus, receptæ cerimonie,  
fundatæ stabilitæq; consuetudines, velut quibusdam ma-  
chinis adhibitis frangi debilitariq; videntur, iudiciū meū  
interponerem, multis grauissimisq; de causis diutius id fa-  
cere renui. Quamquàm enim me omnino imparem tanto  
oneri fore non ambigebam, duplici præterea ratione, non tu-  
tum modò, sed honestissimū etiam silentium nostrum fore  
arbitrabar. Ea siquidem, quæ hætenus disputata fuere, par-  
tim eiusmodi sunt, ut utrinque sacrarum literarum aucto-  
ritati inniti videantur, ut nec diligentissime intuenti, faci-  
le sit in alterutram partem iudiciū, quæ & si secus nemi-  
ni persuaderi debent, ac passim institutis, moribus quæ ec-  
clesiæ sunt recepta, non tamen, qui alterutrum defendere  
velit ex sacris litteris certum omnino iudiciū proferre  
potest. Partim verò eiusmodi, ut magis assuetudine, riti-  
busq; quàm diuinis libris, aut exemplis Apostolorum inni-  
ti videantur. Quæ cum cognoscerem, non magis ambigua,  
quàm difficilia explicatu, honestius mihi videbar, quod ne-  
sciebam, fateri nescire, quàm temere arroganterq; in gra-  
uissimis rebus iudiciū meum interponere. Præsertim cū  
mihi semper persuasum fuerit, quamlibet priuatim cõplu-  
res disputent, & diutius easdem quæstiones conterant, nū-

impui

Q 9

quam

quam tamen futurum, ut hoc attritus flamma veritatis clu-  
ceat. Sed ita demum controversias omnes auferri posse, si  
(quod alias sæpè factū est) communi Patrum omnium to-  
tius orbis Christiani decreto, de his omnibus statutum fue-  
rit. Nemo enim est qui ambigat, iure in dictis, habitis que  
conuentibus, profidei pietate non pro contentione summissa  
cerdotij (quod postremis ferè omnibus concilijs factum est,)  
Remp. Christianam institutis legibus, placitis, auctam, or-  
natam, stabilitamque fuisse. Illud quoque magnoperè ut si-  
lerem hortabatur, quod inter eos qui hactenus hac tradita-  
runt, non tam exemplis, rationibusque actum est, quam con-  
uitijs, & maledictis. Nec christiana pietate: sed (quod qui-  
dam dixit) canina sacundia, ut mihi in animum induxis-  
se videantur, ita demum seuictores in causa futuros, si in  
maledicendo fuissent. Nec iurgis modo, sed quod dictū  
quoque nefas est, in grauissimis rebus, iocis, & scōmatis li-  
bros referferunt. Enimvero, qui veritatis indaganda stu-  
dio scribunt, mites, modestosque seipsos exhibent Christi  
exemplo, qui cum ipsa esset veritas, in se ipso quoque māsue-  
tudinem predicauit, tantumque absuit, ut ultrò maledixe-  
rit, ut etiam quod Petrus ait, maledicenti nō minaretur.  
simus enim ita affecti oportet, ut nec in ferre iniuriam ve-  
limus, nec si acceperimus referre. Iam verò si sanctissimos,  
doctissimosque viros enumerare velim, qui cum aduersus  
apertos fidei hostes scriberent, à Christiana tamē modestia  
non recesserunt. Illis opinor mirum videbitur, qui remotis  
iurgis, & obtreccationibus, ipsum verum nec satis rectè  
inquiri

inquiri, nec facile inueniri posse arbitrantur. Scribunt Origenes in Celsum, Eusebius in Porphyrium, Basilus, Nazianzenus in Iulianum, quem Græci παπαβάρλα vocant. At quos Hostes, quàm acres, quàm impios bone Deus? Arguunt illi quidem insaniam, furorem opposita ratione, veluti quibusdam catenis iniectis, compescere nituntur, hostem denique appellant, ea tamen ratione, ut non stomacho indulgere, sed pietatis rationem habere videantur. Nec tamen aduersus eos scribebant, qui diuerso sensu atq; ceteri quipiam in sacris litteris interpretarentur, aut qui diuinos libros impietati suæ patrocinari vellent, sed eos, qui tamq̃ furijs exagitati, aris, tēplis uniuersęq; Reip. Christi. bellū in dixerāt. Paulo forte. vehementior Nazianzenus cui piā in Iulianū videatur, verūatmē in tā impio hoste, tāq; doloso, nihil erat, quod leuius dici posse videretur, qui non tormentis aut armis, sed dolis, insidijs, & astu viros innocentissimos persequabatur. Cum vero contra Eunomianos scribebat, qui se Christianos dici volebāt, τὸ ἀπὸ τοῦ πατρὸς μόνη θεοῦ ἐκείνου ἐκείνου ἐκείνου nominat. Quid? nonne Basilus in eundem Eunomium, tantum abest, ut contumelijs utatur, ut festiuus, etiam interrogationibus urgeat τὸ καὶ τοῦ πᾶντος ἐκείνου. Sic Basilij frater Greg. in Apollinarium, in Eunomium, in Manichæum, Tertullianus aduersus Valentinianum & omnes Hæreses, Augustinus in Manichæos, in Donatistas, in Eutychen. Leo, aduersus alios, alij, longum est enim omnes enumerare. Sciebant enim facile pro maledictis maledicta referri, sed ratione

pugnare, id. Verò longe esse difficillimum. Quare non defuerunt, qui non satis probarent Hieronymi in Rufinum, rursusque Rufini in Hieronymum actiones, quod alienum quippiam à Christiano more habere viderentur. Augustinus certè cum ipsos ad pacem reuocat, nè ea aspergant, obtestatur, quæ deinceps delere non poterunt. Cum igitur diutius in eadem opinione perstitissem, detulit ad me Ottobonus Fliscus libellum, qui Petrum non modò non Romæ mortuum, sed nec aliquando Romam vidisse affirmat. Quo lecto, cum dixissem (quonià in capita diuisus est) quæ Autor per suasiones appellat, id ipsum nequaquam mihi illis persuasionibus persuaderi: rogarunt me complures amici, potissimumq; is qui librum attulit, & studio sacrarum, litterarum oblectatur, ut quid ita sentirem, scribere non grauarer. Quod quidem omnino facere renui, timens scilicet, nè huic assertioni, ut puto, uerissimæ, pro rationibus iurgia, pro testibus maledicta rependerentur. Quòd ego vicissim facere, ut fortasse possim si uelim, certe non uelim etiam si possim, cum id tam à moribus meis, quàm ab instituto sit alienum. Verumtamen cum illi instarent, ego quæ sæpius quidnam id operis esset perscrutarer, casu incidi in hæc uerba. Candidum lectorem admono, ne protinus ipso libri titulo offendatur, & rursus cōscientiam meam obtestor, nullas hic fraudes, nulla mendacia, nec dolos, me intrudere uoluisse. Tum verò intra me metipsum cogitare capi, cum qui candorem ab alijs exposceret, vicissim quoq; se candidum exhibiturum. Dixiq; contra aliorum opinionē

non rationibus: sed iurgijs, & maledictis pugnare non cā-  
didi est, non ingenui, non docti, sed ineruditi, petulantis,  
inuidi, & eius, qui bellum indixerit veritati. Porro ra-  
tionibus miscere contumelias, perinde est, ac si purissima lu-  
tulenta aquā miscueris, quò sit, ut utraque lutulenta eua-  
dat. Cum igitur ab eo ipso qui illa conscripsit, candoris, ac  
conscientia pignus haberem, subito mutata voluntate ad-  
scribendum accessi, quod mihi visus sum non dubiam, sed  
illustrem, non difficilem, sed perspicuam causam habere. Ac-  
cedit etiam, quòd nihil mihi gratius, nihil iucundius accide-  
re potest, quàm in sacrarum litterarum studijs, cum exerci-  
tatis hominibus assidua exercitatio. Sic enim facile, quòd  
verum est, inueniri potest. Prasertim si, ut nunc fore con-  
fido, nihil aliud quàm veritas, immo Deus ipse quaratur,  
quem ipsum verum esse ex sacris litteris didicimus. At ue-  
rò lectores admonitos velim me, nihil de Pontificis Roma-  
ni auctoritate, nihil de donatione Constantini, nihil de Pe-  
tri inter ceteros apostolos loco disputaturum. Non quin id  
copiose facere queam, prasertim cum nihil sit, hoc tempore  
clarorum virorum ingenio, tritum, elaboratumq; magis,  
sed eo potissimum consilio, quòd cum ea proprium opus desti-  
derarent, non id tantum quòd nuper in eo libello in contro-  
uersiam vocatum est, fuerit ne aliquādo Romæ Petrus, ac-  
cepimus discutiendum. Prior verò ante persuasorem in hac  
opinionem fuisse videtur, celebri illè impietate Marsilius Pa-  
tauinus, qui in Lodowici Bauari gratiam à lo. XXII. di-  
ris, execrationibusq; ab Imperio deiecti, opus edidit contra  
Ro.

Rō. Pontifices, quod & si belli maximi seminarium, ipse tamen pacis defenforem appellauit. Quare id solum querimus: potuerit ne Petrus Romam aliquando proficisci, ut ex eiusmodi profectiōe nihil contrarium, nihil pugnans, ijs quæ in sacris litteris habentur, omnino resultet. Quod cum (ut spero) dilucidè ostensum fuerit, reliquum erit tātum, ut illorū auctoritatibus innitamur, qui proxime ad Apostolos accedunt, & tempore, & sanctitate, qui uno ore eiusmodi profectiōem ad urbem Romā tam verè quàm constanter assueuerant. A Christi morte ad annum postremū Imperij Neronis, quo demum Petrum cruci affixum fuisse auctores ferè consentiunt, septem & triginta anni fuere, paucis mensibus detractis. Si quidem Tiberius annis viginti tribus in Imperio vixit, quorum decimo octauo duobus Geminis Rubellio et Fusio Conss. passum fuisse Christū, nemo ferè est qui ambigat. Nam Tertulliani opinio, in libro quem aduersus Iudaos scripsit, manifestè repugnat testimonio Lucae. Scribit enim, quinto decimo anno Tiberij, Christū actum fuisse in crucem, habentem annos, ut illius verbis utar, quasi triginta, cum pateretur: Lucas verò quo tempore a Ioanne baptizatus est, quod accidit anno quintodecimo Tiberij Caesaris, Jesum scribit tum demum annum trigessimū attigisse: cum tamen ex Euangelij historia certum sit, eundem postea vixisse annis tribus, ut, quemadmodū diximus, eius mors inciderit in decimum octauum annum Tiberij, ut supersint ad mortem Tiberij integri anni quinque. Tiberius enim septimo, Christus octauo calendas Aprilis



lis decessere. His adde Caij cognomento, Caigula, trienniu,  
 & menses decem, quaternos denos Claudij & Neronis an-  
 nos, simul omnes; plus minus septem & triginta colligun-  
 tur. In quibus non semel tantum, sed iterum, ac tertio, po-  
 tuisse Petrum Romam proficisci, manifestissimis argumen-  
 tis conuinci potest. Sed quoniam primam eius profectio-  
 nem in secundum Claudij annum reijcit Hieronymus, qua ra-  
 tione id fieri potuerit, diligentius inquirendum est. Cumq;  
 omnes consentiant, Paulum anno primo à Christi morte euo-  
 catum fuisse ad fidem, ejdem anno quarto Hierosolymas ve-  
 nisse, & vidisse Petrum concedant, necesse est. Si quidem  
 triennio post illam euocationem (ut ipse ait) ascendit Hie-  
 rosolymas, & mansit dies quindecim, anno scilicet Tiberij  
 vigesimo secundo. Ad quam diem, varijs coniecturis asse-  
 qui possumus. Petrum ex ludæa, & finitimis locis non di-  
 scessisse. Statim verò, dimisso Paulo, profectus est Lydam,  
 ubi Aeneã Paralyticũ saluti restituit: accersitus deinceps  
 à discipulis, Ioppẽ, Tabian mortuã reuocauit ad uitã. Cũq;  
 dies aliquot, apud Simonem (ut Lucas ait) coriarium ho-  
 spitatus esset, accitus Casariam, à Cornelio Centurione pri-  
 mus, ex gentibus trophaum erexit, sic enim appellant sacrę  
 literæ eos, qui ex Judæorum secta non erant: Anno demum  
 septimo rursus Hierosolymas derelinquens, Casaream pro-  
 fectus est, cum Simone samarita disputaturus. Paucisq;  
 ejusdem anni interpositis mensibus, peruenit Antiochiam,  
 ut refert Clemens in primo recognitionum libro. At verò  
 mira incrementa, verã religio acceperat Antiochiã, iam in-  
 de ab

de ab obitu Stephani, eò enim peruenerant discipuli profugi ex Iudæa, quo deinde quoq; iussu Apostolorum, profectus Barnabas, adiuncto sibi Paulo qui à fuga ex Hierosolymis, ad eam diem in Cilicia ociosus sederat, eiusmodi adiuumentum, iam inualescantibus rebus, præstitit, ut primò Antiochie sint appellati Christiani, Ibi verò hoc eodem septimo anno à Christi obitu, sacerdotii Cathedram, Petro erexerunt discipuli, ut in postremo decimo libro eiusdem operis idem Clemens testatur, ut verò constat Paulum eo tempore Antiochie non fuisse, quippe, quem non deinceps viderit Petrus usque ad annum duodeuicesimum à Christi morte, sic rursus à plerisque dubitatur, quot annis ipse Petrus Antiochenam sedem tenuerit, nam septennium illud Damasi, et Platini, salua auctoritate grauiorum historicorum, defendi non potest. Ego verò quinquennio ab ea die Petrum in Asia se continuisse, non dubito, & eas regiones circuisse, quas ipse in epistola sua enumerat, cum interim tamen Pontifex Antiochenus haberetur. Unde cum rursus undecimo post Christi mortem, anno, Hierosolymas venisset, ea acciderunt, quæ de Iacobo fratre Iohannis scribuntur in Apostolorum actis. Quod secundo Claudij anno euenisse credo, & rationem quare ita credam asserre possum. Duo fuerunt eodem tempore, cognomento Herodes, alter Antipas Tetrarcha Galilææ, eius filius, qui pueros trucidarat. Hic Christo illudit veste alba, hic Viola to sanguinis & hospitij iure, uxorem Herodiadem, à fratre Philippo abduxit, hic denique humana, diuinaq; permiscens,

*miscens, in Macherunte castello ingulauit Baptistam, Alter natus Aristobolo, filio Herodis regis, & Marianne Agrippa in gratiam generi Augusti Caesaris appellatus à Caio Caligula, Rex Judeæ, simulq; Philippo defuncto, Tetrarcha Itureæ, & Traconitidis regionis constitutus. Postremò etiam Abellæ tetrarchiam, quæ Lysaniæ dicebatur obtinuit. Inter hos Herodes, diu occulta inimicitia, odiaque intercesserunt, nutriente potissimum Herodiade alterius sorore, uxore alterius, semina vehementis ingenij, et supra muliebres spiritus. Postremò tamen Antipa à Caio tetrarchia multato, pulsoq; cum Herodiade, Lugdunum in exiliũ, pars quoq; ea Syria, cessit Agrippæ, qui primus post Herodem Idumaum, partem Syria longe maximam, solus obtinuit. Hic quò munitior esset ad omnes casus, contra vim, dolosq; et sororis, et Antipæ, si populariũ animos sibi conciliaret, gentem Iudæorum, statuit insigni aliquo munere demereri. Cũq; vehementer illos insensos Christianis sciret, iniecit manus, ait Lucas, ut malis afficeret quosdam de ecclesia. Trucidato igitur Jacobo fratre Joannis, Petrum, qui illis diebus, ut diximus, Hierosolymas uenerat, coniecit in carcerem. Qui diuino beneficio, Angeliq; ministerio eductus, exiens abiit in alium locum: quæ omnia secundo anno Claudij contigerunt, si quidem Lucas de scripta famis acerbitate, qua sub eo Principe, per uniuersum orbem laboratum est, statim subiunxit illud tempus, scilicet, quo fames inualuerat, nec illud postea accidere potuit, quando ut Josephus, & Egesippus scribunt, tertio*

Claudij anno, Agrippa ipse; qui Petrum coniecit in carcerem, fato concessit. Cuius cum tam late pateret imperium: vim furoremq; declinaturus Petrus, simul etiam ut Simonis samaritanæ vestigijs insisteret, Romam profectus est, nec eius ulla est deinceps in actis Apostolorum mentio, usque ad tempora conuentus Hierosolymitani, in quo, de circumcissione actum est, ut septem Petri annos, Lucas silentio praterierit. Cum igitur Romam peruenisset, per initia Imperij Claudij, ut Orosius scribit, siue quod nequaquam diuersum est, anno secundo, ut ait Hieronymus, eius modi religionis fundamenta posuit, ut postea ad Romanos scribens Paulus, quos nondum viderat, gratias agat Deo, quod illorum fides, in uniuerso mundo nunciaretur. Jam si ab hoc tempore supputetur annorum ratio, ad postrema Neronis tempora, quinque & viginti inuenientur, tot nēpe, quot scribit Hieronymus, ut illius verbis utar, cathedram sacerdotalem tenuisse. Nec tamen toto eo spatio Roma permansit. Inciderunt, namque deinceps ea tempora, quibus Iudæi tumultuantes, cum in proprium excidium precipites ferrētur, Roma expulsi sunt, neq; id ego in odiū Christianorum factum esse opinor: fecerat enim idem antea Tiberius, qui nobis non modo non aduersatus est, sed Christi etiam imaginem habuit in arcano. Cum enim cōsueissent Iudæi vim auri magnam ad templi ornatum, ex omnibus prouincijs, quotannis Hierosolymas portare, M. Tullio Cicerone Cos. ut ipse ait, in oratione pro Flacco, iudicauit Senatus aurum exportari non oportere: quod cum sub Tiberio fecissent,

cissent quidam ex Judæis, Roma, Iosepho & Egesippo testibus, omnes expulsi fuerunt, quos publice odio fuisse, prater ea, quæ sunt apud Trogū etiā ex Quintiliano coniicimus, Et cōditoribus (inquit) urbiū infamia, contraxisse aliquā perniciosam, ceteris gentē, qualis est primus Iudaica superstitionis auctor. Minime autem mirū est, in tam magna ciuitate, Iudæos tumultū excitare potuisse, cū multi foret ex Romanis, illorum superstitioni addicti. Unde illud Iuuen.

Quidam sortiti metuentem sabbata patrem,

Nil præter nubes, & cæli numen adorant.

Quod manifestius, ipse testatur Cicero pro Flacco. Sequitur inquit, auri illa inuidia Iudaici, hoc nimirum est, quod illa turba quasita est, scis quanta sit manus, quāta concordia, quantum valeāt in concionibus, summissa uoce loquar, tantum ut Iudices audiant. Neque enim desunt, qui istos in me, atque optimum quemq; incitent: nihil igitur mirum si sub Claudio quoque tumultus & nouarum rerum cupidi, non secus, atque sub alijs Imperatoribus vexati sunt, maxime cū, ut Tacitus ait, illis ipsis diebus, Cūmano procuratore Iudæa, non tumultum modo, sed pene etiam iustum bellum, in Syria excitarint. Quare a principe, ut ingenij obtusi, & stupidi, sic præcipiti iracundia, Roma expulsi fueret, quod Apostolorum quoque acta testantur. Denique Trāquillus, Iudæos inquit, impulsore Christo, assidue tumultuantes, Roma expulit. Cū namque nouum illud nomen ex Iudæa audiret, vulgoq; iactaretur, nuper Christianorum exortam factionem, inquam ipse & Dion. & Tacitus ad

eo impie inuehuntur, credidit tumultus illos à Christo, qui tamen multis iam ante annis abierat excitari. Ut erant fere omnes ignari eorum, quæ de Christo loquerentur, quod probat contra Celsum Origenes, & apud Tertullianum ridiculus ille Ononychites, & quod quidam Galileos Nazarenos quidam, non Christianos appellabant, quin & emendati codices Tranquilli, non Christum, sed Chrestum habent. Cum namque causam ignorarent, sacrosancti nominis, non τοῦ ἁγίου, ἀλλ' τοῦ ἁγίου, dici putabant, quod Lactantius, in lib. de vera sapientia, & Tertull. in Apologetico testantur. Expulsos etiam à Claudio non Christianos, sed Judeos illud maxime probat, quod ut Tertullianus ait, & ceteri consentiunt, non ille, sed Nero primus, in Christianos descendit. Quo nomine Petrus, qui gæte Judeus erat, ex Betsayde uico Galileæ, simul cum ceteris discedere est coactus, quod Priscilla quoque, et Aquilæ accidisse scimus, ex Apostolorum actis. Eo igitur tempore, Hierosolymas rursus adueniens Petrus, quo per totum orbem fame laborabatur, cuius historici fere omnes meminerunt, Paulum uidit, qui Antiochia in Judeam, simul cum Barnabâ profectus erat. Quandoquidem opulentiores Antiocheni, qui nec possessiones vendiderant, nec largitionibus exhausserant patrimonium, ea subministrabant pauperibus Hierosolymitanis, quæ tunc Barnabas, Paulus quæ detulerunt. Id uero circa Claudij annum nonum accidisse potest, qui duodeuigesimus fuit à Christi morte, quando Paulus contulit cum ipsis Euangelium, ne forte in uanum curret. Petrus uero, ab



rō, ab hac die Romam non venit, usque ad postrema Neronis tempora. Ut absuisse possit annis plus minus quindecim, in quibus rursus Antiochiam reuerti, & id accidere potuit, quod est in epistola ad Galatas. Disceptatio quoque de circuncisione in conuentu Hierosolymitano, & quæ de obitu Deipharæ virginis à Dionysio sunt tradita. Contra Simonem demum Samaritam rursus disputaturus Romam venit, postremo Neronis anno, ubi de morte eius, ea subsecuta sunt, quæ consensu omnium scriptorum memoria sunt cōmendata. Si enim vitæ eius decursum sic distinxerimus, nihil est, ut opinor, quod sacris literis repugnet, & maximorum, sanctissimorumque auctorum, de illius profectioe ad Romanam urbem, tam pie, quam verè tuta erit opinio. Superest, ut quoniam nihil ob stare diuinos libros assertioni nostræ ostendimus, auctores quoque enumeremus, qui in hac nobis cum opinione fuerunt. Enimuerò, non eadem differendi ratio est in disciplinis, & in rerum gestarum indagatione: in illis enim minimum valet auctoritas, ut, si enunciati alicuius veritatem, vel naturæ vim, vel quippiam in diuinis, postremo, quid expetendum, fugiendum uer sit, querimus, tunc necesse est, ut ratio sibi, ipsa argumēta conquirat, a primis, manifestis que initis proficiscens, ut consequentium certa fiat ostensio. Cum vero querimus, vel de historiæ alicuius veritate, uel de gestis institutisque maiorum, omnis diligentia versetur, necesse est, in indagandis ijs, quæ auctores memoria prodiderunt, & si inter ipsos contrarium aliquid videatur, tunc discussioni relinqui-

tur.

tur locus, si forte exquisitis rationibus conuenire possint, At si id nequit, superest, ut quid potissimum verum sit inuestigemus. Quoniam igitur auctoritatibus nobis tantum agendum est, prius quod illud, quod longè videbatur difficile, absoluiamus, consequens est, auctores, qui opinioni nostra consentiunt, enumerare. Et quoniam (ut spero) in causa admodum facili, & explicata versabimur, non erit nobis cum aduersario summo iure agendum. Quinetiam cum quippiam de iure nostro concesserimus, ita tamen erimus superiores, ut dubitaturus sit nemo, secundum nos iudicare: scriptores igitur (ut ita dicam) minorum gentium, aduersario donabimus quales sunt Orosius, Eutropius, Suidas, Platina, Blondus: & in diuinis Rufinus, Beda, Remigius, & eius generis complures. Magnos etiam illos viros, qui auctoritatis suae viribus totam causam nostram singuli sustinere possent, Clementem scilicet Romanum, Damasum, Gregorium, Leonemque omittemus. Quoniam, si Deo placet, hac demum tempestate, eò deuenimus, ut licet viri sanctissimi & grauissimi, quoniam tamen Romani Pontifices fuerunt, eo nomine suspecti esse possint, & Clementis disputationibus, quibus tantum & Chrysostomus, & Leutherius tribuunt, & quas doctrinam verè apostolicam continere dicit Joannes Picus, quasquæ à se in latinum conuersas, Hieronymus ait, in interpretatione commentariorum Origenis, in Epistolam ad Romanos, licet nunc à Rufino conuersos habeamus, non tuto credi, scribit huius nouæ opinionis assertor: quasi non tantum in dogmatis, sed in rerum quoque

quoque gestarum fide sit corruptus, (quànquam in Clemens nomine, hominem errare simus ostenfuri). Leonem vero nuper Lutherus ita seuerè accepit, ut magnopere verear, ut denuo in eadem fore causa loqui audeat. Jam Ambrosius Mediolanensis Pontifex, silentio quoque pretereundus est, qui quoniam eius Romanus fuit, nimium patrie tribuisse, et videri, et argui potest. Donabimus quoq; ex hac nostra testium affluentia, Augustinum, Hieronymum etiã donaturi, nisi in questione hac ita comparatum esset, ut si ea vera concesserimus, quæ hic nouus assertor comminiscitur, sit omnino vel pudendi erroris, vel impudentissimi mendacij, Hieronymus ex postulandus, seu quod aque reprehendendum est sibi met manifestissime contrarius conuinci possit. Ille, inquam Hieronymus, quo nemo fuit in historiæ veritate indaganda, diligentior, in explicanda eloquentior, cautior in conferenda. Ille qui modo hoc fabulã, modo illud confictum mendacium (ut erat veritatis assertor ingenius) dicere non verebatur. Ipsius nempe illud est, quæ de diuinis scripturis testimonium non habent, eadẽ facilitate contemni, qua probari; ipsius quoque in libro de Viris Illustribus, Baptizati Leonis, rursusq; in Daniele, Susanna fabula. Hic ipse Hieronymus, ut sibi contrarius, ut malos sequutus auctores, in hac causã reprehenditur, Vir certè; ut omnibus latinis, multorum iudicio præferendus, ita fortasse cuius græco iudicio; doctrina & eloquentia comparandus. Hic, quod ipse in opere contra Iovinianum testatur, annis quadringentis elapsis à Christi mor-

te, iam senex scribebat, ut certum sit, ad id tempus, quo primò adolescens adhuc Romam venit à morte Petri, qui annis duodequadragenta post Christum uixit, non plus annis trecentis fluxisse, ut fere adhuc Romæ uestigia mortis Petri impressa essent. Cum igitur locum illum in Epistola ad Galatas tractaret, quo se scribit Paulus in facie Cephe  
 >> restitisse, sic ait. Sunt qui Cepham non putent Apostolum,  
 >> sed alium. de LXX. discipulis, isto vocabulo nuncupatū,  
 >> & dicunt, nequaquam Petrum, à conuietū gentium se po-  
 >> tuisse subtrahere, qui Centurionem Cornelium baptizarat.  
 Maximè cum Lucas, scriptor historie, nullam huius dissen-  
 sionis faciat mentionem, nec dicat unquam Petrum Antio-  
 chie fuisse cum Paulo, & paulo post: non mirum est inquit,  
 >> si Lucas hanc rem tacuerit, cum & alia multa, quæ Pau-  
 >> lus sustinuisse se replicat, historiographi licentia prætermisc-  
 >> rit. Denique primum Episcopum Antiochena ecclesia Pe-  
 >> trum fuisse accepimus, & Romam exinde translatū, quod  
 >> Lucas penitus omisit. Poterat uel hic tantum locus silen-  
 tium imponere cuilibet, secus opinanti, sed longe expressiora  
 sunt, quæ in libro de Viris illustribus scripsit. Vbi cum id  
 tantum ageret, curaret quæ uir, omnium diligentissimus, ut  
 quæ de unoquoque certa erant, affirmaret, notaret quæ du-  
 bia, nequaquam sit uerisimile, aut uulgi tantum opinionem,  
 aut quod Petrus ait, doctas fabulas secutum. Præsertim  
 cum id nequaquam de Hieronymo dici possit, quod passim  
 nunc in Theologos; nec satis scio, an falsò iactant, non satis  
 scilicet fuisse uersatum hominem in sacris literis, ut pugna-  
 tia,

tia, consequentiaq; non videret. Sic vero ait. Simon Pe-  
 trus, post Episcopatum Antiochensis Ecclesiæ, & predica-  
 tionem dispersionis eorum, qui de circumcisione crediderāt,  
 in Ponto, Galatia, Capadocia, Asia, & Bithinia, secundo  
 Claudij anno ad expugnandū Simonē magū, Romā pergit,  
 ibique viginti quinque annis cathedram sacerdotale tenuit,  
 usq; ad ultimum annum Neronis, idest quartū deci-  
 mum, à quo affixus cruci, martyrio est coronatus: idem cō-  
 tra Luciferianos scribens dicit Beatus Cyprianus ad Ste-  
 phanum, tunc Romanæ Urbis Episcopum, qui à beato Pe-  
 tro vigesimus sextus fuit: Sed à Hieronymo, ad eiusdem  
 ætatis virū transcamus, quo nemo sanctior, nemo grauior  
 apud Græcos Ioannem Antiochenum, dico, Constantinopo-  
 litanum Pontificem, ob loquentiam, cognomento Chrysosto-  
 mum. hic in epistola ad Timotheum posteriore, ubi Pau-  
 lus ait: Salutant te Eubolus, & Pudens, & Linus, &  
 Claudia, apud latinum interpretem sic habet. Hunc Linum  
 aiunt quidam, secundum post Petrum, Romanæ Ecclesiæ  
 episcopum fuisse, quo in loco verbum aiunt (de quo tā mul-  
 ta verba Persuasor facit, ut etiam ad grammaticos descen-  
 dat) præter id quod de re multis iam annis ante præterita,  
 aliter loqui non poterat: patet etiam, non ad Petri in Roma-  
 na urbe sacerdotium: sed quod tunc agebat, ad Lini succef-  
 sionem referendum esse. Dubitarique non utrum Linus se-  
 cundus fuerit à Petro Romanæ ecclesiæ Pontifex, sed an-  
 ternus, idemq; ille esset, de quo Paulus in epistola meminit,  
 & is qui Pontifex Romanus fuit: Theophilæus quoque,

*Bulgaria Pontifex, cuius commentarios, Chrysostomi epitomas dixerit, nihil enim ferè apud ipsum est, nò à Chrysostomo, eadè prorsus repetit verba. Corpus praterea Pauli, de quo aque ac de Petro negat persuasor; Roma quiescere, idem Chrysostomus ait in ea actione, quam habuit contra obseruantes Neomenias his verbis. Nuper, inquit, cū Paulum laudarem, non secus gestiebatis, ac si ipsum vidissetis presentem. Et quidem corpus eius, in Regina Roma positum est: utrumque verò in disertatione, quod Christus Deus est; sic enim ait, Roma, quæ omnibus posthabitis, ad sepulchra piscatoris, & coriarū currunt Reges. In commentarijs quoque epistola ad Romanos, truncatum capite Roma Paulum fuisse scribit. Veruntamen ad superiora tempora veniendum est, quæ quosuerint ipsius Petri morti propinquiora, eo minus dubitationis habere potuerunt. Vixit Magni Constantini atate Eusebius, Cesareæ Pontifex, in indaganda veritate, digerendis quæ rerum gestarum temporibus, ita diligens, ut non erubuerit Hieronymus, opus, quod ille *ἱστορία* inscripsit, multis etiam in fine additis, interpretari, quod nisi *ἱστορία* eius obtestatione in annotatione temporum, innumeris, manifestis quæ mendis scateret, non adeò nunc nobis fuisset elaborandum. In eo enim, & aduentum Petri ad urbem Romam, & mortem, signatis etiam annis, dilucide posuit. scripsit etiam librum Ecclesiastica historia, in quo & ipse sæpius de Petro affirmat, et magni nominis autores se secutum testatur. Eadem quoque etate Lactantius, qui in postrema senectute Crispum Constantini*



flantini filium, liberalibus disciplinis erudit, vir omnium  
 Christianorum disertissimus, in libro de vera Sapientia, sic  
 ait. Discipuli vero per provincias dispersi, fundamenta Ec-  
 clesie ubiq; posuerunt, facientes & ipsi, in nomine magi-  
 stri Dei magna, & penè incredibilia miracula, quia disce-  
 dens, instruxerat eos virtute ac potestate, qua posset no-  
 ue annuntiationis ratio fundari & confirmari, sed & fu-  
 tura aperuit illis omnia, quæ Petrus & Paulus Romæ præ-  
 dicauerunt, & ea prædicatio, in memoriam scripta permã-  
 sit. Deinde subdit. Itaque post illorum obitum, cum eos Ne-  
 ro interemisset, ludæorum gentem, & nomen, Vespasianus  
 extinxit. Dicamus & hos mentiri, falsamq; vulgi opinio-  
 nem secutos, quorum alter innumeris probatissimisq; testi-  
 bus innititur, alter usque ad sua tempora predicationem,  
 in memoriam scriptam ait, permansisse. Eadem ferè ætate  
 Alexandriæ, Petrus Pont. quem Græci, ἡποκρίτης vocāt,  
 regulas quasdam edidit ab illis seruandas, qui minus con-  
 stantes in martyrio fuissent. In earum nona sic ait: Ut græ-  
 ca interpretemur, Petrus apostolis præfectus, sæpe captus,  
 & coniectus in carcerem, et ludibrio habitus, postremò Ro-  
 mæ affixus est cruci: Aequè etiam splendidissimus Paulus,  
 in eadem urbe, capitali supplicio est affectus. Cyprianus præ-  
 terea Carthaginensis Pötifex, de cuius laudibus extat Na-  
 zianzeni Oratio elegantissime scripta, quam nos latinam fe-  
 cimus, adeo manifestè Romanorum Pontificem Petrum  
 fuisse testatur, ut impudentissimi mendaciū semet reum cō-  
 stituat, qui id ausus fuerit denegare. ait enim ad Cornelium

scribens, Audet & ad Petri cathedram, atque ecclesiam  
 principalem; unde unitas sacerdotalis, exorta est, à schis-  
 maticis, & prophanis, literas ferre, nec cogitarit eos Roma-  
 nos esse, quorum fides Apostolo prædicante laudata est. Sed  
 iam propius ad Apostolorum tempora accedamus, & eos  
 authores, qui si non ipsi Petrum viderunt, potuerunt qui-  
 dem certè & locum & genus mortis de illis audire, qui  
 forte affuerant. Floruerunt sub Seuero principe, & Antonio,  
 cognomento Caracalla, Tertullianus Afer, & Alexandri-  
 nus Clemens, qui cum senes iam scriberent, poterant certè  
 memoriam habere Antonini Pij temporum, qui Seuerum  
 præcessit annis circiter quinquaginta, paulo pluribus distans  
 à Nerone, ut verisimile sit temporibus Pij, aliquos su-  
 persuisse, qui Petrum viderant, quosque Tertullianus &  
 ceteri, quos postea testes accersimus, alloqui potuerunt.  
 Tertullianus igitur, ut illius libri testantur, vir fuit acer-  
 rimi ingenij, quem & Cyprianus martyr, præceptorem so-  
 litus est appellare. Et Lactantius in omni genere literarum  
 peritum fuisse scribit. Hic in libro ad Seuerum (quem in-  
 scripsit Apologeticon) sic ait. Discipuli quoque diffusi per or-  
 bem, ex præcepto Magistri Dei paruerunt, qui & ipse à lu-  
 deis insequentibus multa perpeffi, utique pro fiducia ve-  
 ritatis, libenter Romæ, postremò per Neronis sequitiam san-  
 guinem Christianum seminauerunt. Video quomodo quidam  
 hic se iactaturi sint, quod Petrum & Paulum non nomina-  
 rit. Ad id minime necesse erat, ad illos nempe scripsit, qui-  
 bus cum Christianum nomen cognitissimum esset, nomina

tamen

tamen Apostolorum omnino fuissent incognita. Ceterum quid  
refert, in rei cuiuspiam notatione: nomine an finitione uti-  
mur? Ita enim describit Petrum & Paulum, ut nemini  
dubium esse possit, alios quosdam intelligi non debere. Eum  
paruisse dicit praecepto magistri, multaque perpeffos a Ju-  
deis insequentibus, postremo interemptos a Nerone. Enim  
vero a contentionibus abistamus, & longè manifestiorem  
ex eodem authore citemus locum: scribit enim tertio aduer-  
sus Marcionem, libro: Videamus quid Romani de proxi-  
mosonent, quibus Euangelium, & Petrus & Paulus, san-  
guine quoque suo signatum reliquerunt. Clemens uero Ale-  
xandrinus, qui eadem aetate, qua Tertullianus vixit, ille  
est in cuius nomine errauit noster hic nouae opinionis asser-  
tor: credidit namque, eum qui librum scripsit, cui nomen  
Clementis. Clementem Romanum Pontificem fuisse: Qua-  
re idcirco eius auctoritatem redarguit, quod non sit tutum  
illius libris credere, quod suppositum sint, quod falso Clemen-  
ti ascripti, quod denique ab haereticis, magna ex parte depraua-  
ti. Qui sit, ut falso distinguere voluit inter duos Marcos,  
sic uerè duos Clementes distinxisset, non utique in tam ma-  
nifestum incidisset errorem. Duo siquidem Clementes fue-  
runt, alter Romanus, & Petri discipulus, qui librum scri-  
psit Recognitionum, apud quem nihil eorum reperitur, quae  
Persuasor citat: nec eius nos opera ab Haereticis, potissimum  
quae Eunomianis in quibusdam, quae ad dogmata spectant  
corruptos negamus. Alter Alexandrinus, Praeceptor Ori-  
genis, qui cum alia plurima, tum cum quem iam diximus  
librum

librum cōposuit à Hieronymo, latine informationum appellatum. Quod opus, sicut nec alia eiusdem (extant enim etiā ad hanc diem complura) corruptum fuisse mihi persuadeo, nam cum id affirmare voluisset Rufinus in opere quod inscripsit, de adulteratione librorum Origenis, eo potissimum argumento, quòd nequaquam illi credibile videretur eruditum adeo catholicumque virum, vel sibi contraria sensisse, vel ea quæ de Deo credere impium est, scripta reliquisse. Hieronymus in hac fere uerba respondet. Si conceditur, ut quicquid in libris omnium reperitur ab alijs corruptū sit, nihil eorum erit, quorum fertur nominibus, & quomodo, inquires, in libris eorum vitiosa nonnulla sunt? Si me causas vitiorum nescire respondero, non statim illos hereticos iudicabo: fieri enim potest, ut simpliciter errauerint, uel alio sensu senserint, vel certe antequam in Alexandria, qua si Demonium meridianum Arrius nasceretur, innocenter quædam, & minus caute locuti sunt: & quæ non possunt perversorum hominum calumniam declinare. Cum Hieronymo igitur, non modo Clementis Alexandrini scripta adulterina non esse opinor, sed eo magis illis fidem adhibendam puto, quod Alexandrinus patria, nec ita multum distans à Marci Euangelistæ temporibus, ea quæ scripsit, ab illis potuit accepisse, qui rebus gestis interfuissent. Ait vero: cū Petrus Romæ Euangelium diuulgaret, rogatum Marcū, ea quæ à præceptore dicebantur, excepta publicasse, quod cum intellexisset Petrus, tantum absuit, ut grauate tulerit, ut etiam mirum in modum sit delectatus. Accedat

nunc

nunc testis magno praeceptoris discipulus, longe maximus Origenes, qui in libro tertio explanationum in Genesim scribit, Petrus Pontum sortitus, & quas in epistola suas enumerat provincias Iudaeis tantum praedicans circumijt. postremo in urbe Roma commoratus est. Verum enimvero, quoniam in re manifesta longiores esse nolumus, difficile quae est omnes enumerare, qui hoc idem de Petro testantur, quatuor postremo, cursim citabimus, qui si non singuli, at certe omnes non minus apud doctos autoritatis habebunt, quam hic nosser, qui novam hanc opinionem tutari est conatus: non enim puto inferiores futuros tum eloquentia, tum sacrarum literarum cognitione, tum sanctitate & moribus, postremo etiam superiores propinquitate temporis, quippe qui (ut ita dicam) respersam adhuc terram, viderint sanguine Apostolorum. Horum primus Iustinus martyr, cognomento Philosophus, in Apologetico ad Antoninum: scripsit enim, & alterum ad gentes: in priore igitur omnia illa, quae de Simone Samarita à ceteris dicta sunt, longissime prosecutus est. Alter Egesippus vicinus, ut Hieronymus ait, temporum Apostolorum, in tertio libro eius operis, quod Ambrosius Mediolanensis Pontifex latinum fecit, aduentum Petri ad urbem sub Nerone disputationem, cum Simone Samarita, mortem denique tam luculenter quam vere descripsit. Accedit tertius Hiraneus, Lugdunensis Pontifex, Polycarpi smirnaei Episcopi discipulus, qui fuit Apostoli Johannis auditor: hic enim diuinarum scripturarum indicem texens, sic scribit. Matthaeus hebraeis propria  
eorum

eorum lingua conscriptum edidit Euangelium, cum Paulus & Petrus, in urbe Roma, annuntiarent, ibiq; ecclesie fundamenta solidarent. Idem Hyginum ait nonum ab Apostolo Episcopum Romanae urbis fuisse, in tertio aduersus hereses libro. Postremus accedat Papias Hieropolitanus Pontifex, Papias inquam, Ioannis Euangelistae auditor, qui ut Eusebius, Hieronymusq; testantur, Petrum dixit priorē epistolam Romae scripsisse, in qua tropicē Romam Babiloniā nominauit. Ij sunt nempe auctores, quorum fidei hac veritas innititur, hos omnes redarguat necesse est, qui diū inoli tam opinionem voluerit infirmare. Istis obijcienda est sacrarum literarum ignorantia, acta Apostolorum, & Pauli Epistolas, non satis diligenter euoluisse dicēdi sunt. Quorum pleriq; vel in Paulum ediderunt commentarios, vel proprijs commentationibus Reip. Christianae mirum in modum profuerunt, dicendi erunt temporum rationem non habuisse, qui ut nos, quae quidque etate gestum est, sciamus labore & diligentia sua, perfecerunt. Ad summam penē ea quae viderunt, dicendi sunt ignorasse. Enimuerō si hoc temerarium, si omnino alienum à Christiana moderatione, si denique impium tot sacris authoribus fidem abrogare diuinis libris; ut satis patuit non aduersantibus; eorum opinioni omnino est accedendum. Nec committendum est, ut uel odio in Romanum Pontificem, vel in mores Deo dicatōrum hominum, si fortasse à prisca seueritate discesserunt, mēdaciū alicuius patrociniū assumamus, studiū magis omne, & cura ad id cōuertenda sunt, ut vel nostris moribus



bus castigatis, cæteris exemplum vitæ esse possimus. Cum plerosque sciamus aliquando labentibus, & pene iam euer-  
sis Christianorum rebus, morum magis integritate, quàm  
aduersus peccantes cõtumelijs, & opprobrijs tulisse opem.  
Adhibenda est quidem seueritas orationis, paulo etiam inci-  
tiores adhortationes habenda, castigatio denique vehe-  
mentior, grauitate coniuncta, & hæc omnia si ita prius nos  
instituerimus, ut cum ardua, cum difficilia, cum deniq;  
Christiana religioni consentanea nos ostenderimus deside-  
rare, nobis ipsis pareamus, decretis quæ nostris, ne cum vi-  
ta pugnet oratio. Quod ij mihi facere videntur, qui non  
piâ eruditione, sed conuicijs & maledictis libros referciunt.  
Si enim index vitæ & morum quæ est oratio, satis patet eos, qui  
mente effrenata animoque præcipiti ad maledicendum fe-  
runtur, interius æstu tumultuque pessimorum affectuum  
laborare. Enimuerò, quoniam diximus, nihil nobis illis per-  
suasionibus persuasum esse, rationem quoque quare id di-  
xerimus, afferre necesse est.

### Diffusio Prima.

**P**rima igitur persuasio, diuersitati, quæ inter authores  
est inniti, videtur. Nos verò, nihil inter illos diuer-  
sum esse iam diximus. Quod si maxime esset, non tamen il-  
lico esset consequens, falsum esse, quod asserunt. Quot nam-  
que historias legimus, quas qui scripsere, non omnino in tẽ-  
poribus consentiunt, cum de rebus ipsis, nulla sit ambigui-  
tas: & ut omittamus extera, non nè idem in sacris histo-

rijs contigit, in quibus, quoniam neque Moyses, neque Jesus Naue, neque Samuel, neque Esdras, nec ceteri, qui scripserunt, aut olympiadibus, aut annis, aut alia similiratione, ut graeci latiniq[ue] scriptores annotarunt tempora. Varia deinceps de rerum gestarum temporibus, auctores prodiderunt: Moysen scribit Tertullianus, annis trecentis ante Troia excidium fuisse, non gētis Lactātius, aliter alij: in quā multis discrepat, ab Africano Eusebius, ab utroque Orosius. Cum igitur tam varia sint, tamq[ue] in multis diuersa sententia, illud quidem fieri non potest, ut plus una vera sit, nec tamen contra necesse est, ut falsa sint omnes, quoniam non de re gesta, sed de tempore tantum dubitari contingit. Id vero quod nos quarimus, de prima Petri profectio[n]e, ad urbem Romam, nihil habet controuersiae. Hieronymus namq[ue] anno Claudij secundo, Orosius per initia imperij eius euenisse scribunt, quibus in verbis, quid contrarium sit, non video. Nam de fasce illo temporum a Persuasore citato, & si is ego sum, qui non libenter de scriptore aliquo grauius iudicare velim, cum omnes, quoad ipsorum fieri potest, pro communi omnium utilitate laborent, illud tamen nunc cogor dicere in fasce illo, non ordinis, non temporum, non denique veritatis ullam rationem haberi, & si singula exequi vellemus, in quibus peccasse conuincitur, doctis, ut opinor, superuacuum videri posset, apud quos iam eiusmodi de illo pra[iu]dicium factum est, ut quosdam audierim, qui fascem mendaciorum non temporum appellerent. Picus certē in defensione Origenis, festiue simul, &

grauiter

graviter opus illud exagitat. Nam de libro, qui sanctorum  
 vitas continet, à Persuasore citato, superfluum est omnino  
 loqui; præter enim eadem cum fasce, illo peccata scimus (au-  
 thore Hieronymo) quod ad Apostolos attinet, nihil esse sin-  
 cerum. Eiusmodi igitur authores, si quis in delitiis habere  
 voluerit, per me habeat, licet nos certè amulos non habe-  
 bit. Ceteri verò, qui posterius scripsere, et quos Persuasor  
 hic citat, à Hieronymo, Eusebio, Orosioq; non dissentiunt,  
 ubi mirus sit authorum consensus, ubi hic noster potissi-  
 mum super eorum dissensione innitebatur. Nam, quod ait  
 Si Petrus Romanorum fuit Pont. dicant, quis in locum  
 ipsius sit successus, Nihil est, quod facilius explicare pos-  
 sim. Clementem enim dicam, & eo potissimum authore, qui  
 proximus fuit temporibus Apostolorum. Tertullianus in-  
 quam in libro de præscriptionibus hæreticorum, qui cum  
 aliquot apostolicos viros enumerasset (sic enim ipse disci-  
 pulos Apostolorum nominat) qui præceptoribus in pontifi-  
 catu successissent, ordinatum scribit à beato Petro, Clemen-  
 tem Romanum Episcopum. Chrysostomus quoq; in eo loco  
 epistola ad Timotheum quem citauimus: ait, inquit, secū-  
 dum à Petro Linū fuisse Romanum Pontificem, scies scē-  
 licet priorem illo fuisse Clementem. Hieronymus porro nihil  
 affirmat, plerosq; tamen latinorum, ait Tertulliano accessis-  
 se. Enimverò ipsemet Clemens in epistola ad Jacobum epi-  
 scopum Hierosolymitanum, si illā recipere velimus, illud  
 ipsum, quod Tertullianus scribit, demumque totidem fere  
 verbis repetitum est à Simeone, quem Græci Paraphrastem

*uocāt. Addā præterea Eutheriū prius in lerina Insula monachum, deinceps Episcopū Lugdunensē, qui eadē etate, qua Augustinus vixit, non minus celebrem eloquentiā, quā sanctitatē, qui in epistola ad Valerianum ait. Clemēs. vetusta prosapia senatorum, atque etiam ex stirpe Cæsarum, omni scientia refertus, omniumque liberalium artium peritissimus, ad hanc iustorum viam transit, itaque in ea excellenter effloruit, ut principi quoq; Apostolorum successor extiterit. Nec in hac parte Greci à latinis discrepant; etiam si qui dixerunt in exercendo Pontificatu, Linum, Clementemq; præcessisse. Si quidem omnes consentiunt, viuente adhuc Petro, qui serē toto tempore sui Pontificatus absens fuit, illos Romana ecclesia curam gessisse: mortuo deinde Petro, Clementem qui à illo designatus fuerat, successisse. Hoc Rufinus in prohemio, interpretationum ipsiusmet Clementis recognitionum, compluresq; alij affirmāvere. Quod si daremus nescire nos, quis Petro successerit, num idcirco statim sequeretur Petrum Roma non fuisse? Quaro quis locus hic argumentandi sit, qualis sit hæc obiectio? quam si concesserimus, nihil tamen inferior causa nostra futura sit. Quod rursus dicemus de illa nominum Pontificaliū congerie, de quorum temporibus dubitat Persuasor noster.*

### Diffusio Secunda.

*Quod verò ad secundam persuasionem attinet, Et si satisfacere poterant, qua diximus, rursus tamen quadam repetere non grauabimur. Itā a nobis digesta sunt*  
*Petri*

Petri tempora, ut septem annis dixerimus in Judaea stetitisse, deinceps profectum Antiochiam, sumptaque sacerdotij sede, eas circuisse regiones, quas & ipse, & Hieronymus enumerant: Undecimo demum anno Hierosolymam profectum, & inde à fuga carceris Romam peruenisse anno secundo Claudij, quo fit, ut annis circiter quinque moram traxerit Antiochia. Quod uero Platina ait de septennio, si bimet dilucide contrarius est, idem enim secundo Claudij anno, Romam profectum scribit. Nec quisquam grauis author, quem hactenus legerim, septennium illud approbat. Hieronymus certè, & Eusebius, non de finito tempore, quo ibi moram traxerit Antiochia, Romam profectum scribunt. Mirifica deinde sequitur Persuasoris huius argumentatio, quoniam inquit, anno duodeuagesimo à Christi morte, Hierosolymis erat Petrus, patet illum non antea Romam potuisse proficisci. At uerò istud non dicet Hieronymus, qui & secundo Claudij anno Romam profectum, & Hierosolymis, duodeuagesimo, à Christi morte fuisse scribit, ut nisi impudenter dicere uelimus: Hieronymum sibi met contrarium, necesse sit confiteri Roma Hierosolymas reuertisse, Quod nos tunc accidisse dicimus, cum ab urbe expulsi fuere Iudaei, liberrima autem sunt nobis tempora, de Petro iudicandi, ab octauo decimo anno à Christi morte, ad septimum & trigesimum. Nec enim ullam actus Apostolorum Petri mentio fit, post id tempus, in quo quaestio incidit de circuncisione. Quod uero legimus Petrum Romanum Pont. annis viginti quinque fuisse, miror quid in mentem uenerit

rit Persuasori opinari consequens esse illum eo interuallo non alio in loco quàm Roma, moram trahere potuisse. Quasi minus futurus fuerit Romanus Pont. si quod Paulo contigit, cura omnium Ecclesiarum sollicitaretur. At verò, assiduum non fuisse Roma, Hieronymus quoq; quod Paulo ante diximus testatur, ubi secundo Claudij anno, Romam profectum dicit; & cathedram annis viginti quinque tenuisse. rursus autem in Epistola ad Galatas, quæstionem illam de circumcisione, & congressum Petri & Pauli Hierosolymis, reijcit in annum duodevigesimum, à Christi morte, septimum scilicet, ab eo quo primum Romam peruenierat: nihil igitur obstat sacra litera, quin dicamus, & secundo Claudij anno Romam profectum, & postremò Neronis qui fuit ab illo quintus, & vigesimus actum in crucem fuisse.

### Diffuasio Tertia.

**Q**Uod de exturbatione Judæorum ab Urbe Roma scribunt Lucas & Tranquillus, nequaquam de Christianis intelligi debere manifestis, ut opinor, argumentis ostendimus, quandoquidem ut Tertullianus, ceteriq; testantur, primus Nero, Christianos pœnis affici iussit, & tunc deniq; per tempora illius calamitatis meminerunt Christianorum Tacitus, Dion, & Tranquillus: cū ante nulla apud ipsos gentis nostræ mentio sit, Petrus vero Priscilla & Aquila, & quot quot gente erant Judæi, Roma coacti sunt discedere. At si edicto Claudij viriq; comprehensi essent, poterat quidem Traquillus, vel certe Lucas, ut Judæos, sic



sic & Christianos nominare, Quod vero Persuasor ait de Aquila & Acyla, miror hominem non vidisse, quod opinor omnibus, & lippis notū et tonsoribus esse, ut Flacci utar verbis, nihil illa inter se differre, & alterum latinum, alterum græcum esse. Cum enim secundo nominis Aquila careant græci, elemento similem effectū, speciemq; esse scribit Fabius, eius quod secundū est in nomine Acyla: quare quod nos dicimus, Quintum, illi xotlor Varrone quoq; id attestante in initio libri quinti de lingua latina, Ut patet apud Iosephum de Cyrino, qui Quirinius, est apud latinos, licet apud Lucam Cyrenæus legatur, & apud Paulū in *Evangelio* qui est quartus.

#### Diffuasio Quarta.

**N**ec ita multum laborandum fuerat, in quarta, ut iste opinatur, persuasione. Jam enim concessimus Hieronymo teste, duodevigesimo, post Christi mortem anno, Petrum, Paulumq; simul Hierosolymis congressos: Illud vero mirum est, quod ait, Certum est totis illis septēdecim annis, Hierosolymis, & in Collimitaneis regionibus, Petrum sese cōtinuisse, nec nunquam Romam recessisse. Unde istud tibi ad eodē certum? opinor Petrus dum claudū curaret, claudus ipse euaserat, qui non potuerit tot annorum spacio Antiochia Romam, rursus que Roma Hierosolymas proficisci, Quinetiam obviagationem Pauli, quam iste anno vigesimo accidisse auguratur, in vigesimum secundum si illi comōdū sit reuēciemus: Polliciti enim sumus, multa nos de in-

re nostro concessuros; At si contentiosè agere animus esset, poteramus certe, ut Beda ante primum Petri aduentum ad urbem, omnia hac accidisse contendere. Poteramus etiam cum ijs, quos Eusebius recitat, alterum Cepham, alterum Petrum esse affirmare. Quid? quod Sophronius ille adeo laudatus a Hieronymo, Petrum, etiam dicit ad Hispanias accessisse, nonnè eodem itinere Romam profectum potuissimus asserere, quod se facturum, Paulus ad Romanos scribit? Attamen id omnino vitare est animus, quod tantopere in alijs ducimus reprehendendum, cum perspetta scilicet iamq; cognita veritate luctari. Accidit igitur hac Pauli redargutio, non modo post id tempus, quo Petrus Roma profectus est Hierosolymas, verum etiam post ipsius Pauli, cum Petro, Jacoboq; pacti conuentionem: cuius cum Lucas non meminerit; licentia, ut Hieronymus inquit, historiographi, mentio habetur in epistola ad Galatas. Hac igitur ratione, quod Persuasori tantopere iniquum videtur, nulla fiet Vespasiano iniuria, cautumq; erit, ne eo nomine à quopiam tanti criminis expostulemur.

### Diffuasio Quinta.

**S**equitur difficile illud, & ineluctabile argumentum. Quod ad Romanos scribēs Paulus, Petrum non salutarit, omnino parum Urbane, & ab officio discedens: si quidè tunc Petrus Romæ fuit. Quid vero, peccatumne Pauli confitebimur? qui nec ad Hebræos scribens, nominatim Jacobum salutauit? Sed dicent, neminè ibi salutari: fortasse etiam

etiam Pauli negabunt esse epistolam. Alio igitur confugiendum est. Nec enim illud dicere audebimus, aut immemorē Paulum, aut ab eo Petrum contemptum. Cum igitur Persuasor ipse confiteatur, post secundam ad Corinthios, priorēque ad Thessalonicenses, epistolam ad Romanos scriptam fuisse, cum iam tertio Corinthum venisset, ipse idem nodum soluit, qui ante implicuerat. Satis verò constat per Neronis tempora, aut certè postremis Claudij annis scriptam, in qua ait, Salutant vos Timotheus cooperarius meus, & Lucius, & Jason. Enimverò Timotheus iam elapsis viginti, & eo amplius annis à Christi morte, adhasit præceptori, dimisso enim conuentu Hierosolymitano, in quo de circumcisione actum est, Paulus profectus est Antiochiam, nec multo post accidisse par est, & Persuasor ipse cōcedit, quæ de Petri redargutione scripta sunt in epistola ad Galatas, ab ipsomet, in vigesimum annum à Christi morte reiecta, nam, ut Apostolorum acta narrant, orta inter Barnabam, & Paulum disceptatione, post eum quem diximus conuentum, & digressum ab Antiochia, peruenit Paulus Derben, & Lystras, ubi erat discipulus nomine Timotheus, cui cum testimonium redderent fratres, qui erant Lystris, & Iconij, voluit illum Paulus secum proficisci. At verò vigesimo Anno à Christi morte, qui undecimus fuit Claudij, satis ostensum est, Petrum Romæ, non fuisse, nec deinde ad annum usq; trigessimū septimū, qui fuit Neronis tertius decimus. Hic verò instabit Persuasor, cum scriberet Paulus ad Romanos, Priscillam, &

Vu                      Aquilam,

Aquilam ibi fuisse, qui simul cum Petro Roma discesserāt, sed liquet autore Origene, in eiusdem epistola commentarijs, iam iterum ipsos illuc reuertisse. Ait namq; Paulus, Salutate Priscillam & Aquilam, adiutores meos in Christo Jesu, qui pro anima mea ceruicē suā supposuerunt. Sed cū primū Roma cum Petro discedere sunt coacti, edicto Claudij, nondum pro Paulo ceruices supposuerāt, quos tū demū Corinthi natus est Paulus, cum Roma profugi in Achaia perueniunt, ut Apostolorū acta testantur: si igitur, ut manifestē ostendimus, nō antē decimū Claudij annum scripta est epistola; fortasse & illud consequens est, nec temporibus Claudij fuisse datam, cuius edicto Iudei Urbe Roma prohibiti fuere. Quare superest, ut dicamus. Romæ Petrum ea tempestate non fuisse, qua ex Cēchris portu Corinthiaco, epistolam per Pheben dedit Apostolus ad Romanos. Enimuerō quod Persuasor dicit de ordine epistolarum Pauli ex Athanasio, fateor me nūquam opus illud Athanasij legisse, sed nec Hieronymus, qui omnīū fere eius ætatis commentationes enumerat, nec in Athanasij Epicedio Nazianzenus, nec is, qui fere illius authoritate utitur Damasceus, eiusmodi commentariarum meminere. Video autem Persuasorem credidisse commentarios Theophylacti, qui passim conuersi habentur esse Athanasij, quod falsum esse ex authoribus, qui in eo opere citantur, cautus lector animaduertere poterat, cū quidam illorum posteriores Athanasio fuerint. Deuenerūt autem ad manus meas Theophylacti commentarij in totum nouum instrumentum  
grace

grace scripti: in quibus illi quoque sunt, qui latine sub nomine Athanasij circumferuntur ea precipue de causa, quod ita ab interprete sunt inscripti accedente etiam Theodori Gazæ autoritate. Quares autem errori causam dederit, satis constituere nondum potui.

### Diffuasio Sexta.

**N**ulla mihi cum Persuasore controuersia est de Archiepiscopis, & Patriarchis, siquidem, nemo quod sciam, tam ignarus antiquitatis fuit, qui Apostolorum temporibus hæc nomina dixerit in Ecclesia extitisse, cum superessent ipsi ad quos omnia referebantur. Nā quæ fertur Anacleti Epistola de eiusmodi ordinibus fictitium, nescio quid nobis subolere videtur. Sed & quandoq; eosdem fuisse episcopos, et presbyteros, Hieronymus in commentarijs epistolæ ad Titum dilucidius ad Euagrium, scribens nos admonuit ad tollendaq; dissidia, & regendam multitudinem sequenti tempore, toto orbe decretum fuisse, ut unus ceteris præficeret. Quod item opinor postea de ijs, quos nunc Archiepiscopos, & Patriarchas uocant, accidisse, ordinatos scilicet ad tollendas controuersias, quæ in unaquaque prouincia oriebantur. Hieronymus enim contra Luciferianos, & Bizantinæ, & Picenæ prouinciarum Episcopos nominat. Illud uero mihi commune est cum Persuasore, quod iam diximus Petrum eo tempore Romæ non fuisse, quo ad Romanos scripsit Apostolus, Quod uero Episcopum Romanum quempiam Narcissum nominat, vix mihi persuadere potest eadē credidisse

didisse, quæ scripsit. Diu enim credidi dum hæc legerem, Petro Urbis Romæ sacerdotio deiecto, & velut redacto in ordinem, vel Apostolum quempiam, vel aliquem ex ijs qui qui proxime ad Apostolos auctoritate accedebant suffectum iri: in urbe enim totius orbis longe princeps, & omnium penne gentium victrice & rerum domina, quo ex omnibus regionibus infinita illa hominum multitudo confluebat, ubi statim ab ipsa Christiani nominis prædicatione conuentus pro copia ciuitatis amplissimi sunt instituti, ubi denique futurum erat, ut primo aduersus impetum, gladios, cruces, ignesque Neronis non verbis iam, sed ceruicibus & sanguine decertarent, consentaneum est parem tanto oneri, & non solum moribus & sanctitate, sed loco etiam, & auctoritate inter ceteros præcipue ordinatum. At hic noster Narcissum quemdam expiscatus est, ut duplicem iam de Narcisso fabulam habeamus, Quem nec Ambrosius omnino affirmare audet presbyterum fuisse, sed tanquam vagum quendam, & ut ita dicam, erroneum describit. Mirum præterea cum adeo exacte omnes Romani Pontifices, à doctissimis, diligentissimisque viris enumerati sint, illi saltem fasciculo temporum, aut supplemento alicui ~~reor~~ Narcissum, nec inter tot somnia aliquando obseruatum. Quatuor certè insignes ecclesias videmus, dum adhuc fides adolesceret celebrari, & ea potissimum fuisse quæ in splendidioribus, amplioribusque ciuitatibus congregata erant. Rationi quoque consentaneum est, quo plures mortales confluebant, ibi ceteris honoratiores fuisse præfectos. Quare qui fuisse Pontifices eo ordine,



quo sibi singulatim successerunt, à maioribus nostris memoria sunt commendati. Quod non item de cæteris accidit, sic Hierosolymis, post Jacobum, Simeon iussus, Marcus, Cassianus, Publius, Alexandria, quæ ea tempestate ut Strabo, Iosephus, & Marcellinus testantur, post Romam principem locum in uniuerso orbe obtinebat, Marcus, Annianus, Abilius, Cerdos, Antiochia autem, ubi primum Christiani appellati sunt, post Apostolos Euodius, Ignatius, Eros: similis quoque cura fuit Romanos Pontifices recensere, & eò diligentius, quò plus cæteris omnibus, urbs ipsa præstabat. Cum igitur numerent, Petrum, Clementem, Linum, & qui sequuntur, quis istius Narcissi unquam nomen audiuit? Rogo quæ noua hac fingendi licentia est, historiasque euertendi, ut quicquid nobis in mentem uenerit, etiã contra receptas sanctorum opiniones, ne quicquam dissidentes a sacris literis, illico uerum esse contendamus? Hac certe ratione, nemo erit, qui non sibi ex cubiculo historiã possit proferre, sed uideamus, Persuasor hic, quibus argumentis utitur, Christum inquit, prædicabat Narcissus, Audio non Romæ, si credis Ambrosio, Agè uero Romæ etiam prædicarit, quasi non cæteri idem facerent. Andronicus, quem insignem inter Apostolos, & ante se in Christo fuisse, Paulus scribit. Urbanus illius auditor, cæterique complures, quos longum est enumerare. Dicamus & quempiam illorum, uel certè, si ita libuerit, omnes simul Romanos Pontifices fuisse, dum Petrus exturbetur, turba non deerit eorum, qui Pontifices duci possint.

Diffusio

## Dissuasio Septima.

**Q**Uod adhuc maxima, cum animi tranquillitate à me factum est, ut maledictis & calumnijs temperarem, id usq; ad calcem diligentissime me observaturum esse confido, quando nullo odio Persuasoris, aut stomacho, sed ueritatis amore, ad scribendum accessi. Enimuero si unquam locus fuit, in quo conuicijs agendum esset, hic potissimum occurrebat, ubi adeò manifestè verbis Lucæ contradicit, ut omninò ipsorum alterum mendacij reum oporteat constituisse. Ait namq; Iudeos, qui Romæ Pauli orationem audiuerunt, aliquos quidem credidisse, aliquos verò renuisse credere. Hactenus rectè. Quod verò subdit, & nunquā antea audita auribus audientes, adinuicē tumultuabantur. Illud certè omninò apud Lucā nō legi. Quinimò, id quod magis contrarium videri possit. De hæresi autem hac, notum est nobis, inquiunt, quod ubiq; contradicitur: quomodo ergo nobis notum, si antea inaudita? Nonne illud præterea certum est, Paulum cum ad Romanos scriberet, quorū fidem annunciari dicit, in vniuerso mundo, plerosque esse omniscientia, ut ceteros admonere possent, id potissimum tentasse, ut Iudeos, gentilesq; (qui crediderant) inuicē conciliaret? Nempè illi Iudæi erant, qui audito Petro crediderant. Illa omnis Romana ecclesia fidem secundū Deū acceptam, referebat Petro: Et si enim authore Clemente, anno à Christi morte septimo, Barnabas Romæ Christum nunciauerat, constat tamen, ad paucissimos eius prædicationem

nem peruenisse. Nam quod ait Persuasor, si ita dixerimus, consequens esse, ut Petrus temere in alienas possessiones inuasit. Jam facilis obuius est responsio, quam obiectio ipsa leuis et inconsiderata. Si enim Persuasor recte meminisset, quo tempore dicant authores Petrum Romam profectum, rursusque quo tempore pactum inierit, ut Paulus inter gentes, ipse vero Judæis predicaret, illud ipsum posterius integro septennio inuenietur. Aliud enim undecimo, duodeuigesimo, aliud anno contigit à Christi morte. Nec si secus esset, statim mihi videretur pactum illud ita intelligi oportere, ut utriusque non licuerit, ubicunque commodum accidisset, annunciare: sed ut præcipua cura esset Pauli in gentibus, Petri autem inter Judæos. Alioquin circumscriptis sibi quibusdam veluti cancellis, Petrus ipse ceteris longe inferior inueniretur, quibus aliquo pacto interdictum non erat, ubi libuisset predicare. Nonne & ipsa Babilon & Arabia, ubi annunciaffe Petram dixit se credere Persuasor, gentium erat, non Judæorum? Quin & Paulus deinde in sinagogis, & Judæa, publice annunciauit. Notum est præterea, quod Petrus dixerit in actis. Vos scitis, quod ab antiquis diebus, Deus in vobis elegit per os meum, ut audirent gentes verbum Euangelij. Num pactum Apostoli inirent, quod diuinis decretis, esset contrarium, ut Petrus Judæis solum, non etiam alienigenis Christum annuntiarent?

Diffuasio octaua, nonam decimam & vndecimam continens.

**Q**uod quatuor deinceps capitibus persuadere nititur, paucis omninoq; iisdem verbis dissuaderi potest. Iam enim dedimus ab eo tempore quo sub Claudio expulsi fuere Iudaei, Romam, Petrum non reuertisse, usque ad postrema Neronis tempora. Quare nec quando Paulus à Iudæa deductus est Romæ fuit. Accidit enim aduentus Pauli, per initia Regni Neronis. Si quidem Lucae historiam usque ad quartum illius annum peruenisse dicit Hieronymus; nec tamen ita diu Romæ permansit, profectus ad occidentis partes: minimè igitur mirum, si in epistolis quas Romæ conscripsit, nulla prorsus de Petro mentio habeatur.

Duodecima, & tertiadecima Diffuasio.

**Q**uo tempore Paulus Romam ab Hispanijs, & alijs occidentis partibus reuersus fuerit, si modo illuc profectus est, scriptores non adeo constanter affirmant, ut tutum sit quippiam certum asserere. Coniecturis tamen assequimur, circiter postremum Neronis annum id accidisse. Prima autem Pauli defensio, eo tempore contigit, ut ipse semet Persuasor affirmat, quo primum ex Iudæa Romam deductus est. Cum autem dixerimus, ea tempestate abfuisse Petrum, superuacaneum est querere, cur Paulo, coram Nerone non affuerit.

Decima

## Decima quarta dissuasio.

**D**icat per me Romana colluviēs (sic enim appellat Persuasor) Petrum à secundo Claudij anno, usque ad postremū Neronis, assiduū Romæ fuisse: tantū enim abest, ut colluviem illam discutiā, ut etiā me nescire fatear, quos hoc nomine, admodum certè contumelioso Persuasor velit intelligi, Hieronymus certè, qui ut puto ex illa colluie nō fuit, idem non dicet, qui secundo Claudij anno Romā profectum, & octauo decimo, à Christi morte, quod sepe iā diximus, Hierosolymis fuisse scribit. At quanā inquiet aliquis, pastoris hæc erat diligentia, tot annis à grege abesse? illud scilicet nequaquam animaduertens, non sponte, sed Claudij edicto coactum discessisse. Nullum igitur illi periculum imminabat, nè absentis locum occuparet alius, quando & Linus, & Cletus, sacrorū procuratiōē habebant, & emulus aberat Narcissus, nec minus Romanorū erat Episcopus Hierosolymis, quàm Romę. Num quid enim non Athanasius eo tempore, Alexandrinorū Episcopus fuit, quo Arij factione, impietate Constantij coactus est in exilium proficisci? quorum sententijs, cū nolisset Liberius Romanus Pontifex subscribere, ipse quoq; (ut Ammianus ait) in insulas est deportatus. At de Athanasio scribit Nazianzenus, quod non exilium, sed peregrinatio illa fuerit, nèpè quod aliquandū exul pro fide, demū reuertens, totius Ægypti humeris sit reportatus. Numquid non item Eusebius Pontifex Vercellensis erta, cū eadē actus tēpestate, ab occidente in

orientem delatus est. Ille inquam Eusebius, ad cuius reditum Hieronymus scribit, vestes lugubres, latis uniuersam Italiam commutasse. Numquid non Hilarius Pictauium erat Pontifex; cum à propria sede exul, uniuersam Galliam discessu suo afflictā & consternatā reliquit? Quod si omnino, absentes Pontifices dicendi non sunt, videamus ne illi trecenti decem & octo à Constantino magno euocati tantisper Episcopi non fuerint, quoad Niceę pro Christiana republica constituenda sunt commorati: idcircoq; nihil eo nomine potuerint statuere. Porro, si Epistola ad Timotheum posterior, anno Neronis quarto decimo scripta fuit, quo tēpore nos diximus Petrum Romæ fuisse, nec illius nomine salutem dicit Paulus discipulo, mirū videtur Persuaseri, mihi verò nequaquā. Ut enim mirū fortasse confiteremur, si cū aliunde Romam scriberet, nō salutasset Petrū qui princeps in ea ecclesia erat, sic cū Roma aliò scribit, non necesse est omnium qui Romæ sunt nomine salutē ascribere. Prius namq; illud nisi faceret, alienum ab officio posset videri. At vero alieno nomine salutare itā demum cōsueuimus, cū ab ipsis, quorū nomine salus est ascribēda, id accepimus in mandatis. Nisi fortasse Paulum per precōnē annunciaſſe credimus, quotiescunque literas daturus erat, ut illis omniū nomina ascriberētur. Pudet, pudet profecto in puerilibus, leuib; q; nē dicā coactis, coniecturis refellendis operā ludere. Si enim sola antiquitate teste vti vellemus, maximū robur haberet, sacris etiā literis attestantibus. Quò enim propius aberat à Petri obitu, eò certius,



ti us, quæ vera erāt, scire poterat, quæ deinceps per manus tradita ad nos vsq; deuenere. Nunc vero, cū ad lōgissimi temporis persuasione sanctissimi quoq; & antiquissimi aucthores accedant, simile est huic opinioni contradicere, & quod de Gigantibus Poeta fingunt, pugnare cum Dīs.

### Decima quinta Dissuasio.

**Q**Uoad Epistolas Senecæ et Pauli attinet, credo utiq; dicenti Hieronymo, aliquando extitisse eas, quæ vere germanæq; putarentur: At quæ nunc circumferuntur, neutrius esse magnopere cōtenderim, si tamē ibi sit contendendū, ubi neminē alicuius vel ingenij, vel iudicij virū, secus atq; nos opinaturū esse confido, eaq; potissimū coniectura, quæ plurimū semper apud doctissimos quosque valuit, stili scilicet, & elocutionis. Si enim lectioni mi stum debet esse iudiciū, qui Senecam, qui Apostolū paulo diligentius legerit, istud ipsum, ut puto, statim nō verbitur affirmare. Quare non timebo id quod aliqui hac demum ætate in ijs quæ Hieronymi nomine inscribebantur, quod humaniorū literarū professores, in Dialogis Platonis in Rhetoricis ad Herenniiū, in problematis Alexandri, in Luciani Dialogis, in epistolis Phalaridis, quod olim Aristophanes in eo opere, quod Hesiodi dicebatur, quod denique ut ait Fabius identidē seueri illi ueteres fecerūt, ut libros qui falsò viderentur inscripti, familia summonerūt, et ego nunc facere, ut paucas, breuesq; epistolas ab eorū, quorū nomine scriptæ sunt, elocutione penitus diuersas, ipsorū ne-

quaquam esse pronunciem : praesertim cum adeo grauis haec causa sit, ut pene Paulo abstulerit epistolam ad Hebreos, quod stilus non Pauli, sed Clementis esse videretur. Nolum tamen Persuasore idcirco hac dicta esse opinari, quod aliter non potuerim, ictu illius declinare. Nam etsi illorum esse concedimus, quorum nomine inscribuntur, nihil ea propter fit nostra causa deterior : quandoquidem ex Tacito certum est Senecam duobus saltem annis ante Neronis mortem fato concessisse. Hieronymus quoque in libro de viris illustribus, Seneca, inquit, biennio antequam Petrus & Paulus coronaretur martyrio, a Nerone interfectus est : nos vero postremo denique Neronis anno, Romam Petrum aduenisse iam diximus, nec tamen si Roma fuisset, eo tempore quo scripta finguntur, proptinus necesse esset Petri mentionem fieri. Quod satis ostendimus, cum de epistola ad Timotheum loqueremur.

### Sexta decima Dissuasio.

**E**X recentioribus quendam, moribus atque doctrina, hac aetate celebrē, eius cādoris esse ex ijs quae scripsit, & quae grauissimi testes retulerunt nobis est perspectum, ut moribus suis ceteros fingens, non facile sibi persuadere possit aliquos fuisse, qui a se scripta, sub aliorum nomine publicarent, quod ut modeste ipse credit, utinam ita vere nobis persuaderi possit. Recte enim Nazianzenus inquit, cum qui male facere paratus non sit, non temere etiam id de alijs opinari. Minime igitur mirandum, si vir candoris ingenui, Petri & Pauli vitas ab eo scriptas credidit,

didit, cuius nomine erant inscriptæ: licet eiusmodi non sint, ut Petri successoris non authoritate tantum, sed doctrina etiam & sanctitate dignas etiã suspicemur. Quare nõ solũ id quod Persuasor sentimus, sed eo etiam nomine præclare de illius iudicio iudicamus. At si ut Lini & Dionysij suppositas vitas recte intellexit, sic eodẽ iudicio cauisset, ne argumento uteretur, quod cõtra se posset retorqueri, nequaquam tam longus fuisset in ijs enarrandis, quæ Josephus scripsit. Mirũ inquit, quod qui libetẽ Christianos nominat: Petrũ Romæ occisum nõ dixerit. Quare par est credere Hierosolymis trucidatũ eadẽ tẽpestate, qua Iacobus, et Annianus, quorũ in vigesimo antiquitatũ Josephus mentionẽ facit. At vero illud magis mirandũ, si Petrus Hierosolymis trucidatus est, ubi & Iacobus, cur illius, sicut et Jacobi obitum Josephus nõ describat. Nec id quidem aduertit Persuasor, cum tãta Christianorum egedes extiterit, ut et apud Romanos, authore Tacito, orta sit miseratio: eius tamen rei Josephum omnino nõ meminisse. Pereuntibus inquit, addita ludibria, ut ferarũ tergis contecti interierint, aut crucibus affixi, aut flãmis traditi, atque ubi defecisset dies, in usum nocturni luminis sunt aduerti. Sumpserat nepe Josephus Iudeorum res, non Romanorũ narrandas. Quod vero scribit Persuasor de filijs, uxore, & socru Petri, licet bene latine, & verbis sanè bonis sibi loqui videatur, nondũ plane intelligere potui, quid sibi velit: auguror tamẽ ea etate sibi Petrum confinxisse, ut ad Neronis postremum annum peruenire non potuerit. Nos vero si qua Sybilla nobis  
in explicanda

in explicanda sententia accesserit, tum demum, cum ea declarata fuerint: responsionem accommodabimus. Interim, cum nihil ea de re certum acceperimus, Persuasori lapidem hunc relinquimus commouendum.

### Decima septima & decima octaua dissuasio

**B**ene habet, tandem aperuit Persuasor eam quam de Petri morte haberet opinionem, nec eam ipsam Phrygis, aut Mysi alicuius testimonio submissam, sed Hieronymi, inquit, literarum syderis. Illius inquā Hieronymi, qui nō semel tantū, sed iterum, & sapius Roma Petrū fuisse, & à Nerone trucidatū scripsit: Illius inquā, qui cum nuper ipsius Persuasoris sententia mendax esset, & sibi contrarius, in celeste sydus repente est inmutatus. Nepe quod tūc adhibitis fidiculis, & eculco, visus est Persuasori aliquid cōfiteri, ijs qui sapius ante dixerat cōtrariū, & repugnans, sed Hieronymi verba audiamus: Paulus occisus, crucifixus Petrus. Ubi nā rogo Hieronyme? nū Hierosolymis? minime id quidē, essem enim hac ratione mihi metipsi cōtrarius, sed Roma sub Nerone, postquā de ciuitate in ciuitatē, & de Iudaea à Iudaeis expulsi ad gentium populum trāsmigrarūt: sed hac fortasse ita intelligi debere negat Persuasor. Accedat rursus ipse Hieronymus declarator verbo rū suorū, qui in epistola ad Galatas, in libro de Viris Illustribus, et plerisque in alijs locis, nō per uerborū inuolucra, & quae interprete indigeant, sed manifeste Roma dicit iugulatum Paulum, crucifixum Petrū. Sed nimirū nihil est,

contra

contra semetipsum tam munitum tanquē armatum quā  
mendaciū, quam veridissimulatio. Extorsit nepe ueritas  
ipsa ab imprudente Persuasore, ut quē prius, si nō uerbis,  
re certe ipsā tā male acceperat, nunc, ut uere est, literarum  
sydus appellaret, ut uerū illud quod nos asseruimus, eius  
testimonio innitatur, qui etiā aduersarij uerbis tā opere sit  
cōmēdatus, ut nemo deinde credere possit eum mentitum,  
cui etiā aduersarij tā magnificum titulum adhibere nō ve  
reantur. Illud insuper quod ex Chrysōstomo citat, etiā si ip  
se negaret, nos utiq; uerum esse contēderemus. Apostolos  
scilicet uentura prädixisse, trucidatosq; Hierosolymis, ut  
maiorē minorēq; Jacobum: quare in re non dubia testibus  
utitur minime necessarijs: Lyrani uero nobis nō uacat,  
nec plane si uacaret, liberet excutere uerba, quē iā sapius  
Persuasor ipse tā acerbē insectatus est, ut nobiscum ne, an  
cum ipso sit, magnopere non curemus: precipue cum idē ipse  
Lyranus sepius dicat Petrum Paulumq; Romę sub Nero  
ne occisos. Sed si nunquā id dixisset, aduersareturq; omni  
no opinioni nostrę, sexcenti superessent quos eidē opponerē,  
Vincentius, scilicet, Gallus, Iacobus Varagineus, Ioan. Be  
leth, & eius generis complures, ut quod uulgo in pro  
uerbio est, cum Bitho Bacchus.

Absoluta prorsus quęstione, cuius gratia laborē hunc su  
scipimus, liberum nobis erat finem facere, ni me mouissent  
quadā me a parte operis, quā Persuasor cauillos inscripsit,  
iā scilicet pręuidens, & prope modum diuinās quid a quo  
que contradicendum esset. Quod an illi commodē ceciderit  
aliorum

aliorum erit iudicium. Ibi de duobus Marcis in sacris literis mentionē haberi magnopere contendit. Quæ uidelicet multiplicatio, certissimum iam persugium facta est omnium difficultatum. Si nuper tres inuenimus Magdalenas, olim autem duos Cephas, duos Ioannes, nos quoque in latinum cōuersa Nazianzeni oratione elegantissima, ex unico Cypriano duos factos ostendimus, nunc vero si Marcus etiam Marcum peperit, ut Plauti verbis utar, omnes conduplicauimus. Enimuero mea quidem sententia unus Marcus extitit, gēte Judæus, discipulus apostolorum, primus Alexandria Pontifex, qui Roma auctore Clemente, in informationum libro, conscripsit Euāgelium: Aristarchus Veronufquam in diuinis libris cognomen est Marci, ut Persuasor ait, sed hominis proprium nomen, fuit siquidem ut apostolica acta testantur gente Macedo, patria Thessalonicen. qui simul cum Paulo à Judæa Romam ductus est captiuus, ubi Aristarchus tantum, non etiam Marcus appellatur. Quod vero in epistola ad Philemonem est Marcus, Aristarchus, Demas, Lucas: credo utique Persuasorem credere sicut Marci Aristarchum, sic etiam Demæ cognomen esse Lucam. At vero quicumque vel prima rudimenta grammatices græce attigerit, facile intelliget apud Paulum, Aristarchum cognomen non esse factū: namque esset per articulum, ut græcis consuetudo est, expressior significatio. Sed tantum abest, ut Marci cognomen sit Aristarchus, ut illud ipsum nomen Marcus, sit Ioannis cognomen, ut Lucas ait, ἐπικαλούμενον  
μάρκον



μάρκος dixisset igitur, μάρκος ὁ ἀπὸ ἀρχῆς vel certe μάρκος ὁ ἑρμῆς  
 καὶ τοῦ ἀπὸ ἀρχῆς postremo vulgatum ad verbum ἐν κλίῳ quo  
 ferè in similibus græci uti consuevere, Paulo nō excidisset,  
 sed in epistola ad Colossenses, & Aristarchum nomen esse  
 sui cōcaptiui (&) alium esse a Marco aperte his verbis de-  
 clarat: salutat vos Aristarcus cōcaptivus meus, & Mar-  
 cus consobrinus Barnabæ. Mirum præterea est, ubinam  
 apud Philonem Persuasor legerit Marcum Alexandria  
 Christi nomen annuñciasse: tantum enim abest, ut apud  
 illū, vel Christi, vel Martinomē inueniatur, ut fuerint  
 quæ ea quæ à Philone dicta sunt, affirmarint de Christianis  
 intelligi non debere, sed de Esseorum secta, de quibus simi-  
 lia Josephus scripsit in libro de antiquitatibus, atq; Philo  
 in libro de supplicibus: eius opinionis fuit Porphyrius. Nec  
 desuere qui de his intelligerent; de quibus tam multa in le-  
 gibus Moscor, (&) qui à Judæis Nazareï appellantur: sunt  
 (&) qui in Christum credentes suspicantur ibi intelligi, sed  
 eos qui legem Moscor in figuris observabant. Eusebius ta-  
 men Pamphili, & ceteri Christianorum qui de illis memi-  
 nerunt, id de Marco, (&) ea quæ sub ipso fuit ecclesia, & i-  
 profecto sunt, dicta intellexere. Porro congressum aliquā-  
 do Petro Philonem, ut non summo opere contendam, sic  
 non vehementer negaverim, quippe qui sciam eius rei  
 auctorem esse Hieronymum, & cum satis pateat congre-  
 di potuisse qui gentis suæ legatus diu Romæ moratus est.  
 non ab simile; & illud peccatum est, quod reprobatis om-  
 nino ijs, quæ sub Lini nomine scripta passim leguntur, de

Petro & Paulo, breuiter, & velut aliud agens Persuasor adiunxit, quod idem sentirem, & de Ægesippo, paucis que adiectis omnino, ut par est credere, latere volens, cursu pertransijt, quasi vespa dimissa aculeo. Credo etiam si palam ausus esset Ægesippi historiam reprobare voluit, ut simul interpretem illius Ambrosium & qui eius vitur testimonio Hieronymum, & Eusebium reprobareret, cum pluresque alios maximi nominis. Cum vero dubium non sit plerosque antiquiores Ægesippa eiusdem rei mentionem fecisse, consequens est uerum non esse, quod Persuasor ait, consistam fabulam post Ægesippum. Equidem opinor illo potissimum argumento, hominem motum esse, ut falsam narrationem illam crederet, quia scilicet diligentissimus hystoriarum investigator possem, ait, probare nullum sacellum, nec aliam basilicam ad aliquot annorum centurias: sic enim ait ipse Roma, & locis ei adiacentibus exedificatam fuisse, adderet saltem Christianorum, quasi vero sacelli alicuius, aut basilica, vel Ægesippus ipse vel confecta Lini historia mentionem faciat. Platina autem a te sua extitisse ait, ut hodieque extat in memoriam illius rei gesta, quando Christus Petro obuius fuit, edificatum sacellum, ut vero prorsus non dubito per Ægesippi tempora Roma Christianorum sacras ades nusquam fuisse, sic illud mihi sit. Verisimile, loca ubi Paulus, Petrusque, capitali supplicio fuere affecti, insigni publicoque aliquo memento fuisse signata, ut fere ea loca esse consueuerunt, in quibus de damnatis supplicium sumitur. Declarant hoc ne

pe verba illa Caij antiqui scriptoris, ut ait Eusebius, contra Cataphrygas disputantis. Ego inquit habeo trophea apostolorum, quæ ostendam: si enim procedas via Triumphali, quæ ad Vaticanum ducit, aut via Hostiensis, inuenies tropheâ defixa, quibus ex utraque parte statutis, Romana communitur ecclesia. Quod utique tunc dixit, cū nondum Roma Christianorum essent templa constituta. Superest tantum festiua fabula de ægyptia Babilone, adeoque à verisimilitudine longe distans, ut mihi verisimile fiat, Persuasorem cum nequaquam id quod scribebat, crederet, inde tantum quæsisse, ut testatum relinqueret, se non omnino Cosinographiæ fuisse expertem. Qua quidem in fabula, nihil necesse erat Volaterranos, aut Cælios tam anxie inquirere: nemo namque ut opinor, negaturus fuit, Babiloniam Ægyptiam extare, Cuius cum & Antoninus & Ptolomeus meminerint, originem etiam ex Diodoro scimus, conditam namque dicit à captiuis Babilonijs Sesostris Regi in Ægypto seruientibus, à quo cum defecissent, bellum quæ intulissent Ægyptijs, postremo edificanda ciuitati locum acceperunt, haud procul à Nylo, eamque à patriæ suæ nomine appellarunt Babyloniam: Iosephus vero, in secundo de antiquitatibus libro posterius conditam scribit in ruinis Lyci urbis, à Cambyse deuastatæ, eoque prima die contendisse hebræos cū ægyptum essent deserturi. Quæ in re ne fortasse aliquando similitudinem nominum decipi nos contingat, sciendum est, non de ea Lyco Iosephum locutum, quæ cis Nilū in ea parte Ægy

pti est, ubi asperissimi montes Thebaidem à Septentrione  
finiunt, & à qua Lycopolytes nomos, vel ut latine loqua-  
mur, praefectura appellata est, sed de Lyco altera, quæ trās  
nilum fuit arabiam versus, ubi postmodum Babiloniam  
condiderunt. Quod satis patet ex ratione itineris Iudeo-  
rum, qui ex Gosen discedentes ea autem auctore Hierony-  
mo Thebaidos pars est trans Nilum ad Orientem, & ex  
Rameffe quæ postea, eodem teste, Pagus Arsinoïtes fuit in  
littore rubri maris, versus Palestinam et peruenit, &  
ad septentrionē proficiscentes eā deueniunt, ubi Nilus  
primo scinditur in vertice eius partis Aegypti, quam Gre-  
ci deltā vocant, ubi postmodum condita fuit Babilonia,  
facile vera coniectura assequi possumus cuiusmodi fue-  
rint eius urbis primordia, cuius egea deuastataque ma-  
nus, aut certē seruilis, & eiecta, adhuc pressa tot exum-  
nis, & calamitatibus fundamenta iecerit, iam infelici-  
bus etiam auspicijs, ut per tria prope annorum millia, nul-  
la frequentia indigenarū, nullo aduenarum commercio ad  
iustam urbis magnitudinē potuerit excrefcere. Per Stra-  
bonis namque tempora non ciuitas, non oppidum erat, sed  
quod ipse ait, ἀποῤῥητος ἔρημος, arx videlicet munita quæ  
Romanorum praesidio tantum tenebatur unica ibi dispo-  
sita cohorte, quod esset Arabiæ, Aegyptoque contermina;  
siquidem Nilus, cui apposita est, ut plerique dicunt, Ara-  
biam Aegyptumque determinat, diu quoque in eadem  
rerum & hominum egestate perdurauit, donec per tempo-  
ra Christianæ calamitatis paulo ante exorta Mahometica  
impietate,

impietate, rursus in seruatorum recidit seruitutem; iactisq;  
tum demum fundamentis ibi maximi Imperij mira in-  
crementa accipiens ex ruinis præcipue proximarum ciui-  
tatum Melpheos, & Heliopoleos, in eam creuit ampli-  
tudinem, ut & murorum ambitu, & populorum fre-  
quentia ceteris omnibus longo intervallo Urbs ipsa præpo-  
nenda sit: nuper autem eversa serui tyrannide per Seli-  
num Turcharum Imperatorem, maximam quoque partem  
pristini splendoris amisit; Cairum autem nunc appellant,  
non quod ibi olim Carre fuerint, ut Platina, Blondus-  
que crediderunt, nec quod idem nomen illud sit cum nomi-  
ne Babiloniae, ut Persuasori video persuasum esse, sed  
quod inter statum ut periti eius lingua dicunt, bonum re-  
rectumque significat, cum contra Babiloni significet, con-  
fessionem: eninuero si Persuasori quoque dedissemus nun-  
quam Romæ fuisse Petrum, nulla tamen veri esset simili-  
tudo, cur crederemus ex Babilonia scripsisse, aut ibi diu-  
tius traxisse morâ. omitto quod licet Babilonica Ecclesie  
nomine salutem ascribat, non tamen continuo necessarium  
est Babilonia quoque scriptam Epistolam: Potesnanque  
& de absente Ecclesia illud intelligi, quod Pauli testimo-  
nio conuincemus. salutant vos inquit, ad Romanos, om-  
nes Ecclesie Christi, nunquid nam Paulus aut tunc erat,  
aut olim fuerat apud omnes Ecclesias? rursus in prioro ad  
Corinthios: salutant vos omnes Ecclesie Asiae, cum Phi-  
lippi scripta sit epistola; quæ Urbs fuit Macedonia, nunc  
autem eversa, in posteriore vero, salutant vos omnes san-  
cti.

eti, cum pauci fortasse admodum tunc essent cum Paulo: dixisset certe Petrus, si in Babilone Aegyptia tunc fuisset. Salutat vos qua mecum est Ecclesia, velut interim Paulus, qui mecum sunt sancti, nisi & qualis tunc esset Roma diuinorum humanorumque confusio eo potissimum vocabulo significare voluisset, tacito proprio Roma nomine, ne forte exceptis literis, incitarentur in Ecclesiam Romanorum animi. Quod & Paulus fecit, scribens se ex ore Leonis liberatum, nisi ridicule non Neronem, sed id animal, quod nomen significat, velimus intelligere. ommitto praeterea quod Papias Apostoli Joannis auditor, Romam dixit figurate pro Babilonia apud Petrum intelligi. At vero cum non multum a Strabonis aetate distent Petri tempora, credo equidem Persuasorem opinatum Petrum humanitate ductum in Aegyptum perrexisse, ut milites Romanos, qui illic in praesidio erant, ad Christum converteret, ex quibus illa demum conflata sic Ecclesia, cuius nomine salutem ascribit: cum enim undique solitudines essent, magno iudicio is qui tanquam operarius in segetem missus fuerat, non frequentia populorum celebrem aliquam regionem, sed artem hanc in desertis munitam sibi elegit, ut ductum quispiam dicat, desiderio visendarum Pyramidum. Cum vero sciamus ubi Paulus praedicarit, vicissim quoque scimus quibus persuaserit fidem, quod item de Jacobo, Thoma, Joanne, & alijs possumus dicere. At vero Petrus ipse, qui primus Christum dei filium confessus est, cui soli dictum legimus, ut oves agnosque pasce-



ret, qui se electum dicit, ut per os eius gentes agnoscerent  
veritatem: quero quidnam in hac solitudine tam longo  
temporis spacio fecerit? Antiochia certe prior illius pon-  
tificia sedes Euduum Egnatium, & ne plura prosequar ab  
illorum disciplina, Chrysostomum nominabit, Clementem  
Dionysium, Didimum, Athanasium, Petrum, Cy-  
rillum, Alexandria, vere autem Petri sedes Romana ci-  
uitas, instituyente Petro, non minus in Ecclesia primordijs  
sanctissimis doctissimisq; hominibus referta fuit, quam an-  
te Christum cognitum in disciplina militari Clarissimis Im-  
peratoribus: Quoniam vero in operis peroratione omnino  
mihi non admonendus solum, sed increpandus etiam  
Persuasor esse uidetur, pollicitusq; sum, me non seuerè, non  
acriter, non auslerè, cum ipso acturum esse, sed leniter, sed  
urbane, excitandus mihi esse uidetur à superis aliquis ex  
apostolorum familia, qui à Christo sibi concessa libertate  
utens, optimam causam paulo uehementiori oratione tuea-  
tur. Existat igitur potissime ipse Petrus, cuius negotium  
agitur, qui gravitate illa digna principe apostolorum, tanquã  
è sublimi aliquo suggestu totius orbis aduocata concione,  
non minore eloquentia, quam vi efficaciaq; orationis, se-  
metipsum causamque suam defendat, oblitusque paulisper  
incredibilis illius iucunditatis, quaiam tot seculis fruitur,  
dignam dolore maximo, dignam tanta contumelia, vocem  
emittat, sic igitur, ut opinor, aget, sic loquetur. Ita ne ego  
de universo hominum genere promeritus sum, non modo  
cum squallore, catenis, & carcere, quae quidem perpassa  
grauia.

graua & aspera videntur, sed cum immanissimis hosti-  
 bus, cum crudelissimo totius orbis tyranno, cum flammis,  
 gladijs, crucibus denique die, nocte q; decertans, ut nunc  
 deniq; à loco graduq; deiectum in horridas asperasq; soli-  
 tudines, velut capite damnatum relegaretis? Nonne sa-  
 tis magno impetu ancem totius orbis fulmen illud predica-  
 tionis nostrae concussit, ut qui inde secutus est fragor, om-  
 nibus notus esse videatur? Nonne praeclare testata, inscri-  
 ptaq; sanguine nostro victoria trophaea reliquimus, quae  
 fixa nunc etiam, immotaque persistere, nemo haecenus au-  
 sus fuerat denegare? ò, frustra suscepti mei labores, frustra q;  
 superata tormenta. ego cum genus humanum, quod afflictum  
 perditumq; iacebat, à Deo Opt. Max. excitandum susce-  
 pisset, ad eam potissimum partem primas cogitationes meas  
 conuertere, quae non modo plus ceteris teterrimo morbo labo-  
 rabat, sed quae in reliquis quoq; crudelissima pestis illius  
 venenum fundere posse videbatur. Ego cum portentum il-  
 lud ex Samaria profectum, velut Hydram Herculis sin-  
 gulari certamine aggressus, maximis viribus pstraxissem,  
 ego deniq; cum salutis vexillum in Urbe totius orbis lon-  
 ge princeps, atq; adeo in ipso Capitolio erexisset, mihi unquam  
 hoc visum sperarem venturum, ut quos sudore, quos sangui-  
 ne meo maxime conseruatos volueram, ab illis potissimum  
 ex ea sede, quam proprio mihi sanguine parasissem, tanto cum  
 scelere deturbarer. Parum profecto nobis erat, quod inopia  
 quadam excogitata doctrina, gentem Bohemorum olim ho-  
 stibus meis infestissimam, nunc in memetipsum tanto cum  
 impetu

impetu commouissetis, Quod ferocissimos Saxonia populos, Præcipuos nominis mei cultores, nefarijs quibusdam persuasionebus, à me alienassetis, Quod faces denique sicuti Aleto illa, per Vniuersam Germaniam atque adeo per totum orbem circumferentes amicissimos mihi populos in me quotidie inflammari niteremini? Nisi etiam, à Sanctissimis illis Romanæ Urbis penetralibus, ab aditu ipso templi mei, ab Urbe ipsa, quam expurgandam simul, & conseruandam, Christus mihi tradiderat, nunc demum me expellere, tanto cum populorum tumultu conaremini: & quonam rogo, me ex tanta hominum celebritate eietum relegabit is; an potissimum in Babyloniam & illam quidem non Arabiam tantum, sed totius impietatis arcem atque perfugium? Quidnam interroganti Christo responsurus sum, me per tot annos egisse, quot vos me loca illa inhabitasse contenditis? Quod nam adiumentum teneris adhuc Christianæ reipublicæ incunabulis prestitisse nullus certe ad hanc diem Babylonius, nullus Arabs auditus est, non modo pro Christo depugnasse, sed Christiani etiam nominis non inimicissimus: siccine uobis uerisimile sit, illius quam vos confingitis Babylonicæ ecclesiæ à me posita fuisse fundamenta, sic Arabiam me optimis, & institutis, & moribus constitutam, stabilitamque reliquisse; ut scax illa totius orbis pestis perniciēsque religionis Christianæ, ex illa potissimum regione exierit, quam ego regendam gubernandamque suscepissem? Et ex qua nihil unquam non

362 TRAC. ADVERSUS PERSVAS.  
*modo pietati Apostolicę consentaneum, sed nisi omnino  
tetrum, impium, sceleratum, detestandumque prodisse  
non dubitamus.*

F I N I S.

---

Registrum.

ab ABCDEFGHIKLMNOPQRSTVXYZ.  
Aa Bb Cc Dd Ee Ff Gg Hh Ii Kk Ll Mm Nn Oo  
Pp Qq Rr Ss Tt Vu Xx Yy Zz.

Omnia sunt folia integra, præter b, quod est dimidium.



VENETIIS, M D LXXIII.  
*Apud Franciscum Franciscum Senensem.*













